


清楚衡雲峰沙門智祥集

# 法華授手

【上冊】



佛陀教育基金會印贈

一切佛經，及闡揚佛法諸書，無不令人趨吉避凶，改過遷善。明三世之因果，識本具之佛性。出生死之苦海，生極樂之蓮邦。讀者必須生感恩心，作難遭想。淨手潔案，主敬存誠。如面佛天，如臨師保。則無邊利益，自可親得。若肆無忌憚，任意褻瀆。及固執管見，妄生毀謗，則罪過彌天，苦報無盡。奉勸世人，當遠罪求益，離苦得樂也。

——恭錄自《印光大師文鈔三編卷四：靈巖山寺念誦儀規題辭》





智祥法師

妙法蓮華經大意

妙法者第一義諦也。義既第一更無有義。誠不可  
以名名者矣。然不可以名名。而從上諸聖又不得  
不以此法曉示將來。只得借喻表法。故名之曰妙  
法蓮華。但此蓮華亦有不可思議者。蓋如來演大  
華嚴。最初放眉間光。加被普賢。卽入如來藏身三  
昧。說華藏莊嚴世界海。海中有大蓮華。名種種光  
明。蕊香幢華藏莊嚴世界。住在此蓮華中。且此華  
藏莊嚴世界中。復有無邊無量種種世界。謂此華  
藏莊嚴世界。可思議耶。不可思議耶。華藏莊嚴不

可思議。益知蓮華不可思議矣。蓮華不可思議。謂妙法尙可思議乎。妙法蓮華互喻互顯。是此名立。而名不礙法。法顯而法可立名。知此則經旨得矣。然如來必欲說此妙法蓮華經者。何也。我釋迦本師。扮裝頭面。示相人間。本欲爲一切有情。揭露此元。具本覺妙明之廣大蓮華藏。且酌且審。已經四十餘年。浸浸焉。欲引入不測之淵海。豈期五性三乘。莫能疾證。故先與說無量義經。又與人無量義定。衆中聞無量義。亦不識卽博而約。示本彰源。只得圖畫虛空。全聲全色。仰則法雨繽紛。俯則山河

擊吼。大放眉間毫相光明。直燭東方萬八千土。尼  
吒阿鼻。靡或有遺。其間圓現十法界相。染也淨也。  
喜也怒也。盡情吐露。吾世尊得得。將諸人蓮華藏  
內所有珍奇。一盤托出。急欲就此承當。無奈一堂  
冷淡。出手無人。只有阿逸多。亦佯佯莫辯。且怪且  
疑。徧度會中。孰爲可答。轉盼得文殊師利。意知曾  
見多佛。應識希有。我今當問。曼殊童子。故作思惟。  
擬古見。旣與今同。想法應宜無二。說決知今日如  
來定然。同日月燈之說。妙法華經教菩薩法無疑。  
故曰。我見燈明佛。本光瑞如此。以是知今佛。欲說

法華經致引如來出定歎德而妙法蓮華經由此說耳。經家以是立名。序品總顯一真法界之事相。爲如來出世一大事因緣之原委。三分中此爲序分。自方便品至學無學人記八品爲迹門正宗。然方便一品世尊本意不假言詮。但入定放光滿擬四十年淘汰。必有目擊道存者默契不言之表。豈知盲然猶面墻壁。是以出定歎諸佛德直下呼舍利弗而語之曰。諸佛智慧甚深無量。其智慧門難解難入。一切聲聞辟支佛所不能知。此下正如奇峯絕壁。大水懸流。湧帆而不可止。抑者其爲歎佛。

慧之深淵。而令人想像其境。當此之時。一切聲聞。始作念生疑云。今者世尊。何故殷勤稱歎諸佛方便。舍利弗。職當領袖。慧亦超羣。只見前廊後架。疑論紛紛。故爾赤身當刃。氣節俱嚴。威德人前。趨蹌萬狀。盡力窮聲。只道得個我。自昔來未聞是法。今者四衆咸皆有疑。惟願世尊。敷演斯事。如來於斯方說。且止。止復方言。正是屠龍妙技。撥翳金針。起死回生。開彰妙論。使會衆肯綮。以明佛慧也。纔許說間。有五千人。避坐而去。佛因以警不逮。而更添精進。我如來教子之心。可謂篤切深厚。難喻難名。

向下與談出世大事所有因緣原爲與一切衆生  
開示悟入佛之知見告舍利弗十方諸佛但以一  
佛乘故爲衆生說法無有餘乘若二若三其所以  
二三其說者皆不得已方便言也若我弟子不聞  
不知此經謂諸佛如來但教化菩薩而自甘下劣  
此非佛弟子非阿羅漢非辟支佛所謂我本立誓  
願欲令一切衆如我等無異若我以小乘乃至化  
一人我則墮慳貪此事爲不可又云一切諸如來  
以無量方便度脫諸衆生入佛無漏智若有聞法  
者無一不成佛又云千二百羅漢悉亦當作佛此

皆如來吐心吐膽明露心光教人諦信佛無二說而諸聲聞雖未卽到口不言而心默領矣如來知諸弟子中有所信解連忙道汝等旣已知無復諸疑惑心生大歡喜自知當作佛故舍利弗見搖鞭影蹄驟如風踏倒蹊橋翻身立地始知白毫光裏一切希有皆不疑如來獨得受用而妙蓮華藏始有少分契入齊此古判爲開佛知見亦是如來爲上根人作法說一周之葛藤披露盡矣旣有說有示而如來亦因之以引入佛慧頓令從方便門見眞實相乃爲開權顯實之所由也故爲方便品舍

利弗慧既倍人聞亦非淺卽以強心鐵骨就此擔  
當便能悔過自責悲喜交生乃云我從昔來終日  
竟夜每自尅責而今從佛聞所未聞未曾有法斷  
諸疑悔身意泰然快得安隱今日乃知從佛口生  
從法化生得佛法分觀此語意舍利弗如魔得醒  
慶快通身實無纖毫疑不盡者所以曰泰然曰安  
隱者真到不疑之地故敢肆言得佛法分卽此可  
以語大矣由是如來於人天衆前始得放心放膽  
克口爲言我於二萬億佛所常教化汝汝亦長夜  
隨我受學既常教常隨則身子與佛何嘗須臾離

也既須臾不離四十年間蒙蒙董董又非了無原  
故良以大教開彰必有其時時至自信信則決而  
其說乃定故曰今爲汝等說最實事乃所以授記  
身子自今而後以至將來成佛之依正莊嚴及轉  
次受記之有堅滿菩薩矣然次身子已下一切聲  
聞久滯權乘未獲疾證見舍利弗親得授記卽已  
興起大心各各脫身所着上衣以供養佛正以表  
脫難脫之先心面得舍利弗乘機更請謂我今無  
復疑悔親於佛前得授上記第今千二百人未竟  
聖乘不免重添疑網夫何以得脫卸羣疑而成妙

悟於是如來又只得移腔易調更唱巴歌爲之以  
喻而敷陳前事說三界無安顯然如大火宅諸子  
於中嬉戲快樂不信我言不知是火只顧東西走  
戲了無怖畏之心長者見火從四面起而急切愴  
惶之相有不勝狀者父雖千般設救子仍頑怠無  
知淚浸長襟幾欲成流矣偶得計設爲三車似可  
適先心所好告諭諸人說衆患難汝等諸子宜速  
出來吾爲汝等造作三車今在門外可以遊戲汝  
今不取必致憂悔意謂計投所好卽超萬死俱生  
火宅旣離憂懷稍憩豈知疲頑固結鈍滯難消雖

得坐於四衢猶醉戀於草舍方將離火復溯深淵  
痛哉婆心夫焉可釋乃諸子恐父有示無酬致索  
車之念生矣然要知索車之故見諸子大悟方成  
向者迷居火宅謂門外之三車定實今日得坐通  
衢識父心之方便假設知本無而故索乃父子之  
機投故曰願賜我等三種寶車如前所許長者由  
斯所索得遂私懷故以等子等車殊錫無二其所  
賜車以衆寶而莊校復安置其丹枕駕以白牛侍  
以臣妾而愛念之衷可謂至矣設置之方可謂得  
矣豈謂父心不善而偏致樂於誰哉又豈謂許故

均而與不平乎喻陳旣已次得明諭聲聞今此三界皆是我有其中衆生悉是吾子愛無偏黨不令人獨得滅度汝等若能信受是語一切皆當得成佛道是乘第一清淨微妙乘此寶乘直至道場此正如來舉棹揚波回舟就岸之機也復云我此法印爲欲利益世間故說在所遊方勿妄宣傳就此舉功出過明持者之福不可較而毀者之罪又不可言也如來若雷震長空諸人似枯槁遇雨足見父意誠而子心得知無不盡總皆由喻而得故名曰譬喻品自此諸大弟子因一喻而感慈恩始

見捉兔捉象致力咸均。旣識佛恩難報，始愧自鈍。無爲敢於佛前控呈信解，巧喻貧如窮子，甘除糞於朱門。其間委婉指摘，又不啻如來狀火宅之明且盡也。說長者婆心逼極，無狀中狀，其真說窮子癡頑固結，無見中見，其切益識靈山一會敲唱潛行，其屈折淒清悲歡交至。將如來出世真情菩薩輔化真境，扮作一場千殊萬態，搬盡從前四十年所說所證了無陳迹。及至最後，乃云大富長者則是如來我等皆似佛子，由我等昔樂小法，如來便見縱捨。若有樂大之心，佛則爲我說大乘法。今於

此經唯說一乘并皆作佛是故我等說本無心有  
所希求今法王大寶自然而至我等今者眞阿羅  
漢普於人天應受供養如是者皆因喻說了得佛  
心冥益之恩豈勝道哉擬欲報此心此德縱以手  
足供給頭頂禮敬於無量劫則不可報或以兩肩  
荷負過恒沙劫亦不可報又或以無量寶衣種種  
湯藥乃至牛頭栴檀以起塔廟皆不能報假使殞  
命灰形又豈能報深恩於萬一耶觀迦葉等圖報  
恩處詞意淒楚始知解必深而信倍切悟識如來  
二三其說原爲入此一乘使之因權契實故稱爲

信解品世尊今日知一切聲聞已信已解復恐信  
解不深又說藥草喻使知一雨所潤三草二木各  
得增長又爲二乘足其深信乃云迦葉善說如來  
真實功德誠如所言如來復有無量無邊阿僧祇  
功德汝等若於無量億劫說不能盡如來出世如  
大雲起以大音聲普告一切使未度者度未安者  
安未涅槃者令得涅槃皆使到於一切智地又云  
汝等所行是菩薩道漸漸修學悉當成佛以此知  
如來本唯一乘無二無三其所以差等者機別故  
也會衆聞此執見頓除始入平等法慧故繼此而

有授記品。然授記雖列四名。其實意欲卽授五百人。記由遠因未發。恐卒難信。故先告云。我諸弟子。威德具足。其數五百。皆當授記。於未來世。咸得成佛。所以經家單以授記爲斯品目也。齊此爲喻說。一周授中根人。記次爲下根說。因緣周者。卽此授記之餘。便云。我及汝等。宿世因緣。吾今當說。汝等善聽。此下說化城喻品。然如來必欲與說因緣者。何也。舍利弗由法說開解之後。便有慕大之心。乃曰。我等今日。真是佛子。此卽的信無疑。如來必應與之作授記也。宜矣。四大弟子。出陳信解。謂我等

今者真阿羅漢始知從前羅漢之名皆不足實斯可謂心相體信此與授記亦宜其然也若彼無慕大之心而強以寶位禪之譬乎奏九韶樂宴靈鵲於廟堂之上匪徒食不安啄而復眩欲至死此所以必欲爲下根述說因緣也正與說因緣時舉其佛則曰大通智語其時則曰塵點劫然塵劫之與智佛而相始終者因緣也於中叙智佛始終無不罄其細畧明王子修行無不盡其精誠至於彼佛受請必先三轉法輪沙彌覆講亦度恒河沙衆聆其語似跬步可求付其事實意度難知譬如幽人

午夜寂聽秋聲。愈聞而愈杳，愈遠而愈真，似實似虛，如縷如弱，隱然一段不可摸擬之情，於心眼間唯幽人可想也。此下又如已斷鐘聲，重新繼起，乃曰：彼十六沙彌，今皆作佛。第十六卽我釋迦牟尼，於娑婆國而得成佛。諸比丘，我爲沙彌時所化無量百千萬億恒河沙等衆生者，卽汝等諸比丘及我滅後未來世衆，聲聞弟子是也。從前所說如千波競湧，皆叙塵劫前事。到此則一句截斷，大似青布幔裏，忽然從正本外提出一局，使人竟覓他起處，不得便繼以喻作化城也。如云譬如五百由旬

險難惡道多諸人衆欲過此道至珍寶所時有導師引之已臻三百由旬而生心欲退導師見愍假智力以說化城使之將息保養可以得寶還家而諸行人皆於化處便生安隱之想竟不念初心爲何事而始志爲何求也導師知彼疲勞已歇尙留戀乎不實之家頓滅化城明彰寶所而諭之曰寶處在近此城非實是我化作爲止息耳行人始知戀者非真前途未竟又復各銳先心祈歸寶所後始結云諸佛之導師爲息說涅槃旣知是息已引以入佛慧故富樓那等一切聲聞始從坐起頭面

禮足卻住一面但瞻仰如來目不暫捨而已當爾之時如來與之授記如投渴者之漿豈肺腑而不清涼則授受之源萬無一失富樓那由此作念知世尊奇特希有隨順世間若干種性拔出衆生處處貪著我等於佛功德言不能宣唯佛世尊能知我等深心本願如來因彼注念得以明告大會云。汝等見是富樓那不我常稱爲說法人中最當第一故授滿慈記後兼得以授諸聲聞記語云皆當授記同曰普明故有五百弟子授記品也然阿難羅睺又是如來親因而返得記於諸人後者一以

統乎有學亦以識無親疏示出世慈恩等同無二  
豈復有疎其疏而親其親哉因是而授學無學人  
記之品名有矣法師一品如來授廣記於此世他  
生故因藥王而告八萬大士使知其可當成佛之  
人卽此與彼也乃云汝見是大衆中無量四衆八  
部求佛道者今聞此經一句一偈乃至一念隨喜  
者我皆與授記而得成佛至於我滅度後若有於  
此經聞一句一偈一念隨喜者我亦與授阿耨菩  
提無上道記此爲世尊普心普願以了因中誓度  
無邊之志又要在會諸人親遊入妙蓮華藏而歎

美受持讀誦書寫者與信者毀者之功過殊常而無比也。故說如鑿井之施功久而得水易無非要人知持說此經必成佛不遠欲使知蓮華藏海不離當處也。已上九品古判爲開佛知見則如來出世本心稍罄而憂懷稍釋此爲迹門流通然且又不止此也。向下尙有四品並爲迹門流通見如來於此經勸諭之切。前旣爲人開暢明歷使信知各具是華以爲成佛根本尙是言顯而相未彰故又以高五百由旬之寶塔從地湧出有多寶如來全身處此使一切人見聞不惑而大樂說爲之當機。

欲開此塿如來示以彼佛有深重願必待我分身  
諸佛並集其會而後乃出於是世尊放光召集三  
變娑婆其境界又不可得而思之者矣當此之際  
不唯見古佛與今佛同居寶塿而亦見無量分身  
如來形殊影列彩散星馳儼如萬頃晴空衆星朗  
朗於蟾蜍之窟光如是遠境如是闊佛如是多華  
如是廣大似妙墨圖成一幅華藏莊嚴於諸人眉  
曉間豈非明顯藥香幢華展轉而無盡耶真境旣  
露真智當生如來以神通力接諸大衆共處虛空  
以大音聲普告四衆誰能於此廣說是經今正是

時。如來不久當入涅槃。吾欲以此妙法華經付囑。有在前。由諸乘小發廣大心故。卽與授記。今以此經付囑者。乃冀其行廣大行也。復云。聖主世尊。雖久滅度。在寶塔中。尙爲法來。諸人云。何不勤爲法。此是激勵聲聞。而行大法。然以寶塔名品者。重在聞見親切。古判此爲示佛知見。意極明甚。愚亦以爲顯示一眞妙境。爲如來唱募流通之文。世尊如是苦口叮囑。竟未有一人出衆承當。又與說本昔爲提婆達多時。勤求妙法。不惜身命。今日所以爲無上上普濟衆生。緣其因中有廣大心。行精進行。捨

頭目髓腦。而無厭惜也。汝等一得授記。復謂成佛。乃本有事。何必勞苦作此修持。豈不思理雖頓悟。事假漸除。苟不就修。縱得成佛。亦只一素法身。欲蘄乎萬德莊嚴。力無畏等具足成就。不亦難乎。噫。如來爲教。諸聲聞極難言也。語其易則懈於進修。語其難則廢彼大志。故方舉修持之難。而策勵未終。疾舉一龍女。始八歲。而頃刻成佛。可謂彈指而頓超無學。則是見其極易。而不難。欲使二乘融通見地。知此法在於不易不難之間。但不可有心得。而亦不可無心求也。雖然此更有所謂焉。如來如

塵市中之爲買者。出百怪千奇。以顯示於人。無非欲得以自滿。而益於彼。非徒耀人眼也。彼龍嗔而且毒。女陰而最柔。可謂難化之極。難化者。尙一聞此經。而凡情立革。況人耶。況人中之有智者耶。爾時藥王與大樂說。見會中滿座英才。皆潛機伏括。而弗克奮發勇力。特於佛前立誓。陳衷勸慰。如來可以勿慮。我等於未來世。當不惜身命。而持說此經。此固爲會衆。而作引領之緣。使各發願。以慶慰於如來。然所謂發千鈞之弩者。意有所待。而藥王等。破浪衝風。又有待而然者矣。故五百羅漢。陡發

精誠入于學人。同身避座。雖不敢誦於醜濁之娑婆。而亦堪承當於散漫之國土。比丘尼類。有姨母之波闍波提。雖志在統攝弘經。患佛未親言許。記口欲言而辭未吐。如來已瞻視其色。得斯意矣。故曰。汝心將謂我不說汝名而授記耶。我先總說一切聲聞。皆已授記。今汝欲知記者。當於六萬八千億佛所。爲大法師。然後成佛。號一切衆生喜見。於是耶輸并得授記。而尼衆之於此經。弘通允矣。且佛記姨母。必說億劫爲大法師者。慮尼衆慧不及福。而欲使廣修教範。可以自利而利人也。若然則

藥王等之引領可謂半滴全天功其淺乎雖則聲聞畢進恐於涉俗難全要諸菩薩輔行其側此又爲如來口欲言而不能言者之深心惟顧視於八十萬億諸菩薩而已且諸大士亦知佛心無別其望在於衛行便於佛前作獅子吼乃云能令衆生受持讀誦如說修行得正憶念致於恐怖惡世中有諸無智人惡口罵詈我及加刀杖者我等敬信佛忍此諸難事我不愛身命但惜無上道須知此諸菩薩其形其語原爲初記聲聞圖張榜樣此見是父是子而創業守成無二心也故此但用一持

字。而爲品名次。復說安樂行者。此文殊之別識也。意謂使忍難弘經。莫若使無難爲佳。故請如來敷陳四行。以爲遠害之方。教先盡於已。而後盡於人。未見有已盡。而人不從者。若果能潔已盡誠。忠信篤敬。雖蠻貊之邦。吾亦得而行焉。然四行之中。行處近處。專精性戒。則譏嫌可遠。而衆難不干。深心則於人無觸。悲心則於衆不離。四行成就。軌物方嚴。而歸功於妙蓮華藏。不唐捐矣。髻珠一喻爲顯第一之功。宣妙蓮華。竟成一切種智。而保守千秋之家業。無越乎此。其事行流通。已思過半矣。開權

顯實意已云。週次下又爲開迹顯本。亦分序正流通。以從地湧出前半品。至汝等自當因事得聞。爲序分。從地湧出者。唯尊自性本具之理。前談迹門諸品。皆是事相。至此本門。復完序品光中境界。故有八恒河沙菩薩。從他方來。各願於此娑婆。廣說是經。世尊掉頭不顧。意顯不是家珍。冀得自胸流出。可以蓋天蓋地。故曰。我自有一萬六萬恒河沙菩薩。能通此經。語論未竟。卽時三千國土地皆震裂。有無量菩薩。從地湧出。此正表人人蓮華藏內。本有無量性德。莊嚴此處。有似一幅八陣圖。只見星分

棋布主伴森然而大雄帳裏雖不見指揮三軍而  
籌算英才已定於中軍錦繡矣會中無限人但聽  
角聲金響不知已度陳倉阿逸多不忍坐觀成敗  
橫梨當鋒探得軍心潛知妙策故說偈請詢曰無  
量千萬億大衆諸菩薩昔所未曾見願兩足尊說  
云云此問卽是彌勒欲爲如來吐氣而發其遠本  
佛於未答之初但囑云當共一心披精進鎧發堅  
固志是欲勇於敵而銳於先必致的中紅心而後  
已曰吾今爲汝顯示者乃諸佛智慧是諸佛自在  
神通之力諸佛師子奮迅之力諸佛威猛大勢之

力要人得觀標幟題面上已有一段吞秦食楚曠如無天密如無地之雄心而其中神運槩可悉知豈迹門之知見而可企及故綴此而有壽量品也如以五百千萬億那由他阿僧祇世界假使有人抹作微塵自東方過五百千萬億那由他阿僧祇國乃下一塵如是點盡從前所有微塵之世界盡皆以抹微塵盡數諸塵以例吾壽猶復過此百千萬億那由他阿僧祇劫以是塵有盡而劫無窮之壽蒼蒼莽莽意語難思仰無以攀鑽無以入者豈非諸佛自在神通大勢威猛之力耶既聞如來壽

量若此。則前所問從誰初發心教化而成就之地。湧菩薩。不喻而釋。夫復何疑。自達多至此五品。古判爲悟佛知見亦明矣。此時大眾悟證法身常住不滅。而其所得功德深淺難齊。故又有分別功德品耳。然所以分別者。非吾佛故欲爲分也。由得之殊證之別。隨數生成佛之有階級。眾生聞經信解之有限量。而作此分也。齊此爲本門正宗。後皆屬流通。至於此上一品所較者。皆爲久修實證者較也。未識暫至隨喜者。又復何如。世尊又以一念隨喜。展轉至第五十人所有功德。超過八十年中廣

法華指掌疏卷之三  
行布施於十二類生。以至俱令得證四果者。乃至  
算數譬喻不可較其萬一。此皆明受法之人。所有  
功德。至於傳經法師。則又不然。必致得六根清淨。  
證諸實相。其問統論。所證功德。皆是佛之知見。又  
豈止六通三明而已。已上較量。始見持經功德深  
且固矣。次復勸其畢竟堅持。而不可少怠。又引已  
行常不輕行。唯以平等佛慧。化諸眾生。雖多遭毀  
辱。絕無一念疲厭之心。以至今日得菩提果。亦持  
經驗也。如來既已較其功。而示其行。會眾又已信  
其實。而知其旨。此時世尊如重累人。脫其所繫。慶

快通身。卽時現大神力。出廣長舌。警欬彈指。聲徹娑婆。以一身毛孔光舌相光照寶樹之分身。如一月而臨眾水。因十方地動聲。聖凡聲證娑婆之妙事。猶霜鐘而出重圍。如是神通豈易易量哉。此所以曰神力品。囑累品者。乃付囑從前所教所示。令潔己盡誠而行之也。自分別功德至此六品。又爲妙悟極則。以盡悟佛知見之底蘊。向後六品。總成入佛知見而流通其事也。藥王本事以苦行勗弘經之師。妙音往來以應命勵承法之子。觀音入普門示現。見逆流而倒駕。眾聖用神咒加持。運悲心

法華經疏  
而莫極。妙莊王出陳本事。顯法力深。而轉識何難。  
普賢尊重。新勸發明。利生切。而未來無盡。於是佛  
與菩薩。同聲唱無生之調。我共諸人攜手登不滅  
之場。於斯時也是法。是華。俱是幻。無生無佛亦無  
心。咄。喚作葛藤得麼。

妙法蓮華經授手弘傳序

經題五字已如題釋弘傳序者弘者廣大也傳者流傳也准本序謂讚揚莫窮曰弘永貽來哲曰傳序者次序也如觀東西之墻序可以別堂室之淺深又頭緒也如絲得頭緒而條理有在也經有序知一經之大綱別始末之殊分使意趣不紊而條目有准此述序題次下述序主

唐終南山沙門道宣述

唐是述序時代終南山名距長安城南八十里在扶風武功縣東接驪山太華西連太白隴山其山

北來勢終於南故曰終南一名中南在天之中居都之南一名地肺可避洪水也沙門乃釋子之通稱梵語沙門此云勤息謂勤修眾善息滅惡事也又息心達本源故號爲沙門上道下宣序主名也由後學不敢單稱故言上下師姓錢氏彭祖之後湖州長城縣人父爲隋吏部尙書曰錢申母夢月輪貫懷而孕復夢梵僧語云所孕者乃梁之祐律師也生於隋開皇間及長師曰嚴頽公出家年二十落髮受具精通律典唐高祖武德七年甲申徙居終南紵麻蘭若製行事鈔嘗行般舟三昧前後

總二十會。感天人送饌侍衛。後在西明寺行道中。夜臨砌。足蹶。且仆。有少年介冑擁衛之。師問爲誰。曰。弟子博父天王子張瓊也。以師戒德。故來給衛耳。因以佛牙授師。夜捧行道。晝藏地穴。惟弟子文綱知之。又授以藥餌。修合之方。卽今天王補心丸是也。師問以世尊在世及滅後時事。瓊一一爲言。隨問隨錄。集爲天人感通傳一卷。高宗乾封二年丁卯冬十月三日入滅。眾聞天人同聲請師歸彌勒院。懿宗謚澄照大師。述者著述也。述者謂之明作。謂之聖述。而不作師自謙之言也。

法華指掌疏卷之四  
三  
序文畧分四段。一標敘一章大旨。卽妙法蓮華至  
降靈本致也。兩句。二承序一經出處。卽蘊結下。至  
故所非述。三釋成一大時教。從夫以。至樂土玄猷。  
四結成弘傳之意。卽弘贊下兩句。先明標敘大旨  
妙法蓮華經者統諸佛降靈之本致也。

妙法等。屬所詮之理。經爲能詮之文。者之一字。牒  
定經題。通指七卷之文。統者。總攝之義。諸佛。卽序  
品光中所現。方便品中所談。寶塢品中所集。三世  
十方之諸佛也。降靈。卽降神迹於人間。所謂無生  
示生也。本致。卽諸佛本心本願。所謂無邊眾生誓

欲度也。如謂此經文雖七卷。實能統該三世十方一切諸佛降神利生之本願。攝無不盡也。次下第二段。承敘一經出處。

蘊結大夏出彼千齡東傳震旦三百餘載

此方序一經兩土之原委。蘊藏也。積也。結卽結集也。大夏乃竺國之美稱。出彼千齡者。如來生於周昭王二十四年甲寅四月八日。入滅於周穆王五十二年壬申二月十五日。滅後阿難始結集四十九年所說。大小乘經律論藏。至東漢明帝永平七年。方流此土。計一千餘年。齡卽年也。蓋蘊積於彼。

所謂處流傳於此。所謂出也。故曰藏積大夏。已千餘年矣。此明彼土之所藏。次彰此土之所出。東傳者。對西言也。震旦。東方屬震。日始出曰旦。樓炭經云。葱河以東名震旦。三百餘載者。自漢明帝夢金人至殿。遣蔡愔秦景等一十八人。使西域求佛法。至天竺隣境月氏國。遇摩騰法蘭二尊者。奉佛經像來震旦。至永平十年。入闕獻經像。帝大悅。敕於雍門外立寺。以敬奉之。因白馬馱來。遂名白馬寺。永平十四年。由五岳道士忌之。勅以火焚經像。驗之道經悉燼。佛經如故。自永平七年至年。獻帝合一百

五十五年。歸魏。魏五主。合四十五年。歸西晉。西晉四主。合五十二年。歸東晉。安帝。義熙二年。什師譯此經時。合八十九年。總計三百四十一年。故曰三百餘載。載取物終更始也。此上是總明兩土之出處也。次又別明譯經時節。

西晉惠帝永康年中。長安青門燉煌菩薩竺法護者。初翻此經名正法華。

西晉者。武皇帝。姓司馬。名炎。字安世。文帝昭之子也。受魏禪。卽帝位。改元泰始。國號晉。建都洛陽。對東晉爲言也。惠帝。卽武帝次子。字正度。永康惠帝。

年號長安。古稱咸陽。漢高祖建都。改爲長安。以山河百二。子孫可長安也。青門乃俗稱卽長安東霸城門。邵平種瓜處也。燉煌禹貢雍州之域。漢爲燉煌郡。竺法護者。梵語竺曇摩羅刹。此云法護。月氏國人。究三十六國道術。泰始二年丙戌。自天竺達玉門。徙居燉煌。人美其德。故以菩薩稱之。後入長安。居青門。永康年中。初譯出此經。爲十卷。名正法華。此明經來此土。過三百餘年。始成翻譯之原委也。

東晉安帝隆安年中。後秦弘始龜茲沙門鳩摩羅什

次翻此經名妙法蓮華

東晉者。由西晉遭亂。爲五胡亂華。元帝始渡江。建都於江東之建康。故曰東晉。安帝諱德宗。孝武太子丙申。繼孝武卽位。次年改元隆安。以晉居正位。秦爲旁僭。故先述正統。後秦。姓姚。名萇。字景茂。赤亭羌人。先爲前秦苻堅之將。當晉孝武皇帝太元八年。苻堅以萇爲司馬。討慕容泓等。萇軍大敗。後於晉太元十八年。萇自陝西入長安。卽帝位。國號大秦。僭位八年。子興繼位。改元弘始。龜茲。國名在焉耆西南。沙門如前釋。鳩摩羅什。此云童壽。本天

竺僧。因行化至龜茲。故今以近處名也。前秦王苻堅。聞師德名。遣驍騎將軍呂光。率兵七萬。伐龜茲。取什。當晉太元七年。得什俱還。至涼州。聞堅已歿。光遂據涼州。卽三河王位。國號大涼。改元太安。當晉太元十一年也。光卒。子紹立。爲太原公。呂纂所害。纂立。又爲呂超所廢。立呂隆。姚興弘始三年。遣師伐隆。隆上表降。遂奉什師至長安。秦王師禮之。當晉隆安五年辛丑歲也。什始於草堂寺。譯出此經爲七卷。當晉義熙丙午。而序曰。隆安以什入長安時言。非譯經之時也。什師譯經。前後共三百八

十卷。弘始十五年。四月十三日入滅。壽七十歲。當  
晉義熙九年癸丑也。此爲序主出陳什師翻譯此  
經之原委也。

隋氏仁壽大興善寺北天竺沙門闍那笈多後所翻  
者同名妙法

隋氏者。隋高祖皇帝。姓楊。名堅。弘隆華陰人。漢太  
尉震第十四代孫。初宇文泰。仕魏封周公。至子覺  
受魏禪。國號周。堅父忠。仕周有功。官至太傅。隋國  
公。忠卒。堅襲爵。陳太建十三年辛丑。堅受周禪。都  
長安。國號大隋。自文帝至恭帝。通三主。合三十七

年。以國號爲姓。故曰隋氏。仁壽。文帝年號。北天竺者。天竺有五。總名印土。此云月邦。以簡非其四。故曰北天。闍那。笈多。二法師名。闍那。具云闍那崛多。此云志德。笈多。具云達摩。笈多。此云法密。按添品經序云。大隋仁壽元年辛酉。普曜寺沙門上行。請闍那。笈多。二法師。於大興善寺。重譯此經。爲八卷。名添品法華。謂於晉秦兩譯經內。添合移改有五。一於前兩譯。添普門品後偈頌。二於什師藥王品後。補日光喻之全文。三合天授品於寶塢品內。四移囑累品於普賢品後。五回陀羅品於神力品後。

故曰添品。以上總明此經出處翻譯之原委如此。向下結明弘通秦本。

三經重沓文旨互陳時所宗尙皆弘秦本

本一經。由三譯故謂三經。兩次爲重。三翻名沓。然經雖歷三譯而重沓。其文言妙旨。則彼此互陳。如十如是。晉譯則無。秦譯則有。又藥草喻後半品。兩經俱有。秦本則無。又如囑累品。秦本在二十二。隋本置之卷末。於中若文若旨。豈不爲互相陳列耶。第古今時人所尊崇爲高尚者。又祇唯秦本而已。自餘支品別偈。不無其流。具如序曆故所非述。

由上云。秦本爲時所尚。恐人疑難。謂三經本是一經。何秦本獨爲時所宗尚。而二譯獨不爲流通耶。故序主復云。自餘支品。如齊武永平中。有達摩摩提。譯出提婆達多品經一卷。又如東晉祇密帝。譯出普門品經一卷。已流通於世矣。又別偈者。如閻那崛多。於西川龍淵寺。譯出普門品重頌偈一卷。并皆傳誦。是知支品與別偈。皆有流傳。故曰不無其流。具如序曆者。曆卽紀記也。謂若論本文二譯。與此全同者。同於本經流通。致於各有支品別偈。具載如彼二經所記。故所非今經所述也。已上承

敘一經翻譯出處原委已竟。次下第三釋成一大時教。

夫以靈嶽降靈非大聖無由開化適化所及非昔緣無以導心

此方釋成諸佛降靈本致。以明弘贊也。夫以者發語之詞。前曰降靈。總約一切諸佛。此曰靈岳者。單明釋迦一佛。爲本經之教主也。靈嶽卽靈山。降靈者。用詩經中惟岳降神之意。然我世尊現相人中。示居靈鷲。豈無故哉。直爲一切眾生。醉生夢死。佛眼不開。自非大覺聖人。無由開廣大之教化令其

成然寐者豁然醒也。故曰非大聖無由開化。此言應稱於機也。下又言機稱於應。適者當也。謂如來教化雖廣大平等。而所當化之機。如千二百羅漢。及諸聞者。爲如來化之所及。皆有宿緣。已見於大通佛時。曾下大種。若使往昔無緣。又豈能驟然而開導其心哉。故謂非昔緣無以導心。

所以仙苑告成。機分小大之別。金河顧命。道殊半滿之科。豈非教被乘時。無足覈其高會。

此中明如來始終有由。爲開化之地。仙苑。卽鹿園。乃古仙所居。故曰仙苑。告成者。佛於菩提樹下。成

等正覺。便出聲告曰。奇哉。一切眾生。皆有如來智。慧德相。祇因妄想執著。而不證得也。佛既成道。必應說法。然機有利鈍。故雙垂二相。現千丈身。以應大機。示丈六身。爲說小教。由是於機則分別其小大矣。此是如來始有由於仙苑也。金河。卽產閻浮金處。在拘尸城外。河畔有娑羅樹林。佛於此入滅。顧命者。尚書篇名。成王將崩。回首顧羣臣。而發命也。佛將入滅。而垂言教。說涅槃經。如成王將終。作顧命篇。此序主取以潤色其文耳。如來臨涅槃時。以佛神力。出大音聲。至於有頂。普告大眾。如來今

日將入涅槃。若有所疑。今悉可問。此是如來終有。由於金河也。道殊半滿之科者。道言也。殊別也。科差等也。涅槃經云。半字者。謂九部經。毘伽羅論。謂方等大乘經典。以諸聲聞無有慧力。是故佛說半字九部之經。而不爲說。毘伽羅論。毘伽羅卽滿字經也。豈非教被一句。結上始終二處。然機分小大。教殊半滿。豈非如來以教被機。乘時施設者也。無足等句。方結歸本經。然涅槃雖係最後之談。能被之教。既有半滿之殊分。而所被之機。豈無權實之差等。覈者。考也。謂不似今經。無分大小權實。皆當

授記作佛。由是知始終之教。並不足以考覈其實。如法華之高會。唯談一實相也。

是知五千退席爲進增慢之儔。五百授記俱崇密化之迹。

此又申明適化所及不及。爲無緣有緣之義。卽承上高會二字而來。旣以法華爲高會矣。云何而有退席之流。是知高會之中。雖有五千退席之眾。無非爲增上慢者。作進趨之緣也。旣退者。尙可爲進者之緣。則五百得授記人。愈見其爲進者之勝緣矣。故曰俱崇密化之迹。崇者尊也。如經謂內秘菩

薩行外現是聲聞我弟子如是方便度眾生既曰  
俱崇不唯五百人尊佛慈旨密行輔化之迹而退  
席者猶爲密化之密迹也此下正序本經大旨  
所以放光現瑞開發請之教源

由會中有此輔化之傳故如來放眉間光現種種  
瑞使彌勒騰疑有文殊對答致令身子等諸羅漢  
開發啟請說教之本源也

出定揚德暢佛慧之宏畧

方便品中佛因舍利弗等不領光中所現之相祇  
得自己出定讚揚諸佛權實二智之德無非演暢

諸佛之弘遠方畧。又宏畧卽大畧也。

朽宅通入大之文軌

法說一周。身子得記。其餘聲聞。尙未信解。故身子代請。如來重說譬喻。以三界喻火宅。佛喻長者。二乘等喻火宅中諸子。先以三車引導。喻四十年前所說三乘。後等賜大車。喻今說法華。雖區區數千言。莫過爲二乘暢通入大之文。同一軌轍也。此用記云。今天下車同軌。書同文。行同倫。爲潤色也。約法則同圓教一實之文。約喻則同大車一乘之軌。化城引昔緣之不墜。

如來既爲五百弟子授記之後。復說因緣一周引佛。曾於大通佛時爲王子。說法華經。爾時所化恒河沙等眾生。卽汝等比丘。及我滅後聲聞弟子是也。則知今日得授記者。乃宿昔之因緣有在而不墜失也。故說化城喻。

繫珠明理性之常在

五百弟子。領佛說因緣。得受果記。感佛恩德。說繫珠喻。以佛喻親友。自喻醉人。一乘佛知見理性喻珠。今由說三周之後。各得開悟。如酒醒後覺昔珠。今明。智佛與今佛。雖出塵劫。而此理性之珠。不曾

遺失。故曰常在。

### 鑿井顯示悟之多方

此亦承上文而言。謂佛知見理性之珠雖在。苟非如來於此經開示多方。則亦不得現前受用。故佛於法師品。又再四勸其精勤讀誦。受持此經。說鑿井喻。謂在家出家。求佛道者。若依他經修習。如於高原求水。但見乾土。雖費穿鑿。去水尙遠。若依此經修習。如施功不已。轉見濕土。遂漸至泥。知水必近。以此經詮顯如來一乘妙義。皆如來指示。令悟有多種方便也。故曰顯示悟之多方。

詞義宛然喻陳惟遠

謂自序品。至法師品三周之詞義。雖曰宛然明白。而數喻敷陳。思惟其旨。意極遠大。以詞義觀之。似爲世諦之常談。以喻旨言之。其實明最上之大義也。已上引贊其經。以明所說之法妙。向下引贊其佛。而明能說之心妙。

自非大哀曠濟拔滯溺之沉流。一極悲心拯昏迷之失性。

言此經雖文詞義理摹寫宛然。而譬喻鋪陳旨趣遠大。自非我釋迦之引慈廣濟。其孰能引拔滯空。

溺迹之聲聞。與沉於權見之流耶。若非我如來至極之悲心。其孰能拯接昏頑迷倒之眾生。與無明失性之人乎。正見婆心太切。有落草之談。以結歸非大聖無由開化之意。

自漢至唐六百餘載。總歷羣籍四千餘軸。受持盛者無出此經。

自漢明帝永平七年。至唐高宗乾封二年。律師入滅。但未審唐代何年作序。總六百餘載。是時之久也。總歷羣籍。計經律論。有四千餘軸。是法之多也。而人於久遠之時。最多之典。而獨受持此經之盛。

且篤者。以驗佛之大慈悲心所加被也。而亦驗機教之相扣也。亦見時所宗尙不誣矣。已上弘贊其佛與法竟。次又弘贊其僧。爲機教相投。及聞而深敬之妙。

將非機教相扣並智勝之遺塵聞而深敬俱威王之餘勸

亦承上受持盛者爲言。扣投也。合也。謂昔佛在世。親說此經。猶多怨嫉。尙有五千退席之人。今佛滅既久。受持者。返如是之盛。豈不是機與教授而生與佛合耶。須知此機教相投者。並是智勝佛時。曾

下大種所遺餘之塵也。魏都賦云。先王之桑梓。列聖之遺塵。爲潤文也。聞而深敬者。謂卽未機教相投。一聞此經。便深生敬仰者。亦是常不輕。於威音佛時。嘗蒙授記之餘功。有在耳。勸功也。迹此可見。今日於經有緣。聞而敬信者。當自慶也。此正結歸。非昔緣無以導心。

輒於經首序而綜之。庶得早淨六根。仰慈尊之嘉會。速成四德。趣樂土之玄猷。

輒專也。綜卽機縷之持絲。制經者。淨六根者。如法師功德品說。謂我於經首。錯綜其說。而成此序。使

人知一經之大旨。令受持者。專心進業。庶得早淨。六根也。仰慈尊者。謂釋迦已滅。而欲得入佛嘉會。須待彌勒慈尊龍華說法。若使六根早淨。可以仰望於當來之嘉會矣。速成四德。有云。常樂我淨。然此四種。是佛果德。據普賢勸發云。若善男子。女人。於如來滅後。云何能得是法華經。佛云。當成就四法。一者。爲諸佛護念。二者。植衆德本。三者。入正定聚。四者。發救一切眾生之心故。序云。速成者。對早淨而言。皆因中所當成之急務。謂四德若成。可以爲趣向樂邦之通立大道也。猷。卽道也。樂土准本。

經卽三變淨土也。若對淨六根。可仰彌勒慈尊。則成四德。可趣極樂蓮邦。况功圓果滿。應入唯心淨土。本經亦云。如說修行。命終之後。卽往安樂世界。阿彌陀佛大菩薩所。又此經以彌勒居首。普賢居終。舉此可以該盡一經之始終。什成一大時教已竟。第四結成弘傳之意。

弘贊莫窮永貽諸後云爾


此結歸序題贊助也。貽流傳也。遺也。序主謂我作此序。人微言輕。如撮土之助泰山。勺水之益滄海。莫能窮盡。此經功德萬分之一。但願由此序。而俾

此經永遺後世。流通莫盡。以表區區一念護法之誠耳。云爾者。結語之辭。謂一序所云如斯而已。然此經具本迹二門。今何但序三周迹門耶。且迹由本顯。本自迹彰。若知從本垂迹。卽知因迹顯本。所謂本迹雖殊。其不思議一也。申什序文已竟。

# 法華授手科

## 卷一之一

### ○大段分四



### 序品科

#### ①一序分二

乙 二種證信序三

去 去 去 受 于 斗

戊

一 聲聞衆二

二 菩薩衆四

己 一比丘衆二

庚

一 出無學以明四德

一 標信與聞

二 時主及處

三 詳列聽眾二

一 詳列聖凡三

二 總結眾集

三 放光發起序

卷一之二

⑤ 三人天眾二

② 放光發起序五

丙

一 眾集供養而興讚歎

一 舉類數

二 明德位

三 畧標名

四 結餘眾

三人天眾

一 諸天眾二

一 欲界

一 色界

一 標有學以該廣

一 舉類標數

二 明位歎德

三 畧舉首眾

四 總結眾集

二 比丘尼眾

一 說法

二 入定

三 雨花

二如來現瑞以

三會眾疑念是

一彌勒疑念三

一正疑念

二當問誰

三憶文殊

二會眾疑念

四彌勒因眾而

一長行二

二偈頌二

二雜類眾五

三人王眾

一龍王

二緊那羅

三乾闥婆

四阿修羅

五迦樓羅

一此土六瑞六

二他土眾瑞二

一舉能照之智

四動地

五眾喜

六放光

一見六趣

二見諸佛

三聞說法

四見得道

五見行道

六見涅槃

七見起塔

去聲受三斗

戊

一頌問二

己

一問此土六瑞

二頌他土六瑞六

庚

一頌見六趣眾

二頌聞佛說法

三頌他土三乘三

四頌結前開後

五頌他去修行三

六頌佛入涅槃二

辛

一明起塔供養

二舉所照之境

一經家敘

二彌勒問

一聲聞

二緣覺

三菩薩

一捨外財

二捨身命

一總問

二別問六

壬

一問施二

二問戒

三問忍

四問進

五問禪

六問慧

壬

一問禪定

二問精進

三問淨戒

四問忍辱

二明塔嚴國界

二請答二

五文殊擬古以問致答問

三雜問七

一舉疑事以述請

二釋伏難以明意

五再問禪

六問檀度

七問般若

### 卷一之三

丙 五文殊擬古以致答問

丁 一長行四

一正惟付答

二畧曾見答

三廣曾見答

四分明判答

庚 一明時

二標名

三說法三

一出家同

二說法同二

三唱滅同二

辛 一說頓教同

二開漸法同

三歸圓教同

一經名不異

二時節不異

三唱滅授記不別

法華受斗

巳  
一引一佛同三

二二萬佛同

三最後佛同三

二偈頌三

一頌廣曾見

一頌最後佛三

一頌出家同

二頌說法同二

一頌彼此眾瑞二

二頌四眾疑念

壬  
一頌見六趣同

二頌見諸佛同

三頌聞頓法同

四頌聞權教同

五頌聞大乘同

一頌此土瑞

二頌他土瑞五

一人法同

二時節同

三唱滅同

三  
一滅後通經別三

一明持經時節

二明流通得人

三結會古今

一頌滅度時節

二頌弘經時節

三頌所益弟子

四頌結會古今

一頌說大乘經

二頌教菩薩法

戊

巳

庚

辛

庚

辛

壬

己

三頌唱滅同五

四授記同

三頌分明判蒼三

五通經同四

三頌佛所護念

### 卷一之四

### 方便品科

①正宗分大段二

一迹門開顯二

乙 二本門開顯〇

壬 一雙歎二

癸 一經家提敘

丙 一畧開三顯二

壬 二雙釋

癸 二正歎二智

一廣開三顯一

三雙結

癸 一最上修行說

丁 一畧陳開顯二

一雙歎

癸 二甚深境界可說

戊 一雙歎二智二

二雙釋

壬 一總揀不解

法華受三斗

一動執生疑

己 一長行二

庚 一寄言歎二智二

一明諸佛權實三

辛 一明釋迦權實三

二絕言歎二智二

辛 一舉絕歎之由

二正絕言歎二

一偈頌二

庚 一頌寄言歎二

三雙結

一絕言

壬 二釋意二

一合頌二佛

辛 二合釋結歎

一頌不思議境

辛 二追頌絕言境

三追頌絕言歎

四頌舉不知人

五唯佛與佛知二

一揀能入人

三揀二乘人

四獨舉身子

五諸弟子眾

六辟支佛眾

七發心菩薩

八不退菩薩

卷一之五

一頌絕言歎五

二騰疑致請

一顯佛知

二明佛示二

一諸佛顯實

二釋迦開三

①二騰疑致請一

一敘疑二

一經家敘

二會眾念二

一陳疑

一致請

戊

一正請三

一疑佛二智

一權實二智疑

一初請二

二疑已所得

二三乘四眾疑

己

二次請三止

一當機陳請二

三獨陳身子疑

三再請許說

一長行二

四總明眾會疑

②二廣開三顯三

二偈頌四

一標人法殊勝

去住受斗

庚

辛

庚

己

壬

癸

壬

壬

子

一為上根作法四說周

二為中根作喻說周

三為下根作因緣周

文至授學無量人記品止共七品半為述門正宗

戊

一如來為正說開示

二身子述承教開解

三佛為述久修授記

四會眾述歡喜求請

巳

一長行三

一誠聽揀機

庚

二如來止荅

一總明諸佛四

一歎法希有

二說無虛妄

三開方便門

四示真實相五

二別明三世三

一明過去二

二明未來二

三明現在三

壬

癸

癸

二論出世本懷

三徵出世因緣

四正分釋四門四

一明理一二

一正釋

二結成

二明人一

三明行一

四明教一

丑

寅

卷一之六

一受旨誠聽

二正與開示二

廣開諸佛實權二

廣開釋迦實權二

二偈頌二

辛 二廣開釋迦實權四

一明開顯

二明五濁二

一標意

去 癸 受 戶 牛

一標出世意

二方便開權

三為眾顯實二

一別明現在行教一

二總明三世理人二

癸 一揀偽

二一明真

一頌已退不堪

二頌已住誠聽

五結諸佛如是

一開權

二顯實

子 一正頌施權

子 二結施權意

子 一舉果勸信二

丑 一舉內心

法華抄手和

一 明 濁

三 明 真 偽 二

四 明 無 妄

② 二 偈 頌 二

一 頌 上 許 答 二

二 頌 上 正 答 二

一 頌 四 佛 章 四

一 頌 諸 佛 五

二 頌 過 去 二

一 頌 開 三

庚

壬

辛

庚

癸

一 頌 施 權 二

二 頌 顯 實 四

一 頌 理 一

二 頌 人 一

三 頌 教 一

四 頌 行 一

三 頌 勸 信 二

四 頌 五 濁 三

一 總 明 五 濁 障 重

二 別 釋 五 濁 深 源 五

子

子

六

二 舉 外 色

二 舉 因 勸 信

一 眾 生 濁

二 命 濁

三 見 濁

四 煩 惱 濁

五 劫 濁

一 供 養 起 塔

二 戲 沙 作 塔

三 志 心 建 像

辰

丑

二頌顯一二

一總頌

二別頌二

二總約五乘顯

二別約五乘顯

三頌乘來四現在

二頌釋迦章

三結說小大之意

五頌不虛

一約菩薩

二約二乘

三約人天二

一約緣因顯實十

二約了因顯實

四戲畫作佛

五結成顯實

六諸塵供養

七散心獻花

八身業供佛

九結成福聚

十散心念佛

卷一之七

⑤ 三頌未來二

⑥ 四頌現在三

癸

一頌開三

二頌顯一四

子

一頌人一

二頌行一

五五 卷一之七

辛 二頌釋迦章一

一畧頌權實作本  
總譬本

二廣頌六義作  
別譬本六

壬

一頌上五濁三

癸

二頌施方便二

三頌顯二乘四

四頌法希有二

子

一頌如是妙法

二時乃說之二

一舉難得之人

丑

一標化意

癸

二頌顯實

三頌開權

一明能觀智

子

二明所觀境

二明起悲應

一擬用大乘得三

子

二念同諸佛可方

一得顯實之機

子

二正顯大之時

三頌教一

四頌理一

一擬法大而難施

丑

二擬障重而梵請

三擬無機而取滅

一念諸佛方便三

丑

二三乘擬宜

寅

二諸佛歎慰二

一正歎釋迦

卯

二出陳自己

二舉難逢之喻

五頌上不虛二

六頌上敦信二

一揀眾

二敦信

子

三施一豸之教

四明入理之益

一人不虛

二法不虛

子

三釋迦酬順三

一正酬順

二明施化

三明得益

二釋久遠常示

卯

# 卷二之一

## 譬喻品科

⑤二身子述承教二  
開解二

一經家敘儀

巳

二身子自陳二

辛

一標喜

二特釋三

三結成

壬

一釋昔感傷

二釋昔懷念

三釋昔不待

法苑珠林

八

庚

一長行三

二偈頌二

一頌標喜

辛

二頌特釋三

⑤三如來述久修授記四

己

一昔曾教大

二中忘取小

三還為說大

四正與作記二

庚

一長行十

一頌感傷

二頌懷念二

三頌今得四

一時節二行因

三得果四國土

五說法六劫名

七眾數八壽量

九補處十流通

一正頌九

二歎結

一懷不得佛

二念證小果

一頌自覺

二頌除疑

三頌知權

四頌證實

一超頌得果

二追頌行因

三超頌劫名

四正頌國淨

二偈頌二

⑤四會眾述歡喜求請二

一長行二

二偈頌二

為上根法說一周竟

### 卷二之一

④二為中根作喻四

一本品譬喻顯二

二信解品中得解根

三藥草品如來來成述

去產受尸斗

一經家敘眾喜陳供

二會眾解開權顯實

一頌上開顯

二自述回向

五頌明眾數

六正頌說法

七頌明壽量

八頌法久近

九頌供舍利

一自述無疑

二同輩有感

三普為四眾

一大長者譬二

一出名位

二論德業

三明所燒之相

一出能燒火境

四授記品正與記作

一 世尊述譬喻開示

二 迦葉因開解情陳

一 當機述請二

二 如來委答三

一 發起二

一 抑令憤勇

一 引令速進

一 譬喻長行并百行偈

三 勸信後六十行偈

一 廣舍宅譬

三 惟一門譬

四 五百人譬

五 大火起譬二

六 三十子譬

一 捨几二

二 用車四

一 喜子免難

二 諸子索車

三 等賜無二三

一 勸門擬宜

二 誠門擬宜

一 擬用三車

二 父知子心

三 歎車希有

四 適子所願

一 正標等賜

二 廣明車相二

三 明等賜意

一 敘車體

壬

一長行二

癸

一開譬二

子

一總譬六

二別譬四

丑

一長者見火

二捨几用車二

三等賜諸子四

四無所虛妄三

二合譬二

一合總譬五

子

四得車歡喜

寅

一問

二荅二

三歎

丑

一合大長者

二合廣舍宅

三合五百人

四合大火起

五合惟一門

一合能所見

寅

一釋車由

卯

一免難不虛

二過望不虛

一合擬宜

卯

二明息機

一合擬宜三車

二合父知子意

三合歎車希有

四合適子所願三

辰

一合羊車

法苑珠林卷三

一合別譬四

一合長者見火三

二合捨几用車二

三合等賜大車二

四合無虛妄

二合偈頌二

二合廣所見

三合起驚怖

一合捨几二

二合用車四

一雙牒二喻

二雙合三譬二

二合鹿車

三合牛車

一合免難

二合等賜

卷二之三

⑤ 二偈頌二

一頌譬喻二

二頌勸信

辰 一明所燒之類二  
譬十使

巳 一正明所燒二

午 一明禽獸被燒二  
譬五鈍

申 一慢二噴三痴

四貪五疑

未 一總明利使

子

一頌開臂二

丑

一頌總臂四

寅

一頌大長者

二頌廣舍宅

三頌五百人

四頌大火起四

卯

一明地上壁欲界四

二明穴中壁界

三明空裡壁無

四總結眾難非

未

一別明五鈍五

一總結變狀

二明鬼神被燒  
臂五利二

一總結利鈍

二明火起之由  
臂五濁

三明火起之勢  
臂濁相

四明被燒之相  
臂眾苦

寅

一頌長者見火

二頌捨几用車二

一頌捨几

卯

一別開五利五

一邪見 二戒取

三身見 四見取

五邊 見

辰

一頌擬宜三車

二頌歎車希有

三頌適子所願

卯

一頌免難歡喜

二頌諸子索車

三頌等賜大車

法華抄手科

二頌別譬三

二頌合譬

二頌用車三

三頌等賜大車四

四頌得車歡喜

卷二之四

子 二頌合譬二

丑 一頌合總譬

二頌別譬四

癸 二六十五行勸二

子 一頌標章二

二頌釋義二

丑 一頌釋可說不說

寅 一頌合見火

丑 二頌合捨九用車分二

三頌合等賜大車二

四頌合無虛妄二

丑 一頌標可說不說

二頌標可通不通

寅 一用大悲門惡說人莫說

卯 一捨几

卯 一用車

卯 一頌是明等賜

卯 二頌合得車歡喜

卯 一頌正合不虛

卯 二頌合釋不虛

卯 一分五對釋

二頌釋可通不

二依大慈門善者當說

二總結應說

### 卷二之一之五

### 信解品科

⑤二明中根得解

一經家敘喜

一敘內心

一敘外儀

一當機陳白

長行并七十三  
行半偈陳解

一畧以法說

辛  
受三斗

癸 一明昔證小不

一明今會一方得

子 一父子相失譬四

二父子相見譬二

丑 一子見父譬

二父見子譬

三追誘相近譬二

子 一標 一釋

丑 一捨父逃逝

二求子不得

三偶到父城

四父爲憂念

丑 一遣傍人追

寅 一齊教領

正法說二

畧舉喻

廣以喻說二

開譬二

詔發

說喻五

合譬

偈頌

卷二之六

① 合譬四

四委知家業譬二

五會親囑付譬

領家業二

相體信

命領業二

付家事二

合父子相失

取意領

遣人誘二

命知家事

受命領知

正付家業

承受歡迎

合傍人追

庚 二偈頌二

辛 一頌長行二

一頌法說

壬 二頌喻說二

一頌開譬四

癸 二頌合譬三與前科同

二頌歎佛恩

卷三之一

藥草喻品科

戊 三如來述成二

一合父子相見

三合追誘相近二

四合領付家業二

一頌父子相失

二頌父子相見

三頌追誘相合二

四頌委知家業二

一合二人誘

一合領家業

一合付家事

一頌遣傍人追

二頌遣二人誘

一頌領知

二頌付業

癸 一舉法王不虛

丑 土地草木譬

法華授手科

巳

畧述

二廣述二

庚

一長行二

辛

一述成開顯二

一法說二

壬

一喻說二

癸

一開譬二

一合譬二

一結歎希有

一偈頌二

二述開三顯二

一約教明開顯

子

二約智明開顯

子

一有差別譬二

子

一無差別譬

子

一合有差別譬

丑

一正以法合三

丑

一提譬帖合

二合無差別譬

丑

一正合無別

十三

二密雲一雨譬

三受潤增長譬

寅

一合密雲二雨

二合土地草木

三合受潤增長

一眾生不知

二如來獨知

三舉喻帖合

四牒前結釋

五釋疑令知

二明差別意五

卷三之一

庚 二偈頌二

辛 一頌法說二

壬 一頌法王不虛

壬 二頌述成開顯

二頌喻說二

壬 一頌開譬二

壬 二頌合譬二

卷三之三

癸 一頌二教

癸

二頌二智

癸 一頌有差別譬三

二頌無差別譬

癸 一頌合差別譬三

二頌合無差別譬

子 一頌密雲二雨

子 二頌土地草木

三頌受潤增長

子 一頌合密雲二雨

子 二頌合土地草木

子 三頌合受潤增長

授記品科

⑤ 四正與作記二

巳 一正與根作授記二

庚 一授迦葉記二

辛 一長行六

壬 一行因 二得果

三國名 四壽命

五正像 六國淨

二偈頌六

二授三人記二

壬 一頌行因

二頌得果

三頌國淨

四頌壽命

五頌正像

六頌總結

辛 一三人請記四

壬 一正請 二喻請

三吞喻 四結請

壬 一授須菩提記二

癸 一長行五

二偈頌五

子 一行因

二得果

三劫國

四壽命

五正像

二授迦旃延記一前與

二許與下根說因緣

二如來授記三

三授旨捷連

同並

# 卷三之四

## 化城喻品科

①三為下根說因緣

一本品正說緣因

二後品方與授記

一先明知見久遠

二正明宿世緣因

一長行二

一結緣由二

三授旨捷連

同並

一長行三

二偈頌三

一佛壽長遠

二成道前事二

一佛坐道場

二諸天供養

三正明成道

一出所見事

二喻明久遠

三見昔如今

二頌出所見事

二頌喻明久遠

三頌見昔如今

一觀光瑞

法華授手科

壬 一遠由二

癸 一智佛成道五

二梵王請法二

子 一威光照動

二十方梵請二

二近由二

二正結緣

二偈頌

卷三之五

寅 二東南方七

四道後應供

五請轉法輪

丑 一九方四

寅 一東方七

二東南方

三南方

四總明六方

三方六與前科三方同

卯 一觀光瑞

壬

二驚疑念

三共相問

四尋光明

五興供養

六請說法

七佛默許

子 一王子出家

三南方七

四總明六方

⑤ 二近由二

癸

一先轉半字法輪三

一如來受請

子

二正轉法輪

三聞法得道

三再轉滿字法輪七

卷三之六

⑥ 二正結緣二

二驚疑念

三共相問

四尋光明

五興供養

六請說法

七佛默許

癸

一明昔結緣四

二請佛說法

三隨眾求度

四如來受請

五會眾開解

六說經時節

七說已入定

子

一知佛入定

壬

一法說結緣三

二中間值遇

二王子覆講

二喻說結緣二

三還說法華二

三眾得利益

癸

一開譬二

一結會古今二

四佛從定起

子

一導師譬

二還說法華三

一結古今師法

二將導譬三

一退大

二會古今弟子三

丑

一所將人眾

二接小

一會現在弟子三

二中路懈退二

一合導師

一不退者

三即滅化城

二合將導二

二退轉者

二合譬二

一頌遠由二

三結古今

子

一正合二

一頌大通成道二

二會未來弟子

二帖合

庚 二偈頌二

一頌結緣由二

二頌正結緣二

一頌法說三

二頌喻說二

一頌開譬二

一頌導師譬

二頌將導譬三

二頌合譬二

二頌十方梵請二

一頌威光昭動

二頌諸梵尋光

二頌近由二

一頌轉二乘法輪

二頌轉大乘法輪法三

一頌昔日結緣

二頌中間值遇

三頌今說法華

一頌眾人懈退

時眾清淨

二正說法華

三釋前開意

一合中路懈退二

一合退大

二合接小

二合即滅化城

一頌道成未成之相

二頌眷屬請轉法輪

一頌求出家請法

三  
五  
受  
三  
十

子

一頌正合

二頌帖合

二頌權立化城

三頌滅城勸進

二頌說權實二教

三頌說已入定

卷四之一

五百弟子品科

⑤二正與授記二

巳

一授千二百人記二

二授二千入記

壬

一得解歡喜

二正敘默頌

子

一就釋迦行因發迹

二舉過去佛世顯本

三約三世佛所修因

庚

一獨授滿慈記二

癸

一與授記四

子

一明因圓果滿

一欽默頌解二

一頌總發聲聞迹


二明國土嚴淨

辛

二如來述記二

二頌發滿慈本迹

三明劫國壽量



法華授手科

一自陳領解二

一合譬二

一頌畧舉

一偈頌二

一頌法說

二頌正舉二

一頌內心得解

子

一頌開譬

二頌自陳領悟二

二頌喻說二

寅

二頌合譬

卷四之二

授學無學人記品科

己 二授千人記二

一二人請

一長行

一請記二

一三千人請

癸

二偈頌

庚

一與記二

一與阿難記五

三菩薩生疑

辛

一與二人記二

二與羅睺記二


四如來發迹

壬

辛

丑


卯




卷四之三

法師品科甲

流通分二



丙 一歎美五種法師功深福重以勸流通一



長行受三斗

治事抄目科

一偈頌三

二歎美所持之法二

一長行二

一深歎經法五

二正示方軌二

一示方法三

二明利益五

一偈頌二

總勸

一頌前二

一頌獎勵二利

二頌師門總別二

三頌歎經尊妙

一約法歎

二約人歎

三約處

四約因

五約果五

一標章

二解釋

二頌總結逆順

一明近

二開譬

三合譬

四釋近

五揀非

一遣化人

二遣四衆

三遣八部

四見佛身

戊

己

庚

己

庚

庚

辛

辛

辛

九

庚

一頌歎經

二頌方軌

三勸修

五與總持

卷四之四

見寶塔品科

①顯示二真妙境如來唱募以覓流通二

丁

一長行二

戊

一多寶湧現六

二分身遠集七

三釋迦唱募

一偈頌二

己

一塔現之相

二諸天供養

三多寶稱讚

己

一樂說請見

二應集分身

庚

四時眾驚疑

五樂說請問

六如來為答

一變娑婆國土

二變二百那由

三變二百萬億

去住受F牛

二下

戊

一頌多寶滅度

二頌分身普集

三頌釋迦付囑

己

一舉三佛以勸通

二舉能持法以勸流通

庚

一正舉勸

### 卷四之五

### 達多品科

丙三發明弘經得果舉古勸今以示流通

丁

一昔達多通經釋迦成道

庚

一求法時節

庚

一頌求法時節

一頌正明求法

三樂說請集

四放光遠召

五諸佛同來

六三變娑婆

七與欲開塔

二釋勸意

三

一諸佛問訊

二釋迦開塔

三會眾見聞

四二佛并座

五大眾請加

戊

一 往昔師資二

二 正明求法

三 頌得說法師

己 一 長行四

三 求法得師

四 頌受法奉行

己 二 偈頌五

四 受法奉行

五 頌結證勸信

二 結會古今二

辛 一 證果

己 一 文殊自叙

己 一 正結會

二 化度

己 二 智積發問

己 二 明功報二

三 滅後

三 文殊致答

庚 一 明弟子因報滿

己 一 智積請退

四 智積生疑

一 明法師妙果

己 二 世尊暫止

五 龍女明圓

二 勸淨心信

三 文殊尋來

六 身子權難

一 今文殊通經  
龍女成佛二

四 智積請問

七 龍女呈珠

法華授手科

戊

一文殊通經五

二明所利益九

五文殊酬答

三

八時會得益

九當機默信

持品科

丙 四勸發久修新奉

信受持以領流通

丁

一明受持三

一菩薩持經

戊

一聲聞發誓

三尼衆請記四

二明勸持二

己

一波提請記

二耶輸請記

三尼衆領解

四衆尼發願

戊

一長行四

二偈頌四

己

一佛惟默視

二菩薩請告

三默然知意

四發誓通經

己

一披衣弘經

二入室弘經

三坐座弘經

四總結佛知

卷五之一

安樂行品科

⑤五初心欣斯勝福說安樂行以便流通二

一問二

二答三

一標四行章門

二釋修行方法四

一身安樂行二

一釋方法二

一歎深行菩薩

二代初心請問

一標近行

二釋近行二

一釋行處

二釋近處三

一遠豪勢

二遠邪人

三遠兇戲

四遠旃陀

五遠小乘

六遠欲想

七遠不男

辛

一長行二

二偈頌三

一結行成

二口安樂行二

三意安樂行

四誓願安樂行

三結行成之相

卷五之二

◎二口安樂行二

一長行二

子

一卽遠論近十

二卽近論近

三非遠非近三

一頌標章

二頌修行

三頌行成

辛

一頌標章

二頌行法

三

八遠危害

九遠譏嫌

十遠畜養

一總標


二別釋

三結成

壬

一止行

二觀行



超頌行法

正頌行成

頌歎經二

頌開譬

頌合譬

⑤三結行成之相三

卷五之三

從地湧出品科

②本門開迹顯本三

一本門序分二

不與珠譬二

方與珠譬二

結勸四行

三障清淨三

三總結行成

一合譬

報障轉得現報

業障轉得生報

三煩惱轉得後報二

一別明煩惱障轉

二總明一切障轉

經家叙由

菩薩來儀五

三業供養

二陳問訊辭

二本門正宗

三本門流通

一明地湧之相三

一他方菩薩弘經

二如來止答不許

三下方湧出相二

二彌勒陳疑二

一此土菩薩疑二

二他土菩薩疑

①二本門正宗二

一長行疑念

一問從何所來

二問何因緣集

三敘其數量

四問師為誰

五請決眾疑

一偈頌正問五

一長行

一偈頌

一畧陳開顯二

三佛答安樂

四偈讚隨喜

五如來述歎

一雙答

二雙釋

一頌雙答

二頌雙釋

一疑

二請三

一法說二

法華受三科

三百

丁

一誠許二

二正說三

戊

一正開近顯遠

二總授法身記

三明當機領解

己

一畧開明動執生疑二

二廣開明斷惑生信

### 卷五之四

### 壽量品科

② 二廣開明斷惑生信二

辛

一長行二

二偈頌二

二因疑更請二

辛

一長行二

二偈頌二

壬

一頌法說

二頌喻說

辛

一 如來誠信

子

一執近生遠疑

二執遠生近疑

二喻說二

子

一開譬

二合譬

三請答

丑

一 出機近情

庚

一誠信重請三

二會眾重請

二破近顯遠二

二正答所問二

三世尊再誠

一特顯久遠二

辛

一長行二

三世益物二

一法說

壬

一法說二

一總結不虛

二喻說三

二喻說二

一明過去益物二

一舉喻為問

癸

一開譬二

二明現在益物二

二以不知答

子

一良醫治子譬三

一明機感

三合顯長遠

丑

一醫父遠行譬二

二明應化二

二益物所宜三

寅

一譬應化  
二譬現滅

寅

一非生現生二

一益物處

二譬現滅

一現生

二拂迹疑

法苑珠林卷之三

二還已復去譬二

一譬機感

寅

二譬應化二

三尋後來歸譬

二治子實益譬

二合譬

二偈頌二

壬

一頌法說二

一頌三世益物三

癸

二頌皆實不虛

二益物二

一形聲

辰

二不虛二

二非滅現滅二

一譬非生現生二

一譬形聲益物

辰

二譬利益不虛

二譬非滅現滅二

一頌過去成道久遠

子

二頌現在非現生

三

三明益物

一照理不虛

己

二稱機不虛

一本實不滅

卯

二現滅利益二

一不滅眾生有損

辰

二唱滅於物有益

一不久應死譬

辰

二諸子惶悟譬

一頌開譬

癸

二頌喻說二

三頌未來應機不滅

二頌合譬

### 卷五之五

### 分別功德品科

⑤ 二總授法身記三

一經家總序

一頌時眾領解

⑤ 三明當機領解三

二如來分別

二頌如來分別

③ 三本門流通二

三時眾供養

三頌會眾供養

丁 一自此至不輕品明弘經功德以勸流通三

二神力品下八品總明付囑流通

戊 一此去至隨喜品明因中功德以勸流通

二法師功德品明果中功德以勸流通

去華受手科

三

三不輕品引信 毀罪福以勸流通

⑤本品分二

一現在四信四

二滅後五品二

一直起隨喜心

二加自持誦讀

三兼勸他持誦

四兼行六度行

五正行六度行

一列五品格量  
四種功德二

一庚念信解二

一庚舉示其人

一壬總明功德

三壬明位不退

二壬畧解言趣

三壬廣為他說

四壬深信觀成

一辛長行五

二辛偈頌四

一辛長行三

二辛偈頌三

一壬格量多少

二壬追頌人相

三壬行位不退

一壬頌第二品

二壬頌第三品

三壬頌第四品

四壬頌第五品

庚

己

壬

庚

壬

辛

壬

壬

一以隨喜格量初品功德

### 卷六之一

## 隨喜功德品科

⑧庚 二以隨喜格量初品功德

辛

問

一長行二

壬

二偈頌二前同

二一答二

## 法師功德品科

⑨戊 二本品分二

去法受尸斗

癸

一答內心隨喜人四

二明外來聽法人四

子

一自往

二分座

三勸他

子

一展轉相教

二立格量本

三問答明功

四正與格量

四具聽

庚

一眼根二

辛

一長行

三

己  
一總列六根功德  
二別作六章釋解六

二耳 三鼻  
四舌 五身

二偈 頌  
六 意

卷六之二

常不輕品科

⑤ 三本品分二

己  
一長行三  
二偈頌二

庚  
一雙指前品罪福  
二雙開今品信二

辛  
一明事本  
二明本事

庚  
一頌信毀因果二

庚  
三雙明信毀果報三

壬  
一頌雙標二人

辛  
一頌事本

辛  
一先明信者果報

二頌明其得失

二頌本事四

二明毀者果報

三頌信毀果報

二結頌勸持

三結饒益勸持

四頌結會古今

卷六之三

神力品科

① 下八品明付囑流通三

戊

一 神力囑累明通二

二 藥王下五品明化他流通

三 普賢一品約百行流通

一 本品明菩薩受命弘經二

庚

一 長行三

一 菩薩受命二

辛

二 佛現神力二

上卷受三斗

壬

一 經家敘儀

二 發誓弘經

壬

一 稱歎付囑

二 結要付囑

三 勸獎付囑

四 釋成付囑

壬

一 總頌四法

二 別頌四法四

壬

一 所對之眾

二 正現神力十

癸

一 吐舌相

二 放身光

三 出警效

四 共彈指

五 地震動

六 見大會

三

三結要勸持四

二偈頌二

一頌神力

辛

二頌結要三

二明如來摩頂頂囑累

囑累品科

④ 二明如來摩頂囑累一

庚

一特明付囑三

二時眾歡喜

三頌總結勸

一頌一切法

癸

二頌自在神力

三頌秘要之藏

四頌甚深之事

三

七空中聲

八同皈命

九遙興供

十通一土

辛

一如來付囑

二菩薩領命

三事畢唱散

卷六之四

⑤ 下五品約化他五  
流通

一出藥王本事師  
最弘經法

二明妙音往來子  
願受法弟

三觀音普門示徧  
現而願周徧

四鼠聖神咒加固  
持而明堅

五王出陳本  
事而堅護持

藥王品科

④ 一本品分四

庚

一 請問

二 對答二

壬

一 明事本

二 明本事三

丑

一 生王家

二 說本事

辛

一 答苦行二

癸

一 明佛說法

二 答歎經三

二 喜見修供二

三 往佛所

壬

一 歎能持之入

子

一 現在二

四 佛付囑

二 歎所持之法二

丑

一 修行得法

寅

一 起塔

一 歎法體

二 作念報恩二

二 燒臂

去毒受尸斗  
癸

壬

二歎法用三

一拔苦用

子

二與樂用

三結脫苦

三明持經福送

三利益

四稱讚

卷七之一

妙音品科 ㊟本品分六

一放光東召

庚

一用法身力

二用報身力三

寅

一以神力燃身

二恒沙佛共讚

卯

三明燃身時節

二未來五

三結會古今二

一經家敘福

壬

二被照辭師

三

三利益

四現報

一結會二勸修

子

一舉聞全經得福

癸

二舉聞本品得福

一格量

子

一囑累

一先遣花至

癸

一文殊問瑞

二奉命西來二

一發來緣五

二正發來六

三十方弘經二

一問荅善根神加二

二問荅今佳何定二

四二土得益

五還歸本國

六聞品進道

卷七之二

三師誠勿輕

四受旨承力

五現發來相六

一主伴同臨

二敘相登臺

三問訊傳旨

四請見多寶

五世尊通致

六塔中稱善

三如來特荅

四文殊請見

五推功多寶

六古佛促行

一問

二荅二

一荅善根

二荅神力

一問

二荅

辛

辛

壬

壬

癸

普門品科

④三普門示現三

庚

一長行二

辛

一明兩番問答二

壬

一問觀世音名二

癸

一當機請二

子

一經家敘

二正興問

三如來答三

子

一總稱名蒼四

丑

一人數

二遭苦

三稱名

四解脫

丑

一口機應物二

寅

一明七難七

二結神力

三意機應物三

一離三毒

卯一大火難四

辰

一稱名

二遇苦

三得脫

四明應

二大水

三羅刹

四王者

五惡鬼

二別脫苦荅三

三勸持名荅三

二問普門示現

二勸至誠供養

一偈頌

三明益

卷七之三

⑤二問普門示現二

一問施三業

二荅其妙應二

癸

二顯威神

三身機應物二

寅 二正明誠求二

卯 一求男

一求女

二結福不虛

子 一荅所現身

二總荅度生

癸 一奉命

六 枷鎖

七 怨賊

丑 一勸持

二格量

三結歎

卯 一頌火難

二頌水難

三加須彌

卷七之三

① 勸至誠供養

一 如來勸供

二 無盡受旨

② 偈頌

一 雙頌二問

二 雙頌二答

一 經家敘

二 頌佛答

一 加頌歎行願

二 別頌明二答

二 不受

三 求愍

四 佛勸

五 卽受

六 總結

一 總

二 別

一 頌七難加餘

二 頌三毒求

一 正頌示現

四 加金剛

五 超頌怨賊

六 追頌刀杖

七 追頌枷鎖

八 加頌咒藥

九 追頌羅刹

十 加頌惡獸

十一 加頌蛇蝎

十二 加頌雲雨

一 超頌總答

一 答觀音名

二 答普門 現示

三 雙頌二勸

一 頌勸受持

二 頌勸供養

⑧ 三明益二

一 加頌顯機

一 明境智深妙

二 明感應難測

一 持地歎功

二 聞品進益

二 追頌別答

一 頌身業普應

二 頌意業普觀

一 明本觀慈悲

二 明智光普照

三 頌口業普說

### 卷七之四

### 陀羅尼品科

③ 四本品四

一 問持經功德

一 列名二請說

三 明護四誓言

一 求請說

二 正說咒

去 庚 去 庚 受 卮 斗

三

二 答功德無量

三 請以說咒護五

一 藥王請說四

辛

二 勇施請說三

三 多聞請說

四 持國請說

五 諸女請說五

四 聞品得益

莊王品科 ⑤五本品六

庚

一 特明事本

五 佛讚

一 明時至

辛

二 出論議四

三 現化身

一 信子伏師

辛

二 稱慶願放

三 重明難值

四 化功已着

五 俱詣佛所二

六 佛與授記

三

三 歎護持

四 佛印證

一 求請說

壬

二 正說咒

三 歎護持

一 白母時至

壬

二 母遣化父

三 怨生邪見

四 母囑當念

一 見佛得法

壬

卷七之五

二 雙標能所

三 能化方便三

四 所化利益十

五 結會古今二

六 聞品進道

七 出家修行

八 稱歎二子

九 佛述行高

十 歎佛自誓

一 興供增瑞

一 王結會

一 再結歎

普賢品科 戊 三本品分

一 經家敘議

二 問答勸發二

一 請問勸發二

一 總標四法

二 別開四行

三 總結成就

一 護人六

總

別

行立讀誦

一端坐思惟

去 乖 受 斗

庚

己

辛

壬

癸

癸

辛

三

辛

一 普賢請

二 如來答三

三 誓願勸發二

三 述發久修二

一 述護法

二 述護人五

四 聞者得益三

庚

一 聞品得益

二 通結聞經

法華授手科

壬

一 攘外難二

二 教內法四

三 覆以神力

四 特示勝因

五 復示近果

六 總結一心

二 護法

辛

三三七精進

四 正與說咒

一 述身教

二 舉勝因

三 示近果

四 攘外難

五 述信功

妙法蓮華經授手卷第一之一

清楚衡雲峯沙門智祥集

塵點劫佛。與現坐道場之十方佛。各證而默同者。妙法也。妙法者何。卽佛與生。靈靈共稟。歷歷孤明。無聲無色。不得以相相。無相而求者也。然此妙法。本無古今。無生滅。曷諸如來皆有出生現相轉法輪般涅槃之古今生滅耶。蓋諸佛證此無古今無生滅法時。卽願一切人。與未來際人。齊證乎此。眾生一日不證。諸佛一日不安。眾生積劫不證。諸佛亦積劫不安。所以不得不於無古今生滅中。示古

今生滅。以濟此不證乎無古今生滅人耳。卽我本師世尊。以不自安之心。來生堪忍。向本無古今生滅中。而突爾幻出不可窮盡之古今生滅。謂我以佛眼觀見六道眾生。貧窮無福慧。相續苦不斷。爲是眾生故。而起大悲心。夫佛果見六道眾生貧窮。實有福慧。實無佛。卽具有神力。亦不過如國王之用赦出人於苦已矣。安能使人人皆獲國王位哉。是佛抱此不安。亦與世之憫物不自安者。無以異也。亦非佛出現本懷也。要知盡無古今。盡無生滅。必在無盡古今。無盡生滅中。翻出古今生滅。到無

盡極處。則盡無古今。盡無生滅。始現前矣。所以示  
生無非要人證。此無生。示相無非要人證。此無相。  
無何眾生着相深。着生又深。既沒於古今生滅中。  
非着有卽着空。於佛無古今生滅義。有若相背而  
馳。愈趨愈遠。殆相遇無期也已。是以如來於此。遠  
則數百千劫往返。近則四十餘年誘引。曲盡無限  
血腸。磨盡無窮心髓。將人人所有之。歷歷孤明者。  
左盤右旋。多方陶鑄。迨至以白毫光。媚牽心眼。靈  
運方甦。乃得令一切人。心頭眼底。搖搖動動。轆轤  
欲轉於空靈靈地。幾欲伸手捫摩。而又無從。故如

來得此一機。本懷始暢滿。將出世來一大事。無古  
今生滅之因緣。開襟傾倒。權實會融。舉靈靈共稟  
之宗。班班委付。直至盡會中人。悉能契悟自心。實  
無古今。實無生滅。信知將來卽此畢竟成佛。卽此  
當度無量眾生。卽此得還心佛眾生三無差別之  
源。卽此與諸佛世尊。共一鼻孔吐氣。而佛爲此一  
事。常不自安之鬱膈。乃得一慰。乃爲我世尊出現。  
一翻得得。說此妙法華經。教諸菩薩。同與諸佛所  
最護念之本志也。將釋此經。先分四段。○一略釋  
經題。

妙法蓮華經者。法卽一真如心法。乃世出世間。最妙最玄之第一義也。何謂真如心法。以其物物具足。原無增減也。蓋大地含生。不論僧俗男女。老少智愚。天仙神鬼。白牯鰲奴。俱一一天然。一一現成。你若要去摸索他。尋究他。取證他。了辨他。他便無不赴心滿願。無有不得。無有不證。非物物具足而何。且一切僧俗男女。老少智愚。天仙神鬼。白牯鰲奴。以至鰕蜺蛤蜊。草芥纖雞。咸有無量智慧而不自用。無量解脫而不自證。無量三昧而不自入。無量神通而不自取。積劫累生顛倒。於聲色人我場。

中聽貪嗔嫉妬所使。任恩愛無明所驅。或走驢胎。或住馬腹。一來一往。萬死萬生。而者個依然不離。謂有增減否耶。惟其物物具足。無有增減。故四聖六凡。皆倚之爲根爲本。捨此則更無有能爲根本者。此所以謂之最妙最玄之第一義也。我世尊從曠劫自證以來。於三七日。向無盡香水海中。坐大蓮華。說圓滿修多羅大華嚴。已爲利生。出現於世。其間雲重雲起。浪復浪生。此唯毘盧遮那。與微塵數等諸菩薩。作是主伴。如是盡微塵刹海。有微塵主伴。乃至於一極微微塵中。有如是微塵主伴。如

是主伴演如是法門。又豈別有所謂法哉。然世尊不離菩提樹而現法界身雲。徧坐道場稱法界性。以闡普徧圓融無礙大解脫法門者。只緣着相眾生。根機暗鈍。視聽俱昏。又不得已垂二相。而二始同時。將此妙法於不可分中。爲頓漸秘密。三一小大作差別顯示。則成四十年舌沸寒濤矣。蓋此法斂之則無以窺其迹。散之則無以竟其名。所以在楞嚴曰。如來藏性曰常住真心。在金剛名甚深般若名實相。真宗在圓覺名無礙伽藍。在楞伽爲佛語心宗。至於涅槃中無滅無生。非常非斷。曰摩醯

眼曰塗毒鼓乃至靈山最後拈花曰實相無相教  
外別傳其實皆此法也。乃此法卽則凡聖俱容。離  
則聖凡俱泯。深無容測。密無容透。與乎其觚而不  
堅。張乎其虛而不華。非思思議議可得。故將一妙  
字稱之。夫所謂妙者。由其體不變。而用隨緣也。語  
乎體。名不得。狀不得。染不得。淨不得。復何聖凡迷  
悟之可指。儼如澄渟之水。圓瑩之珠。雖寂寂而光  
吞影落。不可得而昧者也。約其用。則聖凡迷悟。隨  
之而轉。設使不轉。一定爲聖。凡迷悟何妙之有。且  
聖不增。凡不減。妙無損益也。若聖有些增。凡有少

滅。妙安在哉。有情得而萬事通。無情得而庶物長。若有情獨得。無情不得。亦不爲妙。惟其天得以清。地得以寧。鬼神得以靈。聖人得以開。迷拯溺。愚夫得以忠。君愛親。取之不竭。用之不竟。莫存其故。莫究其新。妙矣。然而未盡得之之妙也。苟得不變之體。神凝千古。一念萬年。如碧落長空。如寒潭皎月。豎不止三際。橫豈獨十方。放之則沙界俱含。收之而毛端有剩。原厥始而無始。朕兆誰分。審乎終而不終。蒼茫曷極。斯殆不變之妙也。能運隨緣之用者。應機隨類。格物無方。如空谷隨聲。如摩尼現色。

毛端現刹塵內轉輪語。其實而非實。鎔萬有於一。無論乎空而不空。散一無於萬有。斯又隨緣之妙也。我如來不忍此法獨自受用。故云。我本立誓願。欲令一切眾。如我等無異故爾。放光現瑞。急欲將此妙法。渾全托出。意在顯露。十界十如本迹權實之理。使一切人。覩如是希有事。必生如是希有心。心生而法可證矣。然經名妙法蓮華。過去諸佛。久有斯名。大通智勝如來。於塵點劫前。受十方諸梵天王。及十六王子請。便謂說大乘經。名妙法蓮華。又遠如世尊爲菩薩時。曾於無量無邊不可思議。

阿僧祇劫前事阿私仙人聞妙法華經又於威音王佛時於虛空中具聞彼佛所說妙法華經則是妙法蓮華豈獨文殊於日月燈明始聞之耶又豈但今日現在十方恆沙如來宣此妙蓮華耶去未來無量諸佛應如是說故知此妙法蓮華三際十方塵塵剎剎無不俱是苟一時或斷一處不徧一佛不說一事不具則弗妙矣故云如是妙法諸佛如來時乃說之須知此時字遍塵剎而不盡亘古今而常存非此時彼時可得間斷可得限量也妙法之下着蓮華兩字者何因此法微妙難明故借

蓮華喻之。夫喻所以表法也。喻不切。卽法不妙。如繪像者。其靈在神。晝月者。其妙在雲。神到而像自活。雲奇而月自吐。然則所謂蓮華。豈可執天上人間。青紅赤白之形。而擬議之耶。使執形而擬。縱靈瑞大寶。三千年一開。開則金輪應世。要不過三千年。而應一輪王。是豈神到雲奇之妙耶。卽大經所演。香水海下。有大蓮華。名種種光明。蕊香幢。而持無盡華藏世界。雖則世界無盡。華藏無盡。畢竟終有限量。總之境不忘。而量有限。量有限。而法卽黏滯。又豈無相無名之妙喻耶。今所以喻蓮華者。乃

明人人本有之妙蓮華藏也。謂此蓮華因卽具果。而果復含因。以今因繼果。則後果之因已植。由今果含因。故先因之果元成。正明眾生心內。早具已成之佛。諸佛心中。又孕未來之生也。以懷佛之心爲因。佛終無盡。以孕生之念證果。生亦曷終。以劫劫之佛。度生生之生。以生生之生。成劫劫之佛。如天河之不息似孤月。以常輪古今如是。諸佛古今如是。眾生無不具此蓮華。能悟此蓮華。卽得自己妙法。故以妙法蓮華爲此經名也。經者。徑也。古今不易之常道也。梵語修多羅。此云契經。謂上契諸

佛之理。下契眾生之機。契理契機。故名契經。又經者。法也。常也。十界同軌。謂之法。三世不易。謂之常。乃十方三世佛。佛所演之常法。故通名曰經。此經題之略義也。略釋經題已竟。○二特標譯主

姚秦三藏法師鳩摩羅什奉詔譯

姚秦者。前後三秦。此明非嬴秦符秦之時也。三藏者。卽經律論。謂此師三學俱通故。法師有二意。一法身長養。全藉於法。是以法爲己師也。二將自所證之法。展轉傳授。使一切人。開通正眼。則爲人之師也。鳩摩羅什。譯主名也。此云童壽。出處氏族。及

譯經始末。備載弘傳序解。譯者。翻譯也。謂翻梵音爲華音。翻梵字爲華字。翻梵語爲華言。皆此師力也。○三別釋品名。品有二十八名。各隨本品。釋義科名。總標於此。

### 序品第一

品節云。此品總顯一真平等法界。以彰如來出世始終。不出普光明智。剎那際三昧。欲令眾生了此實相真境。以爲成佛真因也。如來出世本懷。先說無量義經。入無量義處三昧者。正顯如來語默隨機。皆非心識思量境界。然於定中。天雨四花。地搖

六震者意顯如來以無作妙力。掀翻眾生無明窠窟。以撤六根四大之障礙也。放眉間白毫相光照東方萬八千世界者。直顯眾生動用根塵識界不離普光明智也。光中圓現法界事相。生佛始終。顯眾生諸佛平等無二也。蓋此光中實相真境。卽眾生日用現證境界。但能當下知歸。了此卽爲成佛真因矣。如來出世。特爲此事。四十年中。未顯發者。何也。根機未熟。待時故耳。且以彌勒騰疑者。顯此境非心識可知。啟問文殊。蓋非智不能入也。引燈明之本始。證今佛之瑞相。顯古今一道耳。四十年

中所談。不盡光中之事。故判此品。爲總顯如來出世爲一大事。因緣之象。天台云。序義有三次也。由也。述也。如是我聞等。冠於經首。次序也。放光六瑞。發起之端。由序也。問答釋疑。正說弄引。敘述也。具此三義。故稱爲序。義類同者。敘爲一段。故名曰品。唯藥王品。與提婆達多品。是佛親唱。餘皆結集所置。或譯人添足。此品居諸品之始。故云第一。又序有通別二義。從如是我聞。至退坐一面。是通序。謂通諸經皆然也。從爾時世尊下。至品盡。是別序。與眾經不同。乃別序一經教啟之因也。○四正解文

義大科分三。①一序分。夫序正流通三分。始於道安法師。而證於親光菩薩。解家無不依之。分釋其文。此古今不易之定論也。又分二科。

②一六種證信序。六種者。卽信聞時。主處。眾六成。就也。謂此六種。闕一不可。證信者。佛將入滅時。阿難請問。一切經首。當置何語。佛命置如是我聞。一時。佛在某處。與大眾俱。使天下後世。知佛法皆有源本。非世人可妄作也。置此有三意。一以斷疑。二以息爭。三以簡邪。斷疑者。阿難始結集登座時。相好如佛。眾起三疑。一疑佛重起。二疑他方佛來。三

疑阿難成佛。及舉如是我聞等。則三疑頓息矣。息爭者。如不言如是之法。我從佛聞。是自有制作。則爭論便起。故舉如是我聞等。則爭論不生也。簡邪者。外道邪法。經首皆置阿憂二字。謂阿者言無。憂者言有。外道妄計萬法。雖多。不出有無爲吉。故佛經首置如是我聞等。使邪正攸分也。就此分三。一標信與聞。

如是我聞

如是乃指法也。我聞。明授受也。謂如是之法。我從佛聞。六成就中。如是二字。卽信成就也。謂信者言

如是不信者言不如是。約理謂聖人說法。但顯真如。唯如爲是耳。故曰信成就。我聞第二聞成就也。我乃結集經主也。本隨世假我。及法身真我。言非同凡夫外道所計之我也。我聞者。謂親見親聞。非展轉傳聞。經云。此方真教體。清淨在音聞。不假音聞。教體何立。約理以無我之真我。不聞而自聞。故曰聞成就。④二時主及處。

一時。佛住王舍城耆闍崛山中。

一時。第三時成就也。取其師資道合始終說聽之一時。蓋佛說法。聖境難齊。豈可定以時節。故但言

一時約理則心境理智。凡聖本始一如之時。故曰時成就佛。卽第四主成就也。梵語佛陀。此云覺。謂始覺與本覺證齊而成究竟覺。此約自覺言也。又云。自覺覺他。覺行圓滿。此兼利他。自覺揀凡。覺他揀小。圓滿揀因。蓋指娑婆教主釋迦牟尼佛也。非此大聖孰能演斯大法。故曰主成就。住王舍等。第五處成就也。王舍城者。駁足王與干王。共立舍城。都五山中。爲大國。此城名也。耆闍崛乃山名。此云靈鷲。以峰形如鷲故。此中有五精舍。一名天主穴。一名七葉穴。一名蛇形穴。一名少獨力山。一名耆

闍崛前佛今佛。皆居此山。佛滅度後羅漢住。次第有辟支佛及鬼神相續住。住皆聖靈。故曰靈鷲。約理住者。以能住之智。居所住之理。不落二邊。咸歸中道。斯一乘妙典。非此勝地。何以說之。故曰處成就。①三詳列聽眾。乃第六眾成就。座無知音。說將誰聽。今淘汰已成。不得不說。故於列眾粗分爲二。②一詳列聖凡。又三。③一聲聞眾。分二。④一先比丘。又二。⑤一出無學。以明德。又復分四。⑥一舉類標數。

與大比丘眾。萬二千人俱。

此但舉迹。與者其也。大有三義。一數多。二名重。三德隆。比丘梵語。此翻亦三。一乞士。謂內乞佛法。以資慧命。外乞信施。以資色身。二破惡。謂能破見思之惡。三怖魔。謂既能破見思之惑。而魔羅恐怖。以其能出三界。必化餘人。則魔類減損。所以怖也。眾。梵語僧伽耶。此云和合眾。有六義。戒和同修。見和同解。身和同住。利和同均。口和無諍。意和同悅。萬三千標數。略言之也。廣則二十八品內。他方此土。凡在會者。悉皆爲眾。又十方十二類眾生。及三變淨土。從地湧出者。亦皆此會眾。故此但略言。俱者

具也。謂此大眾皆集此處。④二明位嘆德。

皆是阿羅漢。諸漏已盡。無復煩惱。逮得已利。盡諸有結。心得自在。

此則顯本迹。雖比丘而本皆大阿羅漢。凡此聖眾無非輔化。如來出世利生。豈僅實行聲聞。佛云我弟子。如是方便度眾生。可悉知其遠本。皆不思議。梵語阿羅漢。名含三義。一無生。既得出離三界。則分段變易俱離。不受後有。非但僅能破惡。二殺賊。一切煩惱盡除無餘。不但僅能怖魔。三應供。具智斷功德。堪受人天供養。天台云。諸漏盡兩句。歎殺

賊。諸漏有三。一欲漏。二有漏。三無明漏。謂三界因果。起惑造業。致生死。忘法身。失慧命。喪重寶。皆是賊義。煩惱。謂昏煩之法。惱亂心神。卽九十八使。今諸漏旣盡。則煩惱永忘。所以能殺賊也。逮得已利一句。歎應供。三界因果。皆名爲他。智斷功德。方名已利。已利具足。所以能應供也。盡諸有結兩句。歎無生。諸有。卽二十五有生處。結。卽二十五有生因。今因果都忘。則有結盡矣。心得自在者。卽定慧具足。定慧旣具。何生之有。所以得不生也。②三略舉首眾。於萬二千中。略舉上首二十一位。

法華抄三卷第一之二  
三  
其名曰阿若憍陳如。摩訶迦葉。優樓頻螺迦葉。伽耶迦葉。那提迦葉。舍利弗。大目犍連。摩訶迦旃延。阿菟樓駄。劫賓那。憍梵波提。離婆多。畢陵伽婆蹉。薄拘羅。摩訶拘絺羅。難陀。孫陀羅難陀。富樓那。彌多羅尼子。須菩提。阿難。羅睺羅。

此列名也。阿若名也。此翻無知。以無知名者。非無所知。乃知無耳。憍陳如姓也。此云火器。婆羅門種。其先事火。從此名族。又名摩訶男。以其聞法得道。最在一切人天羅漢之前。如云佛最長子。阿含云。我佛法中。寬仁博識。初受法味者。拘鄰如比丘第

一。○摩訶迦葉。此云大龜氏。其先代學道。靈龜負仙圖而應。從德命族。名畢鉢羅。父母禱樹神而生。亦名飲光。以其身光能飲日月故。佛弟子中。名迦葉者多。於同姓中最長。故名摩訶迦葉。摩訶含大。多勝三義。如來以法付之。乃傳金縷僧伽黎。住雞足山。待彌勒出世。付法授衣竟。然後入滅。阿含云。我佛法中。行頭陀行。大迦葉第一。優樓頻螺。此云木瓜林。依林住故。伽耶此云城。那提此云河。兄弟三人皆事火。當毘婆尸佛時。共豎剎柱。故報爲兄弟。兄爲瓶沙王師。有五百弟子。兩弟各二百五十。

皆行咒法。不肯歸佛。佛作十種神變度之。謂毒龍不中。龍火不燒。恆水不渴。三方取果。北取粳糧。忉利取甘露。知嫌隱去。知念現來。火滅還然。斧舉不下。廣如瑞應經說。雖覩眾變。邪執不歸。復云。瞿曇雖神。不如我道爲真。佛云。汝非羅漢。亦不得道。三人皆契悟。同歸於佛。阿含云。優樓那比丘能將護四眾供給四事。令無所乏。最爲第一。那提比丘。心意寂然。降伏諸結。精進第一。伽耶比丘。觀了諸法。都無所著。善能教化。最爲第一。○舍利弗。此云鶖水鳥也。弗此云子。大論云。婆陀羅王婦生一女。眼

似舍利鳥。因名舍利。以其是女所生故。名舍利弗。又名身子。以母好形身故。阿含云。我佛法中。智慧無窮。決了諸疑。舍利弗第一。○大目犍連。此云萊菔根。婆羅門姓也。名拘律陀。因禱樹神而生。故以命名。阿含云。我弟子中。神通輕舉。飛到十方者。目犍連第一。○摩訶迦旃延。婆羅門姓也。此云文飾。善議論故。阿含云。善分別義。敷演道法。迦旃延第一。○阿菟樓駄。或云阿那律陀。此云無貧。或云阿泥盧豆。此云如意。賢愚經云。弗沙佛法末時。饑饉有辟支佛。名利吒。行乞空鉢。有貧人。見而悲愍。曰。

聖士能受稗否。荅云。可耳。卽以所噉奉之。食已現  
十八變而去。其人悲感愈切。故感九十一劫天上  
人間。受如意樂。及投佛出家。以昏睡受佛訶責。七  
日不眠。遂失雙明。佛令修樂。見照明金剛三昧。得  
半頭天眼。見大千界。如觀掌果。阿含云。我佛法中。  
天眼徹視者。阿那律比丘第一。卽斛飯王次子也。  
○劫賓那。此云房宿。父母禱房宿而生。故以爲名。  
又云。初出家時。因往見佛。偶值雨。夜宿陶師房。以  
草爲座。後一比丘亦來投宿。賓那卽推草與之。至  
中夜後。比丘問何往。云我欲見佛。比丘遂爲說法。

豁然得道。後比丘卽佛也。以其佛宿得道。故名房宿。阿含云。我佛法中。善知星宿日月。明識圖像者。劫賓那比丘第一。○憍梵波提。此云牛呵。亦云牛迹。前五百世時。曾爲牛王。以牛食後。常事虛哨。餘報未除。嗟嗟常嚼。故時人稱爲牛呵。以避人輕咲。恐其得罪。常居天上。佛滅度時。迦葉集千羅漢。遣下座僧。追憍梵至。梵問佛。荅云。已滅。梵云。佛出我出。佛住我住。佛旣入滅。吾亦滅矣。遂入滅。阿含云。樂在天上。不樂人間。牛跡比丘第一。○離婆多。亦名離越。此云星宿父母從星乞生。因以得名。雖得

出家猶隨本字。阿含云。坐禪入定。心不倒亂。離越比丘第一。○畢陵伽婆蹉。此云餘習。五百世爲婁羅門。雖得道果。餘習尙猶高慢。過恆河水。叱河神曰。小婢駐流。河神分爲兩派。其神被叱。遂往訴佛。佛令伊悔謝。卽對眾合掌云。小婢莫嗔。大眾咲之。河神云。悔而更罵。佛云。本習如此。實無高心。阿含云。樹下苦坐。不避風雨。漚蹉比丘第一。○薄拘羅。此云善容。容貌端正。故年一百六十歲。無病無天。由昔持不殺戒。故九十一劫。命不中天。毘婆尸佛時。一比丘患頭痛。以一阿勒果施之。病愈。感劫劫。

生生身常無病。阿含云。壽命最長。愛樂閑靜。薄拘羅第一。○摩訶拘絺羅。此云大膝。卽舍利弗舅也。由來論常勝姊。姊孕。論則不勝。知懷智人。寄辯尙爾。况出生耶。乃棄家往南天竺。讀十八經。時眾笑之曰。累世難通。一生豈冀。乃喟然歎曰。在家爲姊所勝。出外爲他所輕。誓願不休。無暇剪爪。時人呼爲長爪梵志。後投佛出家。得法眼淨。阿含云。得四辯才。觸難能答。拘絺羅第一。○難陀。亦云放牛難陀。此云善歡喜。妙樂云。從初慕道爲名。歡喜中勝。故云善也。淨飯王偈十萬釋出家。卽其一也。○孫

陀羅難陀。孫陀羅。此云好愛。妻名也。難陀。此云歡喜。已號也。揀異眾難陀名。故標妻名。以別之也。是佛親弟。四月九日生。短佛四指。容儀挺特。與世殊異。後爲佛引令出家。證羅漢果。○富樓那彌多羅尼子。富樓。此云滿。父名。彌多羅。此云慈。母名。西域稱男爲那。女爲尼。從父母得名。故名滿慈子。阿含云。善能廣說。分別義理。滿慈子第一。○須菩提。此云空生。其生之日。家中庫藏。一切皆空。故曰空生。父母驚異以占。相者曰吉。又名善吉。及其出家。見空得道。兼修慈心。得無諍三昧。善說空法。佛從忉

利天下。率土輻輳。爭先頂禮。惟須菩提。端坐石室。念諸法空。豁然開悟。故爲解空第一。○阿難。此云歡喜。或云慶喜。或云無染。佛成道日生。舉國欣慶。故以得名。凡隨佛入天人龍宮。見諸女眾。心無染着。故名無染。爲佛侍二十五年。所聞八千犍陀。皆誦不遺。不重問一句。佛滅後。大眾請結集諸經。登師子牀。相好如佛。迦葉讚云。面如淨滿月。眼若青蓮花。佛法大海水。流入阿難心。而如來寶藏。今得流通。天上人間者。皆尊者力耳。其入滅時。於恆河中。入風奮迅三昧。分身爲四分。一與天上。一與龍

宮。一與毘舍離國。一與阿闍世王。阿含云。知時明物。所至無疑。所憶不忘。多聞廣達。堪任奉持。阿難陀第一。○羅睺羅。此云覆障。是佛親子。往昔因塞鼠穴。又不看侍婆羅門六日。故處胎六年。因名覆障。佛爲太子時。欲求出家。父王不許。乃曰。汝若有子。聽汝出家。太子卽以手指妃腹曰。過後六年。汝當有孕。旣出家已。耶輸有娠。諸釋咸瞋。疑其非正。耶輸遂設火坑。誓曰。我若爲非。母子俱滅。若真遺體。天當爲證。因抱子投坑。坑變爲池。蓮華捧體。於是父王歡喜。雖失其子。而獲其孫。孫爲金輪。吾亦

何恨。後長大已。佛索出家。父王不許。耶輸將上高樓。目連飛空取之。佛度出家。爲舍利弗弟子。於大眾中。密行第一。④四總結眾集。

如是眾所知識。大阿羅漢等。

此統攝餘眾也。如是二字。指上二十一位。其餘萬二千中。未舉者。以等字該之。統文也。聞名曰知。見形曰識。又見形爲知。見心爲識。眾所知識者。言此皆人天大眾所共見。所共知之大阿羅漢也。⑤二標有學。以該廣該。廣者。謂舉有學。則初二果人。攝無不盡也。

復有學無學二千人。

此盡諸學眾也。前萬二千。乃真窮惑盡無學者也。此二千有學者。將研真斷惑。希證四果。是學彼無學之人。但舉位數。而不歎德者。以與前諸知識差等。若證入四果。則德業無二無別。故此不復重歎。

② 二比丘尼眾。

摩訶波闍波提比丘尼。與眷屬六千人俱。

此復標尼眾。以見法會之必有也。波提。此云大愛道。以有智故名。又云憍曇彌。此云尼眾主。卽佛之姨母也。佛成道十四年。母求出家。佛不許。阿難爲

陳三請佛令阿難傳八敬法。若能行則聽出家。一  
百歲比丘尼。見初受戒比丘。當迎拜請坐。二不得  
罵比丘。三不得舉比丘過。比丘得說尼過。四於僧  
中求受大戒。五若犯僧殘罪。應半月向僧中行摩  
那埵行。六當於僧中求教授人。七不應在無比丘  
處結夏安居。八夏訖詣僧中求自恣人。母一一如  
教。遂度出家。共眷屬數有六千。

羅睺羅母耶輸陀羅比丘尼亦與眷屬俱。

耶輸陀羅。此云華色。亦云名聞。在家爲菩薩之妻。  
天人知識。出家爲尼眾之主。位居無學。卽名聞也。

亦與眷屬俱。直指云。以上三種二乘。應歸阿含方  
等般若。羊鹿牛車。爲後三周得記者伏案。約用屬  
當人權智。⑤二菩薩眾。分四。④一舉類數。  
菩薩摩訶薩八萬人。

此標上位。以明法會之輔佐也。菩薩乃梵語。具足  
應云菩提薩埵。此翻覺有情。已能自覺。而覺他也。  
摩訶薩。此翻有大多勝三義。亦名大道心眾生也。  
謂具大慈。得大智。修大因。證大果。故得是名。此常  
隨眾。數有八萬。④二明德位。  
皆於阿耨多羅三藐三菩提。不退轉。

阿翻無。耨多羅翻上。三藐翻正。三菩提翻覺。通云無上正等覺也。梵語阿鞞跋致。此云不退轉。有三不退。一位。二行。三念。從初住位。分具三德。得般若。是位不退。離二死故。得解脫。是行不退。諸行具故。得法身。是念不退。證實境故。此一句是總歎入萬大士正因。已植下十二句。別歎所修諸功德門。然修雖萬行。要不出十波羅蜜。當以十度合之。皆得陀羅尼。

上就人依法。人眾法一。故曰皆於。此以法品人。人眾法十。故曰皆得。貫下一十二句。謂此入萬人。皆

得十度。皆得名稱普聞。皆能度脫無數眾生也。陀羅尼。梵語。此云總持。謂總一切法。持無量義。愚謂卽戒度也。戒有止作二義。止者。諸惡不作。既能止於眾止。萬妄永息。妄既息而羣靈畢具。豈非總一切法耶。一切法卽染淨因果世出世法。作者。眾善奉行。既能作於所作。無行不修。行既修而諸智恆存。豈非持無量義耶。無量義卽十界十如本迹權實之義。如是凡聖因果。唯戒波羅蜜。總持不失。始名最勝無上大陀羅尼。故以之攝戒也。

樂說辯才。

卽願度也。辯才有四。一法無礙。二辭無礙。三義無礙。四樂說無礙。菩薩至九地。斷一障。二愚。始能證此。樂說者。統前三而成。晝夜恆說。熾然靡間。人不分利鈍。處不論苦樂。塵刹俱徧。劫量匪窮。若弘願不深。曷堪至是。故以之攝願也。

轉不退轉法輪。

卽進度也。等覺位中。證此法已。卽能以普現色身徧入塵刹。廣運十二類生。咸躋寶所。輪終不滯。乃至無有一念生滿足證。所謂虛空界盡。眾生界盡。我此修行究竟無盡。此精進輪。豈有終窮。故以之。

攝進也

供養無量百千諸佛。

卽施度也。蓋能供養者。必發喜捨心。惟喜捨故。不獨能捨身外諸珍寶物。妻子眷屬。卽已身頭目手足。無不以欣心供養。况所奉非一佛二佛也。動以無量百千言。其供佛所具之珍寶。及自他身分。寧有量哉。準華嚴經說。菩薩所奉。有無量衣服雲。無量傘蓋雲。乃至歌詠讚歎。一一皆云無量。然此皆財施也。行願云。諸供養中。法供養最。而諸菩薩上求下化。行所難行。示法界身。應微塵國。又是何等

施力。故以之攝施也。

於諸佛所。植眾德本。

卽禪度也。諸佛所。卽微塵刹土也。植眾德卽自淨佛土也。欲淨佛土。無越乎定。定深而德本建矣。今菩薩欲圓滿二利之果。植真因。惟佛可憑。福智雙嚴。大用繁興。方堪濟物。然所以修定慧。卽自淨佛土也。維摩云。心淨則佛土淨。故以之攝禪也。

常爲諸佛之所稱歎。

卽慧度也。菩薩上求下化。益己益人者。皆慧也。如九地菩薩。建立世出世間工巧技藝種種差別門。

種種出離門乃至無量神通三昧。罔不通達。能爲諸佛之所稱歎。故以之攝慧也。

以慈修身。

卽忍度也。慈以徧濟羣靈也。而曰修身者。須知慈量未充。卽修身有欠。故慈深則忍亦深。如不休息。菩薩爲一眾生。於極苦地獄。經無量劫。尙不捨離。其慈心忍力何等廣大。故以之攝忍也。

善入佛慧。

卽方便度也。佛慧者。卽一乘實相。所謂甚深無量。難解難入。除佛與佛。無能入者。今菩薩之根本大

智已植。則能以方便智。妙徹本源。盡真如際。得百萬阿僧祇神通。具百萬阿僧祇三昧。見如是世界。與如是供養。放如是光明。演如是法義。豈非善入佛慧者耶。故以之攝方便也。

### 通達大智。

卽智度也。大智者。乃無上菩提圓照法界之智也。推而行之。謂之通。足此及彼。謂之達。菩薩既至不退轉地。則能置一心於萬有。融萬有於一心。所謂森羅萬象。海印發光。心佛眾生。三無差別。其智印何等圓滿。故以之攝智也。

到於彼岸。

卽力度也。彼岸乃涅槃城。非大力不能到。其所以不到者。由無量生死因。無量煩惱果。繫着此岸。今菩薩以金剛妙慧。一齊斬斷。則因忘果喪。故得五住盡。二死忘。卽乘此寶乘。直至道場。力何銳也。故以之攝力度耳。

名稱普聞無量世界。

此總束前十度也。名者。實之著。菩薩內智悉充。外行畢具。到此地位。則無量世界。咸聞其名。所固然也。稱者。相等也。無量世界。則周徧無盡。名旣遠聞。

如是世界而實豈輕易量哉

能度無數百千眾生。

前數段皆明自利。此節方舉利他。蓋有其行者必有其能。今菩薩萬行無遺。權實具足。自能分身塵刹。隨機隨類。現一一形。說一一法。故曰能度無數百千云者。統括無盡之詞也。②三略標名。

其名曰。文殊師利菩薩。觀世音菩薩。得大勢菩薩。常精進菩薩。不休息菩薩。寶掌菩薩。藥王菩薩。勇施菩薩。寶月菩薩。月光菩薩。滿月菩薩。大力菩薩。無量力菩薩。越三界菩薩。跋陀婆羅菩薩。彌勒菩薩。寶積菩

法華經疏卷第一之一  
三  
薩導師菩薩

此一十八位。據理皆如來自具權智之名。可以意領。不繁述也。文殊師利。此云妙德。又名曼殊室利。此云妙吉祥。過去作佛。號龍種上尊王。本經自敘。爲妙光法師。於此會爲根本大智。隱勝現劣。輔揚法化已。與如來同。爲有情模範。故此品如來以光說。而文殊以言顯。如印與文。曾無主從之分也。○觀世音。梵語婆盧吉低稅。此云觀世音。然觀爲能智也。世音爲所境也。至後本品詳釋。菩薩以大悲心運。普門示現。神通三昧。化他流通。意欲令此妙

法源源不絕對文殊爲智悲并運。其力助成出世本懷。則與如來皆無二無別也。○得大勢梵語摩訶那鉢。此云大勢至。凡舉足下足。動三千界。壞魔宮殿。故名。與觀世音共輔阿彌陀佛。次第受記。寶藏佛言。由汝願取大千世界。今當字汝爲大勢至。○常精進。寶積經云。是菩薩爲一眾生經無量劫。隨逐不捨。猶不受化。無一念棄捨。以身心精進。故。○不休息。思益經云。恆河沙劫。爲一日一夜。三十日爲一月。十二月爲一歲。過百千萬億劫。得值一佛。如是值恆河沙佛。行諸梵行。修習功德。然後受

記。必不休息故。○寶掌。寶積經云。以何義故。名爲寶掌。謂菩薩於諸佛土。化眾生時。欲以右手徧捫若干諸佛世界。卽隨所欲。而能成辦。從其手。出佛法僧聲。乃至慈悲喜捨之聲故。○藥王。由曾以雪山上藥。供佛及僧。願於未來。能治眾生身心二病。舉世歡喜故。○勇施。謂能以出世法寶。徧施眾生。而無疲厭故。○寶月。謂所證三諦。可尊如寶。能證三智。圓照如月故。思益云。菩薩常修童子梵行。乃至不以心念五欲。何況身受。故名寶月。○月光。謂圓妙三智。能除昏煩熱惱。猶如月光清涼破暗故。

○滿月。謂三智圓明無有缺減。如滿月故。○大力。謂智境冥合。有大力用故。○無量力。以大力用。徧應眾緣。徧拔眾苦故。○越三界。超越分段變易二種生死故。○跋陀婆羅。此云善守。若有眾生聞名者。必定得三菩提故。又名賢首。以位居等覺。為眾賢之首故。○彌勒。此云慈氏。思益經云。若眾生見者。即得慈心三昧故。又名阿逸多。此云無能勝。○寶積。謂積聚智寶故。○導師。思益經云。於墮邪道眾生。生大悲心。令入正道。不求恩報故。④四結餘眾。

法華抄三卷第一之一  
如是等菩薩摩訶薩。八萬人俱。

此統攝餘眾也。如是者。指上一十八位。以等餘未舉之眾。直指云。此應判歸大白牛車一乘上位。約理卽屬當人實智。知音云。聲聞形出俗網。迹近如來。聞法爲親。故列於前。人天形乖服異。迹非侍奉。聞法爲疎。故列於後。菩薩形不檢節。迹無定處。卽不同俗。復異於僧。故置於中。△然此更有說焉。本經開權顯實。及廢權立實所爲者。聲聞也。焉不首列。菩薩爲輔化之眾。而後諸品中。騰疑置請。皆此眾也。故隨卽立名焉。至於人天八部。乃法會必有

之眾。勢必一一具陳於後。△問。聖列中。獨不開圓覺。豈法華一會。無此眾耶。曰。已攝入聲聞菩薩之間。文省故耳。然聲聞與諸菩薩。皆爲後文各品當機之伏案。故此標也。

妙法蓮華經授手卷第一之一終

音釋

鑄音註 蜺音顯 崛音屈 呵音同 鴟音銳 兌音兌 繁音凡 偈音勅  
勅也



妙法蓮華經授手卷第一之二

清楚衡雲峯沙門智祥集

⑤三天人衆分三⑥一諸天衆又二⑦初欲界  
爾時釋提桓因。與其眷屬。二萬天子俱。

前舉聖衆。此列天人。見此會聖凡畢集也。釋提桓  
因。此云能天主。能作忉利三十三天主故也。瓔珞  
經云。過賢劫二千二十四劫作佛。號無着世尊。眷  
屬二萬者。舉非臣民。乃帝釋親因也。後皆準此。  
復有明月天子。普香天子。寶光天子。四大天王。與其  
眷屬。萬天子俱。

此舉臣也。前三乃內臣。如卿相卽三光天子。明月乃寶吉祥。月天子也。居以頗脰迦寶水晶所成。能冷能照故。普香星天子也。寶光卽寶意日天子也。居以俱胝迦寶火珠所成。能熱能照故。四天王乃外臣。如武將。居須彌山腰。東提頭賴吒。此云持國。護持國土故。居黃金埵。領乾闥婆富單那衆。南毘留勒叉。此云增長。令他善根增長故。居琉璃埵。領薜荔多鳩槃荼。西毘留博叉。此云廣目。亦云雜語。能作種種語言故。居白銀埵。領毒龍毘舍闍。北毘沙門。此云多聞。福德之民。聞四方故。居水晶埵。領

羅刹夜叉。此四天王各領二鬼。不令惱人。故稱護世。

自在天子。大自在天子。與其眷屬。三萬天子俱

自在。卽第五化樂天。謂化諸人。而自樂也。又於五欲境。變化自娛故。大自在。卽第六他化自在天。謂化諸他。而自得自在也。又欲得五欲境時。餘天爲化。假他所作。以成已樂。卽魔宮也。欲界中唯第三夜摩。第四兜率不列。文畧故也。然此六天。俱未離欲。以次第分輕重。故名欲界。庚二色界。

娑婆世界主。梵天王。尸棄大梵光明大梵等。與其眷

屬。萬二千天子俱。

此總明色界諸天也。正云索訶。此翻忍。其中衆生。忍受三毒。及諸煩惱故。梵是西竺音。此云離欲。除下地繫。上升色界故。由不忘形色。故云色界。又曰。禪天以愛樂禪定故。內有四禪。初曰離生喜樂。二曰定生喜樂。三曰離喜妙樂。四曰捨念清淨。梵天王。乃總舉色界主。尸棄。此云頂髻。卽初禪天主。光明。卽二禪天主。三四二天不列。亦文畧也。據唯識。謂二禪以上。不分王臣。此中云光明大梵等。以等字。猶有多位也。再俟參考。無色界亦有四天。雖無

實形色。而有定果色。如來光中。映令暫現。而此會亦。有之也。由無色故。不別列。皆攝於等字中也。④  
二雜類衆分五。⑤一龍王衆。

有八龍王。難陀龍王。跋難陀龍王。娑伽羅龍王。和修吉龍王。德叉迦龍王。阿那婆達多龍王。摩那斯龍王。優鉢羅龍王等。各與若干百千眷屬俱。

難陀。此云歡喜。跋。此云善。此兄弟二龍。常護摩竭提國。雨澤以時。國無饑年。瓶沙王。今年爲一會。以報。百姓聞皆歡喜。從此得名。卽目連所降者也。娑伽羅。此云鹹海。從所居得名。於大海中。此爲最勝。

和修吉。此云多頭。亦名寶稱德。又迦。此云多舌。亦名現毒。謂嗔時。噓氣。人畜皆死。故阿那婆。亦名阿耨達。此云無惱。凡龍俱有三難。一熱沙。二惡風。三金翅鳥。唯此俱免。故云無惱。又雪山有池。名阿耨達。池中有五柱堂。龍常居此。故從池名。摩那斯。此云大身。亦云大力。修羅排水。淹善見城。此龍縈身。以過海水。優鉢羅。亦云漚跋羅。此云青蓮花。從池得名。等者。以等其餘龍王。王既臨。則眷屬隨至。故云與若干也。龍是一類。而亦隨福業報處不同。靈蠢亦別。眷屬宮殿。衣服莊嚴。一一具足。唯飲食最

後一口化爲蝦蟆。穢污不堪。故異人天也。庚二緊那羅衆。

有四緊那羅王。法緊那羅王。妙法緊那羅王。大法緊那羅王。持法緊那羅王。各與若干百千眷屬俱。

此云疑神。似人而有一角。乃天帝法樂神也。居十寶山。身有異相。卽上奏樂佛說法時。諸天弦歌。而頌法門。卽此神也。舊云。法奏四諦。妙法奏十二緣。大法奏六度。持法總奏前三。迹寄弦管。本卽不可思議。眷屬莊嚴等。如前釋。庚三乾闥婆衆。

有四乾闥婆王。樂乾闥婆王。樂音乾闥婆王。美乾闥

婆王。美音乾闥婆王。各與若干百千眷屬俱。

乾闥婆。此云嗅香。以香爲食。亦云香陰。其身出香。乃天帝俗樂神也。樂者。緣幢倒擲之伎也。樂音者。鼓節弦管也。美者。幢倒之勝也。美音者。弦管之勝也。庚四阿修羅衆。

有四阿修羅王。婆稚阿修羅王。佉羅騫陀阿修羅王。毗摩質多羅阿修羅王。羅睺阿修羅王。各與若干百千眷屬俱。

正云阿素洛。此云無端正。以男醜女正故。又云非天。由神果報。鄰次諸天。爲修行懷嗔。而無天德。故

云非天。又云無酒。於四天下採花。釀於大海。魚龍業力。其味不變。故據楞嚴。有胎卵濕化之四。約天人鬼畜。各攝一類也。婆稚。此云團圓。與天帝戰時。被縛。因誓得脫。故以名焉。佉羅騫馱。此云廣肩。卽擁海水者也。毘摩質多羅。此云淨心。亦云種種疑。謂能以一絲幻。作種種事故。索乾闥婆女。生舍脂。帝釋業力。令其父居七葉殿。遂納爲妻。後讒其父。遂交兵。腳波海水。手攻善見。帝釋以般若力。不能爲害。羅睺。此云障持。又云攝惱。因日光照眼。不能見故。將手隱攝日月。令天惱故。身長八萬四千由

海華抄卷第一之二  
三  
旬。口廣千由旬。與天戰時。手撼須彌。敗匿藕絲孔者。然眷屬宮殿衣服莊嚴。亦與天等。唯飲食最後。一口化爲青泥。不同天也。庚五迦樓羅衆。

有四迦樓羅王。大威德迦樓羅王。大身迦樓羅王。大滿迦樓羅王。如意迦樓羅王。各與若干百千眷屬俱。迦樓羅。此云金翅。以翅作金色。居四天王大樹上。兩翅相去三百三十六萬里。頸有如意珠。以龍爲食。大威德者。威勝羣輩。又威攝諸龍故。大身者。身超羣類故。大滿者。所噉之龍常飽滿故。如意者。以頸有此珠故。此鳥亦有神力。能化爲天子天女。

住處宮殿。食亦百味。日於東方。噉一龍王。五百小龍。三方亦爾。壽入千歲。臨終失勢。不得龍食。卽噉從金剛山。透海穿地。但不能直過風輪。仍從故孔。上金剛山。如是七返。還山頂命終。此類亦有勝劣。雜類科。唯缺夜叉摩呼羅伽二類。理應有之。

④ 三人王衆

韋提希子阿闍世王。與若干百千眷屬俱。

此明國主攝臣民也。韋提希。此云思惟。瓶沙王夫人。闍王母也。佛因之說。十六觀經。阿闍世。此云未生怨。相師占云。此兒生。則定當害父母懷之日。已

有惡心於瓶沙王。未生已惡。故名生已。王令升樓  
撲之。不死。但損一指。又名無指。王舍城主也。因害  
父母。向文殊求悔。得柔順忍。命終入吒羅地獄。卽  
入卽出生。上方佛土。得無生忍。彌勒世復生此界。  
名不動菩薩。後當作佛。號淨界如來。又此節缺人  
非人。亦文畧故。如來說此妙法。欲暢出世本懷。將  
令佛刹微塵數世界衆生。無不鳩集。此特于無量  
衆中。列其大槩。廣如華嚴經說詳。列聖凡已竟。①

各禮佛足。退坐一面。

此明入會之禮儀也。以最尊頂禮最卑足表誠敬之切。在會聖凡無不盡誠致敬禮畢則各安方面也。然既誠求妙法豈安然坐受耶。是亦爲佛所命坐則身心不動而大法可納慧緣斯進矣。退歸藏也。各攝異緣令心境寂抑經家序會衆鳩集之儀式如此。六種證信序已竟。②二放光發起序又名別序。謂於衆經不同別別發起也。分五。③一衆集供養而興讚嘆。

爾時世尊四衆圍繞。供養恭敬。尊重讚嘆。

此明會衆虔懇有所欲聞也。爾時者會衆畢集說

聽一如之時也。世尊乃十號之一。九界罕覩。爲世  
出世間所尊敬。故四衆者。卽出家在家各二衆也。  
天台云。據此猶名局意狹。各開一一有四。謂發起。  
當機。影響。結緣。發起者。權謀智鑑。知機知時。而引  
發大教也。當機者。宿植德本。緣合時熟。聞卽得道  
也。影響者。古往佛聖。隱其圓極。輔佐法王。如形影  
相依也。結緣者。過去根淺。雖見佛聞法。不能頓證。  
但作未來得度因緣也。圍遶者。旣禮畢退坐。則周  
旋圍遶。翹勤瞻仰。欲冀如來有所宣示。供養總表  
三業。恭敬必卑。謹虔禮屬身。尊重必至。念專注屬

意讚嘆乃發言稱美屬口。正此之時。如來欲舉揚妙法。而會衆傾誠如此。可謂機教相扣。必至利益無量也。③二如來現瑞。以爲發起。此爲如來以無緣大悲。引發大教。放斯光明。先動出格。丈夫疑問者也。又分二。④一此土六瑞。分六。⑤一說法。

爲諸菩薩說大乘經。名無量義教菩薩法。佛所護念。此明說經入定。爲現諸瑞相之由也。如來今欲開權顯實。則所爲之衆。必非權小。故曰爲諸菩薩。機旣純圓。教非不了。故經云。佛自住大乘。於其所得法。定慧力莊嚴。以此度衆生。則所說者。乃如如理。

法華指三乘第一二二  
實相一乘。故曰大乘。卽此一乘實相。平等廣大。則  
世出世間聖凡染淨。權實因果。無不包容。以此一  
義。出無量義。收無量義。還歸一義。故名曰無量義  
也。若人不豫先透此無量義經。必不能堪任一乘  
妙法。故如來於妙法未開顯已前。必說此經。非教  
二乘。故曰教菩薩法。一乘妙法。旣爲佛所護念。則  
無量義經。爲入法華之捷徑。亦卽爲佛所護念。是  
不輕宣傳者也。人其可不深生向慕。進趨有分地  
哉。⑤二入定。

佛說此經已。結跏趺坐。入於無量義處三昧。身心不

動。

說經。是如如智。入定。是如如境。境智圓融。始成妙法。若不入此妙定。則所說何歸。光從何發。是知由入此定。則能致動地雨花。亦能十界圓現也。今謂說此經已。是經家叙佛說中默旨。然既曰無量義。說豈終窮。既曰教菩薩法。豈容意擬。則佛入定。正所以入說中之無量義。故定亦名無量義也。跏趺乃佛坐之儀軌。三昧。此云正定。亦名正受。以不受一切諸受故。定言處者。乃說到行到。理智相融。凡聖一如。自他無礙等處。卽一眞寂滅場地。既至此

處。則真俗雙超。寂照不二。四智三身。當體如如。故曰身心不動。要知說經入定兩段。爲法華開張大本。幸細心體會。⑤三雨花。

是時天雨曼陀羅華。摩訶曼陀羅華。曼殊沙華。摩訶曼殊沙華。而散佛上。及諸大衆。

此明天花散。佛亦有所表也。曼陀羅。此云適意。又云白花。曼殊沙。此云柔軟。又云赤花。花以表因。應如如智而雨。以之散佛。表以因徹果。及諸大衆。是以因成。因而因增長。始契無上妙果也。必以四花散者。表其當獲佛因。佛因者。卽住行向地。乃圓

因也。小白表習種性十住。開佛知見也。大白表性種性十行。示佛知見也。小赤表道種性十回向。悟佛知見也。大赤表聖種性十地。入佛知見也。

⑤ 四動地。

普佛世界。六種震動。

此以地震表法不妄動也。光明記云。動踊起三。是形。震吼擊三。是聲。又搖颺不安。名動。嶙壟凹凸。名踊。自下升高。名起。隱隱有聲。名震。砰磕發響。名吼。令物覺悟。名覺。經言震動。於形聲各標一也。於六種中。又各有三。謂動。徧動。直動。爲動。四天

下動爲徧動。大千俱動爲等徧動。餘五亦然。合則成十入種動也。此表如來將欲開顯無上妙法。必須翻破一切衆生根塵識三。堅固無明之十八窩。曰。無明破除。正覺可成矣。必謂普佛世界者。世界乃依報。亦卽衆生惑業共成之色法也。無明旣破。當體全空。空色銷忘。妙法斯證。故必令大千俱轉也。

⑤ 五衆喜。

爾時會中比丘。比丘尼。優婆塞。優婆夷。天龍。夜叉。乾闥婆。阿修羅。迦樓羅。緊那羅。摩睺羅伽。人。非人。及諸

小王。轉輪聖王。是諸大眾。得未曾有。歡喜合掌。一心觀佛。

此明會眾喜。見諸瑞。謹仰欲知也。比丘義。已見前。優婆塞。正云。鄔婆索迦。此云近事男。謂親承近事。比丘僧故。優婆夷。正云。鄔婆斯迦。此云近事女。謂近事比丘尼故。夜叉。正云。藥叉。此云捷疾。摩睺。亦名摩呼羅伽。此云腹行。卽地龍也。人非人。是該無不盡。小王。乃粟散王。轉輪者。人壽八萬歲出。曰金輪王。治四天下。自然千子。七寶隨身。有金輪。忽然湧現。王乘之。巡四天下。故稱聖王。此不標菩薩眾。

者。以今放光現瑞。乃爲諸小乘。顯示妙蓮華藏之本有也。且人天大眾。幸聞此無量義已。而忽見雨花動地。甚是奇特。便謂得未曾有。既見佛非常之相。必欲得佛非常之理。故咸生歡喜。咸共合掌。但只一心觀佛而已。要知會眾合掌時節。五官俱不妄及。只有一佛在前。瞻之仰之。肅然不亂。故曰一心觀佛。此一心觀。與世尊之無量義處三昧。其境界亦不甚遠。但欠不能證入也。約理各各住自性本定。卽一心觀佛義。⑤六放光。

爾時佛放眉間白毫相光。

此以放光顯智性之本有也。諸佛本有常光。無時不照。今日放光。乃有所爲而放也。然光以表智。從毫出者。乃中道第一義智。但此等光。人人本具。惟積劫不肯發。如來心行如來事。所以如是光明等閑。被塵埋却。雖佛于華嚴及諸會中。累放此光。機未熟者。渾如不見。故亦無所疑。今眾旣聞無量義。而妙法可投。是以如來特放是光。而表是法。令人人於此有所證也。然則此光。又豈可作尋常放光視耶。①二他土眾瑞。分二。②一舉能照之智。

照東方萬八千世界靡不周徧。

此明因光照能見他土諸相也。照者如日月燈。萬物等類。無不覩也。佛光所照。南西北方。四維上下。無不明也。然獨照東方者。東爲羣動之首。以表眾生動用中。有此境界也。萬八千者。極其廣遠。如一世界中。有百億日月。百億四天下。若以眾生見量。尙弗能盡知一部洲事。況於三方。況一佛土。又況萬八千土邪。今因佛光一照。使一切眾生。盡見萬八千世界。罪福智愚。了然在目。豈非直顯當人智境。則此萬八千。覩體顯彰。十八界相。翻染成淨。今所見世界。既有六趣聖凡。於四土中。見同居土。更

復何疑。靡不周徧者。如燈照一室。以內無纖芥蒙昧。況白毫光洞徹無碍。又超彼日月威光萬萬倍也。萬八千土。不過一方。又安有不悉周徧哉。

⑤二明所照之境分。七。⑥一見六趣。

下至阿鼻地獄。上至阿迦尼吒天。於此世界。盡見彼土六趣眾生。

此下總明見聖凡境界也。阿鼻。此云無間。有五種無間。極苦極下處也。阿迦尼。此云質碍。卽色究竟。極善極高處也。舉上下豎言。世界橫論。謂一世界有百億日月四天下。爲一佛土。中有極苦極卑。曰

阿鼻獄。有極善極高。曰有頂天。中間善惡因果。或智或愚。苦樂久暫。於六趣中。數數受生。曰六趣眾生。一切眾生。既爲三有所被。莫能出離。皆不能自知。我於此土。蒙光所燭。無不明了。一世界如是。百世界亦如是。乃至萬大千世界。亦復如是。故曰盡見。正此之際。全心卽境。全境卽心。心佛眾生。渾然匪間。總一光也。②二見諸佛。

又見彼土現在諸佛。

乘此一光。不但見彼六凡。又見彼土現在無量諸佛。降生出家。成等正覺。無不明了也。③三聞說法。

及聞諸佛所說經法。

又從此光中聞彼諸佛說法。利彼人天十二等類。  
④四見得道。

并見彼諸比丘。比丘尼。優婆塞。優婆夷。諸修行得道者。

不但見彼土現在諸佛。并見彼土聲聞四眾也。修行者。卽四諦十二因緣之行。得道。卽得見道修道。亦與今會同。⑤五見行行。

復見諸菩薩摩訶薩。種種因緣。種種信解。種種相貌。行菩薩道。

復見彼土諸菩薩眾。於因中修行。自覺覺他增進。不厭不倦等。諸菩薩。卽三賢十聖。因緣等皆稱種種者。如後彌勒偈中詳明。④六見涅槃。復見諸佛般涅槃者。

復見彼土諸佛利生事已。示涅槃等。涅槃。此云圓寂。亦云滅度。卽三德秘藏。⑤七見起塔。復見諸佛般涅槃後。以佛舍利起七寶塔。

復見彼土佛滅度後。復遺舍利。令後學因舍利作眾多佛事。使法久住等。舍利。此云靈骨。梵語塔婆。或云窣堵波。此云方墳。亦名圓塚。如上所見。四聖

六凡。但約一東方。雖曰萬八千。理實無盡。此亦就  
今。因佛光所見。有如是也。如來現瑞。以爲發起竟。  
③三會眾疑念。是何因緣。分二。④一彌勒疑念。分  
三。⑤一正疑念。

爾時彌勒菩薩作是念。今者世尊現神變相。以何因  
緣。而有此瑞。

上是如來以光。引發眾疑。此是彌勒以疑。增長眾  
疑也。爾時者。卽放光現瑞之時。彌勒作念。謂此光  
何因而放。此瑞何緣而現也。神者。威靈不測。變者。  
隱顯難知。神變相卽光中所見者也。因緣者。本起

爲因。外助爲緣。卽今日所有機教相扣之因緣也。如來見諸二乘淘汰已成。將欲顯發一大事爲因。以至放光現瑞。爲引起大教之緣故也。此因緣若非彌勒疑問。則此殊勝利益。從何顯發。故彌勒此番作用。亦非小小。△問。會中八萬大士。何故獨致疑發問。而忖答獨念文殊。豈此外諸大士。獨不能問答邪。答。若以事論。兩大士同於燈明佛時。其見此瑞。其聞此法。則今之問答。無不響應。約理。彌勒主識。卽人人之彌勒也。顯此妙法。斷非識識。故托彌勒騰疑而問也。文殊卽大智。亦乃人人之文

殊也。而此妙法唯智能了。故獨念文殊能答也。更知此段文詞。乃集經者。以意逆志。詳明之耳。

⑤二當問誰。

今佛世尊入於三昧。是不可思議。現希有事。當以問誰。誰能答者。

彌勒欲爲會眾發明此光所爲因緣事。必形言致問。然所見事。既希有難思。而能曉之人。唯佛可答。佛今已入三昧。吾將欲問誰。誰復能曉此不思議事邪。此爲結集人。冥揣彌勒有如是意。△此處疑議。妙在有佛不得問。有境不能說。往復籌量。吞吐

不得。正是會眾於妙法。有豁然之機也。

⑤三憶文殊。

復作此念。是文殊師利法王之子。已曾親近供養過去無量諸佛。必應見此希有之相。我今當問。

文殊在會。智超羣眾。已得稱爲法王子矣。況歷侍諸佛。已經無量。此不思議希有之相。必應見之。可當吾問也。△智乃轉識之名。其體不二。若彌勒文殊。判然有間焉。知曾近無量佛。又焉知曾見希有事。此又妙在復作念一句。若不作此念。必待定中人。幾何時也。⑥二會眾疑念。

爾時比丘比丘尼優婆塞優婆夷及諸天龍鬼神等咸作此念。是佛光明神通之相。今當問誰。

見聞既同。而疑念亦等。既見非常之相。必有非常之想想極而相自明。相明而智自朗。所以有疑必悟。卽得佛知見矣。自爾時彌勒下至此。皆集經人懸敘靈山會裏。此時有如是境界。如是見聞。如是疑念。使後人覩此。煥然在目。①四彌勒因衆而伸請問。分二。②一長行。又二。③一經家敘。

爾時彌勒菩薩欲自決疑。又觀四衆比丘比丘尼優婆塞優婆夷及諸天龍鬼神等。衆會之心。

法華抄手名錄一  
彌勒疑與會眾疑。二疑有間。所謂同行不同步也。彌勒記當補處。而引發大教。任所當施。迷態當似。故作此疑也。然而會眾之疑。實所未達。故此雙敘。一云欲自決。又云觀眾心。須知觀眾心。句爲切當。則聖教顯彰。源案於此。⑤二彌勒問。

而問文殊師利言。以何因緣。而有此瑞。神通之相。放大光明。照於東方。萬八千土。悉見彼佛國界莊嚴。此畧舉所見。而陳所疑也。詳敘在下頌文。彌勒開口。便曰。以何因緣。而有此瑞。意在爲人發明此瑞之所爲因緣也。究文殊荅處。但曰。曾見此瑞。放斯

光已。卽說大法。亦未明言何等因緣。必待如來出定。始明示曰。我爲一大事因緣。則知放光現瑞。原爲此作因緣也。然而彌勒必欲問文殊者。意在引起曾見。出陳二家遠本。以爲今會之先聲。若以表法。卽是始本冥契。將證究竟妙覺時。故有此翻酬酢。①二偈頌。分二。②一頌問。又二。③一問此土六瑞。

於是彌勒菩薩欲重宣此義。以偈問曰。  
梵語伽陀。此云頌。亦云祇夜。伽陀孤起。祇夜重頌。天竺有散花貫花之說。如此土序後銘也。又隨樂

法華抄三卷第一之二  
欲不同。有樂散說。有樂章句者。再之隨生解不同。或於散說得解。或於章句得解者。亦是隨利鈍不同。利者一聞卽解。鈍者再說方知也。以表殷勤重說。爲眾集前後不一故耳。

文殊師利。導師何故。眉間白毫。大光普照。雨曼陀羅。曼殊沙花。旃檀香風。悅可眾心。以是因緣。地皆嚴淨。而此世界。六種震動。時四部眾。咸皆歡喜。身意快然。得未曾有。

此頌問近見本會妙事。於六瑞中。而不問說經入定者。乃現相之本。而非相故。今但問有相瑞也。導

師者。如來以法導利羣生。引疲極而歸寶所也。何故。謂如來是何等緣故。今放是光。而現是瑞耶。旃檀香風者。由花雨種種。則風亦成香。以是可悅眾心也。花旣飄颻。雨必無盡。則地亦以此因緣。而嚴淨之也。身意快然者。此時會眾。眼見聖境。耳聞殊音。鼻嗅異香。身班聖列。意念妙法。所以咸皆歡喜。得未曾有也。餘皆如前釋。④二問他土眾瑞。分六。

庚 一頌見六趣眾。

眉間光明。照於東方。萬八千土。皆如金色。從阿鼻獄。上至有頂。諸世界中。六道眾生。生死所趣。善惡業緣。

法華指掌疏卷第一之二  
受報好醜。於此悉見。

此頌問遠見他土妙事。以圓見諸土上下好醜。所以奇特此一瑞也。眾生是能趣之。人生死是所趣之處。善惡是能趣之因。受報是所趣之果。土如金色者。長行隱而頌彰也。光從毫現。是中道智。故色黃也。既曰六道。曰生死。曰善惡。卽是凡聖交參。土而佛亦必說三乘矣。然此土此眾生。豈分外別有如來。不過將現成心佛眾生。特爲顯彰。故曰於此悉見。此字最重。庚二頌聞佛說法。

又覩諸佛。聖主師子。演說經典。微妙第一。其聲清淨。

出柔輓音。教諸菩薩。無數億萬。梵音深妙。令人樂聞。各於世界。講說正法。種種因緣。以無量喻。照明佛法。開悟眾生。

此頌見佛聞法瑞。諸佛卽萬八千土之諸佛也。三賢十聖。皆主於佛。故曰聖主。師子。乃獸中王。吼時象王失威。羣獸腦裂。表佛說法。魔外驚怖。示眾十力得無畏故。演說經典。微妙第一。如今佛說華嚴也。故曰教諸菩薩等。雙超真俗。曰清淨。純談實相。曰柔輓。其義難解。曰深妙。九界同益。曰樂聞。言各於世界講說正法者。如今佛現劣應身。說三乘法。

故說種種。說照明。說開悟。乃隨機教也。庚三頌他  
土三乘。分三。辛一聲聞。

若人遭苦。厭老病死。爲說涅槃。盡諸苦際。

此頌見爲三乘說法也。文具四諦。遭苦者。苦含因  
果。集諦具矣。厭老死卽道諦。涅槃卽滅諦。遭苦者  
必究其集。知因集有。深厭自生。故不集也。況老病  
死。是真苦。皆屬身根。旣厭苦慕滅。故如來爲說真  
空涅槃。令苦際盡。依此修行。如後所謂求羊車出  
火宅也。辛二緣覺。

若人有福。曾供養佛。志求勝法。爲說緣覺。

有福者。辟支百劫種種福。較聲聞。則曰有福。求勝法者。謂深求勝妙之理。於聲聞思增進也。爲說者。卽佛。爲說十二因緣。依此修行。如求鹿車出火宅也。梵語辟支迦。此云緣覺。出有佛世。觀十二因緣。覺真諦理者。是也。亦名獨覺。出無佛世。觀化自悟者也。②三菩薩。

若有佛子。修種種行。求無上慧。爲說淨道。

菩薩有上求下化之心。而又能從佛轉輪。紹佛家業。故有子義。前曰若人。此曰佛子。則品類別矣。種種行者。謂求佛果時。修種種行。自利也。化眾生時。

行種種行。利人也。則二利之間。六度齊修。萬行畢具。佛卽爲說無上慧。令證斯道。如後所謂求牛車出火宅也。淨道者。不著有也。如度盡十二類。不見有生可度。乃修而無修之妙道也。庚四頌結前開後。

文殊師利。我住於此。見聞若斯。及于億事。如是眾多。今當畧說。

此字事。卽靈鷲山。理卽入無量義處也。見聞等句。結前生後之詞。若斯二字。結前所告也。及于億等。發後所陳也。謂我於光中。見聞聖凡之境。不止如

是則有千萬億種。今試畧言之也。庚五頌他土修行。分三。辛一總問。

我見彼土。恒沙菩薩。種種因緣。而求佛道。

此總爲發問之端。謂我於光中。見彼土有無數菩薩。各有所行。無限因緣。而各欲求成正等覺也。△問。此言見恒沙菩薩者。然恒河橫四十里。沙細如麵。今之所見。光中見。光外見耶。同時見。異時見耶。若謂光中一時俱見。恒沙明數。不可計。種種明事。不可盡。如是多人行種種事。無非欲求佛道也。萬八千土。境量非細。豈一日能見遠大眾多之人。而

法華指掌疏卷第一之二  
三一  
一一事事能分明不謬耶。答。井蛙不可語於海也。凡情豈可測聖量哉。經不云乎。非思量分別之所能解。唯佛與佛。乃能究盡。彌勒既居補處。豈有虛妄。殊不知。此猶爲少近言耳。彌勒此處。不免一翻漏逗。具眼者辯之。①辛二別問分六。②壬一問施。又二。③癸一捨外財。

或有行施。金銀珊瑚。珍珠摩尼。碑磔碼碯。金剛諸珍。奴婢車乘。寶飾輦輿。歡喜布施。回向佛道。願得是乘。三界第一。諸佛所歎。或有菩薩。駟馬寶車。欄楯華蓋。軒飾布施。

此論施財。金銀等世之所寶。寶既能施。餘可知矣。車。大夫所乘也。輦。天子之輿也。奴婢。爲駕御之人。今皆以歡喜施者。是欲別求上乘。爲佛所歎也。駟馬等句。當居回向佛道之上。以文皆爲施車乘故。

癸二捨身命。

復見菩薩。身肉手足。及妻子施。求無上道。又見菩薩。頭目身體。欣樂施與。求佛智慧。

此論施身命。世人所重者身。而不捨者命也。今一捨之。不憚。而復曰欣樂施。是知佛道重於身。而智慧勝於命。如此行人。若非我執破除。不能爲也。

以妻子。列於身肉中者。見此亦是不易捨者。前謂  
因緣相貌及信解。俱言種種者。由諸度皆通具也。  
如布施。以捨心爲因。內外財施爲緣。是爲布施中  
因緣也。然能施之人。若不信不解。豈堪以內外財。  
徧施一切。則能施者。卽具種種信解矣。正行施時。  
所求者不一。而能施者。必隨處隨時。方便成就。是  
則有種種相貌矣。施度如是。則諸度亦然。故曰種  
種等。行菩薩道。⑤二問戒。

文殊師利。我見諸王。往詣佛所。問無上道。便捨樂土。  
宮殿臣妾。剃除鬚髮。而被法服。

天台云。在家施易戒難。出家施難戒易。故約比丘明戒也。△王最尊也。求出家。知復有尊於已者也。詣佛問道。卽發大心。爲趣佛果之眞因。因眞則至樂可捨。故云捨宮殿等。剃髮被衣。使身心不二。可易入道。妙莊王案於此。凡光中所見菩薩修行。與後文符合者多。蓋此是見處。後卽行處也。餘皆準此。⑤三問忍。

或見菩薩。而作比丘。獨處閑靜。樂誦經典。

天台云。忍有三種。作比丘是苦行忍。處閑靜是生忍。樂誦經是第一義忍。△旣曰見菩薩。而又曰作

比丘。此正見種種相貌行菩薩道之實處。閑靜爲修忍之因緣。樂誦經。卽忍門中信解也。則從地湧出者。謂志樂於靜處。捨大眾憤鬧。案於此。

⑤ 四問精進。

又見菩薩勇猛精進。入於深山。思惟佛道。

天台云。深山可畏。非竄怯者所居。唯勇進能安之。傍若無物。思惟實相。念念不休。求佛道也。△勇猛。是精進中相貌。入深山。爲行精進之因緣。思惟佛道。始是信解。提婆達多品云。採果汲水。拾薪設食。勤求妙法。無有懈倦。案於此。⑥ 五問禪定。

又見離欲常處空閑深修禪定得五神通

禪名正受。以不受一切諸受故。離欲者。正受也。處空閑。境寂也。修深禪。心空也。境寂心空。而神通自得。故曰。深修禪定得五神通。離欲。卽禪定中信解。處空閑。是修定之因緣。得通。乃相貌也。通有六。一天眼。二天耳。三他心。四宿命。五神境。六漏盡。今言五通。由菩薩漏未盡故。

又見菩薩安禪合掌。以千萬偈讚諸法王。

此所謂不起滅定。現諸威儀。安禪。內心已寂。合掌。外貌必謹。復以偈讚法王。亦定深成就也。分別功

德品中。諸菩薩以妙音聲。歌無量頌。讚歎諸佛。案於此。⑤六問般若。

復見菩薩。智深志固。能問諸佛。聞悉受持。

天台云。智深者。慧窮理本也。志固者。誓願廣大也。此卽二種莊嚴。能問能持。△問而能受。足見智深。受而能持。由其志固。此又見彌勒見之明知之切也。

又見佛子。定慧具足。以無量喻。爲眾講法。欣樂說法。化諸菩薩。破魔兵眾。而擊法鼓。

定慧二種。別圓地住。方乃具足。無量喻。卽以種種

方便。於諸教中。引無量譬喻。助顯第一義也。化諸菩薩。展轉化他也。魔羅。此云殺者。有煩惱魔五陰魔。天魔死魔。而菩薩以智慧利劍。一一能破魔退。而法輪可轉。故曰擊法鼓也。又菩薩說法。以梵音聲。警悟一切。有擊鼓義。前是自利。此屬利他。智深志固。是說法因緣。聞悉受持。卽信解也。破魔擊鼓。是相貌也。持品中。諸菩薩發願弘經。謂我等敬信佛。當着忍辱鎧。爲說此經故。案於此。①辛三雜問分七。②王。一問禪定。

又見菩薩寂然宴默。天龍恭敬。不以爲喜。

前以六度次第致問。弗克盡吾所見也。吾又見有種種人。行種種事。如有寂然入定。天龍致敬。而不爲喜者。△正居此時。尚不見有我。焉復知有天龍恭敬耶。尚不循乎真。焉復有以恭敬我者爲喜哉。如此深定。可爲妙法之眞宅也。

又見菩薩。處林放光。濟地獄苦。令入佛道。

此又見深禪濟世。處林者。明定處也。放光者。定深融洩也。濟地獄。乃心細境融。苦動悲應也。令入佛道。卽連苦樂於無間。攝彼歸眞也。此與上節俱屬禪定。上見定體。此爲定中妙應。⑤二問精進。

又見佛子。未嘗睡眠。經行林中。勤求佛道。

睡人之所欲。不睡則品格異矣。經行。非遣睡也。志在佛道。可謂精勤不倦矣。心神皆昧。爲睡。六識暗塞。爲眠。不睡而但經行。卽與般舟念佛三昧同。

⑤ 三問淨戒。

又見具戒。威儀無缺。淨如寶珠。以求佛道。

大論明十戒。一不缺。二不破。三不穿。四不雜。五隨道。六無著。七智所讚。八自在。九隨定。十具足。卽究竟也。今言不缺。是首戒。淨如寶珠。是第十。舉始終以攝餘也。菩薩以此嚴護威儀。求佛道也。

⑤ 四問忍辱。

又見佛子。住忍辱力。增上慢人。惡罵捶打。皆悉能忍。以求佛道。

天台云。內心能安。忍外所辱。故名忍辱。有二種。一者生忍。又二。一於恭敬供養中。能忍不著。則不生憍逸。二於嗔打罵詈。及蚊蚋等能忍。則不生嗔惱。二者法忍。亦二。一者非心法。卽寒熱風雨饑渴老病等。二者心法。卽嗔欲慢諸邪見等。於此二法。能忍不動。是名法忍。言忍力者。力卽量也。非寬宏濶達。志力精銳者難忍。初句是能忍之人。下是所忍。

之境常不輕案於此。⑤五復問禪。

又見菩薩離諸戲笑。及痴眷屬。親近智者。一心除亂。攝念山林。億千萬歲。以求佛道。

天台云。離戲。卽却掉悔。蓋。離痴。除嗔。蓋。近智。除疑。蓋。除亂。却貪。蓋。攝念。除睡。蓋。此爲除五蓋也。億千萬歲。明定深。以此深定。而求佛道。其志力何等勇銳。△問。彌勒因光觀瑞。見在一時。何言億千萬歲邪。答。此諸行相。皆彌勒舊時行徑。一見卽通。何疑碍之有。⑥六問檀度。

或見菩薩。肴膳飲食。百種湯藥。施佛及僧。名衣上服。

法華指掌疏卷第一之二  
三

價值千萬。或無價衣。施佛及僧。千萬億種。旃檀寶舍。眾妙卧具。施佛及僧。清淨園林。華果茂盛。流泉浴池。施佛及僧。如是等施。種種微妙。歡喜無厭。求無上道。此又見行施者。所作種種。初施飲食湯藥。旣曰百種。是無所不具也。曰。名衣猶爲有價。甚至有無價者。亦以之供佛施僧。再之房舍。曰千萬億。可謂廣矣。皆以旃檀眾寶爲嚴飾。可謂美麗極矣。一一舍中。皆有眾妙卧具。亦可謂周足盡矣。加之。有花果園林。流泉浴池。則舉止無不如意矣。如是四事。皆微而不粗。妙而不染。一以歡喜無厭施之。無非欲

祈滿足菩提道也。⑤七問般若。

或有菩薩說寂滅法。種種教詔。無數衆生。

此又見行般若人。種種方便求佛道者。寂滅法中。言語道斷。復有何說。今謂種種教詔。又曰無數衆生。是以方便慧。無說示說。巧逗羣機。可謂善說法要者也。

或見菩薩觀諸法性。無有二相。猶如虛空。

諸法性。卽妙性也。無二相。卽實相也。以此性觀此相。可謂融二諦於真空。故曰如虛空。

又見佛子。心無所着。以此妙慧。求無上道。

法華指掌疏卷第一之二  
三  
無着者。空有二俱離也。既不着於空有。則是心無住。無住之心。方爲妙慧。以此慧求佛妙智。可謂水投水矣。

庚六頌佛入涅槃分二。辛一明起塔供養。

文殊師利。又有菩薩。佛滅度後。供養舍利。

前來見諸菩薩。雖有種種因緣等。廣行六度萬行。是佛住世時。依佛化儀。猛力修習。求無上道者。此又見佛滅後。念報佛恩。爲供舍利。則又是一翻行徑。故此重呼文殊而問之也。

又見佛子。造諸塔廟。無數恒沙。嚴飾國界。寶塔高妙。

五千由旬。縱廣正等。二千由旬。一一塔廟。各千幢幡。珠交露幔。寶鈴和鳴。諸天龍神。人及非人。香花伎樂。常以供養。

塔以供養舍利。而廟以供形像也。以無數恒沙記。則萬八千土中。諸佛舍利。亦應無數。嚴飾國界者。由塔多則國土自嚴。而其量縱廣可知也。一塔有千幢幡。皆貫珠作幔。露幔者。卽塔外張施也。鈴和鳴者。塔旣無數。鈴多可知。風動齊聲。故曰和鳴。此皆明塔廟莊嚴。爲菩薩之所供養也。諸天下。又明人天八部。亦如是供養。①二明塔嚴國界。

法華指掌疏卷第一之二  
三  
文殊師利。諸佛子等。爲供舍利。嚴飾塔廟。國界自然殊特妙好。如天樹王。其花開敷。

嚴飾塔廟。本爲供舍利也。由塔廟奇麗。故國界殊妙。此不嚴而嚴也。天樹者。名波利質多羅。此云圓生。高五百由旬。枝葉布五十由旬。花香亦徧五十由旬。其根莖花果等生時。閻浮提樹一切俱生。故曰樹王。今謂塔嚴國土。如樹花之開敷。極周極徧。爲殊爲妙也。頌問已竟。⑤二請答。分二。⑥一。舉疑事以述請。

佛放一光。我及眾會。見此國界。種種殊妙。

此頌謂因所見而有所疑也。佛未放光。我等所見。皆尋常也。今由於此光中見皆奇特殊勝而眾疑。似不容已也。此界卽本土。種種殊妙。卽本土六瑞。諸佛神力。智慧希有。放一淨光照無量國。我等見此。得未曾有。

此方頌見他土諸佛神力兩句。該在我等見此下。照上。應云放一淨光照無量國。我及眾會見彼佛土。諸佛神力。智慧希有。其意自顯。前曰萬八千。約眾生現量。不出十八界境。此由諸佛神力。故曰無量。謂我于此光中所見十法界相。并見諸菩薩。行

種種行。及見諸佛神力。智慧希有。皆見所未見也。  
佛子。文殊。願決眾疑。

前皆問意。此方請答。謂如上所見兩土之相。誠不可思議。非尊力不能答也。惟願速說。以決眾疑。④  
二釋伏難以明意。伏難者。天台謂。文殊雖居大智。以彌勒乃補處之尊。豈容遽爾有答。況會中知此事者不少。故擬四難推遜。以盡賓主之道。且文殊躊躇不對。乃欲啟會眾之誠求耳。第一伏難。因彌勒謂。願決眾疑。文殊意謂。眾若有疑。自當發問。今眾既不問。我何所決。彌勒潛知文殊有如此意。故

以偈請曰。

四眾欣仰。瞻仁及我。世尊何故。放斯光明。

今四眾不問者。意所欣瞻。唯仁與我也。彼眾意謂。世尊何故。今於眉間。放大光明。徧照東方萬八千土耶。此是彌勒潛知眾心處。代此問也。文殊因而又難云。眾旣同疑。我豈能荅。待佛出定。自有分曉。彌勒又請曰。

佛子時荅。決疑合喜。何所饒益。演斯光明。

時荅者。及時而荅也。謂會眾正當篤疑欲決。實可發藥。幸勿推延。失斯時節。此是彌勒急欲爲人吐

露處。今眾意謂光既放已。必有所演。但不知演斯光時。令我等得何饒益。文殊難云。我與仁者同居學地。仁亦不妨共酌此事。何獨推我。仁試謂之。是何意也。故彌勒復曰。

佛坐道場。所得妙法。爲欲說此。爲當授記。

坐道場。卽菩提樹下。成最正覺也。彌勒謂。我意正在躊躇忖量。莫是欲說道場所得法耶。莫是化機已成。囑付妙法。而授記耶。文殊因此復爲難云。據仁所說。如來之意。得已明矣。而眾疑可釋。又何須繁辭復演耶。彌勒再請云。

示諸佛土。眾寶嚴淨。及見諸佛。此非小緣。

然如來今放此光。而示此相。皆不思議境也。不唯見妙莊嚴土。而又見佛聞法。此豈小因緣耶。焉得以我猶豫之心。判決大事。文殊隱意。而彌勒顯之。此可謂賓主歷然。

文殊當知。四眾龍神。瞻察仁者。爲說何等。

此方結成請意。如謂仁不必過讓。當知今會大眾。所瞻察者。唯仁而已。仁當實說如來所爲因緣。果說妙法耶。果爲授記耶。故曰爲說何等。△問。彌勒頌中。於六凡佛果。何期甚畧。於菩薩萬行。何故甚

詳若此。答。今此一會。本爲策進二乘。歸於寶所。況二乘疲怠。樂於三昧久矣。懼道行難行。終不能至一乘實境。且六凡已爲二乘厭棄之徑。況佛果尙遠。何必詳陳。但將光中所見之相。一一分明剖露。曰佛子。曰菩薩。曰求佛道。求無上道。皆是傍敲正擊。意欲興起二乘慕大之志。故如來出定。便語舍利弗云。諸佛智慧。甚深無量。一切聲聞辟支佛。所不能知。則彌勒傍提。而如來正挈。師資同一密機。意在此也。又須知光中所現之相。皆不外釋迦牟尼。地獄三途中。是釋迦牟尼。人天八部裏。是釋

迦牟尼。聲聞緣覺。并六度行中。種種相貌者。皆釋迦牟尼。若有一事一人非釋迦牟尼者。此光卽不能現。是知如來於東方一處。親近供養一切諸佛。行菩薩道。有如此者。則餘九方。無不如是。故謂娑婆世界。無一芥子許。不是我捨身命處。則世尊從因至果。始終皆現於白毫中明矣。

妙法蓮華經授手卷第一之二

音釋

騫音牽 璘音林 壘音隴 凹音坳 凸音突 砢音烹 磕音榼

妙法蓮華經授手卷第一之三

清楚衡雲峰沙門智祥集

①五文殊擬古。以致答問。分二。②一長行。分四。③戊一正惟忖荅。

爾時文殊師利。語彌勒菩薩摩訶薩。及諸大士善男子等。如我惟忖。今佛世尊欲說大法。雨大法雨。吹大法螺。擊大法鼓。演大法義。

此是文殊擬古明今必說大法。必授聖記也。惟思惟忖忖量。意謂昔佛曾說是經。曾入是定。亦曾放如是光。現如是瑞。後卽說大法。顯實開權。以昔較

今必無二也。故出言明告之曰。如我惟付。今日如來。定非如前說三乘法也。定必欲說大法。雨大雨等。法雨者。四十年前。隨時灌溉。今必雨平等一味。如後云。其雲所出一味之雨。是也。法螺者。乃號令人天。前來以種種譬喻。誘引獎導。今必以一音普告。如後云。我是如來應供等。是也。法鼓者。有警誡義。從前擊鼓。警令入方便城。破有漏惑。今必警入寶所。攻破無明。如云。今爲汝等說最實事。是也。法義者。前所演法。不是了義。今必演唱大法。如云。唯此一事實。餘二則非真。是也。△問。文殊本屬大智。

然智無擬議。曷有惟忖。答。此亦賓主謙卑語也。二  
大士既爲唱導之首。所有言論。須各盡其態。不然。  
則不成問答體度。若論智鑑。請觀後答處自明。

⑤二畧曾見答。

諸善男子。我於過去諸佛曾見此瑞。放斯光已。卽說  
大法。是故當知。今佛現光。亦復如是。欲令衆生成得  
聞知一切世間難信之法。故現斯瑞。

前以己智惟忖。今以畧曾見答。咸得聞知者。聞卽  
聞慧。知卽思慧。難信者。卽所修之第一義也。謂如  
來欲令一切人圓融三慧。故現斯瑞。⑤三廣曾見

答分三。⑥一引一佛同。又三。⑦一明時。

諸善男子。如過去無量無邊不可思議阿僧祇劫。

此正引古以證今所見。是必說大法也。梵語阿僧祇。此云無數。言無量無邊。卽遠大劫。明時極遠。以大智觀之。猶一日也。要解云。欲原光瑞而推於無數。不思議劫者。此光此法。固始於無始。超乎數量也。△前謂於過去諸佛曾見。乃泛言也。今的指日月燈時所見之實。故知文殊彌勒之所積。亦經如是之無數劫矣。⑧二標名。

爾時有佛號日月燈明如來。應供。正徧知。明行足。善

逝。世間解。無上士。調御丈夫。天人師。佛。世尊。

此引最初燈明先權後實之儀。日月燈是別號。正智如如。日日。大悲普蔭爲月。隨機破惑。日燈。如來等十種。是通號。佛佛皆具。今總畧釋。如來。無虛妄。故。倣同先德號。應供。良福田故。堪爲福田號。正徧知。知法界故。徧知一切號。明行足。具三明故。果顯。因德號。善逝。不還來故。妙往菩提號。世間解。知三世間故。達徧通眞號。無上士。無與等故。調御丈夫。調他心故。攝化從道號。天人師。爲衆生眼故。應機授法號。佛。三覺圓滿故。覺悟歸眞號。世尊。具上十

德故。三界獨覺號。庚三說法。又三。辛一說頓教同演說正法。初善。中善。後善。其義深遠。其語巧妙。純一無雜。具足清白梵行之相。

上是名字同。此則說法同。演說正法。是總標。初中後三皆曰善。卽下所謂深遠巧妙等意。善卽美妙也。卽事含理。曰深遠。卽相會性。曰巧妙。理絕是非。曰純一。權實齊備。曰具足。能所不涉。曰清白。修證不染。曰梵行。然初中後三。法法皆具也。隨舉一事。必有三時。則佛五時施教。各教皆有三時也。此正如來說華嚴時。三七頓演。初中後三一一所說皆

稱真妙性。隨理隨機。無不融入薩婆若海。故皆曰善。是以義則深遠。難測難知。語則巧妙。難聞難信也。②二開漸法同。

爲求聲聞者說應四諦法。度生老病死。究竟涅槃。爲求辟支佛者說應十二因緣法。爲諸菩薩說應六波羅蜜。

此爲三乘說不了義權法也。聲聞者。聞佛聲教。得道者也。四諦。卽苦集滅道。四皆不虛。故曰諦。苦以逼迫爲性。三界上下。無不是苦。有三苦八苦。卽世間果也。集以招感爲性。卽十結使。并本隨煩惱聚。

集。能招感苦果。卽世間因也。滅卽有餘涅槃。可證  
爲性。出三界。離分段生死。是出世間果也。道卽三  
十七品助道法。可修爲性。能成滅諦之果。乃出世  
間之因也。度生死等。卽脫苦也。究竟等。卽得樂也。  
涅槃卽三三昧。有餘涅槃。支佛。此云緣覺。觀十二  
緣。覺真諦理。故得此名。十二緣者。一無明。卽最初  
痴相。無所明了。故二行。造作名行。卽前陰也。此爲  
過去二支因。三曰識。卽投胎入識。乃中陰位。四曰  
名色。卽在胎五陰。名卽受想行識。色卽色陰。五曰  
六入。卽出胎六根。乃現陰也。六曰觸。六根初能觸

境未起欣厭時也。七曰受。卽對境起欣厭時也。自  
識至此。名現在五支果。八曰愛。指說諸欲境未起  
追求之時也。九曰取。卽追求欲境之時也。十曰有。  
卽求之已得也。自愛至此。爲未來三支因。十一曰  
生。卽後陰出胎爲生也。十二曰老死。生死乃未來  
二支果。憂悲苦惱。總爲生死中苦相。是爲十二因  
緣。此卽流轉門。從無明滅。乃至憂悲苦惱滅。名還  
滅門。卽緣覺所修法也。菩薩修六度法。梵語波羅  
蜜。此云到彼岸。一布施。有三。謂財法無畏也。二持  
戒。亦三。謂律儀善法衆生也。三忍辱。有六。一力忍。

不能忘嗔。而但不報也。二忘忍。雅量容物。處辱如無也。三反忍。反已自責。不尤人也。此三未必得理。屬事忍。四觀忍。外人內身。皆達如夢也。五喜忍。喜其辱者。成已忍力。如力士試力而喜也。六慈忍。憐彼辱者。愚痴所覆。發願欲度也。後三者皆屬理忍。四精進。謂專而不雜。曰精。勇而不退。曰進。五禪定。此云靜慮。有大小權實偏圓等禪。茲不繁引。六智慧。有三。謂文字實相觀照。此六爲能趨之行。波羅蜜。是所趨之理。菩薩主此。而廣行萬行也。

⑧三歸圓教同。

令得阿耨多羅三藐三菩提。成一切種智。

天台謂。能於一相寂滅。相種種行相。能知能解。名一切種智。卽佛智也。古謂十因者。自爾時有佛至此。卽示生降迹。名法相同因。②二二萬佛同。

次復有佛。亦名日月燈明。次復有佛。亦名日月燈明。如是二萬佛皆同一字。號日月燈明。又同一姓。姓頗羅墮。彌勒當知。初佛後佛。皆同一字。名日月燈明。十號具足。所可說法。初中後善。

初引一佛。備舉頓漸。說法與今同。中間引二萬佛。但舉說頓。故言所可說法。後引一佛。但舉開漸。與

今同。故言說無量義等。此文殊巧說。避繁文耳。要  
知佛佛垂範無二無別也。頗羅墮。此云利根。直指  
云。約理。二萬者。謂聖凡本體。各具萬法。今以真妄  
雙收。爲此經實相之體。故曰二萬。此處若作過去  
見。後來三根得記。作未來見。則三世之相宛然。何  
以爲一乘之相耶。文殊恐人作過去佛會。故連忙  
呼云。彌勒當知。初佛後佛。皆同一字也。又同一姓。  
總曰利根者。非利根。何以得佛。甚有旨焉。此卽第  
二佛佛道同意。非偶然因。②三最後佛同。分三。③  
一出家同。

其最後佛未出家時。有八王子。一名有意。二名善意。三名無量意。四名寶意。五名增意。六名除疑意。七名響意。八名法意。是八王子威德自在。各領四天下。

引一佛。不過一見一聞。未始無議也。今引二萬佛。示說不異。故知今佛之示說亦不異也。復引最後佛有八子。今佛只一子。所以名不同。而體無二也。然所謂家者。卽三界六道也。亦卽五陰十八界諸煩惱也。言未出家。卽所以未越諸塵也。八子表八識。皆以意名。是不離識也。直指云。世間萬法。皆從賴耶建立。則一切種子。無不俱含。故名有意。七識

法華指掌疏卷第一之三  
善巧執持。名善意。意識分別善惡。念念不定。名無量意。身識是六道所愛相分。名寶意。舌識了味。又能善說法要。名增意。鼻識能別香臭。名除疑意。耳識能隨聲應響。名響意。眼識能名諸法相。名法意。位位皆有功能。故曰威德。皆能從體起用。故曰自在。位位各有我人等四相。故曰各領四天下也。是諸王子。聞父出家。得阿耨多羅三藐三菩提。悉捨王位。亦隨出家。發大乘意。常修梵行。皆爲法師。已於千萬佛所植諸善本。

此又明諸王子皆宿學也。出家者。卽當人以無作

功勳。一念相應。契如如理。頓破無明。故曰出家。聞  
父出家者。卽事得理融。一轉一切轉。捨王位。隨出  
家者。卽捨俗入真。則全體顯露。故曰發大乘意。直  
指云。從初住至八地。皆屬功勳修習。故曰發大乘  
意。從初住至九地。不守寂境。不失修習。故曰常行  
梵行。十地津梁法界。故曰皆爲法師。念念心光獨  
露。真俗一如。故曰已於千萬佛所植諸善本。若論  
今佛一子。當表一入識也。以八識能攝彼七故。羅  
睺羅名覆障者。乃未轉業識之名也。此卽第三捨  
俗出家得果相同因。

是時日月燈明佛說大乘經名無量義教菩薩法。佛所護念。說是經已。卽於大衆中結跏趺坐。入於無量義處三昧。身心不動。是時天雨曼陀羅華。摩訶曼陀羅華。曼殊沙華。摩訶曼殊沙華。而散佛上。及諸大衆。普佛世界。六種震動。爾時會中比丘。比丘尼。優婆塞。優婆夷。天龍。夜叉。乾闥婆。阿修羅。迦樓羅。緊那羅。摩睺羅伽。人。非人。及諸小王。轉輪聖王等。是諸大衆。得未曾有。歡喜合掌一心觀佛。爾時如來放眉間白毫相光。照東方萬八千佛土。靡不周徧。如今所見。是諸佛土。

此明昔佛現本土六瑞與今同。天台云。文殊舉昔所見之說。經同。入定同。雨花同。地震同。會衆得意同。如來放光同。意皆準前可知。如今所見兩句。該盡他土六瑞。則以一言蔽之。乃今會所見者。故不繁叙。卽第四未說妙法先示瑞相因。

彌勒當知。爾時會中有二十億菩薩樂欲聽法。是諸菩薩見此光明普照佛土。得未曾有。欲知此光所爲因緣。

此是會衆疑念與今同。此處又教人當知二十億菩薩。卽當人稱性妙智。但未能三際普融。不及正

等正覺。故曰欲知此光所爲因緣也。第五見相生疑欲知所爲因。庚二說法同。分二。辛一經名不異。時有菩薩名曰妙光。有八百弟子。是時日月燈明佛從三昧起。因妙光菩薩說大乘經名妙法蓮華。教菩薩法。佛所護念。

此益見古今不二也。天台云。昔佛定起。告妙光。而以八子師之。又以法付之。今佛定起。告身子。以羅雲師之。而亦以法付之。是古今無二道也。直指云。妙光卽文殊之前身。義攝日月燈。故曰光妙。八百弟子者。據因中以心王言。但曰八王子。今以果稱。轉

諸心所。故曰八百。△因妙光而說妙法者。見法有所因也。因字當着眼。若日月燈明。不因妙光。雖有妙法。從何可說。故直指謂。義攝日月燈。良有見矣。經名妙法蓮華者。則此經於百千萬億阿僧祇劫已前。早有此名。則今日之名。已爲成言。然更須知。日月燈猶有所從而得也。學者若能向日月燈所從得處體究。始可謂與古佛同叅。卽知此爲教菩薩法。佛所護念。②二時節不異。

六十小劫不起於座。時會聽者亦坐一處。六十小劫身心不動。聽佛所說。謂如食頃。是時衆中無有一人。

若身若心而生懈倦。

此明說經時節。六十劫不起座。不難於說。而難於聽也。今謂身心不動。又云不生懈倦。則知已得法自在矣。故曰如食頃。不然。焉得六十劫身心不動。又焉得六十劫如食頃耶。△問。世尊說華嚴。只三七日。昔佛說此經六十劫。今佛亦曾經五十劫。何其說華嚴之促。說法華之長也。若此。答。華嚴所對之機。皆是登地與等覺位人。智與理冥。說聽一如。則三七猶爲長也。此經將欲翻破三乘舊習。則六十劫對六根言。五十劫對五陰言。五陰六根。乃開

合色心之名。由眾生久被五蘊籠罩。妄見長短。故二佛先以定動。後以智拔。令隨座者。亦以六十劫如食頃。以五十劫如半日。皆依佛之驗也。此卽第六起定。因機爲說妙法因。庚三唱滅同。分二。辛一唱滅授記不別。

日月燈明佛於六十小劫。說是經已。卽於梵魔沙門。婆羅門。及天人。阿修羅眾中。而宣此言。如來於今日中夜當入無餘涅槃。

經旣說已。則出世之能事已畢。於人天眾前唱滅。乃警悟無常也。梵卽色界主。魔卽欲界主。沙門。此

云勤息。婆羅門。此云淨行。卽外道中出家者。中夜者。取其半。表事盡而歸理也。又表中道。如來所作。皆順中。而不處二邊也。無餘涅槃名究竟者。取五住盡。二死忘。具足常樂我淨。卽無量義定也。初說經於此定出。是從一出無量也。經畢。還歸此定。是攝無量歸一也。故曰入無餘涅槃。則與今唱滅。亦不別也。卽第七能事既畢。卽唱涅槃因。

時有菩薩名曰德藏。日月燈明佛卽授其記。告諸比丘。是德藏菩薩。次當作佛。號曰淨身。多陀阿伽度。阿羅訶三藐三佛陀。佛授記已。便於中夜入無餘涅槃。

此正說授記也。聖言說與曰授。果與心期曰記。直指謂法華既說三乘事畢。遂有授記之事。今佛說法一周。先記身子。轉眼識也。彼佛但記德藏。乃轉藏識。故至果上。便曰淨身。多陀阿伽度。此云如來。阿羅訶。此云應供。三藐三佛陀。此云正徧知。十號之三也。△問。昔所授記者菩薩。今記皆聲聞。何謂不別。答。文殊今日所敘者。遠事也。以今望昔。故曰菩薩。今經既授以佛記。豈後會不稱菩薩耶。此卽第八機教相投爲作授記因。言便入涅槃者。法已說。記已授。則日月燈之明已續。卽入理無餘。是涅槃。

槃義。此是第九化緣已竟。夜入涅槃因。

④二滅後通經不別。分三。⑤一明持經時節。

佛滅度後。妙光菩薩持妙法蓮華經。滿八十小劫。爲人演說。

此明古佛滅後流通得人也。佛滅而妙光持法者。持字當味。佛卽如如理。妙光卽如如智。況法因佛說。法存而佛卽隱。故有佛滅度義。必以妙光持法者。佛滅卽理融。理融而智無盡。以此智持此法。則亘萬古而常持者也。八十小劫。乃持法時分。滿者。卽滿足自利之智。具八妙音。顯八妙智。然後始可

爲人演說。則二利之功。始圓具矣。△問。授記何故不及妙光。持法何以不言德藏。答。理有所在也。前謂妙光。卽日月燈因之而說妙法者。況理本不分。何記可授。法因而說。持必在彼。故法非妙光。不能持也。德藏雖已授記。藏德未融。只可自利。故流通暫不囑耳。⑤二明流通得人。

日月燈明佛八子。皆師妙光。妙光教化令其堅固。阿耨多羅三藐三菩提。是諸王子。供養無量百千萬億佛已。皆成佛道。其最後成佛者。名曰然燈。八百弟子中有一人。號曰求名。貪着利養。雖復讀誦眾經而不

通利。多所忘失。故號求名。是人亦以種諸善根因緣。故得值無量百千萬億諸佛。供養恭敬尊重讚歎。

八子皆以妙光爲師。則文殊爲根本實智。亦明矣。非根本智。無以模範後學。八子旣得妙光教化。定於菩提堅固。旣受教化。於菩提堅固。當不應復稱王子。蓋俗諦未融耳。及至供養無量諸佛。始得福智圓滿。方稱爲佛。行人念念奉重。保惜聖胎。是供養諸佛。意成佛道。乃是滿足一真心也。最後成佛名然燈者。卽表賴耶識。於果上方轉。號然燈者。乃繼妙光燈明之大智也。八百中。有號求名者。卽六

識也。直指云。利屬三賢。利生之法。執養屬十地。自証之理境。故曰貪着。讀眾經而不悟法華。如敲冰取火。豈能通利哉。既向外面搬來。是故多所忘失。然因持經。而值無量諸佛。是因文字而証實相也。眞俗一如。心心不昧。故曰供養恭敬。事到理到。無非妙法。故曰尊重讚歎。△然彌勒雖今爲補處。而往昔貪名。亦宿習也。因妙法熏修。故至成佛。卽貪求名利。亦因中實事。何必回互。此卽第十佛滅度後持經得益因。△問。論八識。卽已攝八王子也。謂八王子。轉次授記。至最後者。曰然燈。據此則皆成

佛矣。而相宗亦謂六七因中轉。今以八百中之求名卽六識。義恐不合。答。此皆文殊舉往古因中之事。然八王子。因受妙光教化。後始有次第授記之言。則次第授記。與六七因中轉。乃因中之後相也。八百中有求名者。因中之前相也。雖因中前後事相不同。其實一體。何復疑諸。謂廣求名聞。乃謂不專注妙法也。⑤三三明結會古今。

彌勒當知。爾時妙光菩薩豈異人乎。我身是也。求名菩薩汝身是也。

時分古今。汝我不異。爾時妙光。卽今之妙吉祥我

也。爾時求名。卽今日之慈氏汝也。豈復有異人乎。人旣等而見聞又等。則古佛今佛。實豈二哉。故彌勒前謂佛坐道場所得妙法。爲欲說此。爲當授記。卽已言其大槩。豈實所不知者耶。廣曾見荅已竟。

⑤ 四分明判荅。

今見此瑞與本無異。是故惟忖。今日如來當說大乘經名妙法蓮華。教菩薩法。佛所護念。

此卽分明顯說。今日如來定說妙法華經矣。何也。以今較昔。纖毫不異。如我惟忖。古今見聞旣一。古今說豈有二。是故如來定當說大乘教諸菩薩授

記作佛也。△與本無異句。須別着眼。上句謂今見者。已兆已形也。本則當於形興未質已前求之。然此妙法。本於無量劫前。已通上徹下。無蘊積矣。由眾生迷斯本故。所以盲然。如癡如醉。故如來以光瑞。爲之顯露。而彌勒發問。欲文殊分明指點。以先彰如來出世。爲一大事因緣。開示此妙蓮華藏也。要解云。夫引瑞事。同今所忖。唯此且又廣引三昧唱滅等者。意在冥敘一經本末。故廣引之事。皆契後文。①二偈頌。分三。②一頌廣曾見。

爾時文殊師利於大眾中。欲重宣此義。而說偈言。

長行與偈文。詳畧互具。至文自見。

我念過去世。無量無數劫。有佛人中尊。號日月燈明。  
世尊演說法。度無量眾生。無數億菩薩。令入佛智慧。  
此頌直敘古佛先權後實。以明今古無二道也。天台云。演法度生。屬權智。令入佛慧。屬實智。長行惟說三乘法。令成一切種智。頌中有無數菩薩。令入佛慧。則與今佛同也。⑤二頌最後佛。分三。④一頌出家同。

佛未出家時。所生八王子。見大聖出家。亦隨修梵行。

④二頌說法同。又二。⑥一頌彼此眾瑞。又二。⑦一

頌此土瑞。

時佛說大乘。經名無量義。於諸大眾中。而爲廣分別。佛說此經已。卽於法座上。跏趺坐三昧。名無量義處。天雨曼陀華。天鼓自然鳴。諸天龍鬼神。供養人中尊。一切諸佛上。卽時大震動。佛放眉間光。現諸希有事。此頌最後日月燈明出家。及現瑞等相。義準長行可知。但天鼓自鳴。乃顯無情說法。表世尊無問自說也。現諸希有事。總束六瑞。①一頌他土瑞。分五。②一頌見六趣同。此光照東方。萬八千佛土。示一切眾生。生死業報處。

有見諸佛土以眾寶莊嚴。琉璃玻瓈色。斯由佛光照。及見諸天人。龍神夜叉眾。乾闥緊那羅。各供養其佛。此頌光中所見他土之相。亦與今同。但補出佛土光色。應是實報莊嚴。如琉璃等。是不思議境。又補八部供佛。是不思議行。皆長行所未敘者。玻瓈卽水晶。具云吠琉璃。此云青色寶。⑤二見諸佛同。又見諸如來。自然成佛道。身色如金山。端嚴甚微妙。如淨琉璃中。內現真金像。

要解云。自然成佛道者。成就慧身。不由他悟也。△又補佛身如金山等。足長文也。自然成道。卽見法

法華指掌疏卷第一之三  
身。身如金山等。卽報身。如淨琉璃等。卽應身。

⑤三頌聞頓法同。

世尊在大眾。敷演深法義。

此以法約人。法旣深玄。定爲諸菩薩。演頓法也。

⑥四頌聞權教同。

一一諸佛土。聲聞眾無數。因佛光所照。悉見彼大眾。或有諸比丘。在於山林中。精進持淨戒。猶如護明珠。又見諸菩薩。行施忍辱等。其數如恒沙。斯由佛光照。此以人約法。人旣三乘。則知法亦三藏也。○天台云。聲聞無數。卽四諦。比丘持戒。卽緣覺。菩薩行施忍

等。卽六度。聲聞曰無數。菩薩曰恒沙。則緣覺之多。可以意領。此皆足長行意。⑤五頌聞大乘同。又見諸菩薩。深入諸禪定。身心寂不動。以求無上道。又見諸菩薩。知法寂滅相。各於其國土。說法求佛道。此正與今會同旨。前四句屬禪定。知寂滅相。屬智慧。是以後二攝前四也。△問。前旣言菩薩行六度已。此何再論。答。前多是三賢權漸。言數如恒沙。則所行六度。猶涉事相。此曰求佛道。求無上道。定是大乘十地也。又或以六度分頌。前說施忍諸度。此卽說後二度也。庚二頌四眾疑念。

爾時四部眾見日月燈佛。現大神通力。其心皆歡喜。各各自相問。是事何因緣。

各自相問。乃爲進趨大乘之徑路也。當時會眾見此喜心頓發。而各自忖。則因緣可明。大法可待也。與今會疑念不別。④三頌唱滅同。分五。⑤庚一人法同。

天人所奉尊。適從三昧起。讚妙光菩薩。汝爲世間眼。一切所歸信。能奉持法藏。如我所說法。唯汝能證知。世尊旣讚歎。令妙光歡喜。說是法華經。

世間有三種。此言有情世間也。眼有照了義。謂眾

生智境不開。如生盲之無所見。因菩薩說法開導。智性洞明。使人人徹見本源。故爲世間眼也。智能總攝一切。故言一切所歸。信智爲載道之器。故曰能持。理智一如。故曰我說。唯汝能證也。讚歎令喜。一是師資道合。一是令法流通。故下言說是法華經。庚二時節同。

滿六十小劫。不起於此座。所說上妙法。是妙光法師。悉皆能受持。

六十小劫。妙在不起此座。如來處此說法。妙光處此受持。誠謂十世古今始終不離也。庚三唱滅同。

佛說是法華。令眾歡喜已。尋卽於是日。告於天人眾。諸法實相義。已爲汝等說。我今於中夜。當入於涅槃。前言令妙光歡喜。此言令眾歡喜。是聞經得益也。是日。卽理與智冥之時。諸法實相者。則實相爲諸法之本。卽法華三昧。

汝一心精進。當離於放逸。諸佛甚難值。億劫時一遇。汝字。乃日月燈告諸會眾也。如來所以示入涅槃。亦不過要人離放逸。而勤精進也。說諸佛難值。說億劫始遇。是何等警悌。今遇難遇之尊。而不勤求是道。誰之過歟。

世尊諸子等聞佛入涅槃。各各懷悲惱。佛滅一何速。此見示滅之機。發必中矣。聞說涅槃。便懷憂惱。信知後不復遇。豈更有不精進而放逸者哉。約理。佛滅者。正是理境將盡未盡之際。未免一翻迷悶。及至豁然開發。始得大快速者。卽晝然得解也。

聖主法之王。安慰無量眾。我若滅度時。汝等勿憂怖。向聞警欲精進。又聞億劫難遇。不由不悲感過分也。當時有過於悲泣者。徧體血流。如波羅奢花。故佛愍而安慰曰。我雖滅度。持法有人。法在則吾在矣。何悲之有。庚四授記同。

法華指掌疏卷第一之三  
是德藏菩薩。於無漏實相。心已得通達。其次當作佛。號曰爲淨身。亦度無量眾。

無漏者。收攝三諦。無漏失也。實相者。離虛妄分別。卽無相之相也。德藏而通達實相。則可爲模範矣。況將成佛度生。得號淨身。豈不爲人所賴耶。此雖安慰會眾。而意卽爲德藏作授記矣。

庚五通經同分四。辛一頌滅度時節。

佛此夜滅度。如薪盡火滅。分布諸舍利。而起無量塔。比丘比丘尼。其數如恒沙。倍復加精進。以求無上道。天台云。小乘佛以果報身爲薪。智慧爲火。身滅智

亡。故曰薪盡火滅。大乘以機爲薪。逗應爲火。機盡教亡。故云薪盡火滅。△薪盡火滅。迹泯情忘。脫然無繫也。要知如來示生如幻。度人如幻。轉法輪如幻。般涅槃亦如幻也。其實所謂指窮於薪火傳也。不知其盡也。而法身常住世間。但四眾見佛示滅。感昔深恩。故有分舍利起塔供養等。而後文醫子一喻。已案於此。⊙二頌弘經時節。

是妙光法師。奉持佛法藏。八十小劫中。廣宣法華經。佛滅後。妙光易菩薩之名。而曰法師者。足見佛滅之後。定當以法爲師。使法流通。顯智身常住也。八

十劫中廣宣者。是無間道。則八王子成熟妙法。正在於此。⑧三頌所益弟子。

是諸八王子。妙光所開化。堅固無上道。當見無數佛。供養諸佛已。隨順行大道。相繼得成佛。轉次而授記。最後天中天。號曰然燈佛。諸仙之導師。度脫無量眾。此明聞經得益之人。謂八王子。於八十劫中。受妙光教化。當見無數諸佛。作諸供養。隨順行道。始得福智圓滿。而後相繼成佛。展轉授記也。最後出然燈之名者。是發今佛之本源故。梵語釋迦。此云日種。所以從日月燈而至然燈。皆是光光相然。照耀

無盡之意。天中天者。一曰世間天。二曰生天。三曰淨天。四曰義天。如來出於四天之上。故云爾也。是妙光法師時有一弟子。心常懷懈怠。貪着於名利。求名利無厭。多遊族姓家。棄捨所習誦。廢忘不通利。以是因緣故。號之爲求名。亦行眾善業。得見無數佛。供養於諸佛。隨順行大道。具六波羅蜜。今見釋師子。其後當作佛。號名曰彌勒。廣度諸眾生。其數無有量。燈明處懈怠。而後於諸如來處。則又精進矣。亦行眾善。乃是寤行。由此行眾善故。卽得見無數佛也。不然。豈行大道。具六度者。而復懈怠乎。釋師子。卽

今釋迦牟尼。爲聖中之聖。以故師子表之。餘意如前釋。④四頌結會古今。

彼佛滅度後。懈怠者汝是。妙光法師者。今則我身是。⑤三頌分明判答。分三。⑥一頌說大乘經。

我見燈明佛。本光瑞如此。以是知今佛。欲說法華經。天台於此。又立彌勒四種伏疑。初謂文殊廣引先佛放光之後。定說法華。況諸佛說法。人時各異。但未審今日如來作何等說。文殊潛知彌勒疑意。故曰我見等。△本光瑞如此。本字與如此字。俱有關要。卽是文殊爲人覲體顯彰處。要當細審。又於五

重立義中。此荅法喻爲名。④二頌教菩薩法。

今相如本瑞。是諸佛方便。今佛放光明。助發實相義。彌勒又疑謂。自有名義同者。有名義不同者。今雖同名。而義未必同。故文殊云。今相如本瑞等。此荅實相爲體。

諸人今當知。合掌一心待。佛當雨法雨。充足求道者。彌勒因實相義。又疑謂。實相無相。何人會之。文殊云。但一心待。佛當與說也。此荅一乘因果爲宗。

④三頌佛所護念。

諸求三乘人。若有疑悔者。佛當爲除斷。令盡無有餘。

法華指掌疏卷第一之三  
彌勒疑謂佛雨法雨止洽菩薩亦能澤及二乘乎。  
文殊云。諸求三乘人等。此荅斷疑生信爲用。此中  
缺第五教相無配。而義攝前四。直指云。此品遠序  
三世宗旨。近序生佛本因。於中序人事。序心境。序  
悟迷。序本迹。序權實。序體用。無不備悉。文簡而義  
周。演長文則次第布置。述應頌則前後互顯。總之  
顯圓機無礙大解脫門。所謂無不從此法界流。究  
竟還歸此法界也。以下二十七品。悉爲此品註脚。  
觀者幸研究焉。

妙法蓮華經授手卷第一之三

音釋

罩同梯音第善模音謨也法晶子光盈也切

去聲受尸全音一々二

音



妙法蓮華經授手卷第一之四

清楚衡雲峰沙門智祥集

方便品第二

品節云。此品來意。因前入定放光所現。妙明真境。直欲當機。目擊現證。默契不言之表。奈何根鈍。頑迷未達。寂滅離言之道。世尊只得從三昧起。復假言說。曲唱傍通。以爲接引。凡涉言詮。總爲方便矣。華嚴疏云。方便有二種。一遠。二近。遠則四十年前所說諸經。皆爲今經方便。故云。雖示種種道。其實爲佛乘。近論卽今入定放光動地等。俱爲方便。故

云。今佛放光明。助發實相義。以如來出世本懷。一向未吐。今日盡情披露。由所化之衆機緣已熟。今將盡廢三乘之權。以顯一乘之實。欲滿出世本懷。所以世尊出定。極歎佛智甚深。正欲啟當機欣樂之心。且不卽談。恐駭觀聽。故得三請而後說。歷敘三七思惟。將一乘分別說三。正顯三乘是假。蓋爲少智樂小法。不自信作佛。是故以方便。分別說諸果。又云。今我喜無畏。正直捨方便。但說無上道。故此品已下。判爲開佛知見。謂開顯如來真知見故。經云。吾從成佛已來。種種方便。則不獨今日放光。

等爲方便。乃四十年。乃無非方便。又云。過去無量佛。無數方便力。則方便又不止一佛施也。又云。更以異方便。助顯第一義。此又不止一乘三乘六度等法爲方便。則舉手低頭。聚沙畫像。以至散心入塔。無非爲一大事因緣之方便也。方者法也。便者用也。謂佛善以方法使用。巧逗三乘。誘進寶所。故前品序分已竟。①二正宗分。從此去至分別功德品十九行偈。共十五品半。爲正宗。又本迹二門。各有三分。前品亦是迹門序分。從此去至授學無學人記。共八品。爲迹門正宗。今就近以迹門正宗。又

法華指掌疏卷第一之四  
二

分爲二。②一迹門開顯。又二。③一略開三顯。分  
二。④一略陳開顯。分二。⑤一雙歎二智。又二。⑥一  
長行。又二。⑦一寄言歎。又二。⑧一明諸佛權實。分  
三。⑨一雙歎復二。⑩一經家提敘。

爾時世尊從三昧安詳而起。告舍利弗。

爾時者。卽文殊彌勒賓主問答已竟之時。安詳者。  
徐徐緩緩也。起出也。對入字言。前入定。乃如來將  
自受用一段。真境顯露。與人示如如理。此時會衆  
見此土他土。皆不可思議。則人人胸中。皆有一段  
不可吐露光境。憶如來出定。必應天搖地震。海湧

山騰。及今出定。與無緣大悲。示如如智。仍不動聲色。安然從三昧起。不待請問。而告舍利弗者。正欲使人領悟此妙法。一味尋常。非奇非怪也。故此用安詳二字。甚妙。△問。會中無限人。而獨告舍利弗者。何也。答。如來本爲不知不信者。顯彰方便。故有開示悟入之談。先在定中。有文殊實智。對答發明。今出定。又必因身子。權智顯示。乃融二智于一真也。況身子本大權示現。爲小乘中智慧第一。將欲破小顯大。故先告之。以動羣輩耳。又問。如來恒常在定。何得言起。若有出入。不名正定。答。豈不知此

爲方便耶。旣屬方便。如來何嘗出定。○二正歎二智。諸佛智慧甚深無量。

旣曰諸佛。卽該十方三世。其實卽一佛也。智慧卽本經曰妙法。曰實相。曰一乘者。乃諸佛證得無上菩提之如如真智。向來定中放光。亦此乃實智也。此智不可以名名。不可以見見。所謂甚深者不可測也。無量者。不可擬也。試觀善財于普賢一毛孔中行一步。過不可說佛刹微塵數世界。如是次第行。至盡未來際。尙不能知此毛孔中。刹海次第。況佛境界耶。是則諸佛智慧。實不可測知。故曰甚深無

量。天台曰。此歎實智。言諸佛者。非三教化他權實。乃諸佛自行權實也。

其智慧門難解難入。一切聲聞辟支佛所不能知。門有開啟義。有出入義。曰智慧門者。乃以實智。開發顯露。作差別說。乃權智也。非實外別有。離離不合者。謂之權。乃佛于定中。放光現瑞。圓彰十法界。染淨差別。使人人見之。而謂得未曾有者也。難解入者。由會眾覩此光相。各自生疑。咸言莫知此光所爲因緣。彌勒亦因之以問文殊。雖文殊擬古酬答。尙待惟忖。豈易易解入者也。謂聲聞不知者。良

法華抄手卷第一之四  
以世尊降迹人間。手指天地。及四十年中。拈弄指  
點。無非明彰。此智示人人本有也。而二乘返謂之  
非已智分。其間以種種語言。曲唱傍通。無非洞啟  
斯門也。而二乘返謂之教菩薩法。是則一切聲聞。  
不自信知。有如是智慧。又不領悟如來有如是智  
慧之門。故曰。所不能知。天台曰。此歎權智。諸佛以  
實智證理。權智說法故也。⑤二雙釋。

所以者何。佛曾親近百千萬億無數諸佛。盡行諸佛  
無量道法。

上說難解難入。是警其未悟。此方出陳諸佛所修

樣子。使會衆有所取法。故徵釋之。所以者何一句。是雙徵二智。下單釋實智。言何故諸佛智慧如是甚深不可量也。曰諸佛因中。不似汝輩懈怠。因循所親近者。則有百千萬億無數佛也。一一諸佛。所。有道法。無不盡行。無不通達。所謂水積不厚。則負大舟也無力。由力用深遠。其所得之慧。故有如是甚深無量也。

勇猛精進名稱普聞。

此方釋權智也。智慧之門。何故亦難解難入也。曰須知諸佛因中所行。由其勇猛精進。故得入難入。

之門。一入是門。則發用深廣。辯才無礙。便致名稱。普聞。則所有言說。理應其難解難入也。意顯二乘不能解入者無他。在不勇猛精進耳。汝二乘人。纔得個有餘涅槃。便謂所得弘多。豈有親近無數諸佛之願乎。況蓄志愚劣。豈有勇猛精進名普聞之因乎。于菩薩法。心不喜樂。何有成就甚深未曾有法之果乎。我故謂汝等所不能知也。王三雙結。成就甚深未曾有法。

天台云。此結成實智。稱真究竟曰成就。到彼岸底。曰甚深。昔所未說。曰未曾有也。

隨宜所說意趣難解。

○此結成權智。稱機適會。曰隨宜。非七方便所知。曰難解。△由諸如來會近多佛。勇猛精進。行多善故。所得深而所知廣。至于應機接物。若權若實。無不盡其底蘊。如明珠走盤。縱橫不滯。宜其令人難解難入。此引諸佛。有如是行學。明驗如是。

④二明釋迦權實。分三。⑤一雙歎。

舍利弗。吾從成佛已來。種種因緣。種種譬喻。廣演言教。無數方便。引導衆生。令離諸著。

如來將欲開示此段光明。使二乘人。必知有此一

法華指三、名、象、之、四、  
大事因緣。故先引無數諸佛。證極此道。未有不從  
親近中來。未有不從精進中得。先將他佛說明。然  
後方說到自己。使一切人。必悟必入也。天台云。吾  
從成佛已來。是先歎實智。既曰成佛。則先得實智  
之本。自利已滿。種種因緣下。方歎權智。因緣者。遠  
指大通佛時爲王子之因緣。近謂四十年倒腹傾  
腸。無非爲此事作因緣也。譬喻者。小乘中以芭蕉  
水沫喻。大乘中以乾城鏡幻喻。如本經所有。皆種  
種喻也。廣演者。以一法開無量法。說如三乘九部  
等。巧逗諸根。故曰無數方便。離諸著者。說散十善。

離三途著。說淨十善。離欲界著。說三藏。離見思著。說菩薩法。離涅槃著。說如來道法。離順道法愛著。故曰諸著。然世尊既自己證得。豈忍坐視而不爲人開示也。奈何一切人。終日圓覺而不能證入。方與顯示。彼諸二乘。如九塞耳。如葉遮睛。如來見其蒙然若昧。只得屈垂方便。作種種因緣譬喻。廣分別說。亦不過引導于人。離諸著耳。①二雙釋。所以者何。如來方便。知見波羅蜜。皆已具足。此雙釋二智。曰何故如來能引導衆生。離諸著耶。如來具足方便。知見波羅蜜。故則知見卽實。方便

卽權也。知見上既有如來二字。則非泛常所知見也。如來證此難思妙法。則知無不盡。見無不到。良以諸佛所證。妙莊嚴海。不可思不可量。最深最秘。是前所謂甚深者。而如來無不知也。不可說無有邊。最廣最懸。是前所謂無量者。而如來無不見也。此卽是如來無上菩提之知見。波羅蜜。如來究竟至此。仍將所知見者。爲一切衆生開示之。使一切人悟入之。則開示固佛知見。而悟入者。必證佛知見也。衆生至此。與佛無殊。皆爲如來之方便引入。則二智一一皆徹法底岸。故總曰波羅蜜皆具足。

也。⑤三雙結。

舍利弗。如來知見。廣大深遠。無量無礙。力無所畏。禪定解脫三昧。深入無際。成就一切未曾有法。

此方出陳。前歎諸佛科中。云諸佛智慧。故此言如來知見。前曰甚深無量。此曰廣大深遠。是佛佛所證。無二理也。此結成實智。前言諸佛所得之慧。皆從無量佛邊。行無量行。勇猛精進而得。則此言十力無畏等法。一一皆深入。而無邊際。豈非勇猛精進于諸佛所行一切善法。而得者乎。故前結云。成就甚深未曾有法。此言成就一切未曾有法。但甚

深明實。此一切顯權也。世尊自釋自結云。如來所知者廣大。所見者深遠。而所成就者。皆未曾有法。決非汝等淺知劣見能解能入也。無量有四。卽慈悲喜捨也。以小乘不度生。故不得此。無礙亦四。一法無礙。以一法演無量法故。二義無礙。以一義演無量義。三辭無礙。以一音演無量音。四樂說無礙。卽稱機說法。無厭倦故。力有十種。一是處非處智力。知可度。二三世業報智力。謂障無障。三根勝劣智力。知可度。二。四種種界智力。謂三乘五性。五種種力。有軟中上。四種種界智力。等。界卽性也。五種種解智力。或貪財利好名。六一切至處道智力。知衆生種。

法華授手卷第一之四

種所行。若出離行。若七禪定解脫三昧樂淨智力。

不出離行。各能至果。如前際名九天眼智力。死

無漏等入宿住念智力。姓苦樂等。即漏小乘不求佛

趣。大。小。好。醜。等。十斷諸習智力。盡智。小乘不求佛

道。不學十力。故所不知也。無畏有四。一者一切智

無畏。設方有難云。若佛是一切智者。有諸比丘。從他

難。安隱無畏。答云。我是一切智人。但是攝受彼來

者。故隨順世間師資人情。作是說耳。

二漏盡無畏。設有難云。佛既漏盡。何故愛語羅雲。

彼云。我實漏盡。但三說障道無畏。設有難云。佛說

隨其根。而調伏。故。三說障道無畏。欲愛實能障道。安

而受瘡潰蛇螫之苦。佛於此難安隱無畏。而謂彼云。我說聖道實能盡苦。但說未來非觀現在故。於四法中。初離所知。二離煩惱。三是出離障。四是出離道。以小乘不盡諸障。有怯弱。故不知此。解脫者。謂不思議解脫。無障礙解脫。淨觀察解脫。乃至無餘境界解脫。此十爲首。有無量百千解脫門。由小乘唯得三解脫門。故不知此。三昧者。普光三昧。方網三昧。海印三昧。乃至無礙輪三昧。亦有無量百千三昧。而諸如來皆悉成就。廣如華嚴經說。由小乘耽寂滅定。故不知此。禪卽無上乘禪。定卽首楞嚴定。如上所有。如來一一皆深入無際。不獨只得而已矣。寄言歎德已竟。

⑧二絕言歎二智。分二。⑨一舉絕歎之由。

舍利弗。如來能種種分別。巧說諸法。言辭柔軟。悅可  
眾心。

從上將自他所證權實二智。極力稱揚。如此甚深。如此難解。如此禪定三昧。如此未曾有法。皆是無上大智慧人。所知所見。非汝輩可能擬者。如謂龍象蹴踏。非驢所堪。意在憤激二乘慕大之志。說至于此。可謂發千鈞之弩矣。次欲離言。是彰言之所不及也。不知絕言處。乃極力言也。故又呼舍利弗曰。如來能種種分別。此能字。正對彼二乘之不能。

也。如大富人。出無量珍奇。示貧窮子。看伊是何等  
作用。能種種分別。能立說諸法。其所分別巧說之  
言辭。無不一一柔軟。令聞者之心。無不欣悅暢豫  
也。悅可衆心一句。又是冷擊會衆之語。試問聞者  
能悅能豫否。此但以權實二智。激勵之次。總其所  
有無不成就。

舍利弗。取要言之。無量無邊未曾有法。佛悉成就。  
若欲爲汝一一發明如來知見。縱窮劫難盡。今且  
撮略取要而言。則無量無邊未曾聞未曾見之法。  
我無不成就。然所得之法。旣無邊量。豈片時所能

盡。片言所能言哉。此其所以爲絕歎之由也。

④二正絕言歎。又二⑤一絕言。

止。舍利弗。不須復說。

上旣言。無量未曾有法。皆已成就是欲將此法盡付與人。使一切人皆證此也。其奈此法言不可及。只得絕言稱歎。此處下一止字。非不欲說。恨會衆智不易預斯聞也。况此是如來最上修行。聞者實難領略。欲默不言。情難忍捨。故只得自稱目歎而已。試看如來此衷。是何等急切。於此之後。累止累歎。而不明明說破者。足見婆心斯切。⑥二釋意。又

二。○一最上修行不可說。

所以者何。佛所成就第一希有難解之法。唯佛與佛。乃能究盡。

釋意。如云你謂我如來何故止而不說。以我所成就者。第一之法。非二非三也。況此希有之法。乃九界衆生。所不得者。其所不得。由甚深難解。我所以止而不說也。唯此是我與諸佛。乃能究盡。此外皆不能知。

○二甚深境界不可說。

諸法實相。所謂諸法。如是相。如是性。如是體。如是力。

如是作。如是因。如是緣。如是果。如是報。如是本末究竟等。

此承上言。諸佛乃能究盡者何法。卽諸法之實相也。諸法。卽世出世一切情無情法。是權是事也。實相。卽諸法中之第一義。是實是理也。此處正要令人知世間相卽出世法。卽權卽實。卽理卽事。不壞世相而成實相。若必謂離事而明理。是棄波而求水也。離權而明實。是忘形而覓影也。此皆不達圓實之旨。是故諸法實相一句。便是爲二乘人作開權顯實之張本也。天台依義讀文。凡有三轉。一云。

是相如。是性如。乃至是報如。二云。如是相。如是性等。三云。相如是。性如是等。又第一是相如者。卽空義。第二如是相者。卽假義。第三相如是者。卽中義。三一圓融。不縱不橫。一界具十。十界具百。百界具千。如是展轉。則不盡矣。又九界爲權。佛界爲實。則佛界圓攝九界。而九界又不離佛界。方是諸佛實相義也。直指云。理應取十法界之俗諦曰相。十界眞諦曰性。十界本具曰體。十界業用曰力。十界功能曰作。十界作成曰因。十界助發曰緣。十界循業發現曰果。十界酬賞不差曰報。森森之法。起于一

心曰本。萬境如如。終歸實際曰末。從因至果。了然不昧。三際平等。十方坐斷曰究竟。以根本智。當陽一照。十界全空曰如。以差別智。行布無礙。十界不壞曰是。全俗卽眞。是理無礙。全眞卽俗。是事無礙。眞俗互融。是理事無礙。眞俗雙超。是事事無礙。此解甚爲切實。但等字未審。所等何法。據知音謂。楞伽云。諸佛有四種等。謂字等語等法等身等。若此則是諸佛之等。非諸法等也。况此明言諸法實相。則實相卽如矣。一法如。法法皆如。一法是。法法皆是。所謂眞如徧一切處。豈有一法不如。一法不是。

耶。所以等者。等一切法也。④二偈頌。分二。⑤庚一頌寄言歎。又二。⑥辛一合頌二佛。

爾時世尊。欲重宣此義。而說偈言。

世雄不可量。諸天及世人。一切衆生類。無能知佛者。  
世雄者。世卽三世。舉三世則十方在焉。雄卽雄猛。謂十方三世一切如來。皆具大威雄勇猛之智故。則智慧攝入雄字中矣。不可量。卽頌上甚深無量。卽諸佛實智。下三句。頌諸佛權智。無能知者。卽難解難入也。

佛力無所畏。解脫諸三昧。及佛諸餘法。無能測量者。

此頌釋迦二智。佛字。頌上吾從成佛也。是實智。力無畏等。頌諸功德。是權智。諸餘法者。卽無量無邊。未會有法也。以其佛智甚深。故無能測。佛智無邊。故不可量也。⑧二合釋結歎。

本從無數佛。具足行諸道。甚深微妙法。難見難可了。於無量億劫。行此諸道已。道場得成果。我已悉知見。本從下二句。頌佛曾親近百千諸佛。盡行道法。甚深句。頌成就甚深。未會有法。難見等。頌意趣難解。于無量劫兩句。頌知見波羅密。皆已具足。是皆明因具足。道場得成。方是果具足。我已知見。頌如來

知見廣大深遠也。道場者。據理以如如智。契如如理。理智不二。卽一真寂滅場地。依事卽菩提樹下。得道之場也。行此諸道已已字。卽功圓行滿。一念頓悟自心之時。一了一切了。故曰我已悉知。

庚二頌絕言歎分五。辛一頌不思議境。

如是大果報。種種性相義。

天台云。此頌十如是大卽妙也。十界不同。故言種種。但舉初後中間可知。義兼頌究竟等也。義卽義理。祇一究竟之言。有空假中義理故也。

辛二追頌絕言境。

我及十方佛。乃能知是事。

頌上取要言之佛悉成就也。是事者。卽難解難入之不思議法也。⑧三追頌正絕言。

是法不可示。言辭相寂滅。

頌止不須復說也。實相無相。本非方所。故不可示。實相離言。言不可及。故曰言辭相寂滅。上纔言是事。此卽言是法。究竟卽是諸法實相四字。

⑨四頌舉不知人。分入。⑩一總揀不解。

諸餘衆生類。無有能得解。

此卽舉七方便人。謂人天聲聞緣覺藏通別。共七

種。皆如來方便接至此。是總揀。後所揀者。亦不出此。⑤二別揀能入。

除諸菩薩衆。信力堅固者。

諸菩薩。當指圓教中人。信力堅固。卽十信位已去。三賢并地上菩薩也。⑥三揀二乘人。

諸佛弟子衆。曾供養諸佛。一切漏已盡。住是最後身。如是諸人等。其力所不堪。

此揀二乘不能解也。直指曰。諸佛者。謂佛佛皆有二乘弟子衆。指四果言。見思二惑已盡。名無漏最後身。由果縛未斷。故曰住。是諸人。指初果至四果。

困守偏空。無志向大。故曰力所不堪。⑤四獨舉身子。

假使滿世間。皆如舍利弗。盡思其度量。不能測佛智。前泛舉聲聞。此的舉在會之衆。直指云。舍利弗。是聲聞中最勝者。假如滿世間人。箇箇智如鶖子。盡其心思。其相度量。決不能測如來妙智。何也。以此法非思量分別之所能解。⑥五諸弟子衆。正使滿十方。皆如舍利弗。及餘諸弟子。亦滿十方刹。盡思其度量。亦復不能知。

此揀盡十方諸聲聞也。直指云。前曰假使。尙是彷彿。

佛。此言正使。是決定語。前云滿世間。此言滿十方。推廣言之。不但如舍利一人。卽如目連迦葉等諸弟子。亦皆克滿。則十方聲聞。無量無邊矣。任彼盡其心思。其相度量。又豈能知佛智哉。⑤六辟支佛衆。

辟支佛利智。無漏最後身。亦滿十方界。其數如竹林。斯等其一心。於億無量劫。欲思佛實智。莫能知少分。此揀盡十方諸緣覺也。直指云。一念了別。緣生如幻。故曰利智。是已證無漏最後身者。前四果雖滿十方界。其數尙稀。今滿如竹林之稠。則衆又多矣。

而心則共一。以衆多之一心。經無量劫。其思佛智。猶不能知少分耳。⑤七發心菩薩。

新發意菩薩。供養無數佛。了達諸義趣。又能善說法。如稻麻竹葦。充滿十方刹。一心以妙智。於恒河沙劫。咸皆共思量。不能知佛智。

此揀別教三賢初發心者。直指云。從別入圓。故名新發意。又圓教初住。亦名新發意。然既近無數佛。豈止供養而已。則六度兼修爲因。了達諸義是慧。而亦兼福。則二利將滿爲果。以中道觀智。照明眞俗。故曰了達。心中朗朗。而推己利人。故善說法。此

等菩薩。其數又不止如竹林而已。如稻麻竹葦。則其數猶不可盡。充滿十方刹。咸同一心。其以妙智測量。經恒河沙劫。亦不能知佛智也。妙智。卽中道觀智。⑤八不退菩薩。

不退諸菩薩。其數如恒沙。一心共思求。亦復不能知。此揀通別不退人也。通教第三八人地。至第七已辦地。斷界內惑。名位不退。別教初住至七住。斷界內惑。亦名位不退。入入住至十向。名行不退。如是菩薩數如恒沙。一心思求。亦所不能知也。△問。從前重重料揀。人愈多。劫愈久。智愈深。而竟不能知。

者。何也。答。是智不出識心度量。以識心測佛智。如適越者。不之南而之北。愈行愈遠矣。不見道。思而知。緣而慮。盡是鬼家活計。豈能究竟佛智哉。問。前謂衆生與聲聞不知。則固是矣。說辟支莫知少分。似稍有所知。至於菩薩。已能近無數佛。又能達諸義趣。旣以妙智思惟。豈亦全無知耶。况復言不退菩薩亦所不知。此何言哉。答。菩薩雖曰妙智。只不過以勝二乘若果是證真妙智。於如來所說。如仲尼見溫伯雪子矣。何如來又言咸皆共思求耶。則思求二字。便是可揀之由。新發意不知者。爲後授

學無學中。疑阿難不應得記之案。不退人不知者。爲提婆品中。智積不信龍女成佛。及壽量品中。彌勒不信從地湧眾之案。

④五唯佛與佛知。分二。⑤一顯佛知。

又告舍利弗。無漏不思議甚深微妙法。我今已具得。唯我知是相。十方佛亦然。

天台云。無漏者。舉權實二智。皆無漏失也。蓋權實不二。一一難測難知。故云不思議甚深句。頌第一希有難解之法。我今具得三句。頌唯佛與佛乃能究盡也。⑥二明佛示。又二。⑦一諸佛顯實。

舍利弗當知。諸佛語無異。於佛所說法。當生大信力。世尊法久後。要當說真實。

此處方說出止而不說之意。正所以顯發一乘。乃極力提拔也。故此頻喚身子。而教當知。欲其生決定信。知本來是佛。就此一肩荷也。云諸佛語無異者。說無二三。本來不異。汝於佛語。當生大信力也。無異語者。是決定說。大信力者。是決定信。然所以教信諸佛者。乃所以教信我也。則我此後。定非從前指示。決要爲汝說一乘道。汝亦定要生決定信。就此知歸可矣。則真實二字。正是止而不說者也。

法華指掌疏卷一之四  
癸二釋迦開三

告諸聲聞衆。及求緣覺乘。我令脫苦縛。速得涅槃者。此與後兩段。是預斷權疑之語也。天台云。上言諸佛顯實。此言釋迦開三。非各具一邊。要知開三必顯一。顯一必開三。彼此互明。以顯佛佛道同也。設有疑者。謂如來既有真實之法。何故不疾說。而必欲待後說耶。曰。機不等耳。衆生爲苦惱煎迫時。急欲離苦得樂。故告諸求聲聞緣覺者曰。我欲令汝脫諸苦縛。說有涅槃。其實非真。此後必應爲說真實法也。諸苦縛。卽苦諦中三苦八苦等。以苦能繫

人。故曰縛。涅槃卽三三昧涅槃也。

佛以方便力。示以三乘教。衆生處處著。引之令得出。設謂四十年來所聞者。皆三乘法。而諸佛所說者。亦三乘法。則三乘之名。古今定矣。豈三乘爲不實之法乎。曰此皆是我方便示相而已。豈實法哉。然則三乘不實。宜乎不必宣揚。何佛佛皆說三乘耶。曰爲一切人。聞有著有。聞空著空。大似避溺投火。只得假此三乘。引之令出其著耳。豈真有謂哉。況此等權執。乃二乘人不能認實相者。必有之疑。故如來先將一一破除。不令有懷猶豫之心。則於大

乘。可企及矣。略陳開顯已竟。

妙法蓮華經授手卷第一之四

音釋

盡津上聲 度鐸音 葦音委大葭也

妙法蓮華經授手卷第一之五

清楚衡雲峯沙門智祥集

①二騰疑致請分二。②一叙疑。又二。③一經家叙。爾時大衆中有諸聲聞漏盡阿羅漢。阿若憍陳如等千二百人。

此集經者。叙衆疑也。有諸聲聞。就因言漏盡羅漢。就果言。於千二百中。獨舉陳如者。以小乘中最初稱解者也。從前既稱有解有入矣。今佛概揀不知。安得不動執生疑。故首舉之。

及發聲聞辟支佛心比丘。比丘尼。優婆塞。優婆夷。

法華指掌疏卷第一之三  
此皆學無學人。故曰發心。然叙疑中。但舉二乘一類之機者。以此經意。原爲彼稱揚妙智。在激發向大之心。所以二乘執重疑深。故偏舉耳。前料簡中。言不退菩薩亦復不知。此雖不言。至後陳疑中。則有求佛諸菩薩大數有八萬。蓋可見矣。

⑥二會衆念。分二。⑦一疑佛二智。

各作是念。今者世尊何故殷勤稱歎方便。而作是言。佛所得法甚深難解。有所言說意趣難知。一切聲聞辟支佛所不能及。

世尊自出定已來。費卻許多心力。始得二乘弟子

作如是念。生如是疑。則知此後受大有待矣。各作念者。因聞佛極力稱揚佛之智慧。而聲聞人若師若資。無不作念。謂今日是何等因緣。而世尊殷殷勤勤。稱揚讚歎。言佛所得之法。如是甚深。如是難解耶。此疑實智。有所言說。意趣難解。是疑權智。於中若權若實。皆謂我輩所不能知。若我等果實不知。前來不應許得涅槃。若我等實知。何故又言一切聲聞所不能知。豈佛別有何等法門。是我等所不知所不證者。此是疑佛智。⑧二疑已所得。佛說一解脫義。我等亦得此法。到於涅槃。而今不知

是義所趣。

此是疑已所證。是非不果也。一解脫。卽四十年前所說之解脫。乃不了義說。今謂得此法者。乃不了義法也。證涅槃者。乃中止化城也。是小歇場。非究竟寶所。而自疑謂。若我所得非真。則一解脫義。我已證得。已到涅槃。若此卽真。何故言一切聲聞類。無能測佛者。如是循環自揣。不知是義所歸。是義者。卽佛所稱歎義趣者。歸也。⑤二正請。分三。

- ④一初請。又二。⑥一當機陳請。又二。⑦一長行。又二。⑧一陳疑。

爾時舍利弗知四衆心疑。自亦未了。而白佛言。世尊。何因何緣。殷勤稱歎諸佛第一方便。甚深微妙難解之法。

衆人意念。不敢形言者。以智不及大人所酬。而身子智超羣輩。則已領知衆心。故得陳已陳人之所疑也。此下三請。而如來只二止之。并前成三止矣。蓋佛觀衆機。有三周得益者。前後不同而止。故有所因也。身子疑何因緣。而如來答爲一事。則所謂要當說真實也。諸佛第一方便。疑權智甚深等。卽疑實智。今舍利弗疑。則于法說之後。便得授記。陳

如等各疑。則于喻說中。各得授記。新發心人疑。則于因緣周後。各得授記。所謂不疑不悟。以其疑有淺深故。得開解授記久近之不同耳。王二陳請。我自昔來。未曾從佛聞如是說。今者四衆咸皆有疑。惟願世尊敷演斯事。世尊何故殷勤稱歎甚深微妙難解之法。

我自從佛數十年來。竟未聞有如是極稱佛慧。正欲顯揚。便止而不說。唯此所以令人羣疑競起。況今在會人。孰不心疑。我故敢請如來敷陳此事。畢竟有何緣。如是稱歎。是何法如是甚深。如是難解難

入耶。④辛二偈頌。分四。⑤壬一頌權實二智疑。

爾時舍利弗。欲重宣此義而說偈言。

慧日大聖尊。久乃說是法。

此頌疑佛實智。慧日者。日能破暗。世人作息。皆仗日光之力。而佛以智慧化人。九界衆生之作息。無不仗佛慧之所燭也。故稱爲大聖尊。久乃說者。謂數十年含忍不說。今始說之。

自說得如是。力無畏。三昧禪定解脫等。不可思議法。道場所。得法。無能發問者。我意難可測。亦無能問者。無問而自說。稱歎所行道。智慧甚微妙。諸佛之所得。

此頌明權智難測無能問也。力無畏等。一一照長行可了。道場卽一真寂滅場地。亦卽菩提樹下。謂世尊于道場所傳之法。曰甚深者。曰無上者。誰能以問。而問之也。如佛謂假使滿世間人。皆如我身子。尙不能測。我獨豈能測乎。如我一類聲聞人中。又亦豈有能發問者乎。因無能問。故佛出定。只得自說其所說者。皆是我輩難入之境。所謂唯佛與佛。乃能知之。⑤二三乘四衆疑。

無漏諸羅漢。及求涅槃者。今皆墮疑網。佛何故說是。其求緣覺者。比丘比丘尼。諸天龍鬼神。及乾闥婆等。

相視懷猶豫。瞻仰兩足尊。是事爲云何。願佛爲解說。無漏者。已證三三昧人。求涅槃者。猶未證得者也。已證未證。皆墮疑網。由不達大乘實相故也。然求緣覺者。亦有一類。卽比丘比丘尼衆。更兼人天八部。相視猶豫者。以其聞所不聞。故疑無二也。猶豫卽不決所疑也。曰皆墮疑網。曰相視猶豫。曰何故說是。曰是事云何。其欲了之情。何等緊切。則瞻仰願說之誠。可概領矣。⑤三獨陳身子疑。

於諸聲聞衆。佛說我第一。我今自於智。疑惑不能了。爲是究竟法。爲是所行道。佛口所生子。合掌瞻仰待。

願出微妙音。時爲如實說。

此身子自陳。世尊平日。于聲聞衆中。稱我第一。今聞如來所歎諸佛智慧。竟蒙然不解。斯豈爲智哉。但不知所歎者是如來果上究竟之妙法耶。是因中所行之妙道耶。次下請佛開示。然我雖有微小智慧。皆仗如來說法恩力致之。是則爲佛口所生子矣。卽今合掌待佛以微妙音。稱時稱機。如實說之。可也。觀身子合掌瞻待之際。可謂全身撥入。其爲入佛知見也。不久矣。⑤四總明衆會疑。

諸天龍神等。其數如恆沙。求佛諸菩薩。大數有八萬。

又諸萬億國。轉輪聖王至。合掌以敬心。欲聞具足道。此總明衆會。已該此界他方諸天等。數如恆沙。則知非本會矣。諸菩薩前致請科中。未見標舉。文畧也。故此言數有八萬。皆爲求佛果者。又見其爲深位矣。輪王以萬億國言。乃佛圓音所感。承佛威神。來至法會。今皆合掌至敬。願聞如來具足發明難思道也。(庚)二如來止荅。爾時佛告舍利弗。止。止。不須復說。若說是事。一切世間諸天及人。皆當驚疑。

如來此處。又止而不說者。以法難思故。說之恐驚。

時聽。所以鄭重不說也。△問。叙衆科中。舉皆二乘。今佛所止者。獨曰天人驚疑者。何也。答。若論聲聞。在前一翻止處。已生疑致請。決意要聞。所謂合掌瞻仰待。豈得又驚疑而不欲聞耶。此第二止。又是激未信者信耳。②二次請。又二。③一當機呈請。舍利弗重白佛言。世尊。惟願說之。惟願說之。所以者何。是會無數百千萬億阿僧祇衆生。曾見諸佛。諸根猛利。智慧明了。聞佛所說。則能敬信。

此是身子代爲人天作請主耳。兩言惟願說者。意在切聞妙法。而必無疑也。然今此會衆雖無量。非

凡雜也。皆深種善本。根利慧深之人。必能敬信。但  
惟願說之。然則如來豈不知會衆根利慧深。必待  
身子請白而後說耶。不然。如來不說者。乃極顯妙  
法之難宣也。身子請白者。乃發起會衆之樂聞也。  
爾時舍利弗。欲重宣此義。而說偈言。

法王無上尊。惟說願勿慮。是會無量衆。有能敬信者。  
王有自在義。如來得法自在。故稱法王。佛居等覺  
之上。更無過者。故曰無上尊。下三句。乃至誠懇請  
之詞。庚二如來止說。

佛復止舍利弗。若說是事。一切世間。天人阿修羅。皆

法華指掌疏卷第一之三  
當驚疑。增上慢比丘。將墜於大坑。

爾時世尊重說偈言。

止止不須說。我法妙難思。諸增上慢者。聞必不敬信。  
今第三止中。又舉出增上慢人。則可謂意盡無餘  
矣。謂我若說此妙法。有一類增上慢人。不信生謗。  
由此毀謗大乘。必至墮苦。是以不說猶妙也。若實  
行增上慢人。聞如此言。自應移腔易調。慢有七種。  
恃已凌他。名我慢。同德相傲。名單慢。於同爭勝。名  
過慢。於勝爭勝。名慢過慢。未得謂得。名增上慢。於  
劣自安。名卑劣慢。不禮三寶。名邪慢。然世尊止而

復止。不欲爲說者。非恪言也。以妙法難言。非有非空。離名離相。卽諸相而離諸相。以至離卽俱非。恐着相聲聞。聞不生信。故至再三止說也。

③三再請。分二。④一當機再請。

爾時舍利弗重白佛言。世尊。惟願說之。惟願說之。今此會中。如我等比百千萬億。世世已曾從佛受化。如此人等。必能敬信。長夜安隱。多所饒益。

佛旣復止。而當機重白。此可謂引援得力。大法可投矣。身子因佛固止不言。所以再請云。今此會衆。如我一類。尙有百千萬億。皆從久遠。受佛教化。自

必能敬信也。安隱對驚怖言。長夜表一真之正位。謂皆能安隱於真俗不二之地。故曰。多所饒益。爾時舍利弗。欲重宣此義。而說偈言。

無上兩足尊。願說第一法。我爲佛長子。惟垂分別說。是會無量衆。能敬信此法。佛已曾世世。教化如是等。皆一心合掌。欲聽受佛語。我等千二百。及與求佛者。願爲此衆故。惟垂分別說。是等聞此法。則生大歡喜。當機自稱已爲長子者。以權智出於實智。故有子義。因聞佛言所得第一希有難解之法。故必請說第一法也。觀佛已曾教化兩句。則大通王子之遠。

因已露。豈定期身子爲實聲聞耶。其間請意。勤勤懇懇。無非欲發明此難解之法。故請畢則日生大歡喜。及至如來許說之後。訖此品終。亦曰無復諸疑惑。心生大歡喜。是知師資之意。無非要使一切人。必至法利充滿。得大歡喜而後已。

⑧二如來許說。

爾時世尊。告舍利弗。汝已殷勤三請。豈得不說。

上因當機堅請。并會衆誠求。則知信根已植。無復疑惑。信植爲成佛果之真因。不疑能受難思之指點。故發言許說也。畧開三顯一已竟。

法華抄三卷第一之三  
九

③二廣開三顯一。所謂廣者。廣上畧詞。凡七品半經。皆開三顯一。又分三段。④一爲上根作法說周分五。⑤一如來正說。分二。⑥一長行。分三。⑦一誠聽揀機。

汝今諦聽。善思念之。吾當爲汝分別解說。

如來旣已許說。又必誠聽者。爲今日之法。非常言也。曰諦聽。曰善思。乃欲令當下領悟也。分別解說四字。爲一經權實本迹之大案。使如來但只入定放光。則此妙法無由開顯。使出定歎德止而不說。此妙法。又豈能令衆知哉。幸而因當機堅請至此。

許其分別之。則難入之門。應能入矣。既許其解說之。則難解之法。必能解矣。分別者。分其權迹之因。卽開示也。解說者。解其本實之緣。卽悟入也。以是知權實本迹開示悟入。總不出分別解說四字。明矣。

說此語時。會中有比丘。比丘尼。優婆塞。優婆夷。五千人等。卽從座起。禮佛而退。

此於如來未啟口時。便有五千人退坐者。足見爲罪根深重之增上慢也。所以如來再四不說。爲此衆耳。若論輔佐如來出世利生者。則又有說焉。據

迹實爲在會有一類懷上慢人。不喜大乘。深耽小果。故今五千衆。權爲退席。至令如來貶責小果之罪深垢重。而讚懷真實道者。必可以進趣佛乘。使彼實行聲聞。憤大乘想。則其益人。又非淺淺。論本皆具頂門正眼之流。見如來纔許爲分別解說。便拂袖而行。意使會中定性聲聞。知有向上不傳之妙。豈向人口角頭。食餘唾耶。此所謂蒼鷹纔見。便生擒。安可與獵犬之無靈性。守枯椿者。同日語哉。不然。世尊尙於大法未揚。號令未舉。此輩便作此去就。須知輔化之流。所當爲者。不止於此。佛云。示

衆有三毒。而現邪見相。我弟子如是。方便度衆生。足見禮佛而退四字。大有關係。所謂禮佛者。有所本也。退席者有所歸也。決非弱喪不知歸者可擬。所以者何。此輩罪根深重。及增上慢。未得謂得。未證謂證。有如此失。是以不住。

天台云。五濁渾多。名罪重。執小翳大。名根深。未得三果言得。未證四果言證。名增上慢。有如此失者。謂障執慢三種之失。所以不住也。△此處當有別論。所謂獅子林中。原無異獸。豈靈山會裡。猶藏無行之人。設有已經四十年淘汰。必不如是之甚。依

身子請詞中。有佛已曾世世教化如是等。若果以不信退席。則身子識人不盡。或謂恐今會暫到者。容或有之。即使暫到。必因如來圓音所感。亦皆善根深厚。設實有增上慢人。退席而去。法則不圓。何以稱妙。又何以謂斷疑生信之用乎。須知自誠聽。揀機下一節。乃經家叙陳。當時有如是退席之人。見其將聞卽退。故以罪深等責之也。觀佛後文。但云彼退亦佳不甚深斥。足識其爲本會之引緣也。又如來于第三止中云。諸增上慢者。聞必不敬信。彼感此應。何等明白。具眼者審之。

世尊默然而不制止。

天台云。上聞畧開三顯一。言畧義隱。猶未生謗。足以作繫珠因緣。住則有益。若聞廣開三顯一。必乖情起謗。住必有損。是故不制止也。△又須知如來默然不制止處。猶爲可想。足見是父是子。所謂鴛鴦繡出。從君看。不把金針度與人。

爾時佛告舍利弗。我今此衆無復枝葉。純有貞實。天台云。枝葉細末。不任器用。此等執方便者。於大非器。今謂無枝葉。已成全材。堪爲大乘法器。△約理離根本外。豈復別有所謂枝葉哉。是則枝葉明

妄。根本卽真也。妄存混智。法則不妙。今謂無枝葉有真實。斯可謂實相爲體矣。據此則可以將五千人。表五識圓盡。所謂眼不見色。耳不聞聲。鼻不知香。舌不了味。身不受觸。是枝葉盡也。唯一志向前。而爲根本。是純有真實義。如此說者。則不致偏枯。舍利弗。如是增上慢人。退亦佳矣。汝今善聽。當爲汝說。

天台云。應知上慢不全無法。但以淺位。自謂增上。而慢他人也。以退爲佳者。由以小自翳。復妨他大。今退無謗法之愆。復無障他之過。故云佳矣。△佳

者美也。如來美其枝葉脫盡。唯一眞實。斯謂妄盡眞存。則施大法無難矣。故下囑云。汝今善聽。如師子乳。唯琉璃瓶能貯。(庚)二受旨誠聽。

舍利弗言。唯然世尊。願樂欲聞。

天台云。唯然者。應聲之切。卽應諾也。唯之聲速而質。諾之辭緩而文。△願樂者。潔誠盡敬之意。如謂我輩勤懇之甚。孰不欲聞也。(庚)三正與開示。分二。(辛)一廣開諸佛權實。又二。(壬)一總明諸佛。分四。(癸)一歎法希有。

佛告舍利弗。如是妙法。諸佛如來時乃說之。如優曇

去華受手卷第一之五

鉢華時一現耳。

此科爲一經大案。正爲當機。分別解說。一切聲聞  
辟支佛。所不能知。唯佛與佛。乃能究盡之諸法。實  
相也。知音云。如是二字。卽前謂諸法如是相等之  
十如是。妙法二字。卽前文性相本末等之諸法。前  
云諸法。此云妙法者。前由會衆未發大心。則三乘  
不得濫於一乘。性相未融。本末未會。不得究竟成  
一相一種。故謂之諸法。以法相未忘故也。所以二  
乘人不得授記作佛。今旣請爲如實開示。而如來  
又許爲分別解說。則性相本末等法。皆歸實相。將

一切差別染淨三乘二乘。融爲一法。攝無量義。而爲一義。故曰妙法。而二乘人。始有受記。劫國莊嚴之分。故如來至此。始指定前文。曰如是妙法也。△時乃說之者。時字最重。時未至。卽大聖當陽亦無如之。何故。四十年來。雖抱如是妙法。無開口處。時一至。則百卉吐芳。皆各自有生芽。故身子三請。遂開劫外百代之香。是以十方三世一切諸佛。欲暢本懷。無不待時。而會衆得聞。如是唱演。眞爲千生希覲。正如優曇出現。是人力所不能強。今將欣逢。而卒然放顏。實爲奇遇。未可作等閑觀也。優曇者。

卽靈瑞大寶青蓮花。此華出時。定有金輪王應世。國土自然嚴好。人民壽命。皆得增長八萬四千。故借世間希有之瑞寶。以喻出世希有之妙法也。

⑤二說無虛妄。

舍利弗。汝等當信佛之所說。言不虛妄。

上言說時已至。此言語無虛妄。雖說種種道。其實爲一乘。而教必令信者無他。只一大事因緣而已。

⑥三開方便門。

舍利弗。諸佛隨宜說法。意趣難解。所以者何。我以無數方便。種種因緣譬喻言辭演說諸法。

此正釋前智慧門難解難入。隨宜者。是諸佛開方便門。隨其衆生根信欲樂之權法也。何故方便權說之意趣。亦如是難解難入耶。言諸佛雖有種種緣喻言辭等。其實皆一法也。所演說諸法。卽一乘也。非離此外別演一乘。是所以難解入也。

⑩ 四示真實相。分五。⑪ 一標人法殊勝。

是法非思量分別之所能解。唯有諸佛乃能知之。此釋前智慧甚深。是法者。卽承上演說諸法。卽是實相之妙法也。思量等。六識本具分別功能。七識執我。有思量功能。謂我雖以種種方便。所演者唯

一法也。此法決不可以思量分別解。故汝二乘。每用思惟。無能究竟。而此卽權卽實之法。唯有諸佛。乃能知耳。①二論出世本懷。

所以者何。諸佛世尊。唯以一大事因緣故。出現於世。此又承上言。法旣殊勝。唯佛乃知。則人無能知。故此又論。諸佛本此權實無二之法。由人無能知。故出世爲人指示。所以云。諸佛唯獨以此一大事而出世也。總萬有之志爲一。盡聖凡之量爲大。發能所之功曰事。具本末之性爲因。成自他之德爲緣。如來本爲與人。顯發各自具得之甚深智慧。故曰

一大事因緣。又云唯有此事。更無餘事也。

①三徵出世因緣。

舍利弗云。何名諸佛世尊。唯以一大事因緣故。出現於世。

上明諸佛本此出世。此問諸佛本此出世爲何因緣。故下云。原爲要與衆生。開示此法。令人各各悟入此法。故此出世。

②四正分釋四門。又四。③初明理一。又二。④一正釋。

諸佛世尊。欲令衆生開佛知見。使得清淨。故出現於

世。欲示衆生佛之知見故出現於世。欲令衆生悟佛知見故出現於世。欲令衆生入佛知見道故出現於世。

諸佛世尊。總三世十方塵刹之諸佛。是乘此大事出世。爲能開能示能悟能入之人。乃一理之所主也。欲者要也。令者使也。衆生總該九界之有情。開者發其蒙閉也。知見二字。總攝六根。加一佛字。乃衆生本具之妙法。卽如來藏身三昧。故曰佛知見。此屬因中知見也。復加使得清淨。足顯是在迷之體。不經開發。未必清淨。然一切如來出世。本要使

九界衆生。各各開發。本有之佛知見。而使之六根俱得清淨也。是則一開之後。永離六塵痴惑。更不爲迷執權疑所封閉也。示者。有所昭告於九界衆生也。則此佛知見三字。乃諸佛世尊所證得者。屬果上知見。蓋衆生雖則佛知見本具。不假修習。何以能知。故諸佛先示已證。而出定揚德矣。則前來放光現瑞。皆示佛知見也。而開示屬教。爲佛所開發指示也。悟者。忽然惺覺也。承上如來開發指示本具六根之妙明真性。及至功窮力極之時。而一朝豁然。如從夢起。始悟自性之佛知見也。入者。親

臨也。又言知見道者。卽所到之處。由佛開示之後。起行功夫。修證畢到之地。故曰知見道也。此悟入屬機。又一三屬性具。二四屬修成。前徵諸佛。何故出現此。謂爲要開示佛知見故。爲使衆生悟入佛知見故。則是佛知見。便爲一大事。而大事卽因也。開示悟入。總屬引起修證之緣。是爲一理之因緣也。④二結成。

舍利弗。是爲諸佛以一大事因緣故。出現於世。

此方結成。佛原爲開示佛知見。而令人悟入佛知見之故。所以出現於世。⑤二明人一。

佛告舍利弗。諸佛如來但教化菩薩。

天台云。就昔方便。謂教化三乘。其意本爲化菩薩也。如彼窮子。自謂客作賤人。而長者所觀。實爲已子。則所爲之人。無二三也。故曰教化菩薩。

⑤三行一。

諸有所作常爲一事。唯以佛之知見示悟衆生。

○三乘衆行。名之爲諸有所作。爲圓故諸。所以爲一事也。其所行所作。亦唯以佛知見。是趣。無他行也。⑥四教一。

舍利弗。如來但以一佛乘故。爲衆生說法。無有餘乘。

若二若三。

一佛乘者。卽一大事。乃佛知見也。餘乘卽二卽三也。天台云。若是則般若中之帶二。方等中之帶三。皆不了義說。及至今日。則教唯一乘矣。

⑤五結諸佛如是。

舍利弗。一切十方諸佛法亦如是。

此承上諸佛出世皆如是也。則又言一切十方。乃總統無餘之意。所謂佛佛道同也。⑥二別明三世分三。⑦一明過去。又二。⑧一開權。

舍利弗。過去諸佛以無量無數方便。種種因緣譬喻

言辭而爲衆生演說諸法。

○此廣舉過去諸佛爲一大事出世。所有教理行果無二。演說諸法。是教無二。①二顯實。

是法皆爲一佛乘故。是諸衆生從諸佛聞法。究竟皆得一切種智。

○爲一佛乘。是理無二。令衆生聞法。得一切種智。是行果無二。是法。卽演說諸法中之是法也。非離諸法外。另說是法。故謂開權顯實。則實乃權中之實。決定不二。②二明未來。亦二。③一開權。

舍利弗。未來諸佛當出於世。亦以無量無數方便。種

種因緣譬喻言辭。而爲衆生演說諸法。

①二顯實。

是法皆爲一佛乘故。是諸衆生從佛聞法。究竟皆得一切種智。

○此廣舉未來諸佛出現於世。爲衆生故。所有教理行果。亦復如是。

②三明現在。分三。③一標出世意。

舍利弗。現在十方無量百千萬億佛土中諸佛世尊。多所饒益安樂衆生。

此於現在。則舉十方。而又言無量百千萬億土。明

橫徧之依報。諸佛世尊。該盡正報無餘。雖多佛出世。無非以一大事因緣。而開示之。必多所饒益。令一切衆生而悟入之。必多所安樂。此是諸佛出世之本意也。

①二方便開權。

是諸佛亦以無量無數方便。種種因緣譬喻言辭。而爲衆生演說諸法。

②三爲衆顯實。分二。③一別明現在教行。

是法皆爲一佛乘故。是諸衆生從佛聞法。究竟皆得一切種智。

此上三翻。皆言凡佛出世。說雖三乘。究竟唯一。從佛聞法者。雖有小大之別。究竟到頭。還歸一切種智。世尊如是舉揚。意使會衆各自領悟。故前囑云。諦聽善思之也。⑤二總明三世人理。

舍利弗。是諸佛但教化菩薩。欲以佛之知見示衆生故。欲以佛之知見悟衆生故。欲令衆生入佛之知見故。

諸佛說雖有二。其實皆教菩薩法。所示者佛知見而汝等所悟入者。亦佛知見。幸勿自限自小可也。直指云。此總舉十方諸佛次第出世。所有教理行

果悉皆無二。以結章初諸佛世尊開示悟入四門之旨。承此四門。掃蕩大小聖凡迷悟混濁之執。便見真俗一如。凡聖一體。古今一色。是名佛之知見。妙法蓮華經授手卷第一之五

音釋

調徒弔切 椿側霜切音 覲居候切音 貯直呂切除

莊側霜切音 檝杜也音 覲居候切音 貯直呂切除

蓮經大師

助洋四元

從德大師

助洋四元

靜蓮法師

助洋貳元

定如法師

助洋壹元

與高大師

助洋貳元

指松大師

助洋貳元

定華法師

助洋貳元

定賢大師

助洋叁元

光鑑大師

助洋貳元

妙法蓮華經授手卷第一之六

清楚衡雲峯沙門智祥集

④二廣開釋迦權實。分四。⑤一明開顯。

舍利弗。我今亦復如是。知諸衆生有種種欲。深心所著。隨其本性以種種因緣。譬喻言辭。方便力而爲說法。

上已引明三世。此則彰自所由也。謂不但三世十方諸佛。爲一大事出世。開權顯實。卽我今日。亦復如是。前來不說一乘者。深知汝等有種種欲。種種著。如三界權小。各各所欲不同。不但只欲而已。又

加深心所著。只得隨諸衆生本有著性。故不得不  
施方便也。前云。衆生處處著。引之令得出。故以種  
種因緣等。而爲權說。此正屬開權。

舍利弗。如此皆爲得一佛乘。一切種智故。

如此二字。指上開權所說之意。竟不爲他。總皆要  
一切人得佛知見。成一切種智故。所以將無數方  
便。而誘引之也。此方顯實。一切種智。卽佛種智也。

⑤二明五濁。分二⑥一標意。

舍利弗。十方世界中。尙無二乘。何況有三。

若論此法本來清淨。湛一如空。二尙不有。況復三

乎。但未審諸佛何故不卽顯實。而必欲開權。○癸二  
明濁。

舍利弗。諸佛出於五濁惡世。所謂劫濁。煩惱濁。衆生  
濁。見濁。命濁。

此方明不得已而說二說三也。天台云。劫卽時分  
濁者。卽渾而不清也。且衆生心水。本來清淨。只緣  
五重亂想。雜入其中。頓成渾濁。然劫濁無別自體。  
但有下之四重。便得濁名。故曰劫濁。見濁。卽五利  
使爲體。廣開有六十二見。煩惱濁。卽五鈍使爲體。  
五皆昏煩惱悶身心者。衆生濁。亦無自體。攬見慢

果報三濁。立此假名。命濁。卽連持色心而爲體也。若論五濁之相。四濁增劇。聚在一時。名劫濁。瞋恚增劇。刀兵起。貪欲增劇。饑饉起。愚痴增劇。疾疫起。三災起故。煩惱倍隆。名煩惱濁。諸見轉熾。名見濁。粗弊色心。惡名穢稱。名衆生濁。催年減壽。名命濁。○又自近論。以人壽百歲時。始入劫濁。遡流而言。衆生無始。自晦昧爲空時。便入劫濁。并該四大山河等。有成住壞空之劫也。見濁者。以四大本皆無情。由因妄織。雖針鋒草刺。咸成痛覺。而衆生堅起我見。爲諸見之主也。煩惱濁者。煩惱擾也。惱勞也。緣

塵盈念。無時而不勞擾也。衆生濁者。由流轉諸趣。變幻一切衆生之相故也。命濁者。由六根結滯。命託於中。根塵攬結。則爲命存。根塵離散。則命亡也。如是。舍利弗。劫濁亂時。衆生垢重。慳貪嫉妒。成就諸不善根故。諸佛以方便力。於一佛乘。分別說三。

此總該五濁。慳貪卽煩惱。嫉妒卽見。不善根卽命。由此五濁渾深。衆生障重。所以諸佛只得開方便門。隱實施權也。⑤三。明眞僞。分二。⑥一。揀僞。

舍利弗。若我弟子。自謂阿羅漢。辟支佛者。不聞不知。諸佛如來。但教化菩薩事。此非佛弟子。非阿羅漢。非

法華指掌疏卷一之六  
三  
辟支佛。

上既說明開權。原不得已。則所說皆一。若我弟子  
自謂已證羅漢。已得辟支。如來正當顯發一乘。汝  
又不聞。而亦不知。返謂此爲教菩薩事。是以方便  
爲實。則非真也。故曰。非佛弟子等。

又舍利弗。是諸比丘。比丘尼。自謂已得阿羅漢。是最  
後身。究竟涅槃。便不復志求阿耨多羅三藐三菩提。  
當知此輩皆是增上慢人。所以者何。若有比丘實得  
阿羅漢。若不信此法。無有是處。

自謂得道。則非佛所許也。雖得盡分段。而變易未

忘。豈真是最後身耶。不復志求者。卽不同心也。若但得小果生滿足。證而不回心向大。亦卽是未得謂得。未證言證。便是增上慢流。亦是罪根深重。定非吾子也。何故。若實有證。豈不信有向上涅槃耶。

癸二明真。

除佛滅度後。現前無佛。所以者何。佛滅度後。如是等經受持讀誦解義者。是人難得。

前謂得羅漢辟支不信。爲增上慢者。由佛現在有說有示。而不樂聞。自謂有所得有所證也。若佛滅後。出無佛世。則無開示之人。雖於此經不生信受。

猶可許爲非上慢之傳。何也。佛滅之後。雖有此經。以其甚深難解。求其讀誦者難得。若能解義。此又爲難得。若有求證無上道者。則畢竟如優曇華。一切皆愛樂。此所以許其爲真矣。

若遇餘佛。於此法中便得決了。

天台云。恐有疑者。謂若佛滅後。而不能解此甚深義趣。則未來人。永無證真之時矣。曰。不然。若於他國。遇佛出世。必說此經。若一聞之。卽得決了。故佛云。我餘國作佛。更有異名。爲說妙法。是其意也。⑤  
四明無妄。

舍利弗。汝等當一心信解。受持佛語。諸佛如來言無虛妄。無有餘乘。唯一佛乘。

自若我弟子。至於此法中得決了一節。皆激責之詞。至此方明示會衆決當生信無二無三也。佛自出定以來。重重拂三乘之迹。重重顯一乘之妙。此處又舉唯一佛乘。自誓無虛。以勸會衆。一心信解者。無別。只要人自信自知。各各具有眉間一段光明。而光中圓具十法界相。決不得推向諸佛分上。而埋沒已靈。故後頌中結云。自知當作佛決定無有疑者。亦從此再四叮嚀。一心信自本具一心。解

法華經疏卷第一之六  
五  
自本佛之不虛妄語也。④二偈頌分二。⑤一頌上許荅。又二。⑥一頌已退不堪。

爾時世尊欲重宣此義。而說偈言。

比丘比丘尼。有懷增上慢。優婆塞我慢。優婆夷不信。如是四衆等。其數有五千。不自見其過。於戒有缺漏。護惜其瑕疵。是小智已出。衆中之糟糠。佛威德故去。斯人尠福德。不堪受是法。

此頌五千退席。長行但舉五千。此分四衆。直指云。約理是四衆人。同轉五識。并諸心所也。出家二衆。謬謂得道。故所使屬上慢。在家自恃尊貴。故所使

屬我慢。女人則又信力眇劣者。故所使屬不信。不自見過者。因心所蓋覆也。戒有缺漏者。以心所紛飛不定也。瑕玼乃美玉之玷。所使是真如之玷。言護惜者。心所造惡。不欲他知也。心所之黠慧。曰小智。心所之浮僞。曰糟糠。真如將轉。曰佛威德故去。心所虛妄。曰尠福。心所無體。曰不堪受法。始見妄盡真窮。而一朝脫落。是退席意。約法。是身子等。不執權教枝葉。將近一實。故此許說。②二頌已住誠聽。

此衆無枝葉。惟有諸真實。舍利弗善聽。

諸字。非衆多之謂。是成頌之詞。所謂繁柯脫落盡。唯有一真實。此又誠善聽者。乃重重警惺也。庚二頌上正荅分二。辛一頌四佛章。又四。壬一頌諸佛。又五。癸一頌諸佛施權。又二。子一正頌施權。諸佛所得法。無量方便力。而爲衆生說。衆生心所念。種種所行道。若干諸欲性。先世善惡業。佛悉知是已。以諸緣譬喻。言辭方便力。令一切歡喜。

前三句明諸佛證得此法。復以方便變通。所謂頭頭演妙也。佛所得者。是自證之實智。長行謂如是妙法也。無量方便兩句。是權智。長文謂諸佛隨宜

說法也。衆生心念。卽九界衆生之念。於事未行之先作想念也。種種所行。乃念中所存之事多而難言之數。所行道三字。乃發行事業之道路也。若干是不盡之言。諸欲性者。九界衆生。樂欲不同。故曰諸欲。然而欲之所私。若染若淨。皆稟先世善惡之業因也。佛知衆生如此根性不同。故以方便引導。令一切人。隨其本性。得歡喜耳。

或說修多羅。伽陀及本事。本生未曾有。亦說於因緣。譬喻并祇夜。優婆提舍經。

天台云。修多羅。此云契經。有總別兩種。總則爲聖

教之通名。別則於十二部中直說法相者是。伽陀。此云孤起。不頌長行。乃孤孤另起者是。本事。卽說往昔本所行事。如捨頭目髓腦國城妻子之類者是。本生。卽說往昔於九界中受生之事。未曾有。卽佛現種種神通。衆生怪未曾有者是。因緣。有內外大小之分。如化城品說宿世因緣之事。譬喻。如本經優曇鉢。并火宅等喻是。祇夜。卽重頌。優波提舍。此云論議。如外道與佛論量人天因果世出世法有無真假等是。此佛四十年前隨宜所說。性相本末諸法。載之九部。若加方等無問自說并授記三

種。成十二部。⑤二結施權意。

鈍根樂小法。貪着於生死。於諸無量佛。不行深妙道。衆苦所惱亂。爲是說涅槃。

此結成施權之意。知音謂。此九部之說。非佛本懷。乃不得已。爲鈍根衆生。樂於小法。不信大乘。而愛着生死。往昔於無量佛所。不行甚深妙道。故爲衆苦惱亂。由此等人。只得爲說有餘涅槃。作止息也。

⑥二頌顯實。分四。⑦一頌理一。

我設是方便。令得入佛慧。未曾說汝等。當得成佛道。所以未曾說。說時未至故。今正是其時。決定說大乘。

我此九部法。隨順衆生說。入大乘爲本。以故說是經設方便者。正應長文是法非思量分別之所能解。原以此法難思難解。只得說九部法。權引於人。令入佛慧。旣曰方便。豈是實法。所以不說汝等有成佛分。其不爲汝等作授記者。非憚而不說。以說此大法時節未至。及今汝二乘機已純熟。必當作記之時。豈更如前來二三其說。是決定顯發佛之知見。說大乘耳。正應長行時乃說之。要知今日所說是實。則四十年前之九部法。不過隨順方便。原其本意。無非假此權說。引入大乘爲本。以故今日竟

爲汝等說此妙法華經也。①二頌人一。

有佛子心淨柔軟亦利根。無量諸佛所而行深妙道。爲此諸佛子。說是大乘經。我記如是人。來世成佛道。以深心念佛。修持淨戒。故此等聞得佛。大喜充徧身。佛知彼心行。故爲說大乘。聲聞若菩薩。聞我所說法。乃至於一偈。皆成佛無疑。

頌上諸佛如來。但教化菩薩。此但申明爲諸菩薩說大乘也。心淨者。迷悟情忘。柔軟者。真俗一致。利根者。理事齊到深妙道。卽福慧雙修。況此等人。旣能行深妙道。則心如佛矣。旣得柔軟無嗔。則形如

佛矣。內外如佛。豈不於來世得作佛耶。此皆爲最上乘根。深心念佛下。又明一類發大乘心者。雖未於無量佛所行深妙道。而今亦以深心念佛。嚴持淨戒。聞知有得成佛道之時。生大歡喜。我故知彼決定信向。心行俱嚴。所以爲彼說大乘也。凡此會中。有聲聞菩薩。聞說大乘經。乃至一偈。亦可作當來成佛之因。故知此會人無大小。皆一機也。此聲聞菩薩。應指通別中三乘人。子三教一。十方佛土中。唯有一乘法。無二亦無三。除佛方便說。但以假名字。引導於衆生。說佛智慧故。



前三句。頌上諸有所作常爲一事。終不以小乘兩句。頌明常爲一事之意。佛自住大乘。至以此度衆生。頌上唯以佛之知見示悟衆生也。諸佛所以出于世間。唯示佛知見一事。爲實說。二乘三乘。皆非本願。而如來終竟不以小乘化度於人。次下釋成。何故不以小化人。佛自己旣住持大乘。而所得之法。皆定慧莊嚴。唯以此定慧莊嚴之法。而度生也。下又轉釋云。若佛自己證得無上大乘平等之法。而又以小乘化人。則佛有愛己之心。必墮慳吝之過。而於出世。爲一大事因緣。相倍戾矣。故曰此事。

不可爲。癸三頌勸信。分二。子一舉果勸信。又二。丑一舉內心。

若人信歸佛。如來不欺誑。亦無貪嫉意。斷諸法中惡。故佛於十方。而獨無所畏。

此出成諸佛以大化人之意。若人者。卽能信能歸之人。人旣歸信於我。我豈欺誑于人。如來不欺。則所作真實。是身淨。爲人可歸。如來不誑。則所說不虛。是口淨。爲人可信。無貪嫉。則願人成佛。是意淨。爲人可念。三業旣淨。而諸法中惡。皆已斷除也。諸法者。卽衆生三業不淨。于諸塵境上。起種種業。今

言斷者。以如來三業清淨。則諸惡永斷。故于十方出世利生。任于九界。縱橫而無所畏也。⑤二舉外色。

我以相嚴身。光明照世間。無量衆所尊。爲說實相印。由上三業淨故。則感如是莊嚴。若使如來有高下。彼我之見。說大說小。則成欺誑。豈得相好嚴身。光明普燭。爲無量人天之所尊敬。又豈能爲無量人天。說實相法印乎。此欲使人決定。信其不二也。實相印者。佛以妙法爲印。印定九界衆生。悉皆作佛。若究竟不說實相一乘。則非真印。卽爲假說。是妄。

傳其旨矣。⑤二舉因勸信。

舍利弗當知。我本立誓願。欲令一切衆。如我等無異。此是如來因中。所有誓願。卽四弘誓也。欲令一切衆。如我無異。是衆生誓度。度生非備達法門者不能。故攝法門誓學也。

如我昔所願。今者已滿足。化一切衆生。皆令入佛道。願已滿。卽佛道已成。成佛者。豈煩惱不斷。卽今說一乘妙法。卽酬因答果矣。△問。佛願云。衆生無邊。誓願度。則願度一切也。卽今衆生未盡。何云願滿。答。論佛成等正覺時。則一切衆生。同成正覺。豈于

佛外另有不度之生耶。若據此會。且就一期因緣將畢。令三乘人。皆得授記成佛。自名願滿。故云。但有聞法者。無一不成佛。癸四頌五濁。分三。子一總明五濁障重。

若我遇衆生。盡教以佛道。無智者錯亂。迷惑不受教。衆生受苦。諸佛興悲。悲苦相對。故云相遇。又遇者。卽衆生有感。佛卽時應。感應潛通。故名曰遇。如謂衆生不遇我則已。若遇我。必爲說佛知見。無論四生六道。盡教成佛。其奈衆生無智。錯亂修習。不唯不得成佛。而返成聲聞緣覺。外道天魔及魔眷屬。

此皆是聞而不解。不捨識心者。自成錯亂也。又有少智樂小法者。固守已執。坐證偏空。妄謂得證。不信作佛。不發大乘心。不行深妙道。此又是不聞不見。不捨權執者。自成無智也。則無智錯亂四字。含兩種人。不受教。錯亂修習者。因迷不受。無智修行者。因惑不受。且迷者。如迷方之人。總不知方向何所。惑者。雖知方向。但將南爲北。故迷惑二字。雖有輕重。總爲不受教也。①二別釋五濁深源。分五。②一衆生濁。

我知此衆生。未曾修善本。堅著於五欲。癡愛故生惱。

以諸欲因緣墜墮三惡道輪迴六趣中。備受諸苦毒。天台云。善本卽真如實相也。五欲卽色聲香味觸。痴卽無明。愛卽貪欲。此衆生卽前迷惑不受教者。謂我知此等人。於曩劫中未聞佛之知見。所以妙善根本未修。其所以無善根者。只因堅著五欲。由痴惑無明。生諸貪愛。由貪愛故。生諸苦惱也。欲因緣者。痴愛爲因。五欲爲緣。又財色名食睡五者。皆爲人之所欲也。由此諸欲因緣。致令墜三惡道。三惡道。卽地獄餓鬼畜生。三皆極惡人所居之地。故曰惡道。不唯三惡道而已。由此因緣。輪迴六趣三苦。

入苦。三毒諸毒。無不備受。則此衆生可謂濁之極矣。故曰衆生濁。⑤二命濁。

受胎之微形。世世常增長。薄德少福人。衆苦所逼迫。命以連持色心爲名。形字。便具足色心二種。微形者。對廣大法身而言也。謂衆生所具之法身。本周法界。終不爲五陰之所羅籠。祇緣一念不覺。頓成迷倒。以諸欲因緣。輪轉不息。從生至生。了無出要。故受此微形。由惑業相引故。世世增長。如此從苦入苦。皆由德薄垢重福少業深。所以受生老病死。衆苦逼迫。則慧命喪亡。成命濁矣。⑤三見濁。

入邪見稠林。若有若無等。依止此諸見。具足六十二。此由衆生爲苦所逼。妄求脫苦。悞入諸見。總屬邪解。故名邪見。稠林者。以諸見稠密如林故。有無。卽斷常二見。等者。等身邊邪見戒及六十二見。由此諸見渾濁。而正見不興。成見濁矣。天台云。如外道計我。有四句。一色卽是我。二離色是我。三色大我小。我住色中。四我大色小。色住我中。於五陰中。各計四種。成二十見。又約三世。各具二十。成六十見。加本有斷常二見。成六十二。⑤四煩惱濁。深著虛妄法。堅受不可捨。我慢自矜高。諂曲心不實。

虛妄法。卽前所執諸見也。由著之深。所以受之。亦堅而不能捨也。彼旣執邪爲正。返謂正不可及。卽生大我慢。下視一切。則自高自矜也。諂曲者。以己謬解。諂媚于人。望人曲從于己。皆不實之心。由此攪擾心田。昏煩惱悶。成煩惱濁矣。⑤五劫濁。

於千萬億劫。不聞佛名字。亦不聞正法。如是人難度。因上四濁。擾亂本真。則長劫沉淪。受諸極苦。旣迷一真妙性。則不知本自天然。是不聞佛名字也。旣執邪見妄理。則不聞本有妙法。是不聞正法也。如是執妄迷真。正因不顯者。豈易度哉。⑥三結說小

大之由。

是故舍利弗。我爲設方便。說諸盡苦道。示之以涅槃。此正明爲五濁衆生故。說三乘四諦法也。苦卽苦諦。以果攝因。而集諦在矣。盡苦之道。卽三十七品道諦也。示涅槃卽滅諦也。

我雖說涅槃。是亦非真滅。諸法從本來。常自寂滅相。佛子行道已。來世得作佛。

言我所說所示之涅槃。乃空無相無作三三昧有餘涅槃。是皆功勳所至。旣屬功勳。而曰有餘。豈真是如來大寂滅海。如金出鑛。如木成灰之究竟涅槃。

槃耶。故曰是亦非真滅。諸法從本來等。謂世出世間種種諸法。皆卽如來妙明圓心。所謂本如來藏。性色真空。不假功勳。自來寂滅。于中覓一毫去來生滅之相。了不可得。故曰從本來常寂滅也。今欲得證此常滅相。須是汝諸佛子行持此道。得福智圓滿。方始成佛。此所謂事非頓除。因次第盡也。○  
五頌不虛。

我有方便力。開示三乘法。一切諸世尊。皆說一乘道。今此諸大衆。皆應除疑惑。諸佛語無異。唯一無二乘。前兩句明釋迦開三。次兩句明諸佛顯實。下四句總

法華抄子卷第一之六  
二  
明諸佛與我所說畢竟不二。要知我說三乘。原爲顯一。諸佛說一。方便開三。總爲一大事因緣。出現于世。此正頌長文。汝等當信解佛語。言無虛妄。無有餘乘。唯一佛乘。⑤二頌過去佛。分二。⑥一頌開三。

過去無數劫。無量滅度佛。百千萬億種。其數不可量。如是諸世尊。種種緣譬喻。無數方便力。演說諸法相。頌過去無量諸佛。爲一大事出世。開權說三。無不以方便說諸法相。諸法相者。卽前謂十界十如之法相也。⑦二頌顯一。分二。⑧一總頌。

是諸世尊等。皆說一乘法。化無量衆生。令入於佛道。說一乘。是教一。化無量衆生。是人一。令入佛道。是理兼行一也。①二別頌分二。②一總約五乘顯一。又諸大聖主。知一切世間。天人羣生類。深心之所欲。更以異方便。助顯第一義。

此明過去諸佛觀機遲鈍。從實立權。以證今日之開權顯實不虛也。知字。卽佛觀機。知一切世間。若天若人。以至羣生之類。各各深心之所欲也。深心者。乃人天着境之心。堅不可拔。所欲者。卽樂欲五塵也。由此欲習難除。故佛以異方便。漸漸誘引。必

得佛慧。故曰助顯。異方便者。卽人天所作。有爲功用。乃至一花一香。一聲一色。故曰異。無非引人歸第一義。故曰方便。⑤二別約五乘顯一。分三。⑥一約菩薩。

若有衆生類。值諸過去佛。若聞法布施。或持戒忍辱。精進禪智等。種種修福慧。如是諸人等。皆已成佛道。天台云。若作五乘釋者。但是六度菩薩乘。若作七方便釋。兼得通別菩薩乘。何故三教大乘。皆行六度。而用心有別。以相心行六度。卽三藏菩薩。以無相心而行。卽通教菩薩。以非相無相心次第行。卽

別教菩薩。今但列六度。未審判屬何教。依上云。異方便。卽三教菩薩之方便也。六度前五屬福門。後一屬慧。故曰種種修。雖佛權開方便。其實引之。令入佛道。故曰皆已成道。△問。科中旣云顯一。則六度當是大乘正方便也。何得同日異方便。答。方便雖異。而引入之佛道一也。況此是佛舉過去修行。至今已成道之因。人亦不過詳明。光中所見修行事相。令今會未至者生信耳。雖曰顯一。其實卽權之一。雖正異之稱不同。總屬如來方便。皆渡河之筏也。⑤二約二乘。

諸佛滅度後。若人善軟心。如是諸衆生。皆已成佛道。  
天台云。大品歎阿羅漢心調柔軟。又淨名云。住調  
伏心。是賢聖行。此偈約聲聞緣覺。但曰善軟心。三  
字爲因。便結云。皆已成佛者。要知修心旣善。則不  
爲三界惡習牽引受生。而分段可離。心旣調適柔  
軟。定非剛強難化之流。則進趣佛果無難。故斷曰  
成佛。則善軟心。乃佛異方便之所成也。④三約天  
人分二。⑤一約緣因顯實。分十。⑥一供佛起塔。  
諸佛滅度已。供養舍利者。起萬億種塔。金銀及玻瓈。  
磲磔與瑪瑙。玫瑰琉璃珠。清淨廣嚴飾。莊校於諸塔。

或有起石廟旃檀及沉水木栴并餘材。甄瓦泥土等。若於曠野中積土成佛廟。

此引過去諸佛滅度之後。有諸衆生。於像法中。廣收舍利起塔供養。塔旣以萬億言。而皆以七寶莊嚴。則其所得之福。不可量也。然石廟與塔。名異體同。亦卽安處法身之慈悲室也。經云。如來室者。大慈悲心是。慈能與樂。則可以自安安人也。曠野乃人所不經處也。而亦起塔。則見佛身無不在也。此中以寶以石。以木以土。無非是成佛之因。⑤二戲沙作塔。

乃至童子戲。聚沙爲佛塔。如是諸人等。皆已成佛道。  
聚沙雖戲作塔。卽真正聚沙時。則念念皆佛。豈不  
爲成佛之本耶。如是諸人等。總舉起塔廟者。言塔  
高顯。表智廟廣大。表理卽事不壞俗諦。是福足。卽  
理不違真諦。是慧足。福慧雙嚴。故皆得成佛。直指  
云。約理。沙表塵塵三昧。所謂一塵與法界齊等。則  
一一塵中。有塵數諸佛。據此則又非異方便可擬。  
但應真聖流。現童子身說法者有之。如華嚴之自  
在主童子。善財見於河渚上聚沙爲戲者。是也。⑤  
三至心建像。

若人爲佛故。建立諸形像。刻雕成衆相。皆已成佛道。此下總標諸佛滅後。有於像法中造像功德。前起塔爲供舍利。乃佛遺形。雖非全真。而是分真。今像雖設立。而是假名。亦卽令人從假而悟真也。

或以七寶成。鍤石赤白銅。白蠟及鉛錫。鐵木及與泥。或以膠漆布。嚴飾作佛像。如是諸人等。皆已成佛道。此并後兩段。乃別列造像者。有此三種。從勝向劣。先明以寶等各隨己力。以安心供養。不出此種種諸物也。故結云如是諸人。雖所造之物不同。其瞻敬之誠無二。故皆得成佛。

彩畫作佛像。百福莊嚴相。自作若使人。皆已成佛道。  
次約彩畫。又劣于雕刻。言百福莊嚴者。乃佛本具  
之相好也。今若有人。能畫如來如是相好。或使人  
作。佛因已植。皆得成佛也。(辰)四喜畫作佛。

乃至童子戲。若草木及筆。或以指爪甲。而畫作佛像。  
如是諸人等。漸漸積功德。具足大悲心。皆已成佛道。  
又次言童子以戲心作像。事雖戲。而欲作之心等  
也。足見是心作佛。是心是佛。如是之人。由假而真。  
令功德漸積。則福生矣。悲含慧心。戲作者像成。未  
有不至誠求應。則屬智心。智積而慧自生矣。福慧

漸具。必成佛果。⑤五結成顯實。

但化諸菩薩。度脫無量衆。

此總結上起塔造像等之異方便也。方便雖異。總爲成佛之基。則此等亦卽是化菩薩法。非僅人天有漏善也。由此奇異方便。事不論貧富。心不論智愚。則人人可得而爲。所以度脫者衆。造像功德經云。有十一種功德。一世世眼目清淨。二生處無惡。三常生貴家。四身有金色。五豐饒珍寶。六生賢善家。七生得爲王。八作金輪王。九得生梵天壽命一劫。十不墮惡道。十一後生還能敬重三寶。約理起

塔表見法身。造像表見圓理。既得見法身具圓理。非佛而何。所以結此方便。皆是化菩薩法。故科云顯實。辰六諸塵供養。

若人於塔廟。寶像及畫像。以花香幡蓋。敬心而供養。此引古供像得道之異方便也。直指云。既有敬心供佛。其佛在矣。必至成佛。約理。花表圓行芬敷。香表信戒普薰。幡表智悲運轉。理事雙融。故曰敬心供養。

若使人作樂。擊鼓吹角。貝。簫。笛。琴。箏。篪。琵琶。鐃。銅。鈸。如是衆妙音。盡持以供養。

此引古供樂得道之異方便也。盡持妙音。以供養佛。則與起塔造像之心等也。直指云。樂有八音。表八正道之法音。以娛佛也。樂書云。有梵貝。大可容數斗。南蠻國吹以節樂。

或以歡喜心。歌頌頌佛德。乃至一小音。皆已成佛道上。以樂之妙音供此。以口之妙音讚。皆佛之異方便也。歌。歌揚。唄。讚頌。而所歌所頌。皆佛妙德。非詞曲也。乃至者。超略之辭。則不止一小音而已。小音尙得作佛。況作梵耶。一音尙爾。況衆音耶。且音之所起。發于內心。又是歡喜至誠。豈非成佛因乎。①

七散心獻花。

若人散亂心。乃至以一華。供養於畫像。漸見無數佛。前是敬心獻供。此是散心獻花。心雖散而覺有佛。可供。是可以發良知之由矣。此中以一花以畫像言。其況意可知。曰漸見。曰無數。佛則知因雖微。而積之可成佛也。辰八身業供養。

或有人禮拜。或復但合掌。乃至舉一手。或復小低頭。此以身業供養之異方便也。始從見佛作禮。必至五體投地。次但合掌。又次但舉一手。又次只小低頭。論此等因心極微。而必至成佛者。正如人食少

金剛。必至穿皮而出也。④九結成福聚。以此供養像。漸見無量佛。自成無上道。廣度無數衆。入無餘涅槃。如薪盡火滅。

此字指上諸塵供養。并至心散心之意業。歌唄頌德之口業。及前科之身業。由此三業供養之因。漸見無量諸佛。修諸善本。已至成佛度生。既酬因。若果能事已畢。則入無餘涅槃也。薪喻化機。火喻智願。機盡智亡。如薪盡火滅。④十散心念佛。

若人散亂心。入於塔廟中。一稱南無佛。皆已成佛道。此明散心念佛之異方便。對前諸供養屬事。此雖

散心念佛屬理。不唯念念無間。卽散心一念。亦可  
以爲成佛之因也。天台云。南無或云那謨。此云皈  
依。亦云度我。大品云。若有人稱南無佛陀。乃至畢  
苦。其福不盡。④二約了因顯實。

於諸過去佛。在世或滅後。若有聞是法。皆已成佛道。  
此舉過去九界衆生。或佛在世親聞說法。或佛滅  
後從師得聞。以此聞法之因。皆成佛道。直指云。此  
皆是引過去諸佛化導儀式。爲此會三周作證也。  
妙法蓮華經授手卷第一之六

音釋

瑒音 遐音 尠音 尠音 稠音 酬音 矜音 自音 京音 驕音 矜  
 鎬音 鉛音 延音 膠音 交音 漆音 七音 笙音 空音 篋音 侯音 唄音 敗音  
 玫音 梅音 瑰音 桂音 密音 密音 雕音 凋音

彭年大師 助洋四元

圓融大師 助洋四元

桂明法師 助洋貳元

法華抄三卷第一之六

三

妙法蓮華經授手卷第一之七

清楚衡雲峯沙門智祥集

⑤三頌未來諸佛分二。⑥一頌開三

未來諸世尊。其數無有量。是諸如來等。亦方便說法。一切諸如來。以無量方便。

此頌未來諸佛出世。開權無量方便。卽權智化導。謂種種因緣等也。⑦二頌顯一。分四。⑧一頌人一度脫諸衆生。入佛無漏智。若有聞法者。無一不成佛。無漏卽實智。佛以一音。說一乘法。所謂皆是一相一種。說旣是一。令聞者入佛無漏。皆是菩薩。故人

法華抄三卷第一之一  
是一乘。①二頌行一。

諸佛本誓願。我所行佛道。普欲令衆生。亦同得此道。  
諸佛。卽未來諸佛。本誓願者。佛于因中發願。願一  
切衆生皆成佛道。故自行此道。令人聞此修此。而  
亦復得此也。②三頌教一。

未來世諸佛。雖說百千億。無數諸法門。其實爲一乘。  
諸佛兩足尊。知法常無性。佛種從緣起。是故說一乘。  
前四句明未來諸佛。雖則從權說百千萬億無數  
法門。是皆方便。其實本意。原爲開示佛知見。而圓  
成一大事因緣。故說一乘。兩足者。卽福足慧足也。

知法等。大窾云。知者。卽佛正徧知覺也。法者。卽心法也。常者。乃真常不變也。無性者。無自性無他性也。若此一真如心法不常。卽成斷滅。何有三乘五性乎。若此法定五。則聲聞只是聲聞。緣覺只是緣覺。乃至人天六道。只是人天六道。永無成佛之時。決定不易也。由知此法真常。而無一定之性。故隨熏成種。以凡法熏之。成凡聖法熏之。成聖。所謂體不變。而用隨緣也。體不變卽常也。用隨緣卽無性也。佛種從緣起者。謂成佛種子。皆從緣引而發起也。故一切諸佛。因福慧具足。知一切衆生本具此

不定之性。故以一乘大法熏之。由此緣引。必至成佛。故曰是故說一乘也。既說一乘。則教唯一矣。①  
四頌理一。

是法住法位。世間相常住。於道場知己。導師方便說。  
是法卽一真如心法。亦卽本經所稱之妙法。此法  
字。乃世出世間之大本大宗也。法位者。乃四聖六  
凡。情無情境。大小染淨。皆是此法所住之位。住者。  
未嘗須臾離也。世間相該情無情相。常住者。卽俗  
卽真。本無生死成壞之相。則頭頭法法。無非皆是  
平等一寂滅相。如云此一真如妙法。住持于情器

二世間萬法位上則本無生滅。何法而不常住也。道場知己者。然此法雖是平等一相。生佛本具。亦必待坐證道場。悟佛知見。始得證知。既知此已。則可以爲四生導師。而用方便。爲說此法也。此四句。爲出定歎德中。唯佛與佛。乃能究盡諸法實相。獨詳明于此。意爲身子等千二百人。是未來成佛者。故此特言之耳。⑤四頌現在佛。分三。⑥一標化意。天人所供養。現在十方佛。其數如恒沙。出現於世間。安隱衆生故。亦說如是法。

此又廣引現在十方諸佛。雖如恒河沙數出世。一

法華指掌疏卷第一之一  
三  
一爲大事因緣。以三乘法爲安隱火宅。直至成佛。故說如是之法。如是法者。卽道場所知之法。癸二頌顯實

知第一寂滅。以方便力故。雖示種種道。其實爲佛乘。知字。是唯佛與佛之知。第一寂滅。是理一。卽攝人。佛乘是教一。卽攝行。癸三頌開權。

知衆生諸行。深心之所念。過去所習業。欲性精進力。及諸根利鈍。以種種因緣。譬喻亦言辭。隨應方便說。此又承上顯實科中。旣知是第一。宜乎卽說第一。何故定用方便。蓋因衆生有無量行業不同。各各

深心所着所念不同。欲性有勤怠不同。習業有深淺不同。諸根有利鈍不同。佛悉了知。故作種種因緣等之方便說耳。頌四佛章已竟。⑤二頌釋迦章分二。⑥一略頌權實作總譬本。

今我亦如是。安隱衆生故。以種種法門。宣示於佛道。我卽釋迦一化之主。亦如是者。同以一實化衆生也。天台云。此爲下大長者譬作本也。安隱者。卽大涅槃常樂住處。此處寂靜。無五濁障。故名安隱。亦對不安隱而言。卽爲下火宅譬作本。衆生。卽五道衆生。爲下五百人譬作本。種種法門。卽對不種種

言爲下。唯有一門譬作本。雖說種種。其實一乘。故云宣示佛道。此是世尊自序出世苦心。與三世諸佛化儀無異。使會衆決定不疑。必至成佛。此明如來顯實。下卽明開權。

我以智慧力。知衆生性欲。方便說諸法。皆合得歡喜。智慧力。卽權智力也。知衆生性欲者。天台云。卽知五道根性。三乘差別不同。爲下三十子譬作本。諸法。卽三乘法。隨情稱機而說。故皆合歡喜也。此段偈語雖略。收盡如來一大化緣。開權顯實。原始要終。罄無不盡。故科云。略一大譬喻。總不出此。故云。

作總譬本。⑤二廣頌六義。作別喻本。分六。⑥一頌  
上五濁。分三。⑦一明能觀智。

舍利弗當知。我以佛眼觀。○此爲下長者能見譬作  
本。佛在法身地上。以佛眼圓照一切衆生。本皆是  
佛。若根利濁輕。則應現舍那身。說一乘法。若根鈍  
濁重。則脫瓔珞。現老比丘像。驚入火宅。方便開三。  
祇是因時鑑機。故曰以佛眼觀也。○問。若論觀色。  
應是天眼。若分別根機。應是法眼。云何皆言佛眼  
耶。答。佛眼圓通。舉勝兼劣。又四眼入佛眼。則無異  
也。⑧二明所觀境。

見六道衆生。貧窮無福慧。

此衆生濁也。由無量劫不修福德。貧窮故無福。志困故無慧。故曰貧窮無福慧。

入生死險道。相續苦不斷。

此命濁也。入字。卽背覺合塵。乃從暝入暝也。惟生死險道。入之卽喪法身。失慧命。故化城品謂。迥絕多毒獸。又復無水草。人所怖畏處。是也。

深着於五欲。如犛牛愛尾。以貪愛自蔽。盲暝無所見。此煩惱濁也。旣于五欲深着。則欲境牽連。煩惱延綿。無時暫息。身心皆不安隱。而衆生竟不以爲苦。

返愛之樂之。實可憐愍也。犛牛者。西南夷有獸。如牛。尾長而五色。牛愛其尾。常就身護之。故至爲人所殺。喻人貪諸欲而自害者亦然。因貪愛之心。蔽其智慧。如生盲不見。必至墮坑落澗。故曰以貪愛自蔽等。

不求大勢佛。及與斷苦法。深入諸邪見。以苦欲捨苦。前兩句卽刦濁。次卽見濁也。謂不求等。正爲濁之所蔽。佛有大悲。能拔二死之苦。有大慈。能與二嚴之樂。接九界人。出生死海。可謂有大勢力。而衆生不求有脫諸苦縛之諦緣等法。而衆生不修其所

以不求不修者。爲着諸邪見也。以苦捨苦者。蓋原  
自慧不發。妄起常斷。有無等見。非因計因。非果計  
果。如諸外道。持牛狗等戒。事火從水。卧棘吞炭。妄  
謂苦盡樂生。得至涅槃。斯皆爲邪見之所濁也。又  
大勢佛。卽吾人一真如心。勢力有不可思議者。若  
一念真心圓發。則何生死不斷。何佛道不成。所謂  
外求有相佛。與汝不相似。①三明起悲應。  
爲是衆生故。而起大悲心。

爲是衆生者。卽指五濁極惡衆生也。以佛眼圓觀。一如已子。爲是極苦衆生。  
始能動佛深大悲心。必欲曲設方便。而救濟也。若

捨一衆生不化。不名大悲。⑩二頌施方便。分二。⑪一擬用大乘不得。又三。⑫一擬法大而難施。

我始坐道場。觀樹亦經行。於三七日中。思惟如是事。我所得智慧。微妙最第一。

始坐者。卽始成正覺。坐菩提大道場。說華嚴時也。觀樹經行者。卽不離一切菩提樹。而昇忉利等處。經行也。三七思惟。卽頓演華嚴時。由二乘在座。不見不聞。則如來思惟。其法不能普利。欲作逗機方便之思惟。非離說華嚴之外。另作三七觀樹經行之思惟耳。思惟是事。卽佛出世度生之一大事。我

法華指掌疏卷第一之一  
所得智慧兩句。謂我若槩以大法施之。則我所得之慧。微妙而不可測知。第一而不可疾證。且微者。非二乘所見。妙者。非二乘所知。第一非二乘所學。故謂之佛知見之無上道也。由此思惟。始有脫珍着蔽。雙垂兩相之舉。⑤二擬障重而梵請。

衆生諸根鈍。着樂痴所盲。如斯之等類。云何而可度。上念已證法大。此念鈍根難化。以微妙法投痴鈍。機大似方木。遇于圓孔。豈求有以益乎。諸根鈍者。卽不見不聞不解不信。着樂等。謂此皆着五欲爲樂。因無明痴惑之所蒙蔽。如此之人。豈易可度耶。

此是初七自忖自度之思惟也。

爾時諸梵王。及諸天帝釋。護世四天王。及大自在天。并餘諸天衆。眷屬百千萬。恭敬合掌禮。請我轉法輪。若據一四天下。只一梵王。由如來統御大千。有百億四天下。則有百億梵王。故曰諸也。然諸天亦只但請而已。自亦未定所請之大小乘法。何以知之。觀如來念處。謂若說大法。衆生在苦。若施小教。非我本懷。便可見矣。此中不見菩薩聲聞請法。何也。曰。諸天以乘急戒緩故。况天爲外護。請法亦當。菩薩正聞華嚴大教。豈復請小。聲聞二乘。無心希取。

何有請法之由。又須知此諸天衆。皆是登地菩薩。所示現者。則與如來。可謂唱拍相隨矣。此總舉三界諸天請轉法輪也。此處是瞿曇翁。城塹不牢。卻被諸天窺見一斑。便向衆中。作請法主。當時若不開此線道。至今令一切人。箇個鼻孔撩天。多少穩便。雖然不因夜來鴈。爭見海門秋。⑤三念無機而取滅。

我卽自思惟。若但讚佛乘。衆生沒在苦。不能信是法。破法不信故。墜於三惡道。我甯不說法。疾入于涅槃。此述第二七。旣受天王請。且又作思惟。若但只讚

佛乘。而衆生沉没于五欲中。不唯不信。而恐返生破法因緣。至令墮苦。非獨無益。而返害之。如此者。我甯不說。只可速取涅槃。子二念同諸佛。方可分二。丑一念諸佛方便。分三。寅一明三乘擬宜。

尋念過去佛。所行方便力。我今所得道。亦應說三乘。此述第三七思惟。起大喜心。先推開顯規儀。然我所得道。既同諸佛。度生亦應如彼。而說三乘可也。寅二明諸佛歎慰。分二。卯一正歎釋迦。

作是思惟時。十方佛皆現。梵音慰喻我。善哉釋迦文。第一之導師。得是無上法。隨諸一切佛。而用方便力。

十方佛現。是應念卽至也。知音云。初七獨循于已。妙法難投。諸佛之法。亦不現前也。二七循人機苦。難信。諸佛之法。亦不現前。今至三七日。人我兩忘。上循諸佛之理。下順衆生之機。則十方諸佛。一時出現也。此爲化城喻中十六王子。今現在十方成佛之案。則此諸佛。亦非分外別有之佛。乃三七功成。而一時齊現者也。梵音者。說法無染。慰者安也。喻者勸也。諸佛以無染之音。安慰勸成。而稱讚之。善哉者。一是讚美開方便門。一是喜幸同一指示也。釋迦此云能仁。乃如來姓也。文卽儒義。是能仁

能儒也。以所得之法無有上。故曰第一。隨諸一切佛。而用方便力。乃出成所歎之意。下始引已作證。

卯二出陳自己。

我等亦皆得。最妙第一法。爲諸衆生類。分別說三乘。少智樂小法。不自信作佛。是故以方便。分別說諸果。雖復說三乘。但爲教菩薩。

我等下四句。出陳諸佛隱實施權之意。少智下四句。單明施權。雖復下兩句。獨明顯實。前唯佛與佛。乃能究盡之語。至此亦明。寅三明釋迦酬順。又三。

卯一正酬順。

舍利弗當知。我聞聖師子。深淨微妙音。稱南無諸佛。此正酬答諸佛也。乃還復賓主之道。說無上法曰深。說無染法曰淨。具深淨二義曰妙音。南無二字。是敬從順命之義。非請諸佛度我作歸依之語。復作如是念。我出濁惡世。如諸佛所說。我亦隨順行。此是順慰施教也。前梵王請法。由如來擬宜未決。似不肯說小乘也。以非已志願故。今受諸佛勸請。故不得已而開方便也。又作念云。我今正遇濁惡之世。若不開三。決難畢願。亦只得如諸佛言。而隨順施權也。況世尊出世。人壽百歲。正五濁熾盛之

時<sup>卯</sup>二明施化

思惟是事已。卽趣波羅奈。諸法寂滅相。不可以言宣。以方便力故。爲五比丘說。

此正顯如來作方便說是事者。卽思惟諸佛施權之事也。波羅奈。卽中印土境。亦名鹿苑。乃古國王養鹿之園苑。五比丘離佛之後。居此修行也。世尊于此一十二年。說阿含小教之地。知音云。諸法寂滅相者。乃佛自證之理。離心緣相。此法實不可說。今以方便之力。分作三乘。爲五比丘說也。佛念五人當先得度。故至鹿苑。一夏調根。先爲陳如。說四

諦法得度。次爲頰。鞞跋提。說布施生天福祿。二人同時證果。三爲迦葉拘利二人。亦如前說。皆得聖果。有言。五比丘者。佛初爲太子時出家。父命隨侍三人。一名阿鞞。此云馬勝。二跋提。此云小賢。三拘利。華言未詳。又云。卽摩訶男。母族二人。一阿若多。此云解本寂。卽陳那也。二迦葉。此云飲光。此五人皆久爲親承執侍者。故以先度。④三明得益。

是名轉法輪。便有涅槃音。及以阿羅漢。法僧差別名。轉有流行不滯之相。輪有推碾運動之功。轉法輪者。卽三轉四諦之法。而輪行成十二也。一示相轉。

曰。此是苦逼迫性。此是集招感性。此是滅可證性。此是道可修性。二勸修轉。曰。此是苦。汝應知。此是集。汝應斷。此是滅。汝應證。此是道。汝應修。三作證。轉。曰。此是苦。我已知。汝亦應知。此是集。我已斷。汝亦應斷。此是滅。我已證。汝亦應證。此是道。我已修。汝亦應修。涅槃音者。謂陳那等。聞法得果。斷見惑。分證有餘涅槃。則說有涅槃之音。始于此矣。阿羅漢。是僧所證之果。由是則有佛法僧三寶。名字現於世間。故曰。法僧差別名。⑤二釋久遠常示。從久遠劫來。讚示涅槃法。生死苦永盡。我常如是說。

天台云。恐有疑者。謂佛于最初。尙未能鑑機。須待尋念諸佛。而諸佛慰喻之後。始知根性。作分別說也。故佛以此偈釋云。非我不知用于方便。特欲引明佛佛道同。豈識我從久遠劫來。常讚常示此涅槃之法。常言有此生。死苦盡之僧。非今日始有此三寶名也。故曰常如是說。⑩三頌顯一乘。分四。⑪一得顯實之機。

舍利弗當知。我見佛子等。志求佛道者。無量千萬億。咸以恭敬心。皆來至佛所。曾從諸佛聞。方便所說法。此又從上久遠劫來。常說法教化。一種大乘機發。

必當爲彼說大乘道故。又言舍利弗當知。今日必說大乘者。由機感故耳。我見者。卽以佛眼觀見。圓機在座。言志求佛道等。謂有一類佛之眞子。本志欲求無上菩提。有百千萬億衆。皆生殷重恭敬之心。來到佛所。旣曰來到。非展轉傳聞。是親見佛親聞法也。旣曰恭敬。必深生法愛。是有所見有所知也。如此等人。非于一佛二佛而種善根。已于百千諸佛之所。曾聞方便所說法也。天台曰。此有四種。有障除而機未發者。如諸羅漢。有機發而障未除者。如本會人天。有機發障除。如諸佛子。有機不發

法華指掌疏卷第一之二  
障未除。如增上慢人。今所言乃機發障除之輩。子  
二正顯大之時。

我卽作是念。如來所以出。爲說佛慧故。今正是其時。  
前謂諸佛如來時乃說之。則今正是時也。如來作  
念。謂我本爲一大事因緣。出現于世。原爲開示佛  
之智慧。然今旣機動。時當可說。子三施一乘之教。  
舍利弗當知。鈍根小智人。著相憍慢者。不能信是法。  
今我喜無畏。於諸菩薩中。正直捨方便。但說無上道。  
四十年前。非不說大。爲衆生根鈍智淺。多諸憍慢。  
著諸邪見。聞不能解。恐成謗法墮苦因緣。今有大

機稱適本懷。我故生大歡喜。作無畏說也。無畏者。非別有所畏。乃不畏聞法者墮苦也。正直對權巧說。不似前來方便權巧作誘引之談。今當但說無上道矣。⑤四明入理之益。

菩薩聞是法。疑網皆已除。千二百羅漢。悉亦當作佛。此菩薩指四十年前懷大種而未成熟者。亦卽能聞此法之人。皆可得菩薩名。疑網者。于三疑之中。此屬疑法。謂此菩薩根人。雖信知成佛。而一向所聞。皆方便說。又不免疑大法果實有無。今聞如來盡捨方便說。無上道。則疑惑之網。悉解除矣。今聞

此法不爲菩薩得益。卽汝等千二百人。從前不許成佛者。到今盡情印許。當來成佛。決定不虛。如此聞說。乃機教相扣也。○四頌法希有。分二。子一頌如是妙法。

如三世諸佛。說法之儀式。我今亦如是。說無分別法。三世諸佛所有說法之儀式。皆前權後實。則我今來。還亦如是。前權已說。今決定開顯一乘。說無分別法也。子二頌時乃說之。分二。丑一舉難得之人。諸佛興出世。懸遠值遇難。正使出于世。說是法復難。無量無數劫。聞是法亦難。能聽是法者。斯人亦復難。

前兩句明諸佛難遇。且五濁世中。衆生無福。雖諸佛常住世間。若逢不逢。若見不見。故梵王請佛。有云。一百八十劫空過無有佛。所以曰懸遠。既去佛懸遠。豈容易值。故此爲難。正使出世兩句。言佛雖出世。欲爲衆生說此難信難解之法。須待其時。非時不說。則知說此一乘妙法。尤不易也。無量無數劫聞法難者。言衆生過無量劫。始得遇佛。正遇佛時。有眼不見。有耳不聞。如王舍城九萬億人。有三萬億人見佛聞法。三萬億人但見佛不聞法。三萬億人不見佛不聞法。則知見佛得聞此大乘妙法。

法華抄卷第一之十  
三  
尤爲難也。能聽是法者。如在會人天百萬。無不聞也。能入理受持者。幾人哉。是謂信解受持者。不易得也。由此佛法難聞難遇。故舉優曇花喻明之也。  
⑤二舉難逢之喻。

譬如優曇華。一切皆愛樂。天人所希有。時時乃一出。聞法歡喜讚。乃至發一言。則爲已供養一切三世佛。是人甚希有。過於優曇華。

此花三千年。始得一開。則天上人間。實所希有。若見此花。無不愛樂。時時出者。謂此花非時不現。現則是時也。總喻前所遇之佛。所演之教。所聞之法。

所聽之人。并皆如此。花之希有難遇也。下又明聞法歡喜。乃至發一言稱美者。此不過泛泛聞法之流。卽此尙爲難得中之難得。况一心信解受持者耶。既能受能讚美。卽不必廣興供養。則已供養三世如來矣。何也。况三世諸佛所證者此法。所以出世開示者亦此法。今既有能信此法。而生讚歎者。是與如來同成正覺。卽爲如來所喜。而受其法供養矣。如此等人。豈易得哉。故曰過於優曇花。突五頌上不虛分二。子一人不虛。

汝等勿有疑。我爲諸法王。普告諸大衆。但以一乘道

教化諸菩薩。無聲聞弟子。

汝等勿疑者。乃囑令此去更勿猶豫。我爲大法之王。說皆誠實。況今在人天座上。告非一人。所說非二非三。乃一乘道也。所教非聲聞弟子。乃菩薩乘也。汝等豈更疑哉。①二法不虛。

汝等舍利弗。聲聞及菩薩。當知是妙法。諸佛之秘要。非二乘所能測者。謂之秘。總十法界之妙者。謂之要。既諸佛以此法爲秘爲要。尤爲可信。前是囑令於佛勿疑。此是囑令於法勿疑也。②六頌上敦信分二。③一揀衆。

以五濁惡世。但樂着諸欲。如是等衆生。終不求佛道。五濁衆生。但着諸欲。如犖牛愛尾。豈有樂法之心。故須揀之。且着涅槃者。尙揀非大乘法器。況着欲之人乎。是知此人決定不求佛道。我亦不以秘要法。而爲彼說。

當來世惡人。聞佛說一乘。迷惑不信受。破法墮惡道。觀此分明是囑舍利弗說法之時。來世者。時愈降。惡人者。信愈寡。愈下之時。愈惡之人。豈易爲說此難信之法。如是愚迷痴惑者。聞而不信。必破法墮苦無疑矣。此見說法者。不得不慎。須知此秘要之

義。非器莫授也。

有慚愧清淨。志求佛道者。當爲如是等。廣讚一乘道。此又囑其當說者。不得失機失時也。慚愧者不迷。清淨者不惑。志求佛道者。對上不信受而言。如此等人。當爲廣讚一乘無上妙道。斯可謂應機說法也。自汝等勿有疑。至此數段語意。世尊雖未與舍利弗作授記成佛之語。而意中已有囑其利己利人之實。前囑令勿疑佛法。是慰其自利之心。此囑令揀人宣說。是授其化人之教。則如來苦口熱腸。諄諄訓誨。意其將來爲人天眼目。作教化主也。卽

此便是身子一期得記已竟。①二敦信。

舍利弗當知。諸佛法如是以萬億方便。隨宜而說法。其不習學者。不能曉了此。

此總以結勸。謂諸佛爲一大事出世。開悟衆生之說法儀式。先小後大。並皆如是。其不習學此者。自不能曉了此也。返顯身子能習學。能曉了此妙法也。此處便是世尊知身子已得悟入之語。

汝等既已知。諸佛世之師。隨宜方便事。無復諸疑惑。心生大歡喜。自知當作佛。

汝卽舍利弗等。於迦葉目連須菩提迦旃延。爲喻

說周中得記之人。再之等千二百人。爲因緣。周中授記之者。既已知。卽上法說周中種種開示。汝等已知諸佛是世間調御之師。又知諸佛所說之法。權實大小隨宜方便之事。佛法既知。則從前所有一切疑惑。盡除無餘矣。疑念未除。喜心何發。今則歡喜無量也。其所以得歡喜者。謂人身難得。今幸得矣。信心難生。今幸生矣。諸佛難值。幸然值矣。佛法難聞。幸然聞矣。此猶不爲大喜。且此大法寶藏。自塵點劫來。所未得者。卽四十年中。尙未開許聲聞成佛。今聞我如來語意悲切。心知于當來世。決

定成佛。豈不爲生大歡喜者耶。自如來出定。雙歎  
權實二智已來。于中廣引三世諸佛出世事相。以  
及自己四十年來曲垂方便之苦心。一一吐露。無  
非發明眉間光中所具之四聖六凡權實之相。而  
還復如來爲一切人出世本懷。開示佛知見。一大  
事因緣也。將此權實智慧之法。從始至終。發揚一  
周。爲舍利弗說。而舍利弗于中亦無多疑問。但一  
味默然諦聽。說至最後。便道箇汝等旣已知。心生  
大歡喜。斯可見當機了然開悟。權疑頓息。是之謂  
知子者惟父而已。如來正說已竟。

妙法蓮華經授手卷第一之七

音釋

窵苦管切  
空也

犛音茅

塹同塹

妙法蓮華經授手卷第二之一

清楚衡雲峰沙門智祥集

譬喻品第三

品節云。此品大意。由前品世尊直吐本懷。身子爲智慧上首。故先領悟。因悟證佛知見。故始識前愚。悔過自責。遂蒙授成佛之記。夫聲聞人久滯權乘。今一聞便信。卽得授記作佛者。由悟知一切法。卽心自性。成就慧身。不由他悟也。旣許作佛。又必應歷多劫者。以無明未盡。直須久遠。歷事多佛。磨煉淨盡。方取實證。授記之義。大都如此。至於四衆。向

以小乘執情深重。懷疑不信。各各自謂。決無成佛之分。亦無志願。今見身子得記。而一眾皆生歡喜。故解衣供佛。以表解脫之意。身子智慧增勝。已得信入。而大眾尙多信不及者。故特請世尊。說其因緣。令離疑悔。然世尊說火宅喻。以敘三界生死之狀。明如來悲救之心。先許三車。而後等賜。正顯今日廢權立實之意。諸聲聞人。縱有執吝涅槃而不捨者。今聞其說。亦決定信向矣。故次以信解品名。譬者比况也。喻者曉訓也。借事比譬。以曉了法說之意。故云譬喻品。⑤二身子述承教開解。分二。⑥

一經家敘儀

爾時舍利弗。踊躍歡喜。卽起合掌。瞻仰尊顏。

爾時者。卽承上說法。開解一大事因緣。已悟佛知見時也。踊躍歡喜。由前聞法開解之所至。妙法旣得。而妙悟全彰。安得不喜。合掌瞻顏者。經家將述其自陳。先敘容貌。已見三業至敬也。④二身子自陳。分二。⑤一長行又三。⑥一標喜。

而白佛言。今從世尊。聞此法音。心懷踊躍。得未曾有。法音者。卽上開三顯一。種種因緣。以及授記聲聞成佛等之法音也。蓋此法音。昔所未聞。今始聞之。

法華指掌疏卷第二之二  
故得踊躍而未曾有也。△須知身子此喜。不得于今。而得于昨也。前品如來謂汝等既已知諸佛方便事。無復諸疑惑。心生大歡喜。自知當作佛。則歡喜之懷。已爲如來預陳之矣。至于身子。此去如是披肝露膽。說盡從前數十年迷態。正見今日得之深。所以悔之極也。④二特釋。分三。⑤一釋。昔感傷所以者何。我昔從佛聞如是法。見諸菩薩受記作佛。而我等不預斯事。甚自感傷。失於如來無量知見。昔字。指方等時也。意謂我今日踊躍歡喜。而謂得未曾有者何。蓋以如是之大法。我于方等時。何嘗

不聞又何嘗不見如來授記諸菩薩成佛。但我在會似無所預。而竟不能及於斯事。真甚感傷也。夫同居同處。同見同聞。而獨不同記。是自失於如來無量知見矣。此蓋述其自憤自責。所以有今日之歡喜者。皆由昔日之感傷致之也。預者及也。參入也。⑤二釋昔懷念。

世尊。我常獨處山林樹下。若坐若行。每作是念。我等同入法性。云何如來以小乘法而見濟度。是我等咎。非世尊也。

此申明感傷不預之故。敘其平常所用心也。常獨

處者。非偶然處也。山林樹下。乃離喧別雜之地。行坐。乃作思惟時也。每作是念者。非一翻思念也。法性。卽此妙法之實性。同入者。自謂與諸菩薩。共入法性。謂我昔獨處時。或坐或行。常自思惟。我與菩薩。同證是性。宜同與授記。何故如來獨以小乘法。濟度乎我。復又思惟。此必是我心未廣。力未充。志願不堪。而不勤求之罪。實是我咎。非世尊二其心也。⑤三釋昔不待。

所以者何。若我等待說所因。成就阿耨多羅三藐三菩提者。必以大乘而得度脫。然我等不解方便。隨宜

所說。初聞佛法。遇便信受。思惟取證。世尊。我從昔來。終日竟夜。每自剋責。

此申明自咎之由也。待字。有功力純熟時至氣化之候。因字。是佛因二乘時未至。而不疾以授記也。謂二十年前。如來忍待不言者。皆因我等功力未純。時未至也。若我等以此待意。而自待之。銳志精修。能忘舊劣。佛必以大乘。而度脫我矣。乃竟不識如來方便開權。初聞所說。便孟浪信受。一著思惟。便孟浪取證。緣此之故。在昔日夜。所以無時無處不自剋責者也。△遇便信受。乃形容不實之因。思

法華抄手卷第二之一  
四  
惟取證。是形容不實之果。每自尅責。雖是憤小向  
大之志。其勤學勇敢之誠。又不啻如來因中之剎  
燈割肉也。豈真以小乘目之哉。①三結成。

而今從佛聞所未聞。未曾有法。斷諸疑悔。身意泰然  
快得安隱。今日乃知真是佛子。從佛口生。從法化生。  
得佛法分。

此方明今日得真知實證也。未曾有法。乃卽權卽  
實之智慧也。斷疑悔者。既知權卽實。不復更疑已  
疑人。蓋疑有三。一疑法。謂如來所有之法。若果不  
二。我今已證也。何得獨記諸菩薩。豈我之證非真

法耶。二疑人。謂佛無不以等心濟諸子也。何今記有差別。而獨不念吾儕耶。三疑已。謂坐道場轉法輪。事任非輕。或非吾輩所堪擔荷耶。悔有二。一悔過不能改。二悔善不能遷。如是疑悔。今皆永斷。故曰斷諸疑悔。泰然者。明身心徧歡喜也。若疑悔不除。終嬰長歎。曷克使身心徧樂。今快疑盡信真。始脫然無慮。得安穩矣。信既真。則知己與佛又何嘗異。故吾卽眞佛子也。口生法化。爲法身之所由生。是知佛法卽吾法。故得其分矣。△身子謂今日乃知。非泛常知也。正是徹頭徹尾。實悟實證處。所謂

豁頂門正眼。跨向上立關。豈不曰未曾有而得法分乎。庚二偈頌。分三。辛一頌標喜。

爾時舍利弗。欲重宣此義。而說偈言。

我聞是法音。得所未曾有。心懷大歡喜。疑網皆已除。昔來蒙佛教。不失於大乘。佛音甚希有。能除衆生惱。我已得漏盡。聞亦除憂惱。

此頌敘今得。而陳喜幸也。法音者。卽聞上開顯佛。佛不二之權實法音也。得所未曾有。謂四十年來。今纔聞得。故心大歡喜。然從前所紆絕分之疑網。悉除矣。昔蒙佛教。雖曰小乘。而大已寓其間。是知

佛音圓妙。權實咸彰。故甚爲希有聞之者。各得所解。塵累斯脫。故曰苦惱悉除也。如我今日聞此法音。諸漏俱盡。憂愁俱釋。其明驗也。辛頌二特釋。分三。  
壬一頌感傷。

我處於山谷。或在林樹下。若坐若經行。常思惟是事。嗚呼深自責。云何而自欺。我等亦佛子。同入無漏法。不能於未來。演說無上道。金色三十二。十力諸解脫。同共一法中。而不得此事。八十種妙好。十八不共法。如是等功德。而我皆已失。

此頌復明感傷。我處二句。標感傷之地。行坐句。標

感傷之時。思惟句。標感傷之由。嗚呼。哀歎聲。自責。感傷之實。謂我不得預斯事。實惟不得佛。云何。自問之詞。自欺。謂我不得授記。實自欺自昧。不肯勇猛精進。皆標感傷之心也。所以感傷者何。謂我亦佛子也。一解脫義。我亦得也。既與諸菩薩。同入無漏。曷彼獨得記。而我獨不能於將來演無上道具相嚴身。以及十力等諸功德耶。此感傷之實也。無漏乃前所謂思惟取證之有餘涅槃。非究竟無漏。同共一法者。謂我與菩薩。同共入於一法性中。我獨不得者。謂菩薩獨得也。如是等二句。結上所有

一切功德而我皆失之矣。○金色者。卽佛全體。皆  
紫金光色。三十二者。一足下安平如奩底。二足下  
千幅輪相。乃至第三十一眉間白毫相。三十二頂  
上肉髻相。十力者。始從是處非處力。乃至第十漏  
盡力。諸解脫。卽八解脫。八十種好。始從無見頂相。  
終至手足有德相。十八不共法者。始從身業不失。  
終至智慧。知三世無礙。皆不與二乘人共。⑤二頌  
懷念。又二。⑥一懷不得佛。

我獨經行時。見佛在大眾。名聞滿十方。廣饒益衆生。  
自惟失此利。我爲自欺誑。我常於日夜。每思惟是事。

法華抄三卷第二十一  
欲以問世尊。爲失爲不失。

前是自惟失佛自證功德。此是自惟失佛利生功德也。謂每見如來。處於海會衆中。廣宣道法。我獨不能說也。見佛名聞周徧十方。我獨無此名也。見佛能廣利羣生。我獨無此利也。然每自思惟。未嘗不撫心痛愧也。追思如來所證所宣所懷所示。我皆有之。今不能證不能行。是自欺也。妄以有餘涅槃。爲有得有證。而不求無上乘。是自誑也。我昔常于日夜幾經思惟。不得此事。將欲請問。如來自利利人一段妙用。我果失耶。我不失耶。此二十年前

之懷也。△觀身子謂獨經行見佛之語。非徒謂見今佛也。乃親見法身如是尊特。而法身所具之妙用。如是廣大。從前不肯承當。乃自欺自誑也。思欲求佛印可。而故以問世尊也。

我常見世尊。稱讚諸菩薩。以是於日夜。籌量如是事。今聞佛音聲。隨宜而說法。無漏難思議。令衆至道場。常見者。言於方等會上。見如來彈斥小乘而褒圓妙。極讚諸菩薩也。是以我常日夜。而籌量此大乘妙境。我豈絕分耶。如來豈私我不施以大乘。而濟之耶。今聞會權歸實之法音。始知昔所說者。乃隨

宜之妙應也。雖曰說小。其實無漏難思之一乘。意已建矣。而必使我等至道場矣。△前日常於日夜思惟是事。念不得佛。則是事。卽名聞十方饒益眾生之事也。此曰日夜籌量者。念不得法。則是事。卽爲佛所稱讚付佛法事。無漏二句。明今皆得矣。則無漏句。是得法。至道場。乃得佛也。○二念證小果。我本着邪見。爲諸梵志師。世尊知我心。拔邪說涅槃。我悉除邪見。於空法得證。爾時心自謂得至於滅度。此頌念昔證小。有負如來悲救之深心也。謂我昔日本一著邪之人。不唯自著。而復爲著邪之師。說

著邪之法。安知有此正知正見。世尊以佛眼觀知。我後來決定作佛。目前不過著邪迷之耳。故爲我說諸空法。拔去邪根。我卽因空得證。生安隱想。殊不知如來說此空法。原是應病之藥。權巧方便。令離諸著。而我遂謂得至涅槃。豈不負此一段深心乎。梵志卽婆羅門外道也。⑤三頌今得。分四。⑥一頌自覺。

而今乃自覺。非是實滅度。若得作佛時。具三十二相。天人夜叉衆。龍神等恭敬。是時乃可謂。永盡滅無餘。此頌述今覺。以明前非也。前自謂得至滅度。由不

覺耳。今得佛印可。始知非實。惟滅度非實。在我必不能具種種相好。在人等必不志誠敬信。若得福智圓滿相好嚴身。爲天人恭敬。始可謂永滅無餘之究竟大涅槃耳。身子至此。權執已斷矣。○二頌除疑。

佛於大衆中。說我當作佛。聞如是法音。疑悔悉已除。初聞佛所說。心中大驚疑。將非魔作佛。惱亂我心耶。佛以種種緣。譬喻巧言說。其心安如海。我聞疑網斷。此頌述今除疑。以表當日之多疑也。謂我昔請佛宣揚此事。佛于天衆前。說我等定當作佛。聞如

是法言。自省自責。積至今日。疑悔方得悉除。如初  
聞此說。心大驚疑。意中自揣。莫非是魔現作佛。以  
惱我之心。亂我之定耶。不然。何輕謂佛道人人可  
得而成耶。佛又不惜婆心。以種種因緣。巧說諸法。  
引導我等。我方痛自剋責。精進愈堅。今始得雲消  
霧散。則此心安然如海。不復更有諸疑惑矣。身子  
至此。權疑已絕矣。癸三頌知權。

佛說過去世。無量滅度佛。安住方便中。亦皆說是法。  
現在未來佛。其數無有量。亦以諸方便。演說如是法。  
如今者世尊。從生及出家。得道轉法輪。亦以方便說。

法華經疏 卷第二之一  
十  
世尊說實道。波旬無此事。以是我定知。非是魔作佛。我墮疑網故。謂是魔所爲。

此頌明心安如海。由于知權卽實也。從前尙有大驚怖大疑慮。何故一旦心安如海。蓋因我佛廣引諸佛開權顯實。皆以種種方便。引接衆生。又如今日世尊示生出家得道。說法中間。一動一靜。一語一默。無非以方便誘進。使人人如已也。故知世尊所說。一一皆稱真妙義。如實而說。彼波旬萬不能到。而我前所謂魔來致惱者。定知我墮疑網。自心沉孽。故作此語。今始知魔之與佛。皆吾自致之也。

身子至此。已知權中實矣。○四頌證實。

聞佛柔軟音。深遠甚微妙。演暢清淨法。我心大歡喜。  
疑悔永已盡。安住實智中。我定當作佛。爲天人所敬。  
轉無上法輪。教化諸菩薩。

此頌表疑悔永盡。自證作佛也。聞柔軟音者。說之  
深遠故柔。歎之微妙故軟。則下句承上而有也。世  
尊以此極柔軟之音。演極清淨之法。令我等聞之。  
疑斷信生。安住于一乘實智之地。則身心徧喜。定  
知當來決定成佛。亦如今日世尊。無二無別。仍爲  
人天所敬。仍轉如是法輪。仍于最後。開一乘道教。

諸菩薩。此皆是我親聞法音時。真知實證也。身子至此。已承當圓滿覺矣。述承教開解已竟。④三如來述久修授記。分四。⑤一昔曾教大。

爾時佛告舍利弗。吾今於天人沙門婆羅門等大眾中說。我昔曾於二萬億佛所。爲無上道故。常教化汝。汝亦長夜隨我受學。我以方便。引導汝。故生我法中。前是身子述已得證之由。其憂疑尅責。已非一日。今如來將欲授記。亦卽于此。明教化之緣。其方便引導。亦不自今日始。但此大事因緣。疑不盡不可說。知不真不可說。故含忍至今。待其時至也。今幸

身子親自證得。所以在人天衆前。將彼遠本。盡情吐露。以明當機之得解。由真積之已久。至此始可爲真佛子也。二億萬佛者。當佛在二萬億威音王佛時。爲常不輕菩薩。求無上道。所親近者。教汝者。謂我爲菩薩時。尙不以小乘化汝。況今日耶。長夜隨學者。明身子從上劫來。已親勤道法。不徒此生此時也。但以長夜二字。表其不得大乘之實。由無明未破。惑暗未盡也。我以方便等。謂我從前亦設權設巧。引爾知歸。故爾根種未昧。今雖失足外道。我但以便引汝。汝便生我法中。爲佛真子也。生字。正

法華抄三卷第二之一  
二  
應當機口生法化之意。④二中忘取小。舍利弗。我昔教汝志願佛道。汝今悉忘。而便自謂已得滅度。

昔教者。謂于二萬佛時。曾教汝立大志。發大願。求成佛果。依依如昨。觀汝今來。竟爾悉忘。以致纔得除邪證空三昧。便謂已得滅度。此正爲汝不思之過。豈是我如來。真以小乘。故限汝哉。△身子適來。已自陳滅度非實。自知佛果已證。從前志願。那得忘却。我佛之所以重宣者。借身子以啟諸聲聞之疑也。④三還爲說大。

我今還欲令汝憶念本願所行道故。爲諸聲聞說是大乘經。名妙法蓮華。教菩薩法。佛所護念。

還欲對昔教言。憶念對忘失言。謂我昔固以此教汝。汝今旣忘。我必還欲令汝憶昔本願之所行。原不爲求聲聞而止。本願所行無上道也。是以今對人天。爲爾輩住聲聞者。故說大乘妙法也。然喻如蓮者。根莖華果。皆蓮自具。不待外求。此乃爲教菩薩法。非教聲聞法。此乃爲佛所護念。非佛所彈斥者。遡前驗今。原無兩事。汝試憶念本所行道。豈非此耶。知音云。爲諸聲聞下五句。一經文字之大關。

鍵。一經義理之大肯綮。大關者。上三句。自此品直

案。至授學無學人記品止。下二句。自法師品直案。至普賢勸發品止。總爲一經之關要也。大肯綮者。謂諸佛出世。本爲一大事因緣。開示衆生成佛。知見。原不爲諸聲聞說小乘也。④四正與作記。分二。⑤一長行。分十。⑥一明時節。

舍利弗。汝於未來世。過無量無邊不可思議劫。

此正與授記。然作佛必經多劫者。以福智未具。行解未圓。惑習未盡。無明未融故也。待時成道。理所必然。天台云。若論圓發大解。自知成佛。何須授記。

所以欲作記者。有四意。一昔未記二乘。而今始記。二中下未悟者。以作記勉之。三令聞者得結緣種。四滿其本願。故須記也。○又此下。正是爲聲聞說大乘經處。以結成世尊爲一大事因緣出世。上節述于二萬佛所爲無上道。是佛與身子。述過去大事之因。此節是佛與身子。成未來大事之緣也。②二行因。

供養若干千萬億佛。奉持正法。具足菩薩。所行之道。此先言行因。供養等。舉得福慧之深因。供養是福門。供既多。福必廣也。奉法是慧門。法既持。慧必深。

也。然此二種。皆是因中所當行者。故曰具足菩薩所行之道。⑧三得果。

當得作佛。號曰華光如來。應供。正徧知。明行足。善逝。世間解。無上士。調御丈夫。天人師。佛。世尊。

次言果德。直指云。華表如如理。光表如如智。以智契理。故曰華光。此別號也。通號如常釋。⑧四國土。國名離垢。其土平正。清淨嚴飾。安隱豐樂。天人熾盛。琉璃爲地。有八交道。黃金爲繩。以界其側。其傍各有七寶行樹。常有花果。

次言國土。上明正報莊嚴。此彰依報莊嚴也。直指

云。國喻一眞法界。離垢者。迷悟雙超也。平正。乃眞俗不二。此屬如如理境。清淨嚴飾。喻十度互融。安隱者。謂安然而處。穩然而樂也。豐樂。喻方便具足。人天。况戒善增盛。此屬如如智境。總以理智而得。是名也。琉璃。喻一眞清淨。八交道。卽大乘八正道。乃遊戲法界之道路也。金繩。是琉璃地上縱橫之界線。喻萬善之寶。以理統之。七行樹者。喻七覺支。傍嚴妙境也。華果。喻萬行莊嚴。因果具足也。此皆由差別智所感。⊙五說法。

華光如來。亦以三乘教化衆生。舍利弗。彼佛出時雖

非惡世。以本願故。說三乘法。

次明說法。亦以者。準諸佛儀式也。諸佛出濁惡世。故說三乘。身子之國安隱豐樂。況且菩薩衆多。天人又盛。何亦說三乘耶。本願故耳。準大悲空藏經云。身子于六十劫。行菩薩道。因婆羅門乞眼唾而踐之。身子起嗔。退作凡夫。發願成佛之日。開三乘法。辛六劫名。

其劫名大寶莊嚴。何故名曰大寶莊嚴。其國中以菩薩爲大寶故。

次言劫名。劫名大寶者。以菩薩爲出世大寶故。况

數不可記。豈易易得哉。記云。楚國無以爲寶。惟善以爲寶是也。⊙七衆數。

彼諸菩薩。無量無邊。不可思議。算數譬喻所不能及。非佛智力。無能知者。若欲行時。寶華承足。此諸菩薩。非初發意。皆久植德本。於百千萬億佛所。淨修梵行。恆爲諸佛之所稱歎。常修佛慧。具大神通。善知一切諸法之門。質直無僞。志念堅固。如是菩薩。充滿其國。次言眷屬。直指云。華承足者。喻智爲理載。福慧如如。卽德本也。能所不到。始謂淨修。由深契佛心。故爲佛所歎。况又常修佛慧。具大神通。由佛慧修。所

以諸法之門。無不善知也。由質直念堅。所以得神通廣大也。有如是福智具足之大菩薩。充滿其國。△菩薩非佛智而莫知。是見其不可數也。非徒不可數。其爲已也。智慧深而福德廣。神運無方。質直無僞。兼爲至尊所歎。遠劫眞修。如是者一亦可珍。况數不可計耶。⊙入壽量。

舍利弗。華光佛壽十二小劫。除爲王子未作佛時。其國人民。壽入小劫。

次言壽量。梵語劫波。此云時分。以劫初人壽十歲時。子年倍父年。如是增至八萬四千歲。後百歲又

減一歲。如是又減至十歲。此一增一減。名一小劫。二十翻增減。名一中劫。成住壞空。各二十翻增減。名一大劫。空劫亦言二十翻增減者。且約住劫數量言之也。今釋迦出世。正當二十小劫中第九減劫也。△今言華光壽十二劫。除爲王子時。獨言成佛之壽。後出人民八小劫。方是槩論。然則彼國人之壽分。亦極長矣。⑧九補處。

華光如來。過十二小劫。授堅滿菩薩阿耨多羅三藐三菩提記。告諸比丘。是堅滿菩薩。次當作佛。號曰華足安行。多陀阿伽度阿羅訶三藐三佛陀。其佛國土。

亦復如是。

次明華光轉記者。作補處大士也。堅滿是因名。華足爲果號。三德具足。而堅固圓滿者。始稱佛矣。多陀阿伽等。解現序品。次言華足如來之依報國土。眷屬莊嚴。一皆與華光佛等。△以華足安行。爲佛號者。顯卽事卽理因果具足也。觀今會不唯記授華光。而堅滿亦得爲釋迦親口作記。于無量無邊劫前。豈非宿世因緣耶。⑧十流通。

舍利弗。是華光佛滅度之後。正法住世三十二小劫。像法住世亦三十二小劫。

次明法住久近。敘流通之記也。直指云。佛住時依佛而修。則修證無二。佛滅後依教而修。亦得證果。故曰正法。像法之時。衆生但依教明理而已。于中起行證果者少。但知名相。不悟自心。故曰像法。三十二者。由此法熏修。轉八識成智。轉八邪爲正。轉八苦爲解脫。轉八倒爲正見。則可爲正法住世之數。△經文自佛說經入定放光動地已來到此。方爲一結局。可見佛爲一大事因緣。出現于世。開示悟入之明證也。④二偈頌。分二。⑤一正頌。分九。⑥一超頌得果。

爾時世尊。欲重宣此義。而說偈言。舍利弗來世成佛。普智尊。號名曰華光。當度無量衆。

此頌授第二果記十號之文。普智者。佛有正徧知覺故也。⑤二追頌行因。

供養無數佛。具足菩薩行。十力等功德。證於無上道。供佛行道。乃二嚴之因。具足者。無法不修也。由福智俱修。使力無畏不共等諸功德。漸漸具足。則無上道始證入矣。⑥三超頌劫名。

過無量劫已。劫名大寶嚴。

頌明授依報莊嚴之記。既曰大寶莊嚴當是實報。

土也。⑤四正頌國淨。

世界名離垢。清淨無瑕穢。以琉璃爲地。金繩界其道。七寶雜色樹。常有花果實。

直指云。上二句。當是一眞法界之相。故曰清淨無穢。次二句。方成實報土境。末二句。顯萬行圓滿理智一如也。⑥五頌明衆數。

彼國諸菩薩。志念常堅固。神通波羅蜜。皆已悉具足。於無數佛所。善學菩薩道。

志念堅固。是廣行六度。不休息也。得根本實智。神通。卽六通。波羅蜜。卽十度。爲萬行之本。得差別權。

智。故曰皆悉具足。權實既具。於諸佛所。始爲善學其道也。⑤六正頌說法。

如是等大士。華光佛所化。

如是等。指上不可稱數菩薩。雖衆多如是。皆是補處一生。故曰大士。次句遡其原由。乃華光佛所化也。⑥七頌明壽量。

佛爲王子時。棄國捨世榮。於最末後身。出家成佛道。華光佛住世。壽十二小劫。其國人民衆。壽命八小劫。凡佛必以王子出家者。亦以見其榮不可恃。貴亦當修下。此者可悉知也。直指云。內不住根。曰棄國。

外不住塵。曰捨榮。始出十八界家。終出無明家。故曰最後成佛。⑤八頌法久近。

佛滅度之後。正法住於世。三十二小劫。廣度諸衆生。正法滅盡已。像法三十二。

正法有教有行。果證不虛也。像法有教無行。但存三寶像貌。名字而已。頌意照前可知。⑥九頌供舍利。利。

舍利廣流布。天人普供養。

舍利流布。以顯法身常住世間。令無量衆作大佛事。此又見眞慈不盡也。正頌已竟。⑦二歎結。

華光佛所爲。其事皆如是。其兩足聖尊。最勝無倫匹。彼卽是汝身。宜應自欣慶。

所爲者。謂從因至果。所作爲事。皆如此也。下二句。言福智雙滿。爲世出世之最勝者。孰與之爲倫匹哉。後始結云。彼卽是汝。正顯十世古今始終不隔當念。豈離此而另有彼耶。至此始還復身子所問。爲是究竟法。爲是所行道。故先與述明二萬佛中之事。乃所行之道也。後與刼國莊嚴。卽究竟之法也。如謂汝云願出妙音。爲如實說。汝之始終所爲。我已如實說之矣。汝宜應寶惜自慶可也。如來述

久修授記已竟。④四會眾述歡喜求請。分二。⑤一長行。又二。⑥一經家敘眾喜陳供。

爾時四部眾比丘比丘尼優婆塞優婆夷天龍夜叉乾闥婆阿修羅迦樓羅緊那羅摩睺羅伽等大眾見舍利弗於佛前受阿耨多羅三藐三菩提記。心大歡喜。踊躍無量。各各脫身所著上衣。以供養佛。

此眾乃序分中所列之人。見身子前有願樂。為天人所敬。佛即對天人。與之授記。故今大眾皆生歡喜。供養慶讚。而發回向。是亦希成佛道也。此歡喜踊躍一句。便是會眾將來得記之原委。與身子之

法華指掌疏卷第二之一  
三  
大歡喜同意。脫上衣供佛。一以見虔誠之極。一以表不執權疑。能解能脫也。此見四衆八部之自慶如此。

釋提桓因梵天王等。與無數天子。亦以天妙衣。天曼陀羅華。摩訶曼陀羅華等。供養於佛。所散天衣住虛空中。而自迴轉。諸天技樂。百千萬種。於虛空中。一時俱作。雨衆天華。

此述三界天子歡喜之狀。亦以妙衣爲供養者。是執習俱除也。衣乃一向著而不解者。況曰上衣。是可謂難捨者矣。今以供佛。則知有所重而捨也。直

指云約理見身子以二乘得記各各自悟所依之偏空及人天十善幻福與色界四禪八定八背捨等悉皆如夢故假脫衣以表捨凡小法執也散四花者花乃天人所愛此表捨諸愛見也理契佛心曰供養佛衣住而轉者喜心感之也意明迴小向大轉三爲一耳樂自作花自雨表眼色耳聲皆成大乘空相。庚二會衆解開權顯實。

而作是言。佛昔於波羅奈初轉法輪。今乃復轉無上最大法輪。

佛昔下。領解從前開權之意。今乃下。領解顯實之

法華抄手卷第二之一  
三  
心。無上最大者。領知前云。但說無上道。又云。最妙之法輪也。④二偈頌。分二。⑤一頌前開顯。爾時諸天子。欲重宣此義。而說偈言。

昔於波羅奈。轉四諦法輪。分別說諸法。五衆之生滅。今復轉最妙。無上大法輪。是法甚深奧。少有能信者。前四句。頌昔權說。波羅奈說小乘之地。五衆得小果之人。生滅。謂生滅四諦。異乎無生無作四諦也。後四句。頌今實。法深奧故。難解難入。所以能信者少也。⑥二自述回向。

我等從昔來。數聞世尊說。未曾聞如是。深妙之上法。

世尊說是法我等皆隨喜。大智舍利弗。今得受尊記。我等亦如是。必當得作佛於一切世間。最尊無有上。此述陳從事世尊已來。每常聞法。未有如今之甚深難解。然世尊今日說此妙法。幸我等得聞隨喜。必有成佛之時。况世尊明言。但有聞法者。無不成佛。且今見尊者。得受妙記。擬知我等必當作佛。於一切世間天人之中。我亦必爲最尊無上士矣。一切世間者。卽該三種世間。一器世間。二有情世間。三至正覺世間。

佛道叵思議。方便隨宜說。我所有福業。今世若過世。

及見佛功德。盡回向佛道。

佛道下二句。申明法華之權實莫測。結上深妙之義。末四句。是不住三世福業。亦不住現前慧業。以福慧雙施。回小向大。而結成隨喜之義。為上根法說一周竟。

妙法蓮華經授手卷第二之一

音釋

躍音肝古寒切 奮音劓一丸切 奮音簾揣初委切

妙法蓮華經授手卷第二之二

清楚衡雲峯沙門智祥集

- ①二爲中根作喻說分四②一譬喻開顯又二③  
一世尊述譬喻開示又二④一當機述請分三⑤  
一自述無疑

爾時舍利弗。白佛言。世尊。我今無復疑悔。親於佛前  
得受阿耨多羅三藐三菩提記。

知音云。此是身子要同列者。開佛知見。亦同已之  
除疑得記。故代爲致請。以發起種種譬喻之端。亦  
應方便品中知四衆心疑自亦未了之文。佛旣與

授記。則自疑已了。今爲欲完四衆心疑。故作此請也。①二同輩有感。

是諸千二百心自在者。昔住學地。佛常教化言我法能離生老病死。究竟涅槃。是學無學人。亦各以自離我見及有無見等。謂得涅槃。而今於世尊前。聞所未聞。皆墮疑惑。

若論自己。幸已得記。不敢更問。今爲會衆。潛疑深篤。又不得不問也。心自在者。卽眞窮惑盡也。住學地者。遠指過去。近指阿含方等時。故以言昔教化者。佛教以眞窮惑盡得果之法也。生死。是世間之

苦涅槃是出世之樂。如來教彼離苦得樂。故曰我法能離等。彼諸學人。卽得承教開解。始離諸見也。我見者。三界苦因。我見爲本。卽身見也。有無卽斷常見等字。卽攝一切見。言離者。卽諸見忘也。二乘人纔離諸見。便謂已得涅槃。無復進求。此是述前權執之相。今聞下方述有疑。由未至究竟。今聞開權顯實。普令成佛之言。竟不識爲何等因緣。故致生疑欲請也。④三普爲四衆。

善哉。世尊。願爲四衆說其因緣。令離疑悔。

善哉者。乃身子代請懇切之誠也。謂我等已蒙慈

濟於如來所有方便。前權後實之因緣業已知矣。而疑網亦斷矣。奈何今會四衆促難領悟。故必欲再請垂慈。重爲敷演。使其疑悔消除。證真實道。始不廢如來出世所爲之大事因緣也。此欲完結方便品中所謂何因何緣殷勤稱嘆之案。故至重舉因緣而請也。當機述請已竟。庚二如來委答。分三。辛一發起。又二。壬一抑令憤勇。

爾時佛告舍利弗。我先不言諸佛世尊。以種種因緣譬喻言辭方便說法。皆爲阿耨多羅三藐三菩提耶。是諸所說。皆爲化菩薩故。

我先不言。舉前以醒。今疑之。不當復作也。謂先已言諸佛橫說豎說。無非逗此一實。其間或許或呵。無非引人了此一大事。是方便品中。業已盡情吐露。復有何疑何悔。云何更請如來再說。⑤二引令速進。

然舍利弗。今當復以譬喻。更明此義。諸有智者。以譬喻得解。

然身子既以婆心爲衆復請。佛亦只得垂手爲衆。再說因緣。到此顯實。卽無別因緣可語。譬喻借事顯理何妨。又假喻以明斯義。古之覺物。不廢比況。

正以物之得解。因彼達此。易爲明也。

①二譬喻。分二。②一長行。此去長文。并後一百行。偈說譬喻。後六五行。偈勸信。又分二。③一開譬。又二。④一總譬。分六。⑤一大長者譬。又二。⑥一出名位。

舍利弗。若國邑聚落。有大長者。

此下總一譬喻。顯明如來出世本爲一大事因緣。由三界衆生着諸欲境。痴惑所蒙。不求出要。只得開權拯接。如後文云。若我但以神力智慧。捨於方便。衆生不能以是得度。故今因當機重請。再爲中

根說方便因緣也。於中事相配合。諸家各有所長。但依文義契合者就之。若字卽假若設若也。乃立譬喻之本。國邑聚落皆自廣而狹。各能統攝也。國能攝邑。邑攝聚落。論長者之宅。猶爲聚落多宅中之一宅也。今先明能度之主。以依正二報合舉。內含隱勝現劣。從實施權之義。旣以一火宅喻三界。則國應喻一眞法界。邑喻實報莊嚴聚落。喻凡聖同居。聚落中一宅。始喻一三界。則以宅中五百人。喻五道。方爲允當。由寂光攝實報。實報攝同居。如國之大小統攝。義無不明。以事合理。顯然可見。是

爲能居之依土也。次出能化之主。長者。乃通稱之名。作一宅主也。卽喻佛化身。於同居土中。爲引導師。天台云。如世長者。具足十德。一姓貴。卽三皇五帝之裔。二位高。乃鹽梅阿衡之相。三大富。則銅陵金谷。豐饒不盡。四威猛。如嚴霜隆重。不肅而威。五智深胸。如武庫。而權奇超拔。六年耆。蒼蒼稜稜。而物儀所伏。七行淨。如白圭之無玷。八禮備。見節度以安庠。九上敬。爲至尊之敬仰。十下歸。令四海以瞻依。十德具足。故所稱大也。出世長者。卽是如來。姓從眞。如實際中生。位則九界衆生。爲無有上富。

以萬德莊嚴。威具雄猛。無敵智則三智融。而正偏具盡。年則亘古今。而塵沙莫計。行以智運。三業無過無失。禮以道統。恆沙爲模。爲範。上爲十方智覺之所稱。下使萬方含識之所戴。是名出世大長者也。寅二論德業

其年衰邁。財富無量。多有田宅及諸僮僕。

衰邁句。所說不一。況此喻乃四十年後之言。又在本會唱滅。當以化緣將終。涅槃時至爲喻。不必另喻多種也。財富無量。總喻萬德。如云無量知見。波羅蜜皆以具足田宅與僮僕云多有者。正明上財

富無量之義。田宅皆不能移動者。喻實智。所謂法  
空爲室也。僮僕乃運用之人。喻權智。所謂權能作  
事也。⑤二廣舍宅譬。

其家廣大

前旣以長者喻佛化身。則此大家當喻同居土。無  
疑矣。家以廣大言者。由三界廣含萬有。無不包容。  
則二十五有。皆藉之以安身命也。

⑥三惟一門譬。

惟有一門。

一門者。凡聖共遊之門。喻真心也。類中雖有聖凡

心外別無出入。但衆生迷此而成生滅。諸聖悟此。卽是真如。出入之迷悟不同。而聖凡總由一心。故曰惟有一門。丑四五百人譬。

多諸人衆。一百二百乃至五百人。止住其中。

此概舉二十五有而言也。直指云。多諸人衆。喻十二類生。五百者。喻五道衆生同居三界。止住其中者。喻衆生各着我法二執。貪戀三界。不肯棄捨。知音謂。此準化城喻。先以五百由旬爲譬。是通喻三界衆生。數合五百。至後過三百由旬。化作一城。是別喻二乘出三界得涅槃。

⑤ 五大火起譬分二。⑥ 一明所燒宅相

堂閣朽故。牆壁隕落。柱根腐敗。梁棟傾危。

堂是下層。喻自地以上至欲界。閣是上層。喻色界。朽故者。屬有漏無常也。牆壁。喻四大。地水火風。況三界皆依四大執持。而仍爲四大所壞。隕落者。四大減損也。柱根。喻三界有爲。福善腐敗者。善根微弱也。梁。喻欲界。戒善。福。棟。喻色界。禪定。慧。梁。棟。傾危者。喻福慧力薄而不能支撐也。是知三界所有皆爲幻化。⑦ 二出能燒火境。

周帀俱時。歟然火起。焚燒舍宅。

此譬三界中總入苦五濁煎逼之相。於頌中詳演。言八苦五濁。徧在四生四大之間。故云周而。以業同同現。故云俱時。歛然者。本無今有也。焚燒舍宅。卽世界壞相。然古以堂閣等。喻一身皮肉毛髮。似與前後諸文落落不合。況明以火宅。喻一三界。則於此諸譬。似不敢多錄。⑤六三十子譬。長者諸子。若十。二十。或至三十。在此宅中。

此指聖凡共一處也。直指云。前日多諸人衆。指五道言。今日長者諸子。是別舉三乘。受佛法分。故有子義。一十喻菩薩。二十喻緣覺。三十喻聲聞。三乘

法華抄卷第二十二  
十一  
人同居三界。因細惑未除。根本無明未破。故同受  
斯報。但與下凡。分麤細耳。人以百言。子以十言。見  
三界五道衆生。受佛化爲子者。僅十而矣。足知得  
斯道。出三界者。無幾也。總譬竟。

①二別譬。分四。②一長者見火譬。

長者見是大火從四面起。卽大驚怖。

長者見。乃標出能見之人。起同體大悲。示生三界。  
應上文我以佛眼觀也。大火起者。卽標所見之境。  
應上見六道衆生也。大火。卽五濁八苦。有煎逼義。  
從四面者。下文明以生老病死爲四面。但不恰火。

起之義。且生死等。是苦果。由貪嗔痴等四分煩惱所集。則火從貪等四分中起。義爲當。大驚怖者。示垂慈拔苦之心。此等衆生。如來從久遠劫。教以大乘。今一旦廢忘。故見而驚也。不但退失先心。而返起種種重惡。故曰大怖。

而作是念。我雖能於此所燒之門。安隱得出。而諸子等。於火宅內。樂着嬉戲。不覺不知。不驚不怖。火來逼身。苦痛切已。心不厭患。無求出意。

作念者。應前三七思惟。將欲隱勝現劣也。所燒之門。卽聖凡同具之一心。佛亦從凡夫地上。知生滅

爲苦。修不生滅性。而證此心。故得成佛。觀我雖二字。卽是如來不忍捨諸衆生而自求安樂也。謂我雖以智照之力。於此所燒之門。則安隱至於菩提。得不生滅。而諸子下。正是起悲救之心。後文云。三界衆生。皆是吾子。於火宅內樂着嬉戲者。天台云。着見名嬉。着愛名戲。卽衆生貪着五欲。諸邪見執而不捨離。所謂入生死險道。相續苦不斷也。不覺知者。失佛知見。不覺五陰八苦。而醉心役役塵勞者也。不驚怖者。如諸天人。雖有天眼。悉見諸苦。每聞天鼓法音。悉知是苦。而不求出要。所謂深着於

五欲。以貪愛自蔽也。火逼等四句。謂三界中人。欲界已下。爲三毒八苦之火所逼。是麤相。如果報火業火等。色界已上。爲五陰熾盛。及細惑煩惱之火所逼。至於苦惑當前。極難堪忍。實爲切已。而是中衆生。竟不生一念厭患之心。而求出意。所謂不求大勢佛。及與斷苦法也。④二捨几用車譬。分二。

④一先捨几譬。又二。④一勸門擬宜。

舍利弗。是長者。作是思惟。我身手有力。當以衣被。若以几案。從舍出之。

應上觀樹經行。初作思惟時也。身譬神通。而能荷

負。手譬智慧。而能運爲有力者。由智慧神通具足。是有力義。衣祴。是外國盛華之具。又云。胸前護衣。祴服也。几卽香几。案卽案牘。今取譬。如後文云。若我但以神力及智慧力。讚如來知見力無畏者。衆生不能以是得度。上旣以神力爲身。慧力爲手。則衣祴當喻佛知見。几喻十力。案喻無畏。謂我今衣祴在身。几案在手。以吾之力。亦可以載諸子從舍出之也。此是如來最初成道。擬用大法濟之。如華嚴耳。

復更思惟。是舍惟有一門。而復狹小。諸子幼稚未有

所識。戀着戲處。或當墮落。爲火所燒。

復更者。卽受天王請。而又作思惟時也。應前若但讚佛乘。衆生沒在苦。是舍唯一門者。謂三界生死。苦樂升沉。所出入者。皆此一心也。由信力輕微。智不廣大。故云狹小。幼稚者。以善根微弱。無大乘想也。未有識者。因無明濃厚。乏佛知見也。此爲善弱。次明惡強。戀着戲處者。卽深着諸見。而迷戀欲境。以苦爲樂。所謂衆生諸根鈍。着樂痴所蒙也。或當墮落。應前破法不信故。墜墮三惡道。或當者。擬或有之也。謂我雖身手有力。兼得濟勝之具。奈火大

門小。子幼無識。以無知好戲之子。出愴惶狹小之門。不惟無益。恐見其爲火所燒也。應前云如斯之等類。云何而可度。④二誠門擬宜。

我當爲說怖畏之事。此舍已燒。宜時疾出。無令爲火之所燒害。作是念已。如所思惟。具告諸子。汝等速出。此正出陳作思惟之意。我當爲說等句。卽是世尊爲諸衆生。說衆患難也。此舍已燒。下四句。見其懇切之甚。惟恐其錯。足失身也。作是念已。下方是將思惟已成之念。出示於人。而具告諸子。有急急乎。不能少待之意。故曰汝等速出。卽此一語。斬釘截

鐵有如春雷出蟄也。直指云。觀初云。歛然火起。次云。四面火起。又云。火來逼身。又云。此舍已燒。語意何等至緊。又豈止有痛哭流涕之狀。如云。一失人身。萬劫不復也。下云。宜時疾出。無令爲火之所燒害。又不啻有捶胸頓足之情也。

父雖憐愍。善言誘諭。而諸子等樂着嬉戲。不肯信受。不驚不畏。了無出心。亦復不知何者。是火何者爲舍。云何爲失。但東西走戲。視父而已。

此喻一往迷理逐妄之狀。直指云。如來屢經接引。而三界衆生。全不肯信。且不以生死爲驚。不以五

陰爲畏。業識茫茫。了無超出之想。不知三毒爲火。不識三界是大牢獄。亦復不知各各本具之佛性。如何喪失。但任其從劫至劫。馬腹驢胎。死此生彼。而無休息。輪迴六道。以苦爲樂。故云東西走戲也。如華嚴有眼不見。當面錯過。不得大法受用。故云視父而已。寅二用車譬。分四。卯一擬宜三車。

爾時長者。卽作是念。此舍已爲大火所燒。我及諸子。若不時出。必爲所焚。我今當設方便。令諸子等得免斯害。

應上尋念過去佛所行諸方便。從一立三之意。前

言苦痛切已。猶是近死。今云必爲所焚卽有死義。當設方便。是隱勝現劣。說三乘法也。我及諸子等。喻說無義法說。似難通會。須知佛以對機而言。如來以慈心徧視一切。猶如已子。衆生病卽佛病也。若獨以衆生分中而言。雖在最迷最苦之間。而此靈明不昧之佛性。未曾暫捨。是我及諸子義。④二  
父知子心。

父知諸子。先心各有所好。種種珍玩奇異之物。情必樂着。

天台明有小乘得度之機。先心各有所好者。是遠

劫受薰種子。大小不同。而性欲各別也。又智曾習大。故曰先心。中厭老死。是各有所好。珍玩奇異。喻證偏空等理。觀以宿因。投其所好。是知情必樂着。所謂隨順方便也。④三歎車希有。

而告之言。汝等所可玩好。希有難得。汝若不取。後必憂悔。

此歎車希有。譬上正施三乘。思惟是事。已卽趣波羅奈。示苦集滅道之相。此最初示相轉也。

如此種種。羊車。鹿車。牛車。今在門外。可以遊戲。聲聞人聞四諦法。而出三界。喻羊車。緣覺人觀十

二因緣性空而出三界。喻鹿車。中乘菩薩修六度行。出三界。喻牛車。車喻所證之理。獸喻能證之智。三車雖指現成。其實要他依法修行。斷見思惑。越分斷生死。出離火宅。方得一一受用。故曰今在門外。可以遊戲。此第二作證轉也。要解云。車表果法。不屬三界。故云在門外。可以遊戲者。喻法樂自娛也。牛乃服乘之有力者。正譬大根以任大乘。羊鹿非可服乘。徒以像牛。爲幼稚玩好之具。權譬小根。以任小乘。知羊鹿非可服乘。徒爲玩好之具。則二乘不足致道。徒爲戲論之法而已。

汝等於此火宅。宜速出來。隨汝所欲。皆當與汝。

宜速出者。策進之辭。末二句。含有大白牛車之意。此第三勸修轉也。直指云。門外無車。而云三車並在。三車無一。而云隨汝所欲。皆示以方便之智也。故向後有非爲虛妄之證。④四適子所願。

爾時諸子。聞父所說珍玩之物。適其願故。心各勇銳。互相推排。競其馳走。爭出火宅。

天台云。適願者。機教相稱。卽聞慧也。心勇銳者。思心動慮。卽思慧也。互相推排者。推四真諦理。排伏見惑。由邪正未決。故名互相。此入修慧。屬煖頂位。

競者。競所勝理。初則徧觀上下八諦。歷十六行相。競趣眞諦。後則縮觀。至欲界苦諦。下趣苦法忍。名忍法位也。共者。是世第一位。同觀欲界苦諦。與忍位不別。故云共也。馳走者。入見道十五心。速疾見理也。旣斷見惑。分得涅槃。合上有涅槃音也。爭出者。卽修道位。爭出三界。成無學果。斷思惑盡。合上及以阿羅漢法僧差別名也。知音云。經文讀之。雖似平淡。而叙事脈絡。自有輕重。如初云。歛然火起。次云。或當墮落爲火所燒。雖有歛然所燒之患。而曰起。曰或。何等緩頰。至是則曰已爲大火所燒。而

法華抄手卷第二之二  
曰我及諸子必爲所焚。則又何等惶惶。先曰了無  
出心。東西走戲。視父而已。何等怠頑。今日心各勇  
銳。互相推排。爭出火宅。則又何等精勤。可見方便  
力用。而實相容易難言也。

⑤三等賜諸子。分四。⑥一喜子免難。

是時長者見諸子等安隱得出。皆於四衢道中露地  
而坐。無復障礙。其心泰然。歡喜踊躍。

正喻開權顯實也。直指云。見思既盡。分斷已離。不  
被三毒五欲所逼。故曰安隱得出。正應前我能於  
所燒之門安隱得出也。至此則四諦皆是眞常。故

曰四衢道中。爾雅云。四達謂之衢。偏空是其所守。故爲露地而坐。言露者。已不爲諸惑所被。而十八界藩籬已撤。故無障礙。賴耶習盡。故謂泰然。得六通自在。故踊躍歡喜。然心泰然者。卽當歸於父言。據前見火起於四面。卽大驚怖。今幸得安隱而出。故泰然矣。前云。若不時出。必爲所焚。何等痛惜。見諸子東西走戲。何等憂感。今見露地坐故。歡喜矣。足見父子天性相關。色身法身體俱不二。

④二諸子索車。

時諸子等。各白父言。父先所許玩好之具。羊車。鹿車。

牛車願時賜與。

天台云。應前我見佛子等。志求佛道者。咸以恭敬心。皆來至佛所。文中雖無索字。就此卽明索車之意。據二乘之索意有三。一機索。卽於鹿苑證小之後。至方等中。冥有大益。每被斥不謗。則索意有在也。二情索。於般若中。領知大法。而樂大心起。縱未彰言。而索義亦切矣。三口索。卽本會發言三請。誠然欲乞門外三車。原爲假立。諸子未出。擬必得車於門外。一出乎門。則父之權設方便。不喻而知矣。旣跨足門外。卽父果有三車。與之諸子。亦無可用。

是知此處索車。正所以得父心矣。故謂夢裏明明有六趣。覺後空空無大千也。但所言各白者。由悟有深淺。智者知本無車。而故從父索。如獅子兒有返躑之踪也。或滯迹者。欲究其底蘊。亦容有斯索意。寅三等賜無二。分三。卯一正標等賜。

舍利弗。爾時長者各賜諸子等一大車。

應前正直捨方便。但說無上道。天台云。旣言賜諸子。則視子無二。譬觀一切衆生。等有佛性。於車亦等者。皆是一相一種。聖所稱歎。教菩薩法也。直指云。此隱伏三周普記之案。本具之理。如天普蓋。故

喻以大車。諸子迷故索三。慈父開故等一。是知前  
品三乘。原止一乘。此中三車。原是一車。以其法等  
人等。正等正覺。故曰等賜。

①二廣明車相。又二。②一叙車體。

其車高廣。衆寶莊校。周巾欄楯。四面懸鈴。又於其上。  
張設幟蓋。亦以珍奇雜寶而嚴飾之。寶繩交絡。垂諸  
華瓔。重敷婉筵。安置丹枕。

此正喻無量義定。以理得名也。唯理能載物。故以  
車喻之也。直指云。真俗並持。故曰大車。豎窮三際  
名高。橫徧十方。曰廣。萬行修飾。如衆寶莊校。周巾

欄楯。喻總持。持萬善。遮衆惡也。四面懸鈴。喻四無碍辯。下化衆生也。憶蓋。喻慈悲普覆也。雜寶嚴飾。喻萬善。以嚴慈悲。大經云。慈若具足十力無畏等名。如來慈。寶繩交絡。喻四弘誓。堅固大慈心也。垂諸華瓔。喻四攝。神通等。悅動衆生也。重敷婉筵者。譬五十七位。真如理境。安置丹枕。喻妙覺果海。正寢絕待也。天台云。枕乃休息身首者。譬一行三昧。息一切智一切行也。已上總明車上莊嚴。喻如如理。寂而常照。從體起用。是一爲無量。成理無礙法界。

駕以白牛。膚色充潔。形體姝好。有大筋力。行步平正。其疾如風。又多僕從而侍衛之。

此正喻無量義經。從根本智得名也。直指云。智爲前導。故曰駕。此智不受一塵。曰白牛。體具萬德。如膚充。煩惱不染而色潔。又實智能出生一切差別智。故曰膚色充潔。權實二智。不離其體。曰形體姝好。具十如是大義。曰有大筋力。全體卽用。全俗卽真。因果一如。曰行步平正。智無內外剎那三世。曰其疾如風。又多僕從者。譬方便波羅蜜。隨處運用。卽二乘小行。衆魔外道。皆隨方便智用。又果地神

通運役。亦僕從義。

④二釋車由。

所以者何。是大長者。財富無量。種種諸藏悉皆充溢。此喻佛自住大乘。終不以小乘教人。直指云。財富無量者。卽權實二智。禪定解脫力無畏等。皆具足也。種種諸藏者。卽行藏理藏。空不空藏。自行圓滿名充。以之化物名溢。

而作是念。我財物無極。不應以下劣小車。與諸子等。今此幼童。皆是吾子。愛無偏黨。我有如是七寶大車。其數無量。應當等心。各各與之。不宜差別。

法華經疏卷第二之二  
天台云。正明以等心與之之故。由財物無極。於子無偏。安得不等與大車。七寶無量者。喻今經開顯。若教若行。皆摩訶衍法。幼童皆子者。卽三無差別也。等賜大車。是法無差別也。

所以者何。以我此物。周給一國。猶尙不匱。何況諸子。釋成財富無量之意。此物。卽喻佛知見。乃如來普爲人天所開所示之物。周給者。徧該善惡信不信種。於無緣尙度。況機熟有緣。而曾受大法薰習者耶。④四得車歡喜。

是時諸子。各乘大車。得未曾有。非本所望。

譬上菩薩聞是法。疑網皆已除也。天台云。三乘之人。本求羊鹿牛車。期出分段。今得大白牛車。盡於變易。過本所望。豈不歡喜。⑤四無所虛妄。譬分三。⑥一問。舍利弗。於汝意云何。是長者等。與諸子珍寶大車。寧有虛妄不。

此承上等賜一大車來。直指謂前許三車在門外。其事似虛。今所賜等一大車。乃昔未許者。而今與之。其實似妄。你試看。如此者。果虛妄耶。非虛妄耶。正喻三乘之設。不過藉以出三界而已。究竟非實。

法華抄手卷第二之二  
故先有而後無。一實之理。雖先未說。而開佛知見。究竟是實。故先無而後有。以此虛妄二字。打通前後關鍵。從非本所望一句生來。

④二荅分二。①一免難不虛。

舍利弗言不也世尊。是長者但令諸子得免火難。全其軀命。非爲虛妄。何以故。若全身命。便爲已得玩好之具。況復方便。於彼火宅。而拔濟之。

身子因問。領知不虛之意。謂前云。長者所設方便。令諸子等得免斯害。則三車之設。乃方便耳。今諸子爭出火宅。意在於車。而長者之意。本在脫苦。今

苦難既脫。則方便之驗正著。豈返受虛妄不實之咎哉。何也。全身免火。已得玩具。譬得小乘五分法身人空慧命。則爲已得心所好也。況此本是如來方便拔濟之心。何成虛妄。

④二過望不虛。

世尊若是長者。乃至不與最小一車。猶不虛妄。何以故。是長者先作是意。我以方便。令子得出。以是因緣。無虛妄也。何況長者自知財富無量。欲饒益諸子。等與大車。

此明大車之錫非本所望也。即使長者到火宅之

外。一車不與。尙非虛妄。何故。以車爲免難之由。今免難後。不唯與車。而且與大車。是諸子所不望者。豈反責父。有虛妄罪乎。此喻世尊雖說三乘。而作念實在大乘。是絕無虛妄之意。身子於此證成不虛。已爲四大弟子千二百人立斷疑生信之案。故品後則自陳信解矣。④三歎。

佛告舍利弗。善哉善哉。如汝所言。

如來欲當機自陳賜車之意。故以虛妄不虛妄。發彼所見。幸而身子同聲相應。卽亟稱之以善哉也。如云誠如所言。卽此一語。便知身子謂從佛口生。

得佛法分。果爲不妄。開譬一科已竟。

⑩二合譬。分二。⑪一合總譬。分五。⑫一合大長者。舍利弗。如來亦復如是。則爲一切世間之父。

天台云。因前品單以法說難明。故許以譬喻得解。至喻後再將法合。是欲爲中根開解。而亦顯如來說法理事兼至也。舉一切世間者。約處以定名位也。上云。國邑聚落。今合譬直言一切世間。則該攝三土。皆是妙色心果報之處。如來福應三土。故爲一切世間之父。

於諸怖畏。衰惱憂患。無明暗蔽。永盡無餘。而悉成就。

無量知見。力無所畏。有大神力。及智慧力。具足方便。智慧波羅蜜。大慈大悲。常無懈倦。恆求善事。利益一切。

此言如來獨得眞常。而起利生之悲智也。怖畏下三句。皆世間苦境。如來於因中。五住盡。二死忘。無惡不斷。故曰永盡無餘。而悉成就等。皆出世妙樂。如來於果上。權實融。智悲運。萬德具備。故曰利益一切。正合上財富無量。而冥應衆機也。知見言無量者。卽權實諸智。應有無量力無畏。皆智德中攝。合上財富明矣。大神力亦應有無量二字。如本經

彈指警歎。三變淨土。放光現瑞等。皆神力中少分。合上田意。全權卽實。全實卽權。是智慧之力。智爲一切所寄託處。合上宅意。具足方便等。卽十度諸智。合上及諸僮僕意。慈悲乃施化之本。無懈卽不盡之心。此等功德而悉成就也。此明白證下方出利物之心。來生三界也。恆求善事。卽應機濟物。利益一切。卽誓度衆生也。⑤二合廣舍宅。而生三界朽故火宅。

天台云。三界者。自地獄已至人間。名五趣雜居。自人間至他化天。名欲界。四禪十八梵天。皆有形色。

名色界。四空天。惟識性安居。名無色界。三處各有  
界限種族。故曰三界。△生三界者。卽承上無倦之  
心。爲利益故生。非有所感招而生也。朽是壞劫相。  
故是住劫相。三界乃如來行化之場。曰故宅。合上  
其家廣大。⑤三合五百人。

爲度衆生。

衆生乃諸聖之根本。佛不度生。聖何從立。故佛佛  
成道。誓度衆生。乃化化不絕之意也。衆生之性。本  
來是佛。由諸惑染。覆彼心靈。所以如來隨其根性  
而度脫之。則三乘五性。總曰衆生。故五百人與三

十子。并此合也。⑤四合大火起。

生老病死。憂悲苦惱。愚癡闇蔽。三毒之火。

生老病死。是盡世間所不免者。天之與人。但分麤細。是根本苦。憂悲苦惱四字。總言卽一切苦。別論憂卽怨憎會。悲卽愛別離。苦卽五陰熾盛。惱卽求不得也。以愚痴暗蔽爲苦者。蓋一切衆生。本具如來德用。由愚痴暗蔽。失佛見。愚痴蔽故。失佛知。因失佛知見。所以枉受輪迴也。是知生死苦果。及三毒苦因。皆從愚痴建立。則愚痴爲苦大矣。三毒者。謂以迷心對一切順情之境。引取無厭。名貪。以迷

法華指掌疏卷之二  
三  
心對一切違情之境。而生恚怒。名嗔。迷一切事理之法。無明不了。起諸邪行。名痴。三皆名毒者。因能壞出世善根故。以此合上。歟。然火起。

② 五合惟一門。

教化令得阿耨多羅三藐三菩提。

菩提覺道。似難以合一門。但諸聖所證。凡愚所迷。亦不外此也。今如來出世。以已所證。發彼所迷。多方巧示。使諸衆生。念念薰修。轉生滅。成一真如。出離生死。而證涅槃。唯此一門而已。故合上一門。

③ 二合別譬。分四。④ 一合長者見人。分三。⑤ 一合

能所見。

見諸衆生。爲生老病死憂悲苦惱之所燒煮。亦以五欲財利故。受種種苦。又以貪著追求故。現受衆苦。後受地獄畜生餓鬼之苦。若生天上。及在人間。貧窮困苦。愛別離苦。冤憎會苦。如是等種種諸苦。

見諸衆生的見字。是能觀智。諸衆生下。方是所觀境。合上大火從四面起。火旣大。則所聚之患必多。故如來以佛眼。見諸衆生。爲種種患之所燒煮。總三苦八苦爲火也。八苦者。生死等是四。貪着等。是求不得苦。地獄天上受生。有五陰熾盛苦。加冤會

愛離爲入。三苦者。憂悲燒煮及地獄三途。是苦苦。捨所愛境而別離。是壞苦。五陰不停。是行苦。一切衆苦。從四顛倒生。故合上四面火起。

④寅 二合廣所見。

衆生沒在其中。歡喜遊戲。不覺不知。不驚不怖。亦不生厭。不求解脫。於此三界火宅。東西馳走。雖遭大苦。不以爲患。

直指云。如來見三界五道三乘諸子。恆被八苦所燒。乃爲總標苦大。稍有福者。爲財色名食睡五欲所醉。受種種苦。無福德者。追求五欲之因。後受三

塗之果。三塗報盡。生人間天上。又不免貧窮困苦。於父母妻子之間。有愛別離苦。於水火盜賊債主讐家。冤憎會苦。仍復生老病死。輪迴六道。苦不可窮。而此諸子。返以爲樂。遊戲四生。於本具之佛性。不覺不知。於生死之危險。不驚不怖。明知是苦而不生厭離。明知有佛而不求解脫。甘於此三界火宅。隨業受報。東西馳走。雖遭如是。大苦而不以爲患。此卽誠爲可憐愍者。正合上苦痛切。已心不厭患。無求出意。④三合起驚怖。

舍利弗。佛見此已。便作是念。我爲衆生之父。應拔其

苦難。與無量無邊佛智慧樂。令其遊戲。

合上身手有力一節。然衆生以愚痴自蔽。固爲三毒等火。煎逼不已。我旣爲彼父。豈不當爲救濟之方。與拔其苦難耶。卽以大悲力。化諸衆生。拔五濁苦也。若但拔苦。而不令至樂。則父道亦有缺焉。故又與佛智之樂。令其遊戲。是以大慈力。令諸衆生。得二嚴樂也。火宅中之諸子。以五欲樂。歡喜遊戲。乃自取之耳。此以佛智慧樂。令其遊戲。乃佛與之也。雖苦樂之境不同。惟其心之一轉耳。

⑤二合捨几用車。分二。⑥一合捨几。又二。⑦一合

擬宜。

舍利弗。如來復作是念。若我但以神力。及智慧力。捨於方便。爲諸衆生。讚如來知見力無所畏者。衆生不能以是得度。

天台云。上譬有勸誠二門擬宜。今但合勸門者。勸是正修。而誠乃傍助之耳。今擬宜中。神力合身。智慧合手。如來知見合衣。祴力無畏合几案。衆生不能以是得度者。由法大機小不相投也。

所以者何。是諸衆生。未免生老病死憂悲苦惱。而爲三界火宅所燒。何由能解佛之智慧。

法華指掌疏卷第二十二  
三  
此釋成所以不得度之故。合上諸子幼稚未有所識。戀着戲處一節。其所以不能得度者。由五濁障深。正爲諸火所逼。大乘微妙難思之法。何由得解。  
④二明息機。

舍利弗。如彼長者。雖復身手有力而不用之。但以殷勤方便。勉濟諸子火宅之難。然後各與珍寶大車。

此重舉前文。以明用權顯實之意。⑤二合用車。分四④一合擬宜三車。

如來亦復如是。雖有力無所畏。而不用之。但以智慧方便。於三界火宅。拔濟衆生。

以法對喻。一一可見。故知如來隱勝現劣。以一說三。於三界火宅。用方便者。豈得已耶。

④二合父知子意。

爲說三乘。聲聞。辟支佛。佛乘。

此明佛說三乘也。乘以運載爲義。天台云。聲聞以四諦爲乘。緣覺以十二因緣爲乘。菩薩以六度爲乘。運出三界。歸於涅槃也。六度菩薩。於當教內。亦稱大乘。今名佛乘者。菩薩三十四心。頓斷見思習氣。而得成佛。故亦名佛乘。④三合歎車希有。

而作是言。汝等莫得樂住三界火宅。勿貪粗弊色聲

香味觸也。若貪著生愛。則爲所燒。汝速出三界。當得三乘。聲聞。辟支佛。佛乘。

此明佛諭捨貪取樂也。天台曰。三界火宅。是指明苦諦。色聲香等。是集諦。皆由五塵積聚增多。而有火宅諸苦也。五塵俱有親疎。色親者。爲男女美好之色。疎卽世間立黃赤白等。聲親者。卽男女歌詠之聲。疎如絲竹環珮及種種聲等。香親者。卽男女身香。疎如世之沉檀龍麝種種香等。味親。如肴饍飲食等種種美味。疎如藥草果食等。觸親。卽男女身分柔軟諸觸。疎如冷煖澀滑等。此名五塵。亦名

五欲。爲諸苦所因。故爲集諦。速出三界。卽指出滅道二諦。示三界外有智斷三乘之果。故令速出。當得三乘。合上三車。今在門外。於三轉四諦中。此卽示相轉也。

我今爲汝保任此事。終不虛也。汝等但當勤修精進。如來以是方便。誘進衆生。

保任者。是擔當不失也。由此行徑。俱爲已歷之途。今使汝等勤行于中。所有一切關要。我皆爲汝擔當保任。必至得此聲聞辟支佛佛乘而後已。豈復有悞於汝等哉。但諸子當專志前行。勿生退墮。可

也。如此語意。何等苦切。何等緊要。此是第二作證轉也。

復作是言。汝等當知此三乘法。皆是聖所稱歎。自在無繫。無所依求。乘是三乘。以無漏根力覺道禪定解脫。三昧等。而自娛樂。便得無量安隱快樂。

此合上汝等所以玩好希有難得一節。天台云。如此三乘。是諸佛方便引物儀式。故曰聖所稱歎。得無生智。曰自在。得無盡智。曰無繫。我生已盡。不受後有。名無所依。所作已辦。梵行已立。名無所求。此皆序權智之功。乘是三乘下。方序實智。以無漏二

字。總下力無畏等。皆是無漏。非權乘之有漏智也。五根五力七覺支八正道四禪八定八解脫及正定等。總屬實智。故便得無量安隱快樂。此是第三勸修轉也。④四合適子所願。分三。⑤一合羊車。舍利弗。若有衆生。內有智性。從佛世尊。聞法信受。殷勤精進。欲速出三界。自求涅槃。是名聲聞乘。如彼諸子。爲求羊車。出於火宅。

此明諸子從化而證道果也。先明聲聞乘。直指云。若有衆生。是沉指六道而言。宿習有三乘種子。故曰內有智性。今從佛聞三乘聖教。卽便信受。卽聞

法華抄手卷第二之二  
手  
慧也。殷勤精進者。指三十七品助道功夫。見思惑盡。方出三界。卽思慧也。自求涅槃者。得人空慧。證有餘涅槃。卽修慧也。從教生解。故名聲聞乘。聲聞力弱。只能自利。如諸子求羊車出火宅也。

④二合鹿車

若有衆生。從佛世尊。聞法信受。殷勤精進。求自然慧。樂獨善寂。深知諸法。因緣是名辟支佛乘。如彼諸子。爲求鹿車。出於火宅。

此明緣覺乘也。梵語辟支迦。此云緣覺。亦名獨覺。出無佛世。以宿習智種。自知生死是苦。自發斷苦。

之慧。今從佛聞十二因緣。則深增慧種。返覆推窮。十二緣理。況此緣理。本自有之。非佛天所作。故曰自然慧。好樂獨居。直下照了緣理如幻。證偏寂境。故曰善寂。深知諸法因緣者。能於流轉還滅二門。觀因緣理。諸法卽十二緣法也。緣覺人從他聞法。少。自推義多。取喻如鹿不依人也。又性兼通教。有回顧之慈。亦如鹿之回顧羣類也。④三合牛車。若有衆生。從佛世尊。聞法信受。勤修精進。求一切智。佛智。自然智。無師智。如來知見力。無所畏。愍念安樂無量衆生。利益天人。度脫一切。是名大乘。菩薩求此

乘故。名爲摩訶薩。如彼諸子。爲求牛車。出於火宅。

此明別教菩薩乘也。直指云。約所破之惑。始從陰處界三。以至七大同轉。約能破之智。始從信位。及住行向地等妙二覺。一切皆欲了達。故云。求一切智。眞俗并觀。曰佛智。權實雙融。曰自然。以本妙明應物。曰無師。如來知見十力等。卽法身般若。屬實智。愍念安樂等。屬權智。由權實雙運。故曰大乘。名爲摩訶薩者。以自他俱利故。此菩薩體用相稱。自在雄猛。有普載之德。故取喻牛車。若約時判。羊鹿二車。是序方等阿含前二十年事。牛車。是序般若

會上後二十年事。若約機判。則前後互顯。

⑤三合等賜大車。分二⑥一雙牒二喻。

舍利弗。如彼長者。見諸子等。安隱得出火宅。到無畏處。自惟財富無量。等以大車。而賜諸子。

此明等賜無二心也。前喻中。有免難索車等賜歡喜四科。今合唯二者。以到無畏處。兼索車意。以等賜中。兼歡喜也。⑦二雙合二譬。分二。⑧一合免難。如來亦復如是。爲一切衆生之父。若見無量億千衆生。以佛教門。出三界苦。怖畏險道。得涅槃樂。

此以如來亦復如是。應成等賜大車之義。天台云。

法華指掌疏卷之二  
三  
如來以一乘妙法爲大車。則體具萬德。空有雙持。眞俗並駕。故耳。以佛教門者。卽四諦十二因緣六度等法也。怖畏者。卽三界火宅險道者。卽六趣升沉。極險惡道也。④二合等賜。

如來爾時便作是念。我有無量無邊智慧力無畏等諸佛法藏。是諸衆生。皆是我子。等與大乘。不令有人獨得滅度。皆以如來滅度而滅度之。

此合其車高廣衆寶莊嚴。以至種種諸藏悉皆充溢一節。如來作念。正是法華。廣集諸王。付囑家業之時。無量智慧力無畏等者。卽此諸法。便是如來。

大法寶藏等。與大乘者。卽將上無量智慧等三德秘藏。付囑諸子也。不令有人獨滅度者。卽三周普記。令一切人普皆成佛。如至此會。攝三乘歸一。收權小入實。則人無異人。法無異法。生佛不二。聖凡一致。是名以如來滅度。而滅度之也。

是諸衆生脫三界者。悉與諸佛禪定解脫等。娛樂之具。皆是一相一種。聖所稱歎。能生淨妙第一之樂。此合上財物無極。并各乘大車。非本所望一節。直指云。先舉三乘衆生依權智。而出三界。如諸子於露地坐矣。悉與諸佛禪定等。卽等心賜與之意。諸

佛之禪。眞俗一體。屬般若德。諸佛之定。空有一如。屬法身德。諸佛之解脫。權實並運。屬解脫德。三德體具。四智圓明。是爲佛娛樂之具。悉皆與三乘諸子。名付家業。如上所付之法。皆是一相一種。斷非權小可得。而持一相一種者。心佛衆生。三無差別。成一眞法界。故曰一相十方諦求。更無餘乘。故曰一種。然此諸法。皆爲衆聖共相守護者。直至常樂我淨薩婆若海。故曰能生淨妙第一之樂。

⑤ 四合無虛妄。

舍利弗。如彼長者。初以三車誘引諸子。然後但與大

車寶物莊嚴安隱第一。然彼長者無虛妄之咎。如來亦復如是。無有虛妄。初說三乘引導衆生。然後但以大乘而度脫之。

此明權實無虛妄也。牒喻可知。如來無虛妄者。是總結權實不虛也。初說三乘權。引衆生出於三界。是如來施權不虛。後以大乘而度脫之。普令三根同成正覺。是與實不虛也。

何以故。如來有無量智慧力。無所畏。諸法之藏。能與一切衆生大乘之法。但不盡能受。舍利弗。以是因緣。當知諸佛方便力故。於一佛乘。分別說三。

法華授手卷第二之二

何以故。乃徵釋無虛妄之故。謂何故如來必欲先  
權後實耶。以如來智慧禪定諸法寶藏。本無窮極。  
而先說權教者。由機小不能領受。今皆盡與大乘  
之法。雖如來盡與。而衆生不能盡受。故只得於一  
佛乘。說二說三也。身子前問。願爲四衆說其因緣。  
故今日以是因緣也。汝前謂千二百人。聞所未聞。  
皆墮疑惑。汝等今日。當知皆是諸佛方便之力。其  
實元一佛乘。但分別而說三也。如來如此委曲垂  
慈。則疑者之心。應冰判矣。長行譬喻已竟。

妙法蓮華經授手卷第二之二

音釋

邁

賣音

僮

同音

僕

薄音

隕

頽音

敗

辦音

歛

許切

物

祓

格音

稚

治音

銳

隨音

衢

渠音

臆

顯音

婉

宛音

姝

樞音

甯郡優婆塞道悟助洋四元

信士張

薪傳炳煥

全助洋四元



妙法蓮華經授手卷第二之三

清楚衡雲峰沙門智祥集

⑤二偈頌分二。⑥初一百偈頌前又分二。⑦一頌開譬又二。⑧一頌總譬分四。⑨一頌大長者

佛欲重宣此義而說偈言譬如長者

此頌明能救之人爲一宅主也。天台云頌上位號亦兼名行。德業爲國邑聚落所崇。乃年德俱高之長者。喻舍那如來爲三土之大教法王也。⑩二頌廣舍宅。

有一大宅其宅久故而復頓弊。堂舍高危柱根摧朽

梁棟傾斜。基陛隕毀。牆壁圯坼。泥塗陲落。覆苦亂墜。椽栳差脫。周障屈曲。雜穢充徧。

大宅。喻三界之總相。久故者。由衆生從曠大劫。迷真逐妄。幻成此三界妄境也。頓弊者。喻壞劫將至。總標三界不牢固之相也。堂舍下。至雜穢充徧。總明三界火宅成住壞空之四相也。色界爲堂。欲界爲舍。不免墮落。故曰高危。柱根。乃業識命根也。以業運識。曰摧朽。梁棟傾危者。卽善福減損也。基陛乃運生運業之無明。隕毀者。卽久故深沉也。牆壁圯坼。卽四大減損也。泥塗。乃四大中雜染之心。陲

落者。卽雜染紛縈也。覆苦。乃以障四面之風雨喻我人四相念念生滅。故曰亂墜。一切散善戒法。乃三界覆護之椽栁。差脫者。卽廢忘不修也。周障。是六識周迴障隔也。屈曲。是六根屈折不合也。由識依根。而取諸塵。故曰雜穢充徧。良以三界雖廣。乃一切衆生妄惑所成。所謂迷妄有虛空。依空立世界。則所譬皆不離衆生虛妄成就也。若以之喻人。一體雖甚相。當不若喻明三界之相爲切。此世界相續也。④三頌五百人。有五百人。止住其中。

三界分二十五處。以所依之處不同。則能依之類亦種種矣。總皆爲五道衆生。則三十子亦攝於其間。此衆生相續也。④四頌大火起。分四。⑤一明地上火譬欲界。又四。⑥一明所燒之類譬十使。又二。⑦一正明所燒。又曲分二。⑧初明禽獸被燒譬五使。⑨且三界衆生。形由業感。業由妄生。於中善惡升降。橫豎大小。雖報受不同。有種種千萬。其展轉輪迴。皆由無明三毒并五濁十使之所運。則成業果相續矣。如來今欲詳陳三界所有一切弊惡之相。使人知此皆是衆生迷惑所成。若一念頓發妙

智。翻染成淨。始信其清淨本然。但由諸衆生不守自性。則忽生山河大地及諸衆生之有爲相也。故自此下。詳明三界中極苦衆生。受三途苦報。有如此情狀。先出畜生報。爲貪嗔癡慢疑五鈍使所招感也。此下多依天台釋。但以圓圈代之。科分爲二。

① 一別開五鈍。分五。② 一慢使。

鴟梟。鷲鷲。烏鵲。鳩。鴿。

○慢者。自舉輕他。如鳥之陵高視下也。故以八鳥譬之。陵他爲慢。自貴爲憍。依文殊問經。有八慢。壯盛憍如鴟。性憍如梟。富憍如鷲。自在憍如鷲。壽命



也。蚰蜒卽蜈蚣類。頭赤者爲蜈蚣。頭不赤者名蚰。蚰有百足。亦名馬蛇。亦名商距。莊子謂商距馳河者。是也。喻戲論。嗔且世之懷嗔毒人者。雖異其形。不異其嗔。聞此當須知悔。①三痴使。

守宮百足。鼪狸鼯鼠諸惡蟲。輩交橫馳走屎尿臭處。不淨流溢。蟻蝮諸蟲。而集其上。

○癡者。於境不了。卽無明也。有二種。一獨頭。二相應。守宮者。卽蜥蜴也。亦名蠖。以朱飼之。其體盡赤。擣之萬杵。以點女身。終身不滅。與人交則隱矣。俗謂蝥虎。善緣籬壁。此譬獨頭無明也。鼪卽野鼠。

赤黃色。善食羣鼠。狸善卜者也。行則止而擬度之。  
鼯鼠。最小之鼠。一名甘口鼠。傷人不知痛。此譬相  
應無明也。諸惡蟲者。從痴根本。備起諸結使也。交  
橫句。明諸使相緣。或緣三界。如交橫起之速疾。如  
馳走屎尿句。明癡心所着之境。皆不淨也。蠅蝦亦  
名蝓蠅。衝波。傳曰蠅蝦。無鼻而聞香。經營穢場之  
下。故曰。蠅蝦之智。在於轉丸也。世人着諸欲境。癡  
心延綿。不少異也。④四貪使。

狐狼野干。咀嚼踐蹋。啖齧死屍。骨肉狼藉。由是羣狗  
競來搏撮。饑羸惴惶。處處求食。

○貪者。迷戀不捨也。有二種。一有力。二無力。狐乃妖媚之獸。禮北斗而致靈。善於變化者。狼大如狗。野干卽狗類。夜鳴而爲怪。此爲獸中着妖着魅者。麤嚼曰咀。細嚼曰嚼。齧者啖其肉。嚙者嚙其骨。此有力。以威勢競取。如狐狼等。無力貪。但能從他乞索。麤弊。如野干等。況貪心取境。有用不用。有用而取。如咀嚼。無用而取。如踐蹋。又貪心取境。或取一物。或取多物。如齧嚼也。骨肉狼藉者。積聚五塵。不知止也。羣狗搏撮者。譬以有力奪無力者之狀。兩足翻尋曰搏。收取一處曰撮。狐狼所食之餘。狗來

搏撮也。曰羣狗。曰競來。形容無力妄奪者。可發一笑。貪不知足。如饑求不能得。如羸。惴惴者。種種營覓也。處處求食者。馳逐五塵之境也。又惴惴者。恐懼不安。多貪之人。雖富而貧。故曰惴惴處處求也。

④五疑使。

鬪諍。搯掣。嗥喋。嗥吠。

○疑者。猶豫二邊也。向前相奪曰搯。往後相扯曰掣。乃鬪諍之狀。銜物死爭曰嗥。失物潑叫曰嗥吠。此爭鬪之聲。喻世人持疑不決。發言爭論。彼我是非之相。有如此者。別開五鈍已竟。⑤二總結變。

狀。

其舍恐怖。變狀如是。

此總結上五使也。其舍喻三界。言三界人心。具此貪嗔癡慢疑。可恐可怖。其變態真如上鳥獸蟲蛇。莫能測度也。④二明鬼神被燒譬五利使。分二。⑤一總明利使。

處處皆有。魑魅魍魎。

此以三界中鬼趣。譬衆生具足五利之心。形狀如此。前貪嗔痴慢疑。尙只使得凡夫。故曰鈍。惟此身邊邪見戒。這五椿無論凡夫逃脫他不得。卽四諦

五陰。觸着皆有。如我欲學佛學聖。他便在學佛學聖中。令人不知不覺。使你差錯了路頭。故曰處處以其利於上五使也。魑魅者。物之精。山澤之怪也。西京賦云。山神虎形曰魑。宅神猪頭人形曰魅。魍魎者。木石變怪也。此四者。能隱能顯。若有若無。巧怪百種。變幻不一。故以此譬衆生身邊邪見戒之心也。⑤二別開五利。分五。⑥一邪見。

夜叉惡鬼。食噉人肉。毒蟲之屬。諸惡禽獸。孚乳產生。各自藏護。夜叉競來。爭取食之。食之既飽。惡心轉熾。鬪諍之聲。甚可怖畏。

○此譬邪見由計斷常。不信因果。故名邪見。夜叉此云捷疾鬼。譬邪見者。撥無因果也。人是善報。譬出世因果。邪見之人。撥無善報。如食人肉也。毒蟲是惡報。譬世間因果。邪見之人。撥無惡報。如噉毒蟲也。孚乳句。廣雅云。孚亦生也。乳者養也。卵屬以爪護所生曰孚。胎屬以身藏所產曰乳。凡世間之法。善惡各從其類。從同類因。生同類果。藏護者。因能有果名藏。必得不失名護。此言世間善惡。各有所藏所護也。夜叉爭食者。譬邪見人。撥無善惡因果。是爭取食之也。食既飽者。乃邪見之心成就也。

惡心轉熾者。增廣邪見之心也。鬪諍聲者。內心成就。外彰言教。宣無因果之法。致令聞者墮落三途。故言甚可怖畏。①二戒取。

鳩槃荼鬼。蹲踞土埵。或時離地。一尺二尺。往返遊行。縱逸嬉戲。

○此警戒取。執邪爲道。名非因計因。如外道持牛狗等戒也。鳩槃荼此云甕形。亦名可畏。卽無常殺鬼。譬修有漏善。能勝諸蟲也。虛坐曰蹲。實坐曰踞。土埵。卽壟斷也。譬外道修十善戒。能生六欲天高處。如土埵也。離地一二尺者。增修諸禪。得色界定。

如上一尺。得無色定。如二尺也。得升上界爲往。退墮下界爲返。妄起戒取之見。如縱逸嬉戲。

捉狗兩足。撲令失聲。以脚加頸。怖狗自樂。

○狗卽苦果。足譬苦因也。邪戒本非是因。虛妄計之爲因。堅持不捨。如捉狗兩足也。又謗世間無苦因果。是撲令失聲。返着邪戒爲正修。以苦捨苦。如以脚加頸。將苦爲樂。持說不定。如怖狗自樂也。△問。佛令人持十善戒法。爲生天因。亦是方便。此何故作鳩槃荼譬。答。因不同也。佛教正因。久令增進。必得正果。今外道所持邪戒。又謗世間無苦因果。

由其因果差錯。故作此譬也。①三身見。

復有諸鬼。其身長大。髀形黑瘦。常住其中。發大惡聲。叫呼求食。

○此譬身見。於陰入界中。妄計爲身。名身見。豎入三世計。我名長。橫徧五陰。計我名大。計我自在。不修善法。卽無慚愧。名髀形。以惡莊嚴。故黑。無功德。資故瘦。計我者。不出三界。故言常在。其中。計我在心。發言宣說。有我之相。故言發大惡聲。冀因此說。望得道果。故言叫呼求食也。②四見取。

復有諸鬼。其咽如針。

○此譬見取。謂因此妄見。通至非想。名見取。非想無常。而計涅槃。如咽細命。危而保其壽。故言其咽如針。①五邊見。

復有諸鬼。首如牛頭。或食人肉。或復噉狗。頭髮鬚亂。殘害克險。饑渴所逼。叫喚馳走。

○此譬邊見。於身見上計我。復計斷常。執常非斷。執斷非常。隨執一邊。名邊見。斷常二邊。如牛頭二角。爲身是我。爲我是身。依我見起邊見。如頭兩角也。計斷常之過。能斷出世善根。如食人肉。能斷世善根。如復噉狗。或時計常。或復計斷。前後廻轉。如

頭髮鬢亂。計常卽破斷。計斷卽破常。如殘害宛險。無有智定。飲食自資。如饑渴所逼。各陳一見。如叫喚馳走也。正明所燒已竟。②二總結利鈍。

夜叉餓鬼。諸惡鳥獸。饑急四向。窺看窗牖。如是諸難。恐畏無量。

○初二句總結欲界煩惱之相。上句結利使。下句結鈍使。次二句通結利鈍。並是有漏之心。無道味。克食曰饑。生死速疾曰急。四向者。見惑雖多。不出斷常有無四句也。窺窗牖者。窺小視也。明其邪觀空理。雖有觀察。非爲正見。所以不得廣大真空之

境。故如窺窗見空也。後二句收廣總結。由眾生不修正法。邪解成非。故至墮苦。所以恐畏無量也。明所燒之類。譬十使已竟。㊦二明火起之由。譬五濁是朽故宅。屬於一人。其人近出。未久之間。

○三界是佛應化之處。往來八千返。豈非久故耶。大寮云。此譬如來在世教化眾生。令伏煩惱。由應化他方。暫時不在。致令眾生煩惱火起。問。上纔言屬。此便言出。既屬則不出。既出則不屬也。此義何如。答。上不言屬。則於已無干。何有救濟之情。下不言出。則并已被焚。何有救濟之功。則屬與出。皆有

關係也。④三明火起之勢。譬濁相。

於後宅舍。忽如火起。四面一時。其燄俱熾。棟梁椽柱。爆聲震裂。摧折墮落。墻壁崩倒。

此去正明三界壞劫之相。又前叙畜鬼二道境界。已如是矣。此似明地獄境界。況地獄諸苦。唯火爲重。又獄乃囚繫之所。況三界九地衆生。無時解脫。豈不成囹圄之場。故知凡有繫處。獄義在也。天台云。三界爲宅。五陰爲舍。四面是處所。卽身受心法也。於四法中。起四倒見。則五濁八苦俱作。故云一時。相續漸增。故云俱熾。後宅舍者。應卽壞劫時至。

由衆生無明濃厚。五濁渾深。則四大四相。我人熾盛。則將三界有爲福善。并皆毀盡。便是棟梁等震裂之相也。④四明被燒之相。譬衆苦。

諸鬼神等。揚聲大叫。鷓鴣諸鳥。鳩槃荼等。周悼惶怖。不能自出。

○壞劫既至。衆生福盡。而起種種惡業。興諸邪見。是皆爲業火之所逼也。上以鬼神。譬利使。今言揚聲大叫者。如計常者。謂法定常。以有還無。無卽是所計之常也。計斷者。謂法定斷。唯此一死。更無復續。各執一見。皆成決定宣說。故云揚聲大叫。鷓鴣

譬鈍使。鳩槃荼。乃利使中戒取。本不計斷。今見無常。但生疑怖。而利鈍諸使。并着不知出離之方。故云惶怖不能出也。明地上火起。譬欲界竟。○二明穴中火。譬色界。

惡獸毒蟲。藏竄孔穴。毗舍闍鬼亦住其中。

○四禪之定。如孔穴不深。雖出於欲界。不及門外。虛豁。猶得免於欲界之麤惡。猛燄。利使眾生亦得禪定。故曰毗舍住中也。毗舍。卽噉精氣鬼。初二句鈍使。次二句利使。以十使麤細分高下也。薄福德故。爲火所逼。

此方出其被燒之由。然所以被燒者。由薄福德故。惡業增熾也。天台云。孔穴中。雖無猛燄。猶有熱惱。如四禪中人。亦爲喜樂等愛。細相煎逼也。

其相殘害。飲血噉肉。野干之屬。並已前死。諸大惡獸。競來食噉。臭烟燧焯。四面克塞。

○利鈍衆生。得禪是同。所計各異。互相是非。是其相殘害也。旣於禪定中起諸見。則不能生無漏定。慧。耽着禪味。如飲血。着觀等五支。如噉肉。野干。譬欲界貪。於欲界修未來定。已斷此貪。故曰前死。禪定之貪。如大惡獸。能吞欲界諸貪。故曰競來食噉。

欲界四倒八苦。如猛燄。色界四倒八苦。如臭烟。以輕重分上下也。又通身受心法。及以四大。故云四面克塞。④三明空裏火。譬無色。

蜈蚣蚰蜒。毒蛇之類。爲火所燒。爭走出穴。

○前欲界中。以蜈蚣譬嗔。今無色界中。亦以蜈蚣譬嗔。色界中言毒蟲。卽蜈蚣類。故知嗔通三界。毒蛇等。厭色界定。貪向無色。厭色麤境。觀無色法。亦業運遷流。是火燒出穴義。△問。上二界不行嗔。何得言無色亦有蜈蚣等也。答。但言二界不行。非謂二界絕無嗔也。今言爭走出穴。是猶爲業火所逼。

厭有趨空。正是斷嗔之相。

鳩槃荼鬼。隨取而食。又諸餓鬼。頭上火然。饑渴熱惱。周樟悶走。

○若得無色定。以滅下界緣。故云隨取而食。非想居於最頂。尙不免顛倒諸苦。如頭上火然。非想亦有八苦。心生異念。名生苦。念念不住。名老苦。行心擾擾妨定。名病苦。退定是死苦。求定不得。是求不得。求定不得。皆緣有障。是怨憎會。失定之時。名愛別離。四陰心。卽五陰盛。無無漏飲食所資。故爲饑渴所惱。猶是輪迴。故樟悶走。④四總結衆難非一。

其宅如是。甚可怖畏。毒害火災。眾難非一。

此總結三界上下。從麤至細。俱不免爲三毒諸惑之所逼迫。是皆眾生情思萬變。則所感之毒害火災。非一種也。此中諸家。譬合新新特出。唯天台所釋。理事不背經。旣以火宅喻三界。則鬼畜火難。皆宅中所有之事。若或以三途及事相。隨情釋者。只能盡五趣雜居人間之相似。不能盡釋三界也。故余從天台而參。以三相續。及三途之相。則可完火宅眾生所有之事。而亦見一三界情境。宛如畫矣。頌總譬已竟。⑤二頌別譬。分三。⑥一頌長者見火。

是時宅主在門外立。聞有人言。汝諸子等。先因遊戲來入此宅。稚小無知。歡娛樂着。長者聞已。驚入火宅。○宅主是能見之人。門外立者。如來在法身地上。常懷大悲。欲救眾生。不處第一義空法座。故云立也。聞人言等。卽十地菩薩。作梵王帝釋。而請轉法輪也。又文旬引經云。十方諸佛。語釋迦佛云。汝有緣諸子。在三界中。善根將滅。汝往濟之。皆是聞有人言之義。因遊戲等句。乃是聞人所語之言也。三乘諸子。本未出三界。何言來入。曰。或在大通佛時。曾發大心。是將出。而尋卽廢忘。則又入矣。如人出

門。纔至門側而返。亦名出而復入。約理自性本淨。非三界可拘。因無明不覺起諸戲論。便成生死。故云遊戲來入也。昔結緣淺。大善未著。名稚小。退大已後。流轉三界。無明所覆。名無知。躄三界有爲善法及五欲樂。名歡喜樂着。長者聞而驚入者。應前四面火起。前曰見。此曰聞。乃全佛知見之義。驚入者。卽智悲雙運也。㊟二頌捨几用車。分二。㊟一捨几。

方宜救濟。令無燒害。告喻諸子。說衆患難。惡鬼毒蟲。災火蔓延。衆苦次第相續不絕。毒蛇虻蝮。及諸夜叉。

鳩槃荼鬼。野干狐狗。鷓鴣鴟梟。百足之屬。饑渴惱急。甚可怖畏。此苦難處。况復大火。

方宜者。以大教擬宜。是權實並行也。告喻者。卽是說衆患難。而教誡之也。長行中。但言火來逼身。苦痛切已。今頌中。廣陳火相。前四句。明如來擬宜欲救。惡鬼毒蟲。總出利鈍見思之惑。災火蔓延。是所燒之勢。蔓延者。連綿不斷也。毒蛇虺蝮下。廣明燒相。文中雜列利鈍。不復次第。皆是總陳三界苦因苦果。令人極生厭離。而求出三界也。

諸子無知。雖聞父誨。猶故樂着。嬉戲不已。

○頌上諸子不肯信受。妙樂云。不受卽無知。亦是  
稚小。無知之文畧耳。猶故樂着嬉戲不已者。卽耽  
戀見思。而不求出要也。無有大乘心願。如來只得  
施小教也。④二頌用車。分三⑤一擬用三車。

是時長者。而作是念。諸子如此。益我愁惱。今此舍宅。  
無一可樂。而諸子等。耽湏嬉戲。不受我教。將爲火害。  
卽便思惟。設諸方便。

初四句。明擬宜之意。益愁惱者。衆生不受教化。則  
如來悲心轉甚。舍宅無樂者。明三界因果無一法  
可樂也。耽湏嬉戲者。出其用小教之由。良以衆生

淡着五欲。如犛牛愛尾。由見思淡重。只得於一佛乘。分別說三。若不用小。則大小俱亡。必爲火害。而身命皆失矣。辰二歎車希有。

告諸子等。我有種種珍玩之具。妙寶好車。羊車鹿車。大牛之車。今在門外。汝等出來。吾爲汝等造作此車。隨意所樂。可以遊戲。

妙寶者。卽權中蘊寶。乃方便中之妙寶也。在門外者。如示四諦。令知出世。卽初示相也。汝等出來。卽勸修也。吾爲下。卽作證也。旣曰造作。則門外之車。明權矣。但如來以無數方便。隨衆生樂欲。因機與

法苑珠林卷第二十二  
教以見所說不謬。亦證成所賜之不虛也。④三適  
子所願。

諸子聞說。如此諸車。卽時奔競。馳走而出。到於空地。  
離諸苦難。

此應長行諸子聞說心勇銳一節。奔競馳走。喻二  
乘見諦三十七品助道工夫。前已釋明空地。指偏  
空苦難。卽五趣諸苦。⑤三頌等賜大車。分四。⑥一  
頌免難歡喜。

長者見子。得出火宅。住於四衢。坐師子座。

○向言在門外立者。以子未出故。今子旣出。故得

安坐。又大機未會故云立。小機已周故言安坐。則立是冥利。坐乃顯益也。四諦俱屬真常出世大道。曰四衢。貪着滅諦。不前進寶所。故曰住。△師子以表無畏。見子免難。可以施化。故言今我喜無畏。是不畏諸子墮苦也。

而自慶言。我今快樂。此諸子等。生育甚難。愚小無知。而入險宅。多諸毒蟲。魍魅可畏。大火猛燄。四面俱起。而此諸子。貪樂嬉戲。我已救之。令得脫難。是故諸人。我今快樂。

○自慶者。慶其得所化之機也。佛于二萬億佛所。

曾教大乘緣種。是生中間常熏小果成熟是育。經多劫教道。是長養甚難。由大種微弱。故云愚小。妄起五濁。故云無知。由因感果。故云入險宅。多諸二句。述其所起見思之火。大火二句。述其被燒之勢。而此二句。正合着二惑之心。我已下。明歡喜之由。是故下。結歡喜之意。④二諸子索車。

爾時諸子。知父安坐。皆詣父所。而白父言。願賜我等三種寶車。如前所許。諸子出來。當以三車。隨汝所欲。今正是時。惟垂給與。

此處見彼父子機投好光景也。父云隨汝所欲。子

云惟垂給與。如是一許一索。多少切實。直指云。約理。諸子出界。已悟性體。故曰知父。了知性無來往。曰安坐。以人空智。向真空理。曰皆詣父所。不因索權。無以開寶。此正是伊父子抑揚縱奪妙境。切不得作死句讀。④三等賜大車。

長者大富。庫藏衆多。金銀琉璃。碑磬瑪瑙。

如來藏中。徧含一切。未發現者。故曰藏。已發現者。貯于庫中。如前謂取要言之。無量無邊。未曾有法。卽庫中所有。微少之物。非如來藏中之廣有也。今總庫藏之所有。故言大富。下言金銀等。乃七支法。

財具足充滿也。屋盛稱庫。地盛稱藏。

以衆寶物。造諸大車。莊校嚴飾。周匝欄楯。四面懸鈴。金繩交絡。

○因果之法。總名衆寶。約教。修得有造義。行多子多。故車非一。所以造諸車而復大也。又須示方知。起行修習名造。以性泯修。造還本有之理。卽諸大車之義。餘皆如前釋。

眞珠羅網。張施其上。金華諸瓔。處處垂下。衆彩雜飾。周匝圍遶。

○眞珠等。出憶蓋之相。喻慈門非一。猶如網孔。一

一孔中。皆一眞珠。如衆慈門。並稱於實。前文但云垂諸華瓔。祇是直令見者欣悅。今云處處垂下。乃明衆機徧悅也。衆彩雜飾。譬垂化之處。設應不同。周匝圍遶。譬攝物之宜。無所闕少也。

柔輦繒纒。以爲茵褥。上妙細氎。價直千億。鮮白淨潔。以覆其上。有大白牛。肥壯多力。形體姝好。以駕寶車。多諸僮從。而侍衛之。以是妙車。等賜諸子。

前文曰重敷。今加柔輦者。以喻諸禪自在也。又以細氎覆上。乃增勝妙禪。是以妙冠麤也。茵者。說文云。車中重席。喻具足事禪。異諸凡小故云。鮮白

淨潔。餘皆如前釋。④四得車歡喜。

諸子是時。歡喜踴躍。乘是寶車。遊於四方。嬉戲快樂。自在無碍。

○歡喜者。得非所望之大乘。故喜也。遊四方者。乘中道慧。橫遊四種四門。四種四諦。豎遊四十一位。究竟常樂。我淨四德。隨處侍佛。隨處度生。故曰自在無礙也。頌開譬已竟。

妙法蓮華經授手卷第二之三

音釋

圯音痞 圯音圯 册音冊 阨音阨 矢音矢 苦音苦 閔音閔 平 椽音椽 傳音傳 栢音栢 呂音呂 差音差 雌音雌 鴟音鴟 笞音笞 梟音梟 驕音驕

鵬音鵬 貂音貂 鷲音鷲 袖音袖 鴿音鴿 葛音葛 蚘音蚘 元音元 蝮音蝮 福音福 蠍音蠍 歇音歇 蜈音蜈 吳音吳 蚣音蚣 公音公 蚰音蚰 尤音尤 虵音虵

延音延 馳音馳 由音由 狸音狸 離音離 颺音颺 奚音奚 蟻音蟻 腔音腔 蝦音蝦 良音良 干音干 岸音岸 咀音咀 聲音聲 朱音朱 上音上 嚼音嚼 墻音墻 入

蹋音蹋 躅音躅 齊音齊 誓音誓 齧音齧 孽音孽 搏音搏 博音博 撮音撮 鑽音鑽 入 羸音羸 雷音雷 悼音悼 張音張 惶音惶 黃音黃 搯音搯 搯音搯

掣音掣 徹音徹 嗟音嗟 崖音崖 啾音啾 柴音柴 嗥音嗥 豪音豪 蹲音蹲 存音存 踞音踞 據音據 埤音埤 朶音朶 頸音頸 景音景 裸音裸 瘦

嗽音嗽 鬚音鬚 蓬音蓬 窺音窺 奎音奎 牖音牖 有音有 爆音爆 報音報 竄音竄 爨音爨 孛音孛 蔓音蔓 萬音萬 航音航 單音單 澗音澗 勉音勉

繒音繒 曾音曾 纒音纒 曠音曠 茵音茵 因音因 褥音褥 肉音肉 氍音氍 牒音牒

音釋



妙法蓮華經授手卷第二之四

清楚衡雲峯沙門智祥集

①二頌合譬。分二。②丑一合總譬。

告舍利弗。我亦如是。衆聖中尊。世間之父。

○上二句合位號。下二句合名行。兼合歎德義。如來是七種方便。賢聖中尊。九種世間之父。七方便者。于九界中。除四惡趣。開藏通別三教菩薩。共爲七。以子義通于一切故。爲九界之父。由結緣者不多故。方便只言七處也。

一切衆生。皆是吾子。深著世樂。無有慧心。

以佛眼等觀一切衆生。皆有子義。由世樂深著。則慧心不發。所以不肖佛也。此合五道衆生兼三十子。又通論三乘五性。皆無其實。故曰無有慧心。三界無安。猶如火宅。

○合上其家廣大。試觀三界中。何事可樂。猶之火宅。不可耽戀也。

衆苦充滿。甚可怖畏。常有生老。病死憂患。如是等火。熾然不息。

○初二句。總標諸苦。次二句。釋成三苦八苦。卽大火起之相。末二句。結成熾然者。念念增盛也。不息

者。念念生長也。⑤二頌合別譬。分四。⑥一頌合長者見火。

如來已離三界火宅。寂然閑居。安處林野。

合上如來安隱得出。寂則無著。苦因除也。安處無生。苦果亡也。此所以得五住盡矣。正由寂然無事。方見五濁諸子爲火所逼。起救濟之心。安處林野者。乃居他受用土。興慈運悲之處。

今此三界。皆是我有。其中衆生。悉是吾子。而今此處多諸患難。

此合上見火譬。上四句。明是處是人。皆係屬我矣。

法華指掌疏卷第二  
既爲我有。得不設方便而救濟耶。下二句如前文云。見諸衆生。爲生老病死之所燒煮。惟我一人。能爲救護。

合上佛見此已便作是念。我爲衆生之父。應拔其苦難一節。寅二頌合捨几用車。又二卯一合捨几。雖復教詔。而不信受。於諸欲染。貪著深故。

合上未免生老死等。教詔不信。是法大機小。貪著深者。是情戀諸欲也。由戀諸欲。所以不信教詔。卯二合用車。

以是方便。爲說三乘。令諸衆生。知三界苦。開示演說。

出世間道。

以是方便一句。正擬用車之方便也。合上但以智慧捨方便。衆生不能得度。示出世道者。卽三乘權小有餘涅槃也。

是諸子等。若心決定。具足三明及六神通。有得緣覺不退菩薩。

○若心決定者。從苦法忍已上。是真決定。此一句總頌三乘馳走之位。具足下四句。各頌三乘爭出之位。三明者。輔行引婆沙論云。宿命知過去苦。生大厭離。天眼知未來苦。生大厭離。漏盡能作正觀。

斷諸煩惱。此三名明神境通。但工巧而已。天耳通。但聞聲而已。他心通。但緣他別想而已。故不名明。不退義通。亦兼三藏菩薩也。此三乘人。有聞演說四諦因緣者。卽具足三明六通。成聲聞緣覺之出世間道。有聞演說六度者。卽得不退菩薩之出世道也。①寅三頌合等賜大車。分二。②卯一正明等賜汝舍利弗。我爲衆生。以此譬喻。說一佛乘。汝等若能信受是語。一切皆當。成得佛道。

說一佛乘。合上悉與諸佛禪定解脫等。汝等下。合上是諸衆生脫三界者一節。是語者。卽說一佛乘。

之語。一切皆當成佛者。由決定信也。又見如來語無虛妄。

是乘微妙。清淨第一。於諸世間。爲無有上佛所悅可。一切衆生所應稱讚。供養禮拜。

此合上皆是一相一種聖所稱歎。直指云。眞俗融。權實會。故曰微妙。超能所混。聖凡。故曰清淨。世出世間無有過者。曰第一。十方諦求。更無餘乘。曰無有上。如妙蓮華。故佛所悅可。△言此一乘。於三界中。爲第一者。過去現在已成之諸佛。由乘此而出。三界。是爲佛所悅可也。一切衆生。皆未成之諸佛。

法華經疏卷第二  
亦將乘此而出三界。則宜乎所應稱讚供養也。是則三世十方一切諸佛。唯乘此故。而得出離。豈不曰無有上耶。

無量億千。諸力解脫。禪定智慧。及佛餘法。

合上我有無量無邊智慧等。此釋成所以有一乘之由。皆由如來具足諸力解脫禪定等。故能普爲一切衆生。說一佛乘。④二合得車歡喜。

得如是乘。令諸子等。日夜劫數。常得遊戲。與諸菩薩。及聲聞衆。乘此寶乘。直至道場。

○日夜者。初得佛知見中道智。如日。由一分無明

未盡。如夜。又自具中道智光。如日。以慈悲入生死。濟物。如夜。劫數者。常行二法。從劫至劫。利己利人。于此界他方。故云遊戲。三乘之人。同入佛智。是謂乘此寶乘。直至者。中間更無屈曲回還。自發大心。直至成佛。

以是因緣。十方諦求。更無餘乘。除佛方便。

此方結勸信受。我唯說一乘。更無二三。三者。何也。以我本願。元爲此一大事因緣。使一切人決定成佛。豈實有二三乘法。爲衆生說耶。任汝向十方審諦誠求。唯一佛乘。更無餘法。唯除諸佛作方便說。容

有之耳。寅四頌合無虛妄。分二。卯一正合不虛。告舍利弗。汝諸人等。皆是吾子。我則是父。汝等累劫。衆苦所燒。我皆濟拔。令出三界。

至此始出成不虛之言。從前許三。而今普與一乘者。爲其皆吾子也。旣皆是子。則賜應平等。况汝輩累劫受苦。而我累劫救濟。必令脫諸苦。而至於樂。始完我爲父者之職也。

我雖先說。汝等滅度。但盡生死。而實不滅。今所應作。唯佛智慧。

先說者。卽佛于阿含已許滅度也。謂我雖先說汝

等已得滅度。但不過盡分段出三界而已。其實變  
易未忘。故非真滅。今所應作者。卽悟入佛知見道。  
始融真俗。歸第一義。則一色一花。舉手低頭。皆爲  
成佛正因。總皆融入佛智。而證一乘實相也。①二  
合釋不虛。

若有菩薩。於是衆中。能一心聽。諸佛實法。諸佛世尊。  
雖以方便。所化衆生。皆是菩薩。

直指云。此應長行如彼長者。初以三車誘引諸子。  
至於一佛乘。分別說三一節。長行先敘羊鹿。後及  
牛車。今頌先牛車。以見小大互融。權實不二也。自

未度先度人。乃菩薩發心也。其發心之初。貴在直心。正念真如。真如之理。卽是實相。達實相則權實可融。故曰皆是菩薩。△又若有菩薩者。卽指發大心之人。於是衆中。卽于此法華衆中。一心聽者。是無異緣也。實法者。卽一乘妙法也。末四句。明此諸人從前雖因權得入。未是菩薩。迄今會。則權亦成實矣。故言皆是菩薩。

若人小智。深著愛欲。爲此等故。說於苦諦。衆生心喜。得未曾有。佛說苦諦。眞實無異。

此下明有作四諦也。佛所說法。本無大小。由人機

不同。故法亦有異。先明苦諦。以逼惱爲義。總不出六道生死。諦者。審實不虛。聲聞人怖畏生死。不慕大乘。故曰小智。然所以無慕大之心者。由深著愛欲。著愛既深。苦曷以盡。故爲之宣示苦諦也。心喜者。以機教相契也。既曰小智。非無智者。但於大乘不生忻樂。今見投以苦諦。稱適所懷。故至心喜。得未曾有也。真實無異者。佛說苦。決定是苦。而不能令樂。

若有衆生。不知苦本。深著苦因。不能暫捨。爲是等故。方便說道。諸苦所因。貪欲爲本。

前四句明集諦。以招感爲義。則集是苦因。衆生集諸欲。而不能捨。豈識其爲苦本。故如來以方便力。說諸苦因。皆以集諸欲。而致諸苦果也。方便說道之道字。非謂道諦。如云方便說與。此是世間因果也。

若滅貪欲。無所依止。滅盡諸苦。名第三諦。

此明滅諦。以可證爲義。衆生由諸苦所逼。不忘貪欲。則涅槃永失。若集盡苦滅。則滅諦之理。可證入矣。欲之一字。攝法甚寬。該三界所有一切諸欲。貪字。卽攝嗔痴。爲三毒。則貪欲二字。總六道輪迴之

本。是生因也。滅字。卽永息輪迴之義。是轉生死爲涅槃也。若貪欲滅盡。則六道因亡。因亡而苦果永息。生死何依。苦盡而滅諦證矣。故曰滅盡等。爲滅諦故。修行於道。

此明道諦。以可修爲義。欲證滅諦。須修諸道品也。略則戒定慧。廣則三十七品。此爲出世因果也。

離諸苦縛。名得解脫。是人於何而得解脫。但離虛妄。名爲解脫。其實未得。一切解脫。佛說是人。未實滅度。斯人未得。無上道故。我意不欲。令至滅度。

此出陳三乘非實之故。初二句重舉得脫也。集爲

法華抄卷第二十四  
能縛。苦爲所縛。今但離苦集。名得解脫。其實非真也。次二句。徵云。是人於何法得解脫。而曰非真。下二句。謂但離虛妄也。况無明已是虛妄。而見思依無明起。則更爲虛妄。今二乘見思惑斷。是但離虛妄。稱解脫也。此祇脫分段。而未脫變易。故不得一切解脫。一切解脫者。卽無作無滅之四諦也。佛說未實滅度者。以未得無上道故。况如來出世。本欲令人至無上菩提。方稱本懷。原不欲令人至有餘涅槃。但斷見思而便謂已得滅度也。今欲普令三乘同歸實相。故唯說一佛乘。

我爲法王。於法自在。安隱衆生。故現於世。

此明佛欲使人必至究竟。然我本爲三界大法之王。於權實諸智皆得自在。所爲舉權則實在其中矣。今乘此無礙輪。示生三界。無非爲欲安隱衆生。而出現於世。豈忍人不至究竟。而便爲滅度。此結前爲一大事因緣出現之案。百行偈頌前長行已竟。癸二六十五行勸信。分二。子一標章。又二。丑一標可說不可說。

汝舍利弗。我此法印。爲欲利益世間。故說。

此正囑付身子。於法當鄭重也。法印者。卽如來三

昧海印。所謂森羅萬象。一法所印也。況如來持此法印。印定九界衆生。必至佛果。以利益世間。故特爲開示演說。但非機不說。說之恐至起謗法因緣。此爲如來鑑機妙用。汝當知也。⑤二標可通不可通。

在所遊方。勿妄宣傳。

此方囑身子等。他後須觀機逗教。勿亂通也。或在此界天上人間五道類中。或他界乘通乘願。隨處行化。皆是所遊之方。勿妄宣者。非機勿說也。勿妄傳者。是機當授也。若非機爲說。必至生謗墮苦。則

失自拔苦之悲心也。是機不與。必悞妙嚴之樂。是失自與樂之慈門也。此是囑持法印者之當慎。①  
二釋義。分二。②一釋可說不可說。

若有聞者。隨喜頂受。當知是人。阿惟越致。

此下總標三種能信之人。卽得大利益也。直指云。先出一類大乘之機。聞此生佛平等之法。一念隨喜者。卽現生證不退果。以顯頓教頓機之利益也。須知此中更有况顯之意。言隨喜頂受不過暫時聞經生信樂者。隨喜尙得阿惟越致。况一心誠求者。况專心修習者。其益可較。

若有信受。此經法者。是人已曾見過去佛恭敬供養亦聞是法。

此明中乘之機。一念信受此生佛平等之理者。是久遠劫。曾種大乘之因也。見佛是緣。因供養是福。因聞法是慧。因遠因既深。一聞卽信。此以顯昔緣之不昧也。

若人有能信汝所說。則爲見我。亦見於汝。及比丘僧并諸菩薩。

此又明一種大心凡夫。從身子處。聞此生佛平等之理。能深信者。便得入四聖流矣。一見佛二并汝

者。卽聲聞。三比丘僧。攝緣覺。四并諸菩薩。已上三段。見承法華之力。而開佛知見。深達實相。便見心佛衆生三無差別矣。則知信字。卽根本智。以顯信爲入道之本。信能開佛知見。故信真則悟入無難。斯法華經。爲深智說。淺識聞之。迷惑不解。一切聲聞。及辟支佛。於此經中。力所不及。汝舍利弗。尙於此經。以信得入。况餘聲聞。其餘聲聞。信佛語故。隨順此經。非已智分。

此總結三乘淺深。以明法因機別也。深智。卽實相根本智。如文殊等。淺識者。卽五趣識情。如不覩不

聞等。迷者不信。由識所使也。悟者深信。因智而契也。一切聲聞下四句。揀三乘人。偏空力弱。不及受大。汝舍利下四句。指當機。以信解而得親證。是初住位。末四句。指千二百人。因聞譬喻。乃依佛語。隨順法性。而得證入。終非已力所能入也。三乘聖眾。尙於此經。信分深淺。况凡夫耶。可見如來智慧甚深難入。但以如來知見力故。知一切三乘五性之機。若深智聞而生信。卽可說也。淺智不信。則不可說。①丑二釋可通不可通。又二。②寅一用大悲門惡人莫說。

又舍利弗。憍慢懈怠。計我見者。莫說此經。凡夫淺識。深著五欲。聞不能解。亦勿爲說。

此詳明勿妄宣傳之誠。憍慢者非他。卽是聞法未證之人。妄謂有所取證。故多憍倨傲慢也。懈怠者亦卽是不勤求無上乘人。此等旣着我見。必無樂欲之心。若強爲說之。是妄宣說。此爲計我取證者。不可說也。次明凡夫人但知着欲爲樂。况深着者迷之猶甚。必不欲聞。縱聞無心領解。如此者說之何益。此爲凡夫無智者。不可說也。且而妙法實相。爲諸佛之所護念。豈容妄宣。故以此兩種不聞不

信人。對前三種能聞能信者。罪福皎然。如上文纔能隨喜頂受。便現生住不退地。續佛慧命。則知爲親近諸佛者。必成佛子。暫時隨喜信受之人。其利益廣大如此。況久修實證者耶。今以此不信受者。必生毀謗。由謗致苦。故下出陳不信之罪。亦甚苦甚重也。要知妙法功力不可思議。致令信者之福。與不信者之罪。皆不可得而思議也。

若人不信。毀謗此經。則斷一切世間佛種。或復擧蹙而懷疑惑。汝當聽說。此人罪報。

此言毀謗經斷佛種。是大惡。不啻出佛身血也不

信者。卽自斷善根。雖則如來廣大知見智慧神通。種種三昧無量方便本自具足。由不信故。則皆失之。因失其樂。必致墮苦也。毀謗者。毀其無有將來成佛之因。謗其無有將來出世之果。因果雙亡。是斷滅義。一切世間者。此經爲九界之根本也。旣謗此經。卽斷九界成佛之因。故曰斷一切世間佛種。聾蹙者。謂聾眉蹙額。不欲聞也。不信二字爲總。毀謗。是不信之言。聾蹙。是不信之貌。疑惑。是不信之心。以三業俱犯故。感報不輕。

若佛在世。若滅度後。其有誹謗。如斯經典。見有讀誦。去華受手卷第二之四

書持經者。輕賤憎嫉。而懷結恨。此人罪報。汝今復聽。  
上明斷世佛種。罪已難追。此又兼謗三寶。故其陳  
罪相。若佛在世一句。是謗佛兼謗佛所說之法。佛  
滅度後。乃單謗其所說經也。見有讀誦書持經者。  
或輕賤。或憎嫉。或懷恨。此皆謗持法華之弟子。故  
曰罪報復聽。向下總前謗佛謗法謗僧之罪。共出  
陳之始。不致文繁也。

其人命終。入阿鼻獄。具足一劫。劫盡更生。如是展轉。  
至無數劫。

然謗經不信之邪人。多是法中假名冒竊者。所謂

師子身中蟲也。非世俗無知識者。能致謗法因緣也。此償報中。依直指。分爲十段。一明謗經者。初生地獄報。由現生不信妙法謗佛法僧。皆是輕毀最上最尊之果。故死墮地獄。亦墜最下最苦之塗。由生謗時。迷已迷人。故感報劫數。展轉增長也。問。何故不陳地獄苦狀。答。以受罪不一。地獄不一。而况劫數長久。豈能盡說。

從地獄出。當墮畜生。若狗野干。其形頹瘦。鬣黹疥癩。人所觸媿。又復爲人。之所惡賤。常困饑渴。骨肉枯竭。生受楚毒。死被瓦石。斷佛種故。受斯罪報。

二明謗經者。轉入畜生報。照常論謗大乘經者。從地獄出。墮餓鬼中。此不標鬼趣。理應有之。或文畧耳。又則鬼道受報。人無知者。如地獄苦報。亦不詳陳。況鬼但受苦。畜生兼償債。故今以人所共知見者爲言。使人必當敬信大乘經典。勿毀謗也。然所以墮畜生者。由前生憍慢之時。披師子服作野干鳴。故今作如此報也。正當誑妄說法之時。不知三德一心之正宗。故感形頹瘦。權實不明。報之黧黹。將俚語外飾。故報以疥癩。假法虛妄。損正信故。感人觸媿。恃法惡賤他賢。仍報之爲人惡賤。過受利

養。故報之饑渴。失人正慧。故報骨肉枯竭。生時自無實益。故受楚毒。死後移污於人。故被瓦石。此爲謗經所招之畜生。報應一也。

若作馱駝。或生驢中。身常負重。加諸杖捶。但念水草。餘無所知。謗斯經故。獲罪如是。

三明負重畜生報。馱駝與驢。惟以負重爲用。是謗法之人。還其憍慢自重之報。因中毀謗之言。加人果上杖捶之苦。加已也。因中多諸邪解。誑惑于人。果上但念水草。無別所知也。

有作野干。來入聚落。身體疥癩。又無一目。爲諸童子。

之所打擲。受諸苦痛。或時致死。

四明病苦畜生。報先世於聚落中。妄自稱尊。受人恭敬。故今還來於此。作野狐精。以昔不明法體。故感疥癩。昔時權實未融。故感一目。昔時鼓弄妖惑。烏合羣黨。無法利於人。故感童子無知者打擲之。昔時惑人。不知休止。故感受痛苦。而致於死。

於此死已。更受鱗身。其形長大。五百由旬。聳駭無足。宛轉腹行。爲諸小蟲之所啞食。晝夜受苦。無有休息。謗斯經故。獲罪如是。

五明嗔毒畜生報。因中見持經者。而懷結恨。故感

鱗身。况妙法具五分法身。真理由謗。故感五百由旬之量。聞大法而聾。感不喜。故感聾。駮無足。腹行用酬多伎。啞食以償貪饕。因中假法。終身受樂。果中受苦。應無休息也。

若得爲人。諸根闇鈍。矬陋癡。盲聾背偃。有所言說。人不信受。口氣常臭。魑魅所著。貧窮下賤。爲人所使。多病瘠瘦。無所依怙。雖親附人。人不在意。若有所得。尋復忘失。

六明轉生人道報。償理智無知。報有三種。一六根不具。二悞醫增疾。三橫罹他殃。因中法眼不明。故

報以諸根暗鈍。三身不能別白。故報以矬陋。權實不明。報以兩手癱曲。正信不立。報以兩足蹇折。無擇法眼。故盲。厭聞妙法。故聾。不信常住法身。故背。因中以妄語惑人。故感人不信。法說非法。故口臭。教惑愚人。故爲魑魅所著。虛受恭敬。故貧賤。理行俱虧。故多病瘠瘦。理智俱失。故無所依怙。憎嫌持經之人。故感人不在意。不以法爲懷。故尋復忘失。總爲不明大法。妄談般若。以謗法故。感報如是。若修醫道。順方治病。更增他疾。或復致死。若自有病。無人救療。設服良藥。而復增劇。

七明貪利謬說報佛爲三界醫王。能瘥五趣三乘生死等病。瘥病之藥。悉具此經。凡人一受師教。便得悟佛知見。則身心病盡。頓出輪迴。邪見衆生。不信佛大乘正法。爲利養故。謬妄宣傳。自悞悞人。故報以爲醫。但知順方治病。不得藥理。不識病原。而返增他疾。如衆生本求妙果。而貪利者。妄說空相。致令聞者。錯亂修習。喪法身。斷慧命。故報以醫人致死。已實未得。而返不受人教化。故自病無人救療。設有以正法開導。卽生嗔惱。故服良藥。而增他疾也。

若他反逆抄劫竊盜如是等罪橫罹其殃如斯罪人  
永不見佛。眾聖之王。說法教化。如斯罪人。常生難處。  
狂聾心亂。永不聞法。於無數劫。如恒河沙。生輒聾啞。  
諸根不具。

八明展轉訛傳報。前人爲利妄說。後人遞相沿習。  
故感報橫殃。宜矣。以下總結。如上三種謗經墮苦  
之人。以因中謗佛。故永不見。謗法。故永不聞。因嫌  
恨眾生。故常生難處。失三寶種。則狂亂。遠離正法。  
故長劫受苦。邪見眾生。因無慧目。甘心不聽。而起  
謗法因緣。故生時卽便聾啞。

常處地獄。如遊園觀。在餘惡道。如已舍宅。駝驢猪狗。是其行處。謗斯經故。獲罪如是。

九明復處地獄報。以償背法自適之愆也。由不向正理。故常居地獄。以正法爲戲。故如遊園觀。戲法之心不捨。故報之如已房舍。所作不淨。故與畜生同處。

若得爲人。聾盲瘖瘂。貧窮諸衰。以自莊嚴。水腫乾疥。疥癩癰疽。如是等病。以爲衣服。身常臭處。垢穢不淨。深着我見。增益瞋恚。姪欲熾盛。不擇禽獸。謗斯經故。獲罪如是。

十明再生人道報以酬所餘之業也。若得者不定之辭。謂罪重必更生地獄。設若罪苦稍輕。或得爲人。依然六根不具。四事俱衰。因中假法得富樂莊嚴。果中得貧苦衆病莊嚴。智人弘法以三身四智六度萬行。而爲衣服。邪人謗法以水腫乾瘠。而自莊嚴。弘法之人。口吐華香。身心皎潔。謗法之者。身常臭處。垢穢不淨。智人悟佛知見。四相頓空。三毒永息。邪者迷佛知見。深着我人。三毒增長。戀着生死。故姪欲熾盛。智性昏迷。故不擇禽獸。以上十段。總屬謗經之報。故一一結云。獲罪如是。悲哉。謗法

者可不懼乎。

告舍利弗。謗斯經者。若說其罪。窮劫不盡。以是因緣。我故語汝。無智人中。莫說此經。

此結前謗者莫說起後信者當說也。前十段既將罪相一一出陳。使人知謗經乃衆罪根本也。故告當機領旨。且云。此但略說耳。若盡爲說者。劫可窮。而罪相不可窮也。末四句。照應章初。我此法印。在所遊方。無智者勿妄傳也。妙樂問。謗經生罪。則經返爲致罪之緣。何益於人。答。罪福皆由心自起。佛意本爲接濟衆生。出死生海。在聞經之人。一念眞信。

當下妙契本心。卽是成佛之緣。不信之人。反生謗毀。便是不信自心是佛。失其根本。轉無量妙樂。而成極苦。此唯自心取致也。於經何涉焉。如迷方者。乃迷者過。非聚落過也。寅二依大慈門。善者當說。分二。卯一分五對釋。

若有利根。智慧明了。多聞強識。求佛道者。如是之人。乃可爲說。若人曾見億百千佛。植諸善本。深心堅固。如是之人。乃可爲說。

此以過現作對。雖標五雙。不出十度。唯行十波羅蜜法者。可以爲說。前六句明現在機。直指云。以智

度爲體。故首言利根性相雙融。故曰明了。差別了了。萬行圓明。故曰多聞強識。此爲求經緣也。若人曾見下。方是明過去因。以施度爲體。億千佛所植福修善。則其施殊勝。無以喻也。能所兩忘。曰深心。施不退轉。曰堅固。知音云。所施植福。不求人天小果。故云深心堅固。由此因緣具足。故當爲說也。若人精進。常修慈心。不惜身命。乃可爲說。若人恭敬。無有異心。離諸凡愚。獨處山澤。如是之人。乃可爲說。此以上下作對。精進修慈。是愍下也。以進度爲體。知音云。常修慈心。勤與樂也。不惜身命。勤拔苦也。

法華抄三卷第二十二  
三  
恭敬無異。是尊上也。以禪度爲體。無異心。是心定。  
離愚處山。是身定。又無異心。是入息不居陰界。乃  
一理恭敬也。離愚處山。是出息不涉衆緣。爲無染  
恭敬也。

又舍利弗。若見有人。捨惡知識。親近善友。如是之人。  
乃可爲說。若有佛子。持戒清潔。如淨明珠。求大乘經。  
如是之人。乃可爲說。

此以內外作對。捨惡近善。是外求。以方便度爲體。  
捨惡。是離俗方便。得近權智。近善。是趨真方便。得  
近實智也。清淨持戒。是內護。以戒度爲體。知音云。

持戒如珠成六根清淨之因。求大乘經。得開佛知見之緣。

若人無嗔。質直柔軟。常愍一切。恭敬諸佛。如是之人。乃可爲說。復有佛子。於大眾中。以清淨心。種種因緣。譬喻言辭。說法無礙。如是之人。乃可爲說。

此以自他作對。愍衆敬佛。是自行。以忍度爲體。知音云。質直柔軟。不爲人所辱也。愍衆敬佛。是不辱於人也。質直者。心如直弦。一切真實。以真實故。不爲人嗔。以柔軟故。自亦無嗔。自旣證得柔順忍三昧。故常愍念一切嗔恨虛假衆生也。自旣知諸佛

所證如是三昧。故常生恭敬也。淨心說法。方是化他。以慧度爲體。於衆中得心淨。是以慧自利也。譬喻說法。以慧利人也。問。此人既能於大衆中。以淨心說法。可謂具真慧矣。况又能以種種因緣譬喻言辭。說無礙法。似乎自利。已得何言。如是之人。乃可爲說。答。豈不聞諸佛開權。但曰以種種因緣等。隨宜說法。此雖曰譬喻言辭說法無礙。但得權乘。未竟實理。故須當爲說此妙法也。

若有比丘爲一切智。四方求法。合掌頂受。但樂受持。大乘經典。乃至不受。餘經一偈。如是之人。乃可爲說。

此與下段始終作對。四方求法。乃叅請之始也。以  
力度爲體。知音云。爲智求法。則信力甚深也。樂大  
不小。乃慧力甚大也。一切智者。實智乃爲一切智  
之本。今所求者。求如來妙智也。四方求者。是廣求  
福慧。合掌頂受。乃受持之切也。求大乘經。是欲趨  
佛果。不受餘經者。欲起利人之行。故不習小乘以  
求自了也。

如人至心。求佛舍利。如是求經。得已頂受。其人不復  
志求餘經。亦未曾念。外道典籍。如是之人。乃可爲說。  
頂受專修。是歸憑之終也。以願度爲體。知音云。不

求餘經。願不欲小也。未嘗外典。願遠諸邪也。舍利。乃佛身之分。正求之當切。故言如人志心。謂求經之心。如求舍利等也。如是至誠求得。一心頂受。如獲至寶。既得深信大乘。豈復有志念小乘。而況欲外道典籍者乎。○二總結應說。

告舍利弗。我說是相。求佛道者。窮劫不盡。如是等人。則能信解。汝當爲說。妙法華經。

是相者。卽上十種善相。然亦略言之耳。若廣說持經得益者。窮劫不致盡也。前教勿妄說者。由不信不解。返爲墮苦之緣。故歷舉謗者十種罪相。令聞

之。縱不信不解。亦勿生謗。則於將來。亦爲漸入佛  
慧之緣也。此舉十種信解者。必得成就聖智。繼佛  
妙果。須當爲說妙法華經也。然世尊將信毀二種。  
善惡果報。顯然舉出。使人知疑信善惡。翻覆成敗。  
有如此者。斯可謂分別解說之極矣。此六十五行  
以罪福勸信。已竟直指云。此品因千二百不悟佛  
知見。乃重煩世尊入泥入水。立此譬喻。由此喻。知  
三界空花。知衆生如夢。知定業難逃。知惡習當斷。  
知權實不二。知真俗一如。知心佛平等。知佛爲一  
大事。因緣出世。知深信定入佛乘。知毀謗定當墮



普為出資及讀誦受持  
輾轉流通者回向偈曰

願以此功德  
消除宿現業  
增長諸福慧  
圓成勝善根  
所有刀兵劫  
及與饑饉等  
悉皆盡滅除  
人各習禮讓  
讀誦受持人  
輾轉流通者  
現眷咸安樂  
先亡獲超昇  
風雨常調順  
人民悉康寧  
法界諸含識  
同證無上道

佛曆二五五九年／西元二〇一五年六月

恭印：一〇〇〇套

流水號：13277  
書號：CH331-07

## 法華授手（上冊）

發行人：簡豐文

出版者：財團法人佛陀教育基金會

地址：100 台北市杭州南路一段五十五號十一樓

網址：<http://www.budaedu.org>

E-mail：[budaedu@budaedu.org](mailto:budaedu@budaedu.org)

電話：(〇二)三三九五一一一九八傳 真：(〇二)三三九一一三四二五

劃撥戶名：財團法人佛陀教育基金會 郵局劃撥帳號：〇七六九九七九

銀行名稱：台灣銀行城中分行（請於電匯或轉帳後告知本會用途）

銀行帳號：〇四五〇〇四五九七五〇三

本會經書免費結緣之請取方式如下：

(一)親臨本會三樓講堂。(二)利用傳真：(02) 23965959

(三)撥打電話：(02) 23951198 分機：11、12

(四)網址：<http://www.budaedu.org/books/>。(五)寫信指定：本會法寶流通股。

為提高服務效率，請您嚴謹考量，慎選所需經書；儘量少用電話，多利用文字方式請取，並請詳寫經書名稱、冊數及收件人姓名、地址、電話、郵遞區號，以減少本會之處理時間；若大量申請，請註明用途，且避免姓名、地址等文字上書寫之錯誤。

◎本會經書，歡迎翻印（請勿增刪），贈送流通，功德無量。

◎本會交通：

※捷運：善導寺站5號出口，至杭州南路右轉，過兩個紅綠燈。

※公車站牌：審計部站→212、299、232、205、276、605、257、262

台北商業技術學院→253、297、237 仁愛路二段→253、297 開南商工→208

仁愛路、杭州南路(紹興街)口→630、270、263、245、621、651、37、261

行政院新聞局出版事業登記證局版臺業字第 三 八 六 九 號







